



Ex Bibliotheca  
majori Coll. Rom.  
Societ. Jesu

8-8.C.21

80544

48



$$i \frac{s}{13}$$





8.368.11

DE REBUS  
HISPANICIS,  
LVSITANICIS,  
ARAGONICIS,  
INDICIS & AETHI-  
OPICIS.



*Damiani à Goes, Lusitani,  
Hieronymi Pauli, Barcinonensis,  
Hieronymi Blanci, Cæsa, augustani,  
Iacobi Teuſj, Lusitani,*


OPERA.

Quorum seriem, vide Lector, pag. sexta.  
*Partim ex manuscriptis nunc primum eru-  
ta, partim auctiora edita.*

*Biblot. Sec.  
Coll. Rom  
Soc. Tesa*



COLONIAE AGRIPPINAE,  
In Officina Birckmannica, sumptibus  
Arnoldi Mylij. ANNO MDCII.  
*Cum gratia & privileg. S. Cæsar. Maiestatis.*



CLARISSIMO  
VIRO D.  
EMANVELI XI-  
MENIO  
NOBILI LVSITANO S.

**H**istoriam, quã accuratè Tullius <sup>lib. 2. de</sup> describit, proceres, magnosque <sup>orat.</sup> viros olim scripsisse, testantur Thucydides, Xenophõ, Sallustius, & qui solus sufficit. C. Iulius Cæsar. Post autem cū hic mos, p̃p̃modū videbatur euanescere, exorti sunt reges, qui ex multis præcipuos. i. viros nobiles & eruditos elegerūt, vt in rebus à se præclarè gestis describēdis, calamos tererēt. Neminē vero hoc diligētiori vnquã studio fecisse, Hispaniarum & Lusitanorū regib. potētissimis noui orbis dominatoribus, manifesto cōstat: quas. n. curas, quos nō sumptus collocarūt, in euocādis vnde quaq; viris doctis, quos huic muneri cū laude præficerēt? neq; id immeritò. Videbāt nimirū, rerū à se gestarū memoriā, tanta cū admiratione ad externos nūquã peruēturā. Horū scriptorū illi, q̃in cōcinnāda historia nō laborabāt, operā suā ponebāt in patriæ natura & opib. illustrandis; inter quos diligētissimi fuerūt, quos ad te *Clariss. D. Ximene* nūc mitto.



## E P I S T O L A

Solent enim amici, quando amoris ignē jam quasi sopitum excitare conantur, amicos sine munere vix vnquam salutare. Familiaritatem vero, quam cum clarissima *Ximendorum* familia, contraxit olim, dum apud ipsos in Belgio versaretur, pater meus, obliquauit Illust. & Generos. D. *Ferdinandus Ximendus*, Eques S. Stephani, Dominus Rochetorum & S. Messani, quando me ex salutarirenouationis fonte ablutum, puerulū suscepit, patruus tuus. Hunc, quia fata nobis, ô nimis feral! Florentiæ abstulerunt, in te translatum (si licet cū Pythagora *παλιγγενεσία* μ. admittere) videor admirari. Si enim virtutem tuā, humanitatemq; cōsidero, cæterasq; fortunæ dotes, quibus inter Lusitanos tuos in primis es celebris: singulare ingenium agnosco, insignem humanitatem suspicio, summam prudentiam, adiuncto plurimarum rerum vsu, qui quasi ætatem superet, admiror. Tibi itaque literarium hoc, cum nouo anno nouum munusculum cōcinnaui, quod Lusitanorum scripta, nemini, nisi Lusitano dignius inscribi possunt, quia gentis istius & inorum gnaro, quia virtutum heroicarū hæredi: cui natura inditum quendam virtutis amorem cōspicimus, qui vt inter priuatos parietes inglorius delitescat, minimè patitur Vnde etiam Lusitanorū præclaris toga sagoq; gestis, pleni sunt omnium historiarum libri, volatq; virtut-

## DEDICATORIA.

virtutum illarum decantatrix fama, per vni-  
uersum orbem nunquam interitura. Accipe  
igitur *Cl.D.Ximene*. munus hoc (crede mihi)  
ab ore rotundo profectum, neque illud ex  
pondere, sed animo metire. In amicitia enim  
nisi apertum pectus videas, tuumque osten-  
das, nihil fidum est, nihil exploratum. Vale.  
Colonię Vbiorum. Idid. Ia. C 15. 15 C. 11. Ex  
gallina Birckmannica.

T. D.

Deditissimus.

Arnoldus Mylius Arn.  
F. Birckmannus.



CATHA-

# CATHALOGVS EORVM

Quæ hoc volumine continentur.

## HISPANICA, LVSTITANICA ET ARAGONICA.

Damianià Goes *Vita.*

*Hispania descriptio, eademq; à calumnijs Seb. Munsteri defensa.*

*Olisiponensis vrbs descriptio.*

*De rebus & imperio Lusitanorum, ad Paulum Iouium disceptatiuncula.*

Hieronymi Pauli *De fluminibus & montibus Hispania. mss.*

*Barcinonensis vrbs descriptio & Episcoporum cathalogus. mss.*

Hieronymi Blanci *Regum Aragonia cathalogus, cum succincta eorum vita. mss.*

## ÆTHIOPICA ET INDICA.

Damianià Goes *De religione & morib; Aethiopũ.*

*Epistola aliquot Preciosi Ioannis, Damiano & Paulo Iouio interpretibus.*

*Deploratio Lappiana gentis.*

*Lappia descriptio.*

*Epistola Emanuel regis Portugallia, ad Leonem X. Pon Maximũ, de victorijs in Africa habitis.*

*Epistola Ioannis III. regis Portugallia &c. de rebus in Oriente feliciter gestis.*

Damianià Goes *Bellum Cambaicum I. seu obsidio vrbs Dienfis.*

*Bellum Cambaicum II.*

*Iacobi Teuij de rebus ad Diuũ gestis commentarius.*

## DAMIANI A GOES

habuit, Fructum à Goes nomine, eiusdem regis cubicularium, hominem probum & amicis utilem. Ille lustrandi orbis iam inde à puero cupiditate flagrabat, ne obscurus domi atq; inglorius, (quod in patria fere quisque neglectus iaceat,) ò senesceret. Per Germaniam itaque & Belgicam Galliam, Lusitanorum Regum negotia gerens, per annos amplius quatuordecim, terra mariq; iactatus, honorificas obviit legationes, ad ipsum etiam Sarmatiae Regem, quae Polonia hodie dicta est senex tandem fama clarus, littereque diues, & prudentia instructus reuertit. Primum igitur in Belgium nauigio delatus, iactis iam vel ingrandiore etate fundamentis, Italia visenda, ut scilicet patriam parentis, per cupidus, eruditorum hominum commendatione Patavium se contulit, anno eius seculi CIO. ID. XXXIIII. Hic in Petri Bemb. hominis ea etate disertissimi, & Patricij Veneti, qui post à Paulo IIII virtutis ergo an. 1539. in Purpuratorum Patrum collegium est allectus, amicitiam se insinuauit. Hic hominis elegantia morumq; suauitate, vehementer delectatus, sponte, quod aium, currentem incitauit, studysq; calcas addidit. Quatuor ipsos annos Patavij commoratus, vsus quoque doctore est Lazzaro Bonamico Professorum disertissimo. Aestate vero dum Vindemialibus feriis cessat onesque dari solent, vltro citroq; peregrinari gruum more consuevit: siue quod ingenio esset Mercuriali, & profectio- ni ad sueuisset, siue quod capitis vertigine assidue conflietaretur, cui malo vectationem praesens adferre remedium medicorum filij affirmarent. Vsus & ami-

# V I T A

citia est crebris litteris Iac. Sadoleti, & Christoph. Madrucci Cardinalium, quorum hic Tridenti, Cardinalis acti ille, praesulem agebat. Anno vero eius seculi **X X X V I I I**. Louanium postliminio redijt, & Conradum Goclenium, quiq; illi succenturiatus fuit, Petrum Nannium Latina doctores lingua, ut disertos homines, & eruditos in primis coluit. Musica autem à pueritia deditus, vsque eò Lusitanica gentis ritu, excelluit, ut ea cõponeret, quae in templis alijs modularentur. Sic & Athenienses Musicam litteris, ac gymnastica, natationique coniunxisse accepimus: pro quibus, è palliata Comœdia, in Togatam retulit Terentius Venationem & Philosophiam, ad quã libero digna homine artes & Musica referantur.

Quod plerique omnes faciunt adolescentuli,

Vt animum ad aliquod studiũ adiungant,  
aut equos

Alere, aut canes ad venandum, aut ad Philosophos.

Musica autem Damiani, popularis eius Andreas Resendius, poeta eius àui non ignobilis, celebravit hoc epigrammate.

Elige vtro mauis horum te nomine dici;

An Phœbi an Orphei; dulcis vterq; modis.

Aut (si non spernis genus,) à quo Musica primum

In-



## DAMIANI A GOES

Inuenta est, nobis sis, Damiane, Tuba!

Huic altera, ex parte respondere Poeticam non ignorans, quod hac rythmis, illa sonis, utraque numeris constet; & licet grandis iam natus esset, discere non erubuit, Latinaque sese Eloquentia addixit, M. Catonis exemplo; qui iam septuagenarius Græcæ litteras (quas cum gente ipsa canepius & angue ad eam diem oderat) tam avidè arripuit, quasi diuturnam sitim explere vellet. Sed quo vsus Damianus magistro? poeta ipse dixerit:

Quis docuit? suus ille Graphæus. quis duxit  
in alti

Pimplæi montis culmina sacra? Graphæus.

Quis pinxit? suus ille Graphæus, Cornelius idem,

Nouit qui & versu, & pingere peniculo.

Cornelius autem hic à Secretis fuit Reip. Antuerpiensis, ut & Ioachimus Polites, Goesæ Zelandiæ oriundus. poeta egregius, & ab Actu Reip. (Graphiarios ibi nominant) qui & carmine Damianum prædicauit. Hic animum tandem ad matrimonium appulit, duxitque Hagæ Comitum, (quod oppidum Batavorum curia est) nobilè virginè Ioannā ab Hargen, liberaliter educatam, elegantis formæ, dignamq; quæ vni illi nuptui daretur, præterea nemini. Quem admodum in Epithalamio, quod post vitā subiecit, Alardus Amstelredamius cecinit.

Sustulit ex ea filium, cui Emanueli nomen à Rege  
illa

# V I T A.

illo Portugallia inuicta: de quo nomine & omine in  
pueri recens nati Genethliacum lufit, Petrus Nannius.

Ab aula ac palatina seruitute, animum pridem ab-  
duxerat, vt studijs se daret commodius, posteritatiq;  
subseruiret, memor illius Marci Varronis sententia,  
qua legendoscribendoq; procudi vitam iubet,  
hortante eodem & stimulos addente versibus, An-  
drea Resendio Eborensi, vate insigni, & aulica iam  
vita pertaso: vt veteris illud poeta, identidem vterq;  
memoria repeteret.

—exeat aula. Qui vult esse pius.

Igitur domicilium Louanij post tot tantasq; pere-  
grinationes, veluti in sede Musarum, collocarat; cum  
ecce tanquam Dauus, Comœdiam turbans, interue-  
nit bellum, quieti eius inuidens. Etenim anno CIO.  
IO. XLII. obsessa vrbs Louaniensis à Martino Ros-  
semio, Duce non impigro, qui Geldrorum copias, Re-  
gis Gallorum auspicijs in Brabantinũ agrum, Caroli  
Casaris vexandi causa, ducebat: & propius factum  
nihil, quam vt urbem occuparet, nisi Scholasticorum  
vu obstitisset, instruente copias animosq; addente Da-  
miano; qui cum senatus populiq; nomine durantibus  
inducijs ad hostes exiisset, & ab ipsis in vincula cõ-  
iectus esset, violatas inducias causantibus, cum socio  
suo Meiero duabus aureorum liliorum millib. redem-  
ptus est; vt terga tandem hostis verterit & in fugam  
se dederit. Cuius etiam virtutis nomine, gratias pub-  
lice studiosis Nannius Rhetor egit, ea oratione qua  
in manib. est: descripsitq; eam ipsam obsidionem Da-

MIANUS,

## DAMIANI A GOES

*manus, Olysi pone. Vt & Gellogallicam illam conit-  
 rationem, obsidionemq; Antuerpiensem Io. Seruilius,  
 verius sane copiosiusq; narrans, quam in sui tempo-  
 ris Annalibus, Paulus Iouius. Ceterum de varjjs Da-  
 miani opusculis, quæ senior Lotanij edidit, approban-  
 te Academia vniuersa, hæc fere leguntur. Dien sis  
 in India oppugnatio, qua Lusitanorum ea virtus  
 enituit, vt profligatis Turcarum copijs, victoria sint po-  
 titi. Lappiæ descriptio ac deploratio, Lauda-  
 tio item HISPANIAE, quam Nannio, vt victo-  
 riam illam, Bembo inscripsit, qui tum, Venetam medi-  
 tabatur Historiam. Sebastiani autem Munsteri calu-  
 mnias refellit, qui Hispanos famelicos, de alieno sem-  
 per saturos & peregrinos homines, duros, feroces,  
 immanes, imperitos, ingenio infelices, inelegantes, in  
 sua Cosmographia venenis referta vocasset. AE-  
 THIOPICA quoque LEGATIO magnam legenti  
 voluptatem adfert: vt & Olysi ponensis vrbus de-  
 scriptio. Igitur hisce ingenij monumentis, & morum  
 suauitate, facilitate, & erga doctos liberalitate non  
 modo apud suos clarus exstitit, sed & exteris homi-  
 nibus carus, acceptusq; vsq; ed fuit, vt vel inuisum, ab-  
 sentemq; vnice diligere. Nam & in Germania, (de  
 Italia enim & Belgio iam commemorauimus,) ob-  
 seruabatur ab eruditis hominibus: Hærico Glareano,  
 Bonifacio Amerbachio, & Sigismundo Gelenio, quorum  
 hic suas in C. Plinij Naturalem historiam Ob-  
 seruationes doctas, iupiter, & laboriosas, Damiano  
 libens dedicauit; Glareanus libris de Musica ho-  
 norifice predicauit. Senex in patriam honore gra-*

## V I T A

gratia à Rege accitus, ut patriam scribere historiam regia auctoritate pergeret, calumnijs amulorum circumuentus, (Virtutis enim comes inuidia est) in vinculis causam dicere coactus est. Tandem in libera custodia domus atq; vrbis versans, domi sue mortuus repertus est. sine apoplectico correptus morbo. siue à furacibus suffocatus famulus, incertum. Illud certum, meliori dignum exitu fuisse. Viuent tamen perpetuo ingenij monumeta. Imagini eius à Philippo Gallico Auerpiae in aes incisæ Benedictus Arias Montanus, elogium hoc adscripsit:

Gentis Thucydides enarrat gesta Pelas-  
gæ,

Romana claret Liuius historia:

Hic, alia ut taceam serâ data scripta fene-  
sta,

Æthiopum accepit nomen ab histo-  
ria.

CAR.

CARMINA HAEC AD DAMIANUM à Goes Equitem Lusitanum,  
quia ipforum in vita eius fit mentio, hic subiecimus.

Epithalamion  
DAMIANI A GOES EQUI-  
tis Lusitani, &  
IOANNAE AB HARGEN HAGEN-  
sis, per Alardum Amstel-  
redamum.

*Nec melius teneris iunguntur vitibus vlmæ,  
Nec plus Loto aquas, littora Myrtus amat:  
Quam Golio lepida est sociata Ioanna marito,  
Quam generosa suum deperit Harga virum.  
Tam bene rara suo miscentur cinnamomum nardo:  
Addita quam vero est Penelope historico.  
Quam platanus riuo gaudet, quam populus vnda,  
Et quam limosa canna palustris humo:  
Tam formosa suum complectitur Harga maritum,  
Tam coniunx Hargam suscipit ipse suam.  
Qualiter aquaeuo sociatam palmitis vitem  
Vlmus amat; iunctum sic colit Harga virum.  
Qualis vbi Oceam renouatus Lucifer vnda  
Laudatur Veneri: sic Equiti Harga places.  
Exit in caelum ramis felicibus arbos,  
Lusitanus ab hac est generatus Eques.  
Vt Phebe stellas, vti fratris lumina Pheben  
Vincunt, sic vincit dotibus Harga suis.*

Fami-

Fœmina digna illis quos aurea condidit ætas  
 Principibus natis, principe digna viro,  
 Digna quidem facies pro qua vel obiret Achilles,  
 Vel Priamo belli caussa probanda foret,  
 Floridior prato, longa procerior alno,  
 Splendidior vitro, candidiorq; niue,  
 Candidulum lucet sic per bombicina corpus,  
 Calculus in liquidis vt numeratur aquis;  
 Nobilis vt species spectando viraginis vrget,  
 Ipse alimenta sibi maxima præbet amor,  
 Carpit item vires, vritq; subinde videndo  
 Fœmina, clamq; faces addit & igniculos.  
 Rure leuis verno flores apes ingerit alueo,  
 Sic Hargæ placidus leniter afflat amor.  
 Vt Venus ante alios astrorum dirigit ignes  
 Luciferum, lucem sic amat Hargæ suam,  
 Arctius ac hederæ procera astringitur ilex,  
 Vnam itidem in carnem corpora suntq; duo.  
 Qualiter artificis unctura pollice ceræ  
 Accipiunt formas igne manuq; datas,  
 Non aliter Goli docilis quoq; coniugis Hargæ  
 Sedula se placido commodat ingenio,  
 Vt flor et semper laurus nec fronde caduca  
 Carpitur, æternum sic habet Hargæ decus.  
 Et prius incipient turre vitæ columbæ,  
 Artra fera pecudes gramina, mergus aquas:  
 Hargam ab amore suo quam duxerit vlla senectus,  
 Ses vir Nestor erit, Tithonusq; senex.  
 Nil adeo validum est (adamus licet alliget illud)  
 Vt maneat cassi firmitus igne thori.

*Nil ita securum blandoq; recognitum amore,  
Non sit ut inferius, suppositumq; thoro.*

Genethliacum  
**IN CL. V. DAMIA-**  
**NI A GOES EQVITIS**  
**LVSITANI FILIVM EMA-**  
**NVELEM.**

PETRI NANNII.

**T** Andem lata dies Erythraeo digna lapillo  
Aduenit, & patrem te Damiane facit  
Ominis haud vani est tanta hac clementia cœli,  
Qua; sua ex hyeme nubila nulla tenet.  
Indulsi natura tibi, brumaq; nouauit  
Tempora, vernali dulcia temperie.  
Quoq; magis posses cognoscere munera diuæ,  
Quamq; haud fortuitis casibus istud agat:  
Antea ab imbriferis maduerunt omnia nimbis,  
Nulla vel à pluuijs hora serena fuit.  
Ut metus adfuerit, ne naufraga terra vetustas  
Deucalionæas perpeteretur aquas.  
Sed postquam in lucem processit pufio dulcis,  
Omnia mutat à clara fuere vice.  
Nil Iouis in vultu residet moestumq; minaxq;  
Nec frontem placidam saua procella tegit,  
Ut matrem foueat, simul ut puerum ipse saluet,  
Maiale arridens fundit ab axe iubar,  
Nil mirum, dedit Alcioni, cum parturit oia,  
Incubitus fœdis imbribus, ut careat.

\*\*

Haud

Haud æquum fuerat tibi, si Damiane negaret  
Quod caput ex ipso parua quotannis aus.  
Sed puero blandus nitidissima lumina spargit,  
Auspiciū vt faciat firmiter inde bonum.  
Imbre madet cælum, quoties miser editur infans,  
Gaudia præfagit lux sine nube micans.  
Adiuuat augurium tam sanctum nomen, vt inde,  
Ad qua sit genitus fata puer, videas.  
Nobiscum Deus est Hebræa voce notatur  
Acceptit nomen quod tuus Emanuel.  
Parca quod adneuit, cognata vocabula monstrant,  
Sic distractus equis rumpitur Hyppolitus.  
Sic Agamemnon habet diuturni prælia Martis,  
Atq; moras belli nomine significat.  
Exitum sonat ipse suum de nomine, primus  
Qui cecidit Phrygia Proteus laus humo.  
Sic Eua viuentum genitrix, sic Moses ab vndis  
Liber ab euentu nomina digna gerit.  
Sic erit Emanuel diuus comitatus vbiq;  
Atq; satisfaciēt nomini officio.  
Cresce puer, patremq; refer, sint numina tecum  
Præsidioq; Dei quicquid ages, facias,  
Regibus atq; Deis commune hoc nomen habetur  
Quod natalitjs accipis augurijs.  
Sit mens cælestis, sit semper numine plena,  
Regius in magno pectore sitq; animus.  
Te Lusitanum, Bataunum, simulatq; Brabantum  
Noris, & has terras esse tuam patriam.

L. Andr.



L. ANDR. RESEN-  
DII AD DAMIANVM A

GOES FQVITEM LVSITA-  
NVM DE VITA AV-

lica Deferenda.

**E**Xemplo Damiane malo, qui primus in aulam  
Duxit, Apollineos vates fecisse videtur.

Attamen exemplo multo peiore poeta  
Iudicio fecere meo, qui regibus illa  
Otia Musarum spe prodigere lucelli,  
Siue illi adducti siue intrupere coacti  
Pauperie. Quorum vita tamen error agenda,  
Hoc tolerabilior, quo fors an iniquior ipsa  
Sauit in quemq, aduerso Rhamnusia vultu.  
Ecquid enim miseris suadere domestica pestis  
Paupertas non possit? ei nec Apollo negaret  
Consultus veniam, veteris nec vallibus Asora.  
Nec bonus Aonidum sacro interdiceret anni.  
Ast ego, cui, quamquam non diues, & intenuire  
Sum modo, & ante fui, vsq, aded malè non fuit vn.  
Vi saltem vitrei cyathi, purumq, salillum, (quam  
Candida mappa, tripes deesset mihi mèsula & hori  
Copia lata mei, quoniam Damiane piabo  
Tbure, quod exosa viuam patienter in aula?  
Quum tamen bis illis qua non fortunam gavit,  
Suauius, & curis vacuus, bene viuere possim.  
I'ossum equidem Damiane, tamen me scua meorū  
Sollicitudo premit, quibus vt pauld & decim, & res,  
Fors magis augeat, conieci memet in aulam.  
Ni faciam id, clament omnes me protinus hostem,

Et desertorem consanguinitatis. at illi  
 Ipsi qui sese desertos esse querantur,  
 Si mihi lar friget. loculis & squalida maret  
 Nonnunquam exhaustis raro nidore culina,  
 Non magis aduertant: ea siue incommoda praeferant,  
 Quam si aleretur ventis, matutinae pruina,  
 Roreue deciduo. noui, experiorq; subinde.  
 Et tamen hac animum induxi perferre, patiq;  
 Nescio quam prudens, certe pius, & pius ultra  
 Quam teneor. nam nec superest sanctissima mater,  
 Nec genitor, & aptus quum vix dum bimulus essem,  
 Ipse autem calebs, & Musis aptior orbis,  
 Non male vixissem peregre, quando otia doctus  
 Docta viris nunquam dat Lusitania nostra.  
 I, miser, & libros sepeli, contemne Thalejam,  
 Aula frequentanda est. veniat te nullus in illam  
 Manere prius, nullus redeat te serius inde,  
 Fac regem videas, nec tu nisi visus abito.  
 Interea expectans, dum non admitteris intro.  
 Illic contracta malas oscedine rumpe  
 Marcidus, aut vngues cultello rade. nec illis  
 Qui prope te sedeant, visu si forsitan atro  
 Quem ridere volent, contrarius esto, sed auge  
 Nonnihil, ijs ipsis post id fabella futurus.  
 Hoc tibi sit studium, vitā hac adolefces, seneq;  
 Dixerit heic aliquis, bene habet, patet ergo poetis,  
 Et doctis patet aula viris. patet Hercule. sed quid  
 Prodest? maiestas non vsus quaeritur illi.  
 Et si Maiestas, non vsus, scire velim, qua  
 Emolumenta miser possit sperare poeta,

Prater

Præter nescio quem forsân splendoris honorem.  
 Esse puta notum, & proceres numerarier inter,  
 Vt summum. sed si census tibi desit auitus,  
 Fortiter esurias, esto tamen aulicus, atque  
 Spe blandire tibi, seruispe, spem tere longam.  
 Lusit at egregios lepidè spes ista poëtas.  
 Postquam nummiuorilegum iurisq; tyranni  
 In regnum & reges regnum obtinuerè, poësis  
 Pessum iſt, eloquijsq; deus, sophiaq; forenses  
 Vulturij pressere iugo, res digna perenni  
 Contigit historia nuper, non ambigis ipse  
 Regibus ut faueat cunctis magis omnibus vnus  
 Diuus Ioannes, si pramia ponere doctis  
 Obscena hæc sinerent barpyia, harereq; vates  
 Parte in nonnulla humane paterentur, haberent  
 Vt vel postremas prima queis iure darentur.  
 Ille sua ingenio in sophiam propensus honestam.  
 Quicquid Aristoteles argutus, quicquid amœnus  
 Dixerat ante Plato, mirè cognoscere auebat,  
 Vt melius quonam pacto foret ipsa gerenda  
 Publicares, sciret, consultis utpote libris,  
 Fallere quod nequeant, quod non affectibus vllis  
 Subcumbant, quod nil sperent, metuantque, nec equi  
 Calliditate mala faciant videatur iniquum.  
 Ergò adsumptus erat, qualem decet esse magistrum  
 Discipuli, quuius diues timet Induatum,  
 Atq; dies aderat cœptu ingentibus ante  
 Dictus, & hora, sua metuens quum prouida parti,  
 Factio qua leges, vili qua nundinat ere  
 Iura sacra intrumpunt, et qua portenta rogabant

Illā forent? et quis terrā pelagiq; potentem  
Discipulum faceret? quā carnificina sophorum  
Tanta erat, ut reges etiā cruciare tremēdos  
Auderet, sine fruge? quasi tum deniq; reges  
Vllum opera facerent pretium si nomen Achae  
Dent sophia, aut charis se tristibus vsq; fatigent.  
Aut quasi Nicomachi proles ēue, nemiū ēue Licet  
Quicquam conferrent. Academi aut villula, prater  
Argumentosas nebulas, comitemq; tumorem.  
Esse satis regi, iuris legumq; peritus  
Fidere, regnorumq; illis committere curam.  
Quod si tamus amor studiorum, tanta libido.  
Iura legat potius, sapiens quid fiatolus aiat,  
Quid ēue sagax Baldus, vehemensq; Accursius horum  
Quod responsa trium Phœbei sortibus antri  
Certa magis soleat rabularum credere vulgus,  
Deniq; vicerunt, quamuis non quatenus ipsi  
Optabant, vicere tamen secumq; triumphans  
Eualuisse ducē firmat am auertere mentem.  
Hac vbi barbaries, vbi monstra, vbi talia morum  
Sunt portenta: quibus tantum licet, & licet ultra.  
Viuerē mēne iuuet? viuat hic Chælius, vni  
Curvatum placet aula, decus, nomenq; poëta  
Quod cupit: amotis habeat rivalibus vnus.  
Nos aula nostrum hunc certē prapōnimus Ossam,  
Ossam denā mea distātem millia ab vrbe,  
Mentitum aspectu faciem Sulmonis aquosi.  
Etsi seruitio me exire liceret honestē,  
Huc ego quando aliud iam non datur, huc ego saltē  
Confugerem, & sua ueni peterē mihi mōte latebras.

Nunc

Nunc cerasorum inter lucos, umbrosa q̃, tempe.  
Nunc riguis inter latus conuallibus hortos  
Citri feros errans, in carmina saepe Bimatrem  
Sapeq̃, Latoiden in carmina compellarem.  
At modo, vix toto versum componimus anno.  
Et nisi me redimo, video Damiane futurum  
Omnino ut pereat, quamquam non aurea, Luci  
Vena tui, certè nec plumbea, me nisi fortè  
Plus amo quam credo. & sanè si denique tandem  
Dū facerent, ut me absq̃ nota leuitatis iniquis  
Eripere his possem fati, & liber abire,  
Non sine me socio tu nunc Antenoris urbem  
Incoleres, tecum Liui memorabile bustum  
Visere, tecum etiam Pataui latissima rura  
Aut manno celeri, aut cisio peragrarè volanti  
Dulcè foret, nunc aduerso me flumine vectum  
Vicini Eridani, vatū sīgmenta notare  
Iucunda, Heliades quā diruisse ferantur  
In ripa mœsta, quanam Stbeneleius heros  
Casum infelicis pueri dum fleret, olorem  
Versus in argutum, niueas adsumpserit alas.  
Nunc prono Hadriacas Brenta descendere in vndas,  
Litoreq̃, Euganeo perucstigare Timaui  
Ostia num maneant, exstent num montibus illis  
Fluminis ora nouem dio celebrata Maroni,  
An magnum vsq̃, aded tellus absorpserit amnem,  
Ut ne parua quidem superent vestigia, quantas  
Voluerit vndarū vasto cum murmure moles.  
Hanc Damiane puta veram me credere vitam,  
Vatibus hanc dignam mentis melioris, eaq̃,

Posse via fama decus immortale parari,  
Non inter fumos ventosa nobilitatis,  
Atq; palatinos scurras, virgère senectam  
Morosam ante diem, inuitosq; adcersere canos,  
Larguiduloq; pati ingenium sordere veterno.  
Hæc tibi de multis, summatim pessima vita  
Fata mea exposui. quæ me non scribere solum,  
Verum etiam memorare piget. quæ cautiore ipse  
Non secus euasti, atque olim Symplegada fertur  
Euasisse vagam ductor Magnesidos Argus,  
Quum Phasin peteret. Quare non nescius horum,  
Desine me infestis posthac agitare querelis,  
Si mea, quod nolle, tibi carminaræ feruntur,  
Et bonus asuescas tandem ignoscentior esse.

Eboræ ad vi. Calend. Nouemb. 1535.



DAMIANI A

GOES EQVITIS

LVSITANI

HISPANIA

DAMIANVS A

GOES EQVES LVSI-

TANVS.

PETRO NANNIO LATINO

apud Louaniens. Professori dignis-

simo, amicoq; non vul-

gari, S D.



VM s<sup>a</sup> penumeror<sup>um</sup> rerum Hispanicarum  
mentio inter nos amantissime Nanni  
incidisset, multis argumentis cognoui  
te nondum iisdem satiatum, ampliorē  
earum notitiam ē scriptis nostris expe-  
ctare. Quamobrem optatis tuis parentes, hac talile-  
ge tibi cudere voluimus, ut si arriiserint, legas, amicisq;  
tuis huiusmodi rerum notitiam cupientibus  
communices, sin minus, Vul-  
cano tradas.

Vale.



A

CLA.

# CLARISSIMO EQVITI ERV- DITIOE ET HVMANI-

tate insigni D. Damiano à Goes,

Petrus Nannius

S. P. D.



Libellum tuum amplissime Damiane, eo animo accepi, vt si mihi ingens thesaurus oblatuſ fuisset, nec alacrior, nec hilarior esse potuissem. Sunt mihi à te alia præclara munera, sed nequaquam pari ratione æstimanda, cum illa tantummodo precij magnitudine, dignitatem habeant, iste de ingenij tui præstantia venerationem mereatur. Admirabilis ibi ordo, singulæque res in suas classes distributæ sunt, quam rationem scribendi maximè videtur Suetonius adamasse. Habent in tuo libro singula suam pæculiarem stationem, hic Regnorum vires, illic Episcoporum & Satraparum opes describuntur. Habent suum catalogum Sancti Hispani, habent viri eruditi, Duces quoque bello clari in sua à te legitima acie constituti sunt. Habent merces sua fora, quas Hispania vel accipit, vel donat. Denique Antipodum munera, quæ duplici ratione Hispanorum sunt, vel quod ipsi hunc orbem inuenerunt, vel quod soli inde omnia deportant, in suas apothecas à te digeruntur. Quid multa? nihil omit- tis quod ad laudem Hispaniæ pertinet. Quamobrè quæ olim de Hispania legebatur, potius admiratione quam



quàm fide prosequerbar, nunc tua authoritate effi-  
cis, ut me non amplius admirantē solū, sed & cre-  
dentem habeant. Non mihi iam figmentū videtur  
auro Tagum turbidū fluere. equas ex fauonio sub-  
ientaneū foetū cōcipere, meritoq; mihi fecisse vi-  
detur Vespasianus, quod vniuersa Hispaniæ ius La-  
tij donarit, rectūq; setiā iudiciū Plinij existimo, qui  
Hispaniā censuit proximā esse Italiæ laudibus. E-  
numerantur enim à te innumerabiles opum fru-  
gumq; thesauri, ut Plutus, & Ceres non alibi quā  
in Hispania, aut certè peculiariter sedes habere  
videantur. Obstrepit hic quædam verba nouitia,  
sed fastidioso lectori, æquo enim æstimatori non  
venia, sed laude dignus habebis, quod res novas  
vetustate incognitas nouis vocabulis, ut intelli-  
gi possint, explicueris. In apologia acrior es, sed sti-  
muli de amore patriæ profectis. amabit tuum pe-  
ctus quisquis pietatem & amat, patriæ studium in-  
ter virtutes adnumerat. Librum igitur tantæ  
utilitatis, quem tu aut Vulcano tradi, aut amicis  
tantummodo communicari iubebas, prælo subie-  
di. Nefas enim putauī id intra paucorum manus  
cōtineri, quod tāto vsui publicè esse posset. Quod  
si singularum prouinciarum eodem modo vi-  
res & opes descriptæ essent, magnum profecto  
instrumentum haberent docti ad historias con-  
dendas, quum nervi bellorum pecuniæ sint, ea-  
rumque inopia vel copia multiplices causas &  
cladium & victoriarum adferat. Fieri non po-  
test ut quis rectè in historia versetur, nisi vtri-  
usque partis opes & copias cognititas habeat, &  
lectorī exponat. qua in re utinam aliquod Latini  
scriptores diligentiores essent, eaque in parte

4  
Thucydidem imitarentur . Tantum igitur mihi  
in rebus tuis te inconsulto permisi, nec offensam  
timui ex hac mea audacia, qui quiduis in Nannio  
tuo & ferre & probare soles. Nec ut iniquior sis,  
ius habes expostulandi, si quod meum esse volui:  
sti, utar pro meo arbitrio. Bene vale ampliss. & e-  
ruditiss. Damiane. Louanij.

# HISPANIAE, CVIVS NOMI-

NA, VARIIS VARIIS

nominibus amplectuntur, hæc se-  
quens est amplitudo, po-  
tentia vbertas-  
que.

**D**E eius situ, latitudine, longitudi-  
ne, atque poli eleuatione, cum  
id satis inter cosmographos con-  
stet, nihil hic dicturi sumus, ea  
autem quæ rariora sunt, expli-  
cabitur.

Nec etiam id tacituri, quod antiqui scrip-  
tores testatum olim reliquerunt, eam adhuc  
auri, argenti, cupri, stanni, plumbi, ferri, om-  
niumque metallorum fœdinis abundare, nec  
non argenti viui, salis quoque vberimam  
esse.

De frugibus non est quod multum disco-  
pte-

## HISPANIA.

ptetur, cùm omnino ferax vini, olei, mellis, lactis, frumenti, fructuumque omnium sit.

Abundat etiam ouibus, bobus, equis generosissimis; piscibusque diuersorum generum. Ferarum quoque & auium miracopia.

Sunt quoque in ea diuersis in locis calidi & frigidi fontes, ad diuersos morbos efficaciam mirabilem habentes.

### DIVIDITVR HISPANIA IN duodecim Regna, nempe,

Castellæ antiquæ & Valentia.

nouæ, Toleti.

Leonis. Gallitiæ.

Aragonæ. Algarbiorum.

Portugalliæ. Murtiæ.

Nauarræ. Cordubæ.

Granatæ.

Quorum regnorum vectigalia vt procomperto habetur, magna sunt, nec enim sigillatim quid ex vnoquoque regno Regibus Hispaniæ accrescat. auderem dicere, cùm dubitè id ne eis gratū futurū sit, an nō. Sed hoc scitō, Reges istius Hispaniæ, quæ à nonnullis imperitis hominibus satis temerè sterilis nuncupatur, annuè vltra quinquagies centena millia dūcatorum aureorum, præter exactiones, inde excipere.

A 5 DE

**D**E regnis diximus, modò ad clerum veniamus, In cuius reddituum computu Lucium Marinæum Siculum sequemur, qui felicius id quam Principum Hispaniæ prouetus explicuit.

Archiepiscopus Toletanus, Castellæ Cancellarius habet annuè plus minus	150000
aureorum ducatorum, habet etiam in suos familiares conferēdos circiter	100000
Archiepiscopus Hispalensis	24000
Archiepiscopus S. Iacobi	20000
Archiepiscopus Granatenfis	10000

## E P I S C O P I.

Episcopus Burgenfis	20000
Episcopus Siguntensis	20000
Episcopus Cunquefis	16000
Episcopus Placentinus	15000
Episcopus Palentinus, Comes Pernienfis	13000
Episcopus Ianenfis	10000
Episcopus Segouienfis	14000
Episcopus Auillensis	8000
Episcopus Camorenfis	12000
Episcopus Cordubenfis	10000
Episcopus Olinensis	10000
Episcopus Leonensis	8000
Episcopus Calahórenfis.	12000
Episcopus Salmanticensis	10000
Episcopus Badaiocensis	6000
Episco-	

# HISPANIA.

7.

Episcopus Ouidensis	6000
Episcopus Cartagenensis	5000
Episcopus Asturgenſis	4000
Episcopus Corientis	8000
Episcopus cinitatis Rodrigenſis	4000
Episcopus Malagenſis.	10000
Episcopus Calixensis	8500
Episcopus Guaditanus	2000
Episcopus Almerienſis	1500
Episcopus Mondonenſis	1500
Episcopus Tuienſis	2000
Episcopus Lugenſis	1500
Episcopus Orenſenſis	3000
Episcopus Canarienſis	8000
Archiepiſcopus Caragucenſis	20000
Archiepiſcopus Valentinus	13000
Archiepiſcopus Tarragonenſis	8000
Episcopus Taraconenſis	5000
Episcopus Hueſcenſis	3000
Episcopus Segorbienſis atq; Albarrazinenſis.	3000
Episcopus Barcinonenſis	5000
Episcopus Leridenſis	5000
Episcopus Tortoſenſis	8000
Episcopus Gironenſis	4000
Episcopus Vrgellenſis	7000
Episcopus Vicquenſis	2500
Episcopus Eunienſis	1500
Episcopus Pampelonenſis	6000

A 4

Sunt

## 8 DAMIANI A GOES

Sunt & alij permulti Episcopi nouarum prouinciarum, Indiarumque Occidentaliū, nuper inuentarum, ex collatione siue iure patronatus quoque Regis Castellæ, quos hic non exprimo.

### REGNORVM PORTV- galliæ & Algarbio- rum.

Archiepiscopus Bracharenfis, qui propter antiquitatem cum Toletano Archiepiscopo, ad hunc diem vsq; de primatu (vt vocât) totius Hispaniæ disceptat, habet 24000.

Archiepiscopus Vlyssipponensis. 1600.

Archiepiscopus Funchalensis 8000.

Episcopus Eborensis 20000.

Episcopus Viseensis 8000.

Episcopus Guardensis 5000.

Episcopus Colimbriensis 12000.

Episcopus Portensis 4000.

Episcopus Lamecensis 6000.

Episcopus Syluensis 4000.

Episcopus Cæptensis 2000.

Præter hos sunt adhuc alij Episcopi Indiarum Orientalium, Africæ & Aethiopiæ, & multarum insularum ex collatione Regis Portugalliæ, quos hic prætereo.

Volui autem hic omnes Episcopales ciuitates Hispaniæ mihi saltē cognitās, cum putem  
ad.

adhuc plures esse, proprijs huius temporis nominibus ob maiorem cognitionem recensere.

Sciendum quoque oīs Hispaniæ cleri prouetus (Abbates excipio) Dulpō maiores quā Episcoporum esse. Idq; præter aliquot decimas & primitias, quæ in multis locis Regib. atq; magnatibus, ex Pontificum indultis colliguntur. Ex quibus quidem redditibus iure omnes simul tenentur vnicuiq; ecclesiæ suū animarum curatum, vt aiunt, siue pastorem alere, qui ex pacto & cōsuetudine, omnia ecclesiæ sacramenta populo gratis, siue in templo, siue extra templum, siue in priuatis domibus administrat. Quod vtinam in cæteris prouincijs fieret, vbi ita pastoratus venduntur, vt pastores pro vitæ alimento, ac pensione soluenda, sacramentorum administrationem sæpe inuiti cogantur nundinari.

Est præterea innumera Abbatiarū & monasteriorum copia, quarum prouentus non solum cleri redditus æquant, sed etiā superāt, inter quas sunt nonnullæ habentes decē, duo decim, quindecim millia ducatorum annue, per multæ inter quatuor, & decem millia fluctuant, innumeræ rursus ab hac summa declinant. ita tamē vt sine aliqua cōtrouersia ij qui se cultui diuino dedere, habeāt in Hispania singulis annis, vltra quadragies centena millia ducatorum, præter id, quod Commē-

datarij, & eorū magistri possident, quæ summa etiam ingens est. Ex quo facile apparet, quam religiosi semper fuerint Hispani, & quam dediti cultui diuino, cum tam liberaliter suas eleemosynas Christi ecclesijs impartiti sint.

Habet vltcrius Regnum Castellæ quatuor Magistros equitum (seu vt vocant) ordinum, qui magnos admodum habent redditus.

Quorum primus S. Iacobi est.

Secundus Calatrae.

Tertius Alcantaræ.

Hæc tria officia dignitatum, temporibus Ferdinadi & Elizabeth catholicorum Regum Castellæ, cum consensu Pontificis ad coronam Regni deuoluta sunt.

Quartus est magister equitum Rhodiensium, ordinis diui Iohannis.

Ordo sancti Iacobi ornatur duobus commendatarijs primarijs, quorum vnus dicitur commendatarius maior Castellensis, alter Leonensis.

Ordines Alcantaræ & Calatrae, habent singuli suum commendatarium maiorem & suum clauigerum, sub quibus maiqrib. commendatarijs ingens commendatariorum equitum est copia, habentium magnos redditus.

Aragonie, Valentie, & Catellonie Regna vnum habent equitum magistrum ordinis Mon-



## HISPANIA. 11

Montesæ, magnos quoq; habentem redditus.

### ORDINES REGNORVM.

Portugalliæ & Algar-  
biorum.

Primus est magister ordinis Christi, qui magister ipse Rex est, cuius ministerij prouentus admodum magni sunt, inde, quod huic ordini omnes prouinciæ inuentæ, tam in Africa, quam in Asia, & Brisilia, cum omnibus insulis, atque Orientalis Indiæ annexæ sint.

Secundus est ordinis sancti Iacobi.

Tertius ordinis, qui de Auis dicitur.

Habent quoque hi ordines suos maiores Commendatarios & Clauigeros, sub quibus etiam est magna equitum Commendatariorum copia, magnos redditus possidentium.

Quartus est magister equitum Rhodiensium, ordinis sancti Ioannis, qui priora Crato dicitur, qui tres magistri magnos etiâ redditus possident.

Magnatum Hispaniæ Index.

Et primum de Regnis Castellæ, Legionis, Aragoniæ, Nauaræ, Granatæ, Valentiniæ, Toleti, Gallitiæ, Mortiæ, Cordubæ.

Primus

## 12 DAMIANI A GOES

Princeps Asturiarū. Dux de Arcos.  
 Dux de Arsona. Dux de Infantazgo.  
 Comestabilis Castell. Dux de Alua.  
 Iæ. Dux Friensis, Dux de Naiara.  
 primus Regis cubi Dux de Maqueda.  
 cularius., Dux de Albuquerque.  
 Architalassus Castell. Dux de Cardona, Co  
 Iæ & Granatæ vul. mestabilis Aragoniæ.  
 go Ammiraldus, & Dux de Segorue.  
 Dux de Medina, Dux de Gandia.  
 de Rio Sequo. Dux de Villa formo-  
 sa.  
 Dux de Scalona. Dux de Luna.  
 Dux de Medina cæli, Architalassus Arago-  
 Dux de Medina Sido nensis Marchio.  
 niæ. Dux de Sauote.

## MARCHIONES.

Marchio de Oristan, te  
 Marchio de Gotia. Marchio de Gibra-  
 no. leon.  
 Marchio de Villena. Marchio de Moya.  
 Marchio de Astorga, Marchio de Logullu-  
 Marchio de Tarifa. do.  
 Marchio de los Ve. Marchio de Zaara.  
 lez. Marchio de Sentilla-  
 Marchio de Zenete. na.  
 Marchio de Coma. Marchio de Marche-  
 res. na.  
 Marchio de Alamon. Marchio de Coria.  
 Mar-

## HISPANIA.

13

Marchio de Elche.	ua.
Marchio de Cuellar.	Marchio de Monte
Marchio de Lom-	maior.
bay.	Marchio de Graial.
Marchio de Molina.	Marchio de Villa
Marchio de Monde-	Franca.
iar.	Marchio de Monte
Marchio de Poza.	Claros.
Marchio de Denia.	Marchio de Sarria.
Marchio de Alcani-	Marchio de Aquilar.
fas.	Marchio de Barlan-
Marchio de Ias Na-	gua.
uas.	Marchio de Cama-
Marchio de Tanara.	raffa.
Marchio de Cerral-	Marchio de Pliego.
uo.	Marchio de Falces.
Marchio de Cagnete.	Marchio de Cortes.
Marchio de Villa no-	Marchio de Valle.

## COMITES.

Comes Catalonia.	Comes de Vregna.
Comes de Roissillon.	Comes de Fera.
Comes de Lampur-	Comes de Cabra.
dam.	Comes de Velalcacer.
Comes de Pincer-	Comes de Miranda
dam.	Castella.
Comes de Vrgel.	Comes de Salinas.
Comes de Benauen-	Comes de Ribagor-
te.	ca.

Co

# 14 DAMIANI A GOES

Comes de Lemos.	Comes de Castro.
Comes de Oropesa.	Comes de Astudillo.
Comes de Alcandet.	Comes de Niena.
Comes de Medellin.	Comes de Aquillar.
Comes de Syrnela.	Comes de Ognate.
Comes de Real de Mâ	Comes de Saluaterra.
canares.	Comes de Parêdes.
Comes de Saldagina.	Comes de Montereî.
Comes de Melga.	Comes de Orgaz.
Comes de Haro.	Comes de Ribadauia.
Comes de Vaninares.	Comes de Pliego.
Comes de S. Stepha.	Comes de Luna.
no de Gormaz.	Comes de Monte a-
Comes de Niebla.	gudo.
Comes de Valentia.	Comes de Coregna.
Comes de Treuigno.	Comes de Fuenfali-
Comes de Ledesma.	da.
Comes de Altamira.	Comes de Cifuentes.
Comes de Pallares.	Comes de Aluadeli-
Comes de Ampurias.	sta.
Comes de Lerin. Co	Comes de Benalca-
mestabilis Nauer.	car.
renfis.	Comes de Sácta Mar-
Comes de Trastama-	tha.
ra.	Comes de Buendio.
Comes de Tendilla.	Comes de Teua.
Comes de Lerma.	Comes de Palma.
Comes de Villalua.	Comes de Vagnares.
Comes de Castaneda.	Comes de Palamos.
Comes de Oforno.	Comes de Miranda
Comes de Ribadeo.	Comes de Delitoza.

Comes de Miranda.	Comes de Oliua.
Nauarræ.	Comes de Gallada.
Comes de Baylen.	Comes de Fuentes.
Comes de Gelues.	Comes de Belchit.
Comes de Oliuares.	Comes de Sastago.
Comes de la Puebla.	Comes de Morata.
Comes de Sancto Ste-	Comes de Lagumera.
phano, del Puerto.	Comes de Quirre.
Comes de Castellar.	Comes de Aithona.
Comes de Cocétayna	Comes de Almenara.
Comes de Albaida.	Comes de Punoenro-
Comes de Aranda.	stro.
Comes de Cinchon.	Comes de Baraias.

## VICE COMITES.

Vicecomes de Alta-	Vicecomes de Bas.
mira.	Vicecomes de Blanes.
Vicecomes de Chel-	Vicecomes de Valdu-
ua.	erna.
Vicecomes de Peral-	Vicecomes de Graia-
da.	no.

Vicecomes de Ebol.	Vicecomes de Sterlie.
--------------------	-----------------------

PORTUGALLIAE MAGNA-  
tes & Algarbiorum.

Comestabilis, qui nunc est infans Ludouicus, Regis frater, ac Præfectus regnorum cōfinium, qui vulgo Fonteiro maior dicitur, is enim Ludouicus magister quoque equitum Rhodiensium est.

Dux Brigantiæ.	Dux Trancossensis.
Dux Colimbriensis.	Dux Barcelensis.
Dux Viseensis.	Dux Aueriensis.

## MARCHIONES.

Marchio de Villa Re- Marchio de Monte  
al. Major.

Marchio de Torres Marchio de Ferrei-  
Nouas. ra.

## COMITES.

Comes de Marialua. Nauarchus, vulgò

Comes de Tentugal. Amiralus.

Comes de Penella. Comes de Sortelha.

Comes de Alcontim. Comes de Castãheira

Comes de Portalegre Comes de Prado.

Comes de Feira. Comes de Redondo.

Comes de Lonle. Vicecomes de Lyma.

Comes Monsancto. Regni Architalassus,

Comes de Faro. vulgò terræ Ami-

Comes de Arganil. raldus.

Comes de Abrantes. Baro de Aluito.

Comes de Vimioso. Rector, siue Prætor,

Comes de Villanova omnium Regno-

Comes de Linhares. rum, vulgo Rege-

Comes de Vidigeira, dor.

Hi Hispaniæ magnates mihi tantum co-  
gniti sunt, puto adhuc alios extra meâ noti-  
tiam esse, quos hic adiungat, quisquis eos me  
melius nouerit. Quorum prouentus viri-  
tim non exprimo. Id enim curiosus lector apud  
Lucium Marinæum Siculum requirat, qui  
rem non omnino infeliciter tentauit. Ego  
au-

autem perspicieñs eum quibusdam istorum Principum plus, alijs minus diuitiarum, quā possident tribuere, & sciens quam difficile sit alienas facultates ad vnguē enumerare, volui potius silere, quam rem non satis appēsam euulgare. Id etiam veritus ijsdem ipsis principibus non satis placitum iri huius rei singularem propalationem. Inter quos autem (nomina sileo) aliquot sunt vt verissimum est, centum, octoginta, septuaginta, sexagintaq; millia ducatorum aureorum annue possidentes. Non pauci quinquaginta, quadraginta, triginta, Multi viginti, quindecim, decemque. Cæteri omnes hac summa inferiores, ad minimum trium millium redditus habent. Sicut sine mēdacio asserere quis possit, Hispaniæ magnatum annuos prouentus vigesies centena millia ducatorum attingere, vel vltra.

Sunt præterea in Hispania non pauci nobiles titilis, vel dignitatibus obscuri, decem, quindecim millia ducatorū annue habētes, estq; aliorū ingēs numerus, qui à millibus ad decem millia ducatorum vsq; annue possidēt.

Sunt etiam Reguli, quos pastores Hispani vocant, triginta, quadraginta, millia ouium, & magnam bouum, equorum, mulorumque multitudinem possidentes, quorum familiæ amplissimæ sunt. Ex quo apparet non frustra dictum in Hispania talentari pretio arietes

tes admissarios emi, asinos quoq; admissarios & asinas ad fœturam xl. festertijs.

Ornatur etiam Hispania maximo Sanctorum numero, quorū Martyrum tantum indicem hic scribere nobis non indignū visum est ceteros propter prolixitatem omittimus.

Vincentius.

Laurentius.

Victor.

Fronto,

Ititius.

Apodonius.

Linxius.

Successus.

Sanctus. & Faustus.

Martianus.

Vrbanus.

Publius.

Matutinus.

Cassianus.

Fœlix.

Ianuarius.

Primitius.

Quintilianus.

Enotus.

Cecilianus.

Frontonius.

Optatus.

Servandus.

Germanus.



# HISPANIA.

19

	Facundus,	
	Primitius	fratres.
	Felix.	
	Cericus.	
	Anastasius.	
Sanctus.	Fauftus.	2
	Ianuarius	2
	Martialis.	
	Speratus.	
	Natalius.	
	Cerinius;	
	Beturius.	
	Felix.	3
	Aquilinus.	
	Lætarius.	
	Ianuauus	3
	Florentius.	
	Fructuosus.	
	Augurius.	
	Eulogius.	
	Claudius.	
	Lupercus.	
	Victoricus.	
	Emetherius.	
	Celodonius.	
	Eugenius primus Archiepiscopus Toletanus.	
Sancta	Zoilus.	
Sancta	Eugratia.	
	Leocadia.	
	B	Eu-

	Eulalia.
	Christeta.
	Sabina      forores S. Vincentij,
	Iulitta, mater S. Cerici.
	Digna.
	Generosia.
	Bessa.
Sancta	Donata.
	Secunda.
	Eurofia martyr & virgo.
	Centolla.
	Helena.
	Nunilonia
	Alodia forores.

Hi omnes, Christi Martyres, vt ex eorum vitis apparet, fuerunt. Est autem aliorum ingens copia, quam ne lectoribus tædio simus, prætermittendam duximus.

Habet hoc tempore Hispania has Vniuersitates opulencia & professorum eruditione celebres.

- 1 Salmanticensem.
- 2 Complutensem.
- 3 Colimbriensem.
- 4 Pincianensem.
- 5 Siguntinensem.
- 6 Oscensem.
- 7 Ilerdensensem.

Quibus viris doctis præclaris Hispania quoq; fulget, accipe.

Fron-

Fronto Præsul & Martyr.

Fulgentius Præsul & Martyr.

Audentius Præsul.

Ioannes Præsul.

Sanctus Ildorus Archiepiscopus Hispalensis.

Sanctus Leander Archiepiscopus Hispalensis

Colimpius Præsul.

Pacianus Barchinonensis Episcopus.

Paulinus Præsul.

Sanctus Victor Præsul.

Vilerius Præsul.

Antonius Præsul,

Sanctus Vincentius Martyr.

Zoilus Martyr.

Sanctus Dominicus Calaguritanus, ordinis prædicatorum autor.

Matorianus vir præclare doctus:

Auitus presbyter.

Sanctus Illefonus Archiepiscopus Toletanus.

Sanctus Iulianus Archiepiscopus Toletanus, cuius meminit Magister Sententiarum lib.4.

Sanctus Antonius Vlyssipponensis, qui Paduanus dicitur.

Paulus Episcopus Burgenfis vir præclare doctus, & Iudæus natione, sponteque Christianus factus, scripsit non pauca  
Theo-



Theologica, nec indocta.

*Alfonsus* Tostatus Episcopus Abulensis, scripsit in nouum & vetus instrumentum.

Rabbi Abenezra doctissimus Iudæus, magnus Theologus.

Rabbi Moyse Iudæus Theologus & Medicus insignis.

Rabbi Daud Chimhi, insignis Theologus.

Moyse Cordubensis Theologus Iudæus.

Rabbi Comora Theologus.

Hugo de Folieto.

Arnoldus de Villa noua, Raimūdi Luli præceptor.

Raimundus Lulsus.

Aquillius Seuerus.

Gualterus.

Ioannes Toletanus.

Iouentius Cardinalis.

Vincentius Monachus.

Duo fratres Coroneles, insignes Theologi.

Franciscus Ximenus, Cardinalis, qui Academiam Complutensem instituit.

Sotion Philosophus Peripateticus.

Auicenna medicus præclarus & philosophus.

Auerrois quoq; Medicus & Philosophus.

Rasis Almancor.

Mesalac Medicus Astrologus.

Habramus Astrologus.

Albumazar Astrologus.

Cacutus Iudæus Lusitanus, magnus Astrologus.

Fortunius Gratianus Iurisconsultus, cuius opera rara, sed absolute scripta extant.

Alfonfus Rex Castellæ, huius nominis decimus, Romanorumq; Imperator, magnus Astrologus.

Henricus infans Portugalliæ Mathematicus insignis, qui primo novas terras suo studio & industria reperit.

Seneca Orator magnus, & Philosophus stoicus.

Anneus Gallion Seneca, Senecæ frater.

Lucius anneus Seneca Tragicus, Annci Gallionis Senecæ filius, Senecæque oratoris nepos.

Columella.

Dexter.

Theodosius Cæsariensis.

c. Julius Higinus, Augusti libertus, Grammaticis insignis.

Portius Latro, Orator insignis.

Lentus Cornelius, præfectus Cæsaris.

Paulus Orosius.

Quintilianus Orator insignis.

pomponius Mela.

Iustinus historicus.

Lucius Latianus Orator.

Seuerus.

24 DAMIANI A GOES

Silius Italicus.

Henricus Marchio de Villena, magnus magicus.

Ioannes Ludouicus. Viues Valentinus, orator.

Damasus Pontifex maximus, insignis Poeta.

Aurelius Prudentius Poeta.

Iuencus Poeta.

Arator Poeta.

Sedulius Poeta.

M. Anneus Lucanus, L. Annei Melæ filius, qui Mela frater Senecæ & Gallionis fuit.

M. Valerius Martialis.

Sextilius Hæna Poeta,

Ruffus Festus A nienus Poeta.

Dec. Iunius Iuuenalis, oriundus ex Aquino Volscorum.

D. Georgius Manrique poeta insignis.

Henricus Gaiadus Poeta Lusitanus, & Meneffius, de quibus Erasmus in suo Ciceroniano meminit.

Laurentius à Caceres Lusitanus, Poeta & vir non vulgariter eruditus.

Ioannes de Mena poeta.

Antonius Nebriffensis eximius Grammaticus & variæ eruditionis vir, vt Erasmus in suo Ciceroniano testatur.

D. Garfias Lassoa Vezapoeta insignis.

Alfon

Alfonſus Virueſius Epifcopus Canarienſis,  
Theologus inſignis.

Gomeſſius peritus Iuris, ſcripſit ſuper Inſti-  
tuta.

Hi omnes præter alios nonnullos, quos,  
cùm adhuc viuant, ſilentio prætereo, Hiſpa-  
ni fuere. ex quo apparet noſtrates non tam  
inſœliciter diſcere, nec verbositate & ſimula-  
tione ſapientiam oſtentare, vel tam multis  
nominibus & conſuetudinibus barbariem  
colere, quam Munſterus in ſuo nouo Ptole-  
meo prædicat, vbi ad imitationem cuiuſdam  
Michaelis Villa nouani, hominis mihi inco-  
gniti, & hac in re non mediocriter lapſi, Hiſ-  
panorum & Gallorum comparationem in-  
duxit, puto eum cùm Baſileæ profiteatur,  
Gallis, ad quos reliqua Baſilea ſpectat, ex-  
cepta tertia fermè parte, qua ſecundum Rhe-  
num Germaniæ adhæret, potius quàm Hiſpa-  
nis ad blandiri voluiſſe. quam obrem vt do-  
ceat ita eſſe, quod dicit, opus eſt, vt nobis de-  
promat vel vnum Senecam, Quintilianum,  
Portium Latronem, Auicennam, Lucanum,  
Prudentium, Iuſtinum, Columellam, Oro-  
ſium, Melam, Silium, Martialem, Iuvena-  
lem & alios iſtis ſimiles, & tum damnet Hiſ-  
panicam indolem, eamque Gallicis & Ger-  
manicis ingenijs poſtponat. quod ſi nec Ger-  
mani, nec Galli iſtos, quos ſupra recitavi, vi-  
ros adæquent (Erasmũ & Budæum excepio)

eximius, qui Carolum magnum Imperatorem & duodecim Franciæ Patres apud Ronces valles deuicit, quanquam Gallorum Annales Hispanis hanc victoriam denegent.

Ferdinandus Gonçalues, Comes Castellæ eius, quæ nunc regnum est, & antiqua Castellæ vocatur, in cuius historia latè patet, quantæ virtutis vir fuerit, atque filius eius Gartias Ferdinandus & Santius nepos.

Rodericus Diaz de Biuar cognomento Gid, qui bonam partem Hispaniarum ex tyrannide Maurorum liberauit, cuius nomen inter Mauros terribile, & magnæ venerationis fuit.

Ferdinandus cognomento Sanctus, Rex Castellæ, qui ex Vandalucia, mira virtute Mauros fugauit, prouinciâque sibi obtinuit.

Iacobus Rex Aragoniæ, qui regnum Valentiniæ & Baleares insulas à Tyrannide Maurorum liberauit.

Alfonsus primus Rex Lusitaniæ, qui ex toto ferme regno Mauros expulit, cuius gesta magis videntur diuina, quàm humana.

Ioannes huius nominis primus, Rex Lusitaniæ, qui cum inops & abiectus esset, propria arte & virtute, Castellanis, maioreque parte Lusitanorum etiam reluctante, totum regnum sibi vendicauit.

Comes Nonius Aluarez Pereira Lusitanus,



nus, qui Regis istius temporibus vixit, cuius insignia gesta historiæ nostræ latè prædicat vir sanè magnanimus, & supra hominum vires in bello strenuus, ex quo duces Brigantie originem suam ducunt.

Ferdinandus infans Castellæ, qui postea fuit electus Rex Aragoniæ, qui miras victorias contra Mauros in ipsa Hispania obtinuit, ut restantur historiæ.

D. Franciscus ab Almeida Lusitanus, qui ingenti classe Babylonæ Sultani, atque multorum Indiæ Orientalis Regum deuicta, Turcas in ipsa India expulit, cuius Ludouicus Ro. in suo itinerario amplam facit mentionem.

Alfonfus de Albuquerque Lusitanus, qui fermè totam Orientalem Indiam sub imperium nostrum reduxit.

Ferdinandus à Vallo, Marchio de Pescara, qui Gallos apud Ticinum debellauit, eosque ex Italia fugauit, quo in prælio Franciscus Gallorum Rex interceptus fuit, & in Hispaniam captiuus adductus.

Ferdinandus Cortesius, Marchio de Valle, qui in Indijs Occidentalibus magnam Temystitam ciuitatem & regnum, non sine incredibili admiratione Regno Castellæ edomuit.

Franciscus Pizarrus, qui in ipsis Indijs Occidentalibus Imperatorem Atabalipā deuicit,

tes admissarios emi, asinos quoq; admissarios & asinas ad fœturam xl. festertijs.

Ornatur etiam Hispania maximo Sanctorum numero, quorū Martyrum tantum indicem hic scribere nobis non indignū visum est ceteros propter prolixitatem omittimus.

Vincentius.

Laurentius.

Victor.

Fronto,

Istitius.

Apodonius.

Linxius.

Successus.

Sanctus. Faustus.

Martianus.

Urbanus.

Publius.

Matutinus.

Cassianus.

Felix.

Ianuarius.

Primitius.

Quintilianus.

Enotus.

Cecilianus.

Frontonius.

Optatus.

Servandus.

Germanus.

# HISPANIA.

19

	Facundus,	
	Primitius	fratres.
	Felix.	
	Cericus.	
	Anastafius.	
Sanctus.	Fauftus.	2
	Ianuarius	3
	Martialis.	
	Speratus.	
	Natalius.	
	Cerinius;	
	Beturius.	
	Felix.	3
	Aquilinus.	
	Lætarius.	
	Ianuauus	3
	Florentius.	
	Fructuosus.	
	Augurius.	
	Eulogius.	
	Claudius.	
	Lupercus.	
	Victoricus.	
	Emetherius.	
	Celodonius.	

Eugenius primus Archiepifcopus Toletanus.

Sancta	{ Zoilus.
Sancta	{ Eugratia.
	{ Leocadia.

B 2

Eu-

	Eulalia.
	Christeta.
	Sabina      sorores S. Vincentij,
	Iulitta, mater S. Cerici.
	Digna.
	Generosia.
	Bessa.
Sancta	Donata.
	Secunda.
	Eurofia martyr & virgo.
	Centolla.
	Helena.
	Nunilonia
	Alodia sorores.

Hi omnes, Christi Martyres, vt ex eorum vitis apparet, fuerunt. Est autem aliorum ingens copia, quam ne lectoribus tædio simus, prætermittendam duximus.

Habet hoc tempore Hispania has Vniuersitates opulentia & professorum, eruditione celebres.

- 1 Salmanticensem.
- 2 Complutensem.
- 3 Colimbriensem.
- 4 Pincianensem.
- 5 Siguntinensem.
- 6 Oscensem.
- 7 Ilerdensem.

Quibus viris doctrina præclaris Hispania quoq; fulget, accipe.

Fron-

Fronto Præful & Martyr.

Fulgentius Præful & Martyr.

Audentius Præful.

Ioannes Præful.

Sanctus Isidorus Archiepiscopus Hispalensis.

Sanctus Leander Archiepiscopus Hispalensis.

Colimpius Præful.

Pacianus Barchinonensis Episcopus.

Paulinus Præful.

Sanctus Victor præful.

Vilerius Præful.

Antonius Præful,

Sanctus Vincentius Martyr.

Zoilus Martyr.

Sanctus Dominicus Calaguritanus, ordinis prædicatorum autor.

Matorianus vir præclare doctus:

Auitus presbyter.

Sanctus Illefonus Archiepiscopus Toletanus.

Sanctus Iulianus Archiepiscopus Toletanus, cuius meminit Magister Sententiarum lib. 4.

Sanctus Antonius Vlyssipponensis, qui Paduanus dicitur.

Paulus Episcopus Burgenfis vir præclare doctus, & Iudæus natione, sponteque Christianus factus, scripsit non pauca  
Theo.



Theologica, nec indocta.

*Alfonfus* Tostatus Episcopus Abulensis, scripsit in nouum & vetus instrumentum.

Rabbi Abenezra doctissimus Iudæus, magnus Theologus.

Rabbi Moyse Iudæus Theologus & Medicus insignis.

Rabbi Daud Chimhi, insignis Theologus.

Moyse Cordubensis Theologus Iudæus.

Rabbi Comora Theologus.

Hugo de Folieto.

Arnoldus de Villa noua, Raimūdi Luli præceptor.

Raimundus Lulsus.

Aquillius Seuerus.

Gualterus.

Ioannes Toletanus.

Iouentius Cardinalis.

Vincentius Monachus.

Duo fratres Coroneles, insignes Theologi.

Franciscus Ximenus, Cardinalis, qui Academiam Complutensem instituit.

Sotion Philosophus Peripateticus.

Auicenna medicus præclarus & philosophus.

Auerrois quoq; Medicus & Philosophus.

Rasis Almancor.

Mesalac Medicus Astrologus.

Habramus Astrologus.

Albumazar Astrologus.

Cacutus Iudæus Lusitanus, magnus Astrologus,

Fortunius Gratianus Iurisconsultus, cuius opera rara, sed absolute scripta extant.

Alfonfus Rex Castellæ, huius nominis decimus, Romanorumq; Imperator, magnus Astrologus.

Henricus infans Portugalliæ Mathematicus insignis, qui primo novas terras suo studio & industria reperit.

Seneca Orator magnus, & Philosophus stoicus,

Anneus Gallion Seneca, Senecæ frater.

Lucius anneus Seneca Tragicus, Ancei Gallionis Senecæ filius, Senecæque oratoris nepos.

Columella.

Dexter.

Theodosius Cæsariensis.

c. Iulius Higinius, Augusti libertus, Grammaticis insignis.

Portius Latro, Orator insignis.

Lentus Cornelius, præfectus Cæsaris.

Paulus Orosius.

Quintilianus Orator insignis.

pomponius Mela.

Iustinus historicus.

Lucius Latianus Orator.

Seuerus.

24 DAMIANI A GOES

Silius Italicus.

Henricus Marchio de Villena, magnus magicus.

Ioannes Ludouicus. Viues Valentinus, orator.

Damafus Pontifex maximus, insignis Poeta.

Aurelius Prudentius Poeta.

Iuencus Poeta.

Arator Poeta.

Sedulius Poeta.

M. Anneus Lucanus, L. Annei Melæ filius, qui Mela frater Senecæ & Gallionis fuit.

M. Valerius Martialis.

Sextilius Hæna Poeta.

Ruffus Festus A nienus Poeta.

Dec. Iunius Iuuenalis, oriundus ex Aquino Volscorum.

D. Georgius Manrique poeta insignis.

Henricus Gaiadus Poeta Lusitanus, & Meneſius, de quibus Erasmus in ſuo Ciceroniano meminit.

Laurentius à Caceres Luſitanus, Poeta & vir non vulgariter eruditus.

Ioannes de Mena poeta.

Antonius Nebriffenſis eximius Grammaticus & variæ eruditionis vir, vt Erasmus in ſuo Ciceroniano teſtatur.

D. Garſias Laffoa Vezapoeta inſignis.

Alfon



Alfonſus Virueſius Epifcopus Canarienſis,  
Theologus inſignis.

Gomeſſius peritus Iuris, ſcripſit ſuper Inſtituta.

Hi omnes præter alios nonnullos, quos, cum adhuc viuant, ſilentio prætereo, Hiſpani fuere. ex quo apparet noſtrates non tam inſcèliciter diſcere, nec verbositate & ſimulatione ſapientiam oſtentare, vel tam multis nominibus & conſuetudinibus barbariem colere, quam Munſterus in ſuo nouo Ptolomeo prædicat, vbi ad imitationem cuiuſdam Michaelis Villa nouani, hominis mihi incoꝑniti, & hac in re non mediocriter lapſi, Hiſpanorum & Gallorum comparationem induxit, puto eum cum Baſileæ profiteatur, Gallis, ad quos reliqua Baſilea ſpectat, excepta tertia fermè parte, qua ſecundum Rhenum Germaniæ adhæret, potius quàm Hiſpanis ad blandiri voluiſſe. quam obrem vt doceat ita eſſe, quod dicit, opus eſt, vt nobis depromat vel vnum Senecam, Quintilianum, Portium Latronem, Auicennam, Lucanum, Prudentium, Iuſtinum, Columellam, Oroſium, Melam, Silium, Martialem, Iuuenalem & alios iſtis ſimiles, & tum damnet Hiſpanicam indolem, eamque Gallicis & Germanicis ingenijs poſtponat. quod ſi nec Germani, nec Galli iſtos, quos ſupra recitauimus, viros adæquent (Erasmũ & Budæum excepio)

quid est, quod conuicium nostræ genti de  
 stupore faciat? Fateor aliud sæculum alio flo-  
 rétius, nec nunc esse laudem eam eruditionis  
 quæ olim Hispaniæ fuit, non tamen bruta est  
 illa terra quæ talia ingenia produxit, nec quia  
 aliquādiu talia non produxit, in omne æuum  
 effœta habenda est. Quod si nunc non tot  
 chartas oblinunt Hispani, quot nonnulli fa-  
 ciunt, nec ededis alienis libris plagium com-  
 mittūt, nihilo deteriores illis, qui se furtis li-  
 brorum venditant, existimandi sunt. Edunt  
 fortasse Hispani pauca, sed edunt sua, nec  
 falsarij hac in parte, nec fures, estque nobis  
 ista modesta scribendi ratio cum Italis com-  
 munis. Non incesso vllam gentem, quorum-  
 dam vitia tantum attingo, & qui de vitijs su-

*Longoli-  
 as ut ex  
 quadam  
 epistola  
 Erasmi  
 ad hanc  
 nostrum  
 Damia-  
 num  
 Goes ap-  
 paret pu-  
 rus, putus  
 Hollan-  
 dus est  
 Schono-  
 nianus  
 dm.* is, genti suæ gloriam, alijs nationibus pro-  
 brum concinnant. Habuit hac tempestate  
 Gallia Budæum, & Fabrum Stapulēsem, & a-  
 lios viros doctos. sed habuit. Conuixerūt et-  
 iam istis nonnulli Hispani illorum eruditio-  
 ne non plane inferiores, quorum nomina  
 cum cogita sint, prætereo. Habuit quoque  
 Germania Erasmum, sed habuit, habuit Lō-  
 golium ambos Batauos, quam prouinciā nō-  
 nulli nec in Germania, nec in Gallia consti-  
 tuunt. Sed sit Germaniæ vel Galliæ, fuerunt  
 isti viri ornamenta incomparabilia suarum  
 gentium, sed fuerunt, ita nobis quoque  
 Quintiliani, Senecæ, alijque innumeri fuisse.

Præ-

Præteriti tēporis est, quod utrobique; pro gloria iactatur, nisi nobis allegent Philippū Melanchthonem, columnen Germaniæ. Fateor eum hoc tempore cum illis antiquis Hispanis in harenā descendere potuisse, si se Theologiæ, ac fidei negocijs non implicuisset, quibus dum incumbit, contabescunt studia illa, ob quæ nostro ævo inclaruit. Nec defuissent Hispaniæ ab hinc annis plus mille præclara illa ingenia, quæ semper enutrire solita fuit illa prouincia, si à Gothis, Alanis, Saracenisque incultis hominibus ab omniq; genere disciplinarum abhorrentibus, non fuisset tam diu occupata. nunc vero hac barbarie utcunque expulsa, non dubitet Munsterus, quin Hispani posthac, ad laudem eruditionis non segni gressu sint progressuri.

Index Ducum Hispaniæ.

Veriatus Lusitanorum Dux, cuius facinora Romanorum historiæ late prædicant.

Megara Dux Numantinorum, Romanorum temporibus præclarus, ut testatur L Florus lib. 2. cap. 18.

Rex Pelaius qui ob vitæ sanctitatem Dei miles vocabatur. Is enim Hispaniam Cantabricam à Maurorum incursionibus immunem fecit, eosque ex regno Leonis ciuitate accepta expulit.

Bernardus à Carpe, Dux præclarus & vir  
eximius.

eximius, qui Carolum magnum Imperatorem & duodecim Franciæ, Patres apud Ronces valles deuicit, quanquam Gallorum Annales Hispanis hanc victoriam denegent.

Ferdinandus Gonçalues, Comes Castellæ eius, quæ nunc regnum est, & antiqua Castellæ vocatur, in cuius historia latè patet, quantæ virtutis vir fuerit, atque filius eius Gartias Ferdinandus & Santius nepos.

Rodericus Diaz de Biuar cognomento Gid, qui bonam partem Hispaniarum ex tyrannide Maurorum liberauit, cuius nomen inter Mauros terribile, & magnæ venerationis fuit.

Ferdinandus cognomento Sanctus, Rex Castellæ, qui ex Vandalucia, mira virtute Mauros fugauit, prouinciâque sibi obtinuit.

Iacobus Rex Aragoniæ, qui regnum Valentiniæ & Baleares insulas à Tyrannide Maurorum liberauit.

Alfonsus primus Rex Lusitaniæ, qui ex toto ferme regno Mauros expulit, cuius gesta magis videntur diuina, quàm humana.

Ioannes huius nominis primus, Rex Lusitaniæ, qui cum inops & abiectus esset, propria arte & virtute, Castellanis, maioreque parte Lusitanorum etiam reluctante, totum regnum sibi vendicauit.

Comes Nonius Aluarez Pereira Lusitanus,

nus, qui Regis istius temporibus vixit, cuius insignia gesta historiae nostrae late praedicant vir sane magnanimus, & supra hominum vires in bello strenuus, ex quo duces Brigantie originem suam ducunt.

Ferdinandus infans Castellae, qui postea fuit electus Rex Aragoniae, qui miras victorias contra Mauros in ipsa Hispania obtinuit, ut testantur historiae.

D. Franciscus ab Almeida Lusitanus, qui ingenti classe Babyloniae Sultani, atque multorum Indiae Orientalis Regum devicta, Turcas in ipsa India expulit, cuius Ludouicus Ro. in suo itinerario amplam facit mentionem.

Alfonfus de Albuquerque Lusitanus, qui ferme totam Orientalem Indiam sub imperium nostrum reduxit.

Ferdinandus à Vallo, Marchio de Pescara, qui Gallos apud Ticinum debellavit, eosque ex Italia fugavit, quo in praelio Franciscus Gallorum Rex interceptus fuit, & in Hispaniam captivus adductus.

Ferdinandus Cortesius, Marchio de Valle, qui in Indijs Occidentalibus magnam Temysitam civitatem & regnum, non sine incredibili admiratione Regno Castellae edomuit.

Franciscus Pizarrus, qui in ipsis Indijs Occidentalibus Imperatorem Atabalipā devicit,

cit, & supplicio tradidit. eiusq; ditiones atq; aliorum principum, sub Castellæ imperium redegit.

Antonius à Leiva, vir præclarus, qui arte & virtute, Italos sæpe armis superavit, & pondus tuendi, contra ipsorum Italorum ac Gallorum potentiam, Mediolanensem Ducatum ad extrema vsq; suspiria sustinere valuit.

Antonius à Sylveira Lusitanus, qui postremo apud Diu Turcas ex India orientali iterum profligauit, & magnum Cambaiæ regnum Lusitanis subiecit.

Goncallus Ferdinandus Cordubensis, qui regnum Neapolitanum nostris temporibus edomuit, idque sub imperium Hispaniarum redegit.

Eduardus pachecus, vir Lusitanus, qui aduersus Regis Calecutij potentiam prolixum cruentumque bellum gessit, in quo diuersas & incredibiles victorias obtinens, ipsum regem fuga salutem petere coegit.

Habuit & habet Hispania alios præclaros Duces, quos prætermitto, & hos tantum, qui virtute cū Cæsare & Alexandro certare possint, pono.

Videtur etiam Hannibal potius Hispanus quam Pœnus fuisse, si Floro fides aliqua est, cum libro 2. cap. 6. asserat ipsum Hānibalem alitum, educatum, & enutritum fuisse in Hispania.

## IMPERATORES GESTIS

præclari, nati &amp; oriundi

Hispani.

Vespasianus.

Titus Vespasianus.

Nerua.

Traianus.

Adrianus.

M. Antoninus philosophus.

Theodosius Magnus.

Arcadius.

Honorius.

Theodosius Minor.

Alfonfus huius nominis decimus, rex Castellæ.

Maximilianus.

Carolus Quintus Rex Castellæ.

Ferdinandus infans Castellæ.

## PONTIFICES Hispani.

Damafus historicus scriptor &amp; poeta.

Ioannes II. medicus insignis, Lusitanus.

Benedictus 13. doctissimus vir.

Calixus 3. Iuris prudentiæ peritissimus.

Alexander sextus.

Vernacula, quæ nostra tempestate ex Hispania in Galliam, & alias prouincias adferuntur, hæc sunt, nec scitu indigna, præter nō pau-

ca

ca, quæ cùm in ipsa prouincia his temporibus  
absumantur, vt puta frumentum, argentum,  
cuprum, plumbum, glassum, rubia tinctorû,  
gossipium, & multa alia, vel quod magni mo-  
menti non sint, in ipso catalogo referre no-  
luimus.

Vehuntur nauigio Brugas ciuitatem Gal-  
liæ Belgicæ, singulis annis quadraginta mil-  
lia lanæ sarcinarum, quas *sauques* vocant, qua-  
rum vnaquæque vt minimum precium vi-  
ginti ducatorum aureorum vel æquat, vel su-  
perat.

In Italiam quoque, ac in alias Galliæ ciui-  
tates, viginti ferme millia sarcinarum ve-  
hantur, quarum quæ in Italia consumuntur,  
quod selectioris lanæ sint, quadraginta, quin-  
quaginta ducatis aureis singulæ venduntur.

Sericum, & panni serici, quæ tam in Gal-  
liam, quàm in Italiam, Angliam, aliasque  
prouincias euehantur, precio innumerabili  
constant.

Deferuntur etiam, vt summatim dicam,  
ex Hispania in Galliam Belgicam, & alias  
prouincias vina multorum generum.

Oleum.

Vuæ passæ.

Saccarum.

Ficus passæ.

Cera.

Sal.

Mel.

Alumen

Oriza.

Murex, siue purpura.

Crocum.

Coccum.

Sme-



# HISPANIA.

33

Smegma, siue fapo.	Balenæ salitæ, atq; ca-
Mala Medica, siue au-	rundem oleum.
rea.	Suberum codex.
Mala Citria.	Gallæ.
Mala Granata, siue	Bacca laurina.
punica.	Hyacinthi.
Cydonites, siue (vt	Gagates.
barbare dicitur) co	Hiaspis.
dignatum.	Alabastrum.
Oliuæ conditæ.	Corallum.
Limones.	Coria hircina:
Capparæ.	Spartum.
Prunapassæ.	Pelles multorum ani-
Amygdala.	malium, ad vestes
Pinei.	suffulciendas.
Castaneæ.	Aurum.
Glycyrrhiza.	Ferrum:
Anisum.	Chalybs.
Caruis.	Stannum.
Anethum.	Minium.
Cuminum.	Argentum viuum.
Corianon siue cori-	Fructus quoq; diuer-
andrum.	forum generum,
Thynni saliti.	saccaro conditi.

C

PRO

## PRO HISPANIA ADVERSVS

Sebastianum Munsterum de-  
fensio.

**E**X hoc charissime Nanní, videre est, Hispaniæ fertilitatem, quam hisce verbis Munsterus egregius Michaelis Villanouani imitator, ad Galliæ comparisonem ita describit. qua in refacit, vt suspecti iudices, inuidia vel muneribus, vel odio obcæcati, soliti facere sunt, qui vera cum intelligant, falsa tamen pronunciant, dum inquit in suo Ptolemæo, vt eius verba referam, *Mercatores ex Hispania, in Galliam deferunt sericum & omnis generis pannos, lanas, crocum, saccarum, oriz an. oleum alumen, grana tinctorum, &c.* Ex Gallia in Hispaniam frumentum, lineas telas, filum, pastel, libros, & minutiora alia mercimonia plurima, vt gladios, specula, acus. Concedamus Galliam mittere frumentum, (quanquam id raro contingat) cum potius id Germaniæ orientali debeatur, cuius frumentum nauibus Batauorum ad litoralem Hispaniã, eamq; oceano attiguam subuehitur, hi enim inuectitia annona ab hinc annis 15. plus minus vsi sunt. Ad mediterranea Hispaniæ exoticum frumentum non peruenit, certe pro singulis culeis ex Gallia, singulæ Holcades frumento onustæ ex Hollandia appulerunt. Tamen  
de-

demus hoc Munſtero & præceptor ſuo Vil-  
lanouano vt vera ſint, quæ dicunt, quid? an  
non ex ipſorum verbis apparet. Hiſpaniam  
Galliæ plus impertire, quam Galliam Hiſpa-  
niæ? Miror autem, cur dum agrorum fertili-  
tatē vtriuſq; provinciæ, inter ſe confert Mun-  
ſterus, aſſeuerat Hiſpaniam vini, frumenti,  
& carniū copia à Gallia vinci. Vbi (vt de hac  
Galliæ vbertate diſceptemus) auditū eſt, aut  
viſum ex Gallia in Hiſpaniam vinum depor-  
tatum eſſe? niſi forte ad continia Cantabriæ,  
& id raro, quippe cum ij magis amplectun-  
tur Hiſpanicum etiam dilutum, quam Galli-  
cum merum. Prodeat nunc Gallia Belgicæ,  
ac Angeliæ, Irlādia & Scotia, ſimul cum Nor-  
uegia, Dacia, Suecia, Moſcouia, Ruſa, Liuo-  
nia, Lituania, Pruſſia, ac tota Orientalis Ger-  
mania, nec non Hollandia, & teſtentur quid  
vini Hiſpanici in ipſarum ſinibus abſuma-  
tur. Deinde ſi iam ex Gallia in Hiſpaniā fru-  
mentum, vt vult Munſterus inuehitur, id nō  
ex natia malignitate ſoli, ſed ex aſpectu, vt  
aiunt, aſtrorum accidit, quæ hoſtiliter ab an-  
no 1516. ad hunc uſq; diem, morbis, cædibus,  
calamitatibus, provinciam afflixerunt, alio-  
qui fertilis eſt Hiſpania, vt teſtatum antiqui  
ſcriptores reliquerunt. Et ubi hæc ſæuities  
ſyderum mitigata fuerit, petent à nobis Gal-  
li frumentum, vt antea ſoliti fuerunt facere.  
Hoc credo ignoraffe Munſterum, Gallos



à nostris crebrius, quā nos ab ipsis olim frumētum expetisse. Nec hoc tempore peregrino frumento indigeremus, si omnes (vt in Gallia & alijs prouincijs fit) Hispaniæ partes quæ coli possunt, colerentur, cuius enim vbertas tanta est, vti maiori anni circulo mediaſtini atq; plebei homines, ex syluestribus fructibus, melle, herbisq; laute victitare possint, quæ res eos parum ad agriculturam propenso efficit. Accedunt ad hoc nouæ Orientalium, Occidentaliumque Indiarum nauigationes, continuum quoq; bellum Africanum, atq; Italicum. quæ nostri magis amplectuntur, quam aratri labores. vnde euenit nō solum apud nos agri culturam negligi, sed etiam metalla, quorum venis adhuc Hispania abundantissime ornatur, ex visceribus terræ non effodi. Cætera quæ Galliæ sunt, veluti lineæ telæ, filum, glastum, facile iudicabis an ea tanti sint, vt cum Hispanicis frugibus conferri possint, quanquam maior pars telarum & filii canabacæi, quæ in Hispaniam apportatur, Batauiæ solum producat. Quod ad carnes autem spectat, verius ipsa veritate est, non tantum in Galliam ex Hispania boves, sed magnam quoque mulorum copiam educi, equos etiam, sed furtim, ob Regum edita Reliqua autē quæ sequuntur, futilia sunt, indignaq; tanta comparatione. Nec hoc contentus Munſterus, vt per omnia suum auctorē

Vil-

Villanouanum sequeretur, stomachū in Hispanos euomit, credo re vera, eum nonnūquam ab aliquo Hispanorum iniuria aliqua laceffitum fuisse, cum sic in eos verbis debacchetur. Ait enim, *fregalu vita Hispani sicut & Itali* (etiam Italos noluit immunes à suo temerario iudicio) *nec tantum cibi & potus, vt Galli & Germani absumentes, nisi sint inuitati, nam tūc se ad saturitatem explent edulj, quia rara eis & maiore auiditate accidunt conuiuia.* Elegans scommma, & dignum quod topographijs prouinciarum inseratur, quasi Gallorum & Germanorum conuiuia splendida plane, & opipera sint habenda. satis ibi ciborum & potus, sed externi homines non de copia conqueri solent, sed de lautitia & elegantia. Sed sinamus vnumquemq; patrio more viuere, atrū panem, stipulis, furfuribusque vna pistis commistum, fœtidam ceruissiam, carnesque salitas, ter quaterque recoctas, assasque sibi suisque familiaribus administrare, vel aquam & herbarum placentas. Quod si de numero conuiuiorum disputandum est, vincunt Germani & Galli Si de magnificentia, splendore, lautitia, elegantia, multis modis Galli & Germani ab Italis & Hispanis vincuntur, Cæterum laudes conuiuiorum si quæ sunt, nō ab Hispanis Hispaniæ, nec à Germanis Germaniæ vindicandæ sunt, sed id iudicium exteris hominibus committendum est, exitus certe & finis cōuiuio-

rum honestior in Italis & Hispanis, quum Germani & Galli eo animo conuiuia aggrediantur, vt vino se adimpleant, refarciantq; quo feruente animus, sensus, iudiciũ, ratio, reuerentia, grauitas, sedulitas, prudentia, & alia multa amittuntur; iniuriæ, cædes, luxus, stupra, clandestinæ locutiones, consiliorũ principum, amicorũq; effusiones, vulnera, plagæ, insidiæ, proditiones, aliaque infinita perpetrantur. Itali & Hispani contra, sic ad conuiuia se ornant, vt bene saturi, & cibis refecti, à mensa discedant. Hic tametsi corporis salus repletionẽ grauetur, animus tamen & ratio, vt accidit in ebrijs, minime læditur. Ita fit vt qui vinum intemperanter ingurgitant, animum, cõscientiã, corpus, honorem, vitam labe tingant. Qui autem cibi voraces sunt, corporis tantum saluti noxij sunt. Istis perpensis, iudicet æquus æstimator, penes quos laus istius rei consistere debeat. Nec mihi ideo ista dicta sunt, quod magni esse momẽti putẽ hac in parte, vel vinci, vel vincere, sed quod ferre nõ potui: Hispanos tanquã famelicos & cœnipetas, nunq̃ nisi de alieno saturõs & Mústero describi. Neq; mea dicta à Mústero accipi volo, veluti recriminationẽ, sed admonitionem, vt cautius posthac & syncerius in suis scriptis agat, virum enim eum bonũ scio, & aliquo vsu familiaritatis mihi cognitũ habeo. Nec prætereũdũ puto id, quod deinceps

idem

idem dicit, cum re non intellecta, *multorum etiam sit opinio, quod duriter & inciviler apud Hispanos aduena excipiantur, adeo, ut itinere defessum sibi vicatim querere cogantur.* Res sic se habet. Olim padochei Hispaniæ, ad quos viatores tam peregrini, quam incolæ diuertere solebāt, fures atq; latrones erāt, sicut Germaniæ, Galliæ, aliarumq; prouinciarū hodierna diē non pauci sunt, quales si non essent, non tam subito in immensum ditescerent. Hæc perpendentes catholici Ferdinādus & Elizabeth Castellæ & Aragoniæ Reges, lege sanxerūt, sub magna mulcta, ne quis cauponum, pandocheorumque quicquam præter domesticū seruitium, & cibi loquendi operam aduenientibus præberet. Pro equis autē, hordeum, auenam, fœnum, stramen tantum venderet, quarum rerum precium, publica æstimatione ipsis forib. diuersoriorum inscriptum est, ita ut barbarissimus, & simplex homo cuiuscunq; nationis, facile intelligat, quid pro domestico seruitio, quid pro equorum alimento, sine aliqua licitatione hospiti dandum sit. Hospes præterea tenetur cum aduena in forum, & ad propolas procedere, vel aliquem ex suis eo mittere, cuius opera utatur externus in eduliorum emptione, quæ empta in diuersorio parantur, parataque ipsis, strata mensa apponuntur. sic fit ut discedente aduena, nihil rixarum oriatur, nihil ei auferatur,

ratur, nihil extorqueatur, cum ipsemet cibos sibi emat, sibiq; ex tabulis diuersorio affixis constet, quid hospiti annumerandum sit. Hæc autem in ciuitatibus & oppidis tantum fiunt, in pagis & villis, vbi propolæ defunt, licet pandocheis edulia vendere pro arbitrio, cætera ex tabularum tessera indicantur. Hæc immanitas non tam færa videtur, quam à Munstero depingitur. Deinde si ad humanitatem Italorum Hispanorumq; respicias, hæc inuenies, cum ad eorum ciuitates veneris. A micitia contracta, officium suum vnusquisque gratis offeret, quicquid dignum visu sit, ostendet, circumspēctis, visisque omnibus, te ipsi in hospitium tuum deducunt. At si quenquam illorum, dum gratus esse cupis, in prandio, vel in cœna retinere volueris, vix ab eis illud impetrabis, id præcauentibus ipsis, ne homini peregrino, & sumptui, & molestiæ sint. tandem ex viginti, si tot comites habueris, vix vnum aut alterum retinebis, nec id efficies, donec clare intelligant ex animo, & non fîcte eos tibi conuiuas velle. Galli contra & Germani, vt verum est, & experti sumus humanissimi in peregrinos sūt, quicquid visendum in suis ciuitatibus habēt, ostendunt, omneque officium benigne exhibent. Sed peractis spectaculis, vbi diuersorium repetis, siue frigide, siue ardentè ipsos inuitas, faciles eos habes, nec opus est magna  
 conten-



contentione precum, idque laudo, est enim illud ingenue cuiusdam & candidæ simplicitatis, nihil fictum existimare in verbis inuitatoris, sed sunt nonnulli improbiores, qui se ultro tuę męse ingerunt, idque magno numero, quos antea nec noueras, nec videras, ijque non quia amici sunt, sed se amicos aliquando futuros sperant, pro Pythagorica lege omnia futurorum amicorum communia credunt, homines me hercle nō male ad vētrem philosophantes, Postremo in Italia, Hispaniaque, dum templa, arces, armamētaria, ædificia, huiusque generis alia inspexeris, vel à domo amici alicuius tui, apud quem hospitaberis, discesseris, si custodib. vel operarijs, aut amici famulis, aliquam gratuitam pecuniolam dare coneris, efficies pro amico, vt inimicus abeas. Tanta est eorū magnanimitas, vt peregrinis hominibus, gratis officium suum exhibere contendant. Et si aliquando talia munera istis accipere contingat, id vi coacti, & omnino reluctantes faciūt. At Germaniæ Galliæque famuli arcium, armamentariorum, templorumq; custodes multo contra, nulla humanitate nec decore seruato, nō tantum non recusant, quod facere non nouerunt, sed antea quam offeras, præbent ipsi manus, sic vt qui sub arcis præfecto meretur, ianitor, custos, pincerna, pistor, lotrix, cocus, omnes demum quotquot sunt, prædā inter

se,antequam des,calculis diuidant. Parique modo in familijs amicorū fit, à quibus enim amicis antea quā discedas, omnes famuli inter se computatione, lucrum aduentantis liberalitatis diuidunt,quæ res ita increbuit, vt pro dedecore iam non habeatur. Ad istummodum humanitate,urbanitateque hæ nationes differunt. Nunc iudicet Munsterus, & ferat ipse sententiam, & dum mores gentium scribere conatur, edat ea tantum, quæ ipse viderit, & certissima habuerit. Mutantur quotidie ciuitates,oppida,mores, viuendiq; hominum rationes, nec iam Germania Galliaque tales quales nobis à Cæsare depinguntur, nec tam barbaræ sunt, quod idem æstimare licet de cæteris nationibus. Quid enim hoc tempore minus verum, quod olim verissimum fuit, mercaturam Germanos ob ferocitatem non exercere,cum hoc tempore nullibi magis Mercurius colatur. Aut eis Solem, Vulcanum, & Lunam deos ascribere, cisdemque ad annum vigesimum vsque pubertatem inuiolatam esse. Non ne si quis id dicat, vaniora dixerit,quam si quis etiamnum Druides adhuc apud Gallos sacrificia administrare,eosque pro victimis vel alios homines, vel seipsos immolare, aut Lusitanos lineis thoracibus in bello uti, aut ex intestinis captiuorum hominum, futura prædicere, vel hordea-

deaceum vinum bibere, & pro oleo butyrū in. conuiuijs consanguineorum vsurpare, cum hæc omnia iam euanuerint, & alia viuēdi ratio introducta sit. Demum si Munsterus nouos nostri temporis hominum mores describere velit, inuisat prouincias vt ipsi fecimus, actūncea quæ experientia viderit, scribat. quod si fecisset. non oleo carere Baleares dixisset, non Hispaniam sterilem, non eius incolas immanes, atq; in discendo rudes, non Nerium promontorium Celticum vocasset. & in Algarbe, cum in Galitia sit, pronunciaffet, nec multa alia vana quæ prætermitto, suo Ptolemæo inferuisset. De his satis, ne videar incandescere, aut minutias rerum non satis minute tractare. Tamē sciat Munsterus hanc ipsam Hispaniam, de qua nunc loquimur, eandem esse, quam ex omnibus prouincijs Cæsar ab initio quæsturæ suæ, semper chariorem & electiorem habuit, in qua nullo tempore, ob hominum magnanimitatem, & militaris disciplinæ industriam, Romani desierunt legiones habere, teste Hirco. Quam etiam Vespasianus tanti fecit, vt ei ius Latij tribuere non formidauerit. Hæc numero deuicta à Romanis, vt Cicero de respons. Aurusp. asserit, nunquam fuit, Sed pietate & religione, quam Romani tunc temporis sibi soli tribuebant. Huic vt cederet terra Cretensis, Iouis in-

cu.

cunabulis elata, Plinius Iunior in suo panegyrico voluit. cui<sup>9</sup> inter alia hæc verba sunt. *Adde tot egregias ciuitates, adde culta incultaq<sup>ue</sup> omnia, vel fructibus plena, vel gregibus, adde auriferorū opes fluminum, adde radiantium metalla gemmarū. Scio fabulas poetarum auribus mulcendu reperas, aliqua nonnulli gentibus attribuisse miracula, quæ dum sint vera, sint singula, nec iam excutio veritatē, sint vt scribitur Gargara prouentu lata tritici, Meuania memoretur armento. Cāpania censeatur monte Gargano, Lydia prædicetur amne Pactolo, dū Hispania vni quidquid laudatur assurgat. Hæc durissimos milites, hæc expertissimos duces, hæc facundissimos oratores, hæc clarissimos vates patit, hæc iudicum mater, hæc principum est, hæc Traianum illum, hæc deinceps Hadrianum misit imperio. Huic te debet imperium cedat his terris terra Cretenfis, parui Iouis gloriata cunabulis. De hac etiam maxima ductus admiratione Budæus li. 4. de Asse, cū multorum antiquorum autoritates in medium attulisset, ita loquitur. Ingenia sunt hæc testimonia de opulentia Hispanie. Vt<sup>er</sup>ius ait. Multa adnotauimus, quæ fide caritura sunt, vt opinor, præsertim apud eos, qui omnia & præterita, & futura præsentis tempora modulis metiuntur &c. Infinita enim sunt, quæ hic de laudibus Hispaniæ scribere potuissem, nisi timerem lectori molestā fore lectionis prolixitatem. Quod si quis latius intelligere cupierit, legat id quod Posidonius, Polybius, Strabo, Iulianus*

Solinus, yterque Plinius, Liuius, P. Valleius, Paterculus, Vegetius, Florus, Póponius Melia, Stephanus de Urbibus, Philostratus, Diodorus Siculus, Martianus Capella, Cælius de antiquitatibus, atq; Budæus testatum de Hispania reliquerunt, apud quos & alios non nullos tales ipsius Hispaniæ laudes reperiet, vt facile iudicaturus sit nos de hac re plura veraque dicere potuisse, quod & fecissemus, nisi obiectiones nimij in patriam amoris, à maleuolis & infestis hominibus timuissemus.

ADVECTITIA QVAE EX A-  
fiæ, Africæ, nouæq; terræ prouincijs, Regibus  
Castellæ & Portugalliæ subditis, quæ innu-  
mera sunt, in Hispaniam aduehūtur,  
ac inde per totam Eu-  
ropam

Primum in Castellam, ex nouis, vel occi-  
dentalibus Iudijs, Hispalim magna vis auri  
deportatur. Argentum.

Aurea vasa & argeneta mira dexteritate opo-  
rata. Vniones Margaritæ.

Smaragdi. Cyanos, vulgo Turquinæ.

Casia. Guaiacum lignum.

Daçtyle.

Indidem ex insulis Canariæ & alijs locis, sac-  
carū, Coria bubula & hircina, pili paci, simiz,

atq;

atque vestes pennisauium miro artificio cōtextæ, & alia admiratione digna,

Quæ in Portugalliam ex prouincijs sibi subditis aduehuntur hæc sunt.

Singulis annis ex Nigritarum regnis deducuntur Vlysliponem 10. 12. millia mancipiorum, præter alia ex Mauritania, India, Brisiliaque aduecta, quæ singula passim decem, 20. 40 50. aureis ducatis venduntur.

Præterea ex Nigritarum prouincia apporatur magna auri copia.

Gosipium Ebur, ex eodemque vasa non ineleganter exsculpta, atque imagines.

Hebanum. Mala Getulica, vulgo paradisi grana, seu mala geta.

Coria bouum, hircorumq; Panni mira arte ex palmarum folijs contexti,

necnon ex Gosipio.

Piper longum.

Oriza.

Zibelli (ut vocant) musiones vel feles.

Dactyli palmarum.

Ex Brisilia, lignum quod Brisil vocatur, & vestes auium pennis contextæ, ac lecti pensiles, ex gosipio, instar retium connodati, & faccarum optimum.

Ex India Orientali & Cathaio.

Piperis annuè tricies, quadragiesque centena millia pondo, cuius centum libræ vendun-

duntur Vlyssipone 34. ducatis, supra quartam ducati partem, quæ summa minimum est duodecim, aut tredecim, aut quatuordecim centenū millium aureorū ducatorum.

Zingiber.

Mulcata miristica, atque eorum flores.

Cynamomum.

Cariophyllon.

Reubarbarum.

Mirabulani omnium generum. Casia.

Dactyli Indici, siue Tamarindi, & omnia aromatum genera.

Crocum Indicum.

Lignum aloes.

Sandali rubri & albi.

Lacha. Hebanum.

Item gemmæ omnium generum pretiosissimæ.

Vniones.

Vasa aurea & argentea, mira industria facta.

Panni serici, & aurei.

Telæ Gosipinæ. Sericum.

Styrax siue styrace, storax vulgo.

Laserpitium, vulgo Belzoi.

Ambar, gris vt vocant.

Musculus.

Nuces Indicæ.

Scutellæ mira arte ex calce concharum factæ, quas *porcellanas* vocant, quarum nonnullæ precio 50 & 60 & 100. ducatorum venduntur, & alia infinita apportantur, quæ ob prolixitatem omitto.

Ele-

Elephantes quoq; quinq; vel sex tempore felicitis Regis Emanuelis inde allati sunt, quorum dū puer ipsius prudētissimi Regis ab intimis cubiculis essem, treis simul vidi, atque Rhinocerotem vnum qui omnes Regem ipsum equitantem præcedebant. Certamini etiam unius istorum Elephantum cum Rhinocerate, interfui, spectaculum sane admiratione dignum, in quo elephas succubuit. Quem ludum Rex ipse felicissimus Emanuel Vlyssipone præbuit Anno (si bene memini) 1515. vel 16.

Ex Insulis Madeira Hesperidum Sancti Thomæ, principis, atque alijs magna sacchari copia. Glastum quoq; & Gosipium ac frumentum ex his insulis vehitur.

Ex Brisilia, ac Nigritarum prouincia psittacorum, cercoptheticorum simiarum, aliorūq; miraculorum, ingens turba apportatur.

Hæc sunt quæ de fertilitate, opibus, nobilitateq; Hispaniæ, à me Nanni doctissime scire petisti, quæ te volente, iubenteq; , ea lege scripsimus, vt omnibus ius faceremus castigandi, mutandi, augendi, quod mirifice exoptamus, haud ignari, plurima esse à nobis omissa, quibus Hispania ornatur, & celebrari possit. Tu interim vi-

ue, & vale, boniq; consule.

Louanij. 12. Cal. Decemb. Anno

1541.

Epi.



49

EPISTOLA D A-  
MIANI A GOES  
A D.

IO. IACOBVM  
FVGGERVM PRO DE-  
FENSIONE HISPANIAE.

**E**X tuis literis amátissimé Iacobe cognoui  
te febris correptú fuisse, ab eadéq; modo  
liberatú, quod nuncium etsi mihi satis ægrú  
fuerit, inde quod morbú tã tetricú sum inue-  
ris, tamé gratú, cū intellexi te penitus ab eius  
tyrãide euasisse, Quod autem ais me parum  
amicè in Munsterú hominè mihi vtcunq; co-  
gnitú debacchatú esse, te iudicè in hac causâ  
eligo, & quid, cū laudes & ybertatè Germa-  
niæ, vti nos Hispaniæ, scripturus esses, in eú, tã  
bi dicédú cogita qui nulla causâ vrgète, Hi-  
spanos famelicos de alieno sèper saturos, in  
peregrinos hominès duros, feroces ac imma-  
nes, nec nò imperitos, ingenio infelices, arro-  
gãtes, iactabúdosq; vocasset, quib. notis Mun-  
sterus gètè nostrá inuasit. Ego vero cõtra, dū  
nostros defendo, quid feci aut commisi? Ger-  
manos profecto & Gallos nò in genere, vt i-  
pse Hispanos, lædo, sed in specie tãtú, & in ha-  
rú prouinciarú famulos & gnathones solú qua-  
si ioco ludès, meâ defensionculá emisi, ipsúq;  
Munsterú virú bonú prædico, què tantú mo-

D

neo,

50 DAMIANI A GOES

neo, vt posthac cauti<sup>9</sup> scribat, & ea quæ cōper-  
ta habuerit, solū typismādet. Quod si fecisset,  
nō tot mēdacia & de sua quoq; Germania suo  
Ptolomeo inseruisset, omitto alios libros de  
Christifide loquētes, quos ipse, euulgauit, quī  
adulterini & fictici jām multis iudicātur, res sa-  
nē si sic est nō admodū pia, nec Christiano ho-  
mine digna. Hęc omnia tibi amantissime Io.  
Iacobe retuli, vt scias me latius in Mūsterum  
stomachari potuisse, q̃ sanē fecissem, nisi esset  
homo Germanus in Germaniaq; natus, quā  
gentē & prouinciā ego tāquā numen semper  
veneratus sum, & in qua eximios amicos ha-  
beo, quorū amicitia sanctissimē inuiolatam  
mihi & volo, & perpetuo seruata cupio. Cēte-  
rū q̃ ad librū Lusitanicū attinet, vidi quē scri-  
bis, p̃ quibus tibi gratias ago maximas, librū  
enim egomet apud Peutingerū vidi, & trūca-  
tim legi, qui re vera ei cū linguā nostrā igno-  
ret, minimē vsui est. Quarēte iterum atq; ite-  
rum oro, vt vel librum ipsum mihi impetres,  
vel eiusdem exemplar vnum, quod si feceris,  
historiæ nostræ, quam in manibus de rebus  
Indicis habemus, magnum adferes adiuuen-  
tū, & nobis facies rem, pro qua tibi perpetuo  
deuincti erimus. Vale, & nos vt facis, ama,

D. Antonium Fuggerum nostro no-  
mine saluta. Louanij II. Aprilis

Anno 1542.

Io.

n

IO. IACOBVS  
FVGGERVS DAMIANO  
A GOES EQVITI LV.  
SITANO.

**N**on opus erat apud me vlla excusatione Damiane amicorum amicissime, quod parum amicè te in Munsterum stomachatum esse scripseram. Id enim ex amicitia & verè sincero animo, quo erga te semper hactenus fui affectus, factum esse credas velim. Ignorabam etenim ipsum Munsterum tam atrociter in Hispanos debacchatum esse, idq; nunc etiam miror, cur ausus fuerit in illam tam vberem & præstantem occasus regionem, quam ipse nunquam viderit, in qua nūquam peregrinatus sit, tam atrociter præter vllam occasionem, ighorans omnium rerum, ita temere inuehi, vt interim taceam qua temeritate in euulgandis adulterinis fidei nostrę libris (vt scribis) usus est. Vt ita re cognita te non solum excusatum, sed ipsum etiam ob insignem eius temeritatem plane odio habeam, & omnium doctissimorum virorum acerrimo stylo perstringendum iudicę, qui non solum de ijs quę non viderit aut expertus sit, ita audacter & temere in publicum proferat, sed etiam ea quę ad sacrosanctę fidei nostrę sustentationem & augmentum pertinent, adulterari non vereatur. Sed vides & ipse cognitum habes, quam peruersa aliquot annis fuerint secula: vt nedum dicere, sed

D 2

& ty.

& typis committere quæuis somnia nonnulli ausi  
 sint. Deus Opt. Max. faxit ut propediem meliora  
 sequantur. Cæterum quod ad librum Lusitanicum  
 attinet, sedulo equidē egi cū Peutingerō, ut mihi  
 eius copiam faceret, idq; tandem impetraui, ea ta-  
 men conditione ne cuipiam ostenderē, neue re-  
 scribi quicquam curarē; quod sanè pollicitus erā,  
 eam solam ob causam, ut quem tanti faciebat li-  
 brum non intellectum viderē, vidi & mox, ut fidē  
 dederam, ne quidquam suspicari possit restitui.  
 Nosti opinor hominem, decrepitū, antiquitatis &  
 raritatis studiosum, qui ob eam causam libro ut  
 arbitror non intellecto delectatur, quod præter se  
 neminem habere credat. Agam tamen sedulo, ut  
 si quidquam impetrandum est à sene, hunc librum  
 eliciam, faciamq; pro viribus ut meam in hoc ne-  
 gocio diligentiam & sedulitatem non defuisse in-  
 telligas. Histe cum coniuge quam optimè  
 valere cupio. Ex Augusta 8 Maij.

1 5 4 2.

DA-

53

D A M I A N I A

GOES EQVITIS LV-  
SITANI.

VRBIS OLISIPONIS  
DESCRIPTIO.

INCLYTO PRINCIPI DOMI-  
no Henrico, portugalliaë infanti sacrosanctæ  
ecclesiæ Romanæ Tituli sanctorum qua-  
tuor coronatorum Cardinali meri-  
tissimo, Damianus Goes E-  
ques Lusitanus.

S. P. D.



Ndicarum rerum historiam, in lucē  
ut darem, cum crebris doctorum ho-  
minum epistolis diu vrgerer, eam ex  
exemplaribus colligere, atque dispo-  
nere pridem cœperam, id quidem  
mibi effectum iri posse, tunc pollicebatur otium meum  
literarium, quo eo quidem tempore laute, & ci-  
tra publicorum negotiorum onera utebar. Sed cum  
mecum perpenderem, mihi id modo deesse, quod  
summe in historia scribenda requiritur, ab incepto  
destiti. Nam ei qui iustam, & absolutam histo-  
riam scribere vult, in primis liberum, & vacuum  
tempus tribuendum est, deinde animi quies, &  
omnium munerum vocatio, postmodum magno-

rum principum fauor, quo industria, & labor studio-  
rum, pramijs adaugeantur. Quocirca (præsertim cum  
neq, cura neq, negotio, carere possem) succisuiis tan-  
tum dierum horis, id quod conimenti temporum de-  
cursu destinatum, concedere, & tribuere proposui,  
& curriculo mearum lucubrationum currens, Olif-  
poni vrbis descriptionem hoc tantum tempore com-  
ponere institui, eamq, tuo duntaxat nomine illis in-  
quam ipsis euulgare decreui, qui à nobis id flagitare  
nusquam destiterunt. In qua sane descriptione, quid-  
quid ad ipsius vrbis originem, & ornamentum inue-  
stigare valuimus, faciliors quam potuimus penicillo  
depinximus. Caterum opusculum hoc quale quale-  
cunq, fuerit, sub tua protectione emittere consulto  
proposuimus, vt quæ nostro huic labori desunt, nam  
forte multa deerunt, quæ nos assequi non potuimus,  
ea tua animi celsitudine, & eximia doctrina, sic fo-  
ueantur, proteganturq, vti ab alienorum laborum  
mordacibus, temereq, calumniantibus, nullo alio  
adminiculo suffulta, sese tueri, defen-  
dereque possint.

Vale.

VR.

# VRBIS OLISIPO- NIS SITVS, ET FIGVRA,

DAMIANO GOE EQVITE

LVSITANO AVTHORE.

**Q**Uæ sunt vrbes nostra hac tempesta-  
te, quas iure oceani dominas, ac  
tanquam Reginas appellare possi-  
mus, quarum ductu & imperio totus o-  
riens, occidentisque hodie nauigatur. Earum  
altera est Olisipo, quæ à Tagi faucibus eius  
oceani partis imperium sibi vindicat, quæ  
Africam, Asiamque immenso maris circuitu  
complectitur. Altera vero Hispalis, quæ à Be-  
ti fluuio occidentem versus, quem hodie di-  
cunt nouum orbem, classibus patefecit. Cuius  
describendæ partes, ijs cõsulto relinquimus,  
quorû scriptis, de huius noui orbis reperti ra-  
tione, multa forte memoriæ mandabuntur.  
Nobis vero, cum de situ, & vrbis Olisiponis  
statu constitutum sit, solummodo scribere,  
non ab re visum fuerit, si antequam negoti-  
um aggrediamur, inde incipiamus, vnde i-  
psa res de qua scripturi sumus, nobilior effe-  
cta sit, nempe de inuento à nostratibus per  
æquora in Indiam itinere. Quæ res vt me-

D 4

mora-

morabilis, ita etiam in ea paulo nobis vagari licebit, atque etiam antiquorum testimonijs, studio nostro lectoribus aperire, quanta difficultas in hoc negotio, se semper obtulerit ijs, qui rem tantis periculis plenam, ausi fuerunt quouis modo tentare. Quocirca ab eo qui summo studio, summaque animi virtute rem tam præclaram nostris temporibus aggredi ausus est, exordium capiemus. Is enim inuictus ille Alfonsi quinti filius, diuus Ioannes secundus Lusitanorum Rex fuit. Ille quidem qui bello regnum suis vindicauit, paceque sibi regni hæreditatem multifarie turbatam restituit. Igitur cum regis indefatigatum animum Indicarum rerum desiderium vehementius agitaret, non nauibus solum ab illa parte litoris Aethiopici, quod ad ea usque tempora à nostris exploratum erat, eam Indiæ plagam, quæ ad ortum solis attinet, inuestigare proposuit, sed terrestribus etiam itineribus negotium auspicari voluit. Quod quidem per homines Lusitanos singulari linguarum, rerumque notitia præditos, in eo libro quem de rebus Aethiopicis scripsimus, factum esse demonstrauiamus. In quo etiam studio, doctrinaque prudentissimi principis Henrici, oceani Atlantici, Aethiopicique insulas, & litora prius, multoque antea inuenta, lustrataque à nostris



# OLISIPONIS DESCRIPTIO 57

stris fuisse, obiter tractamus. Proinde dum Ioannes ille adhuc viueret, industria, auspicijsque Bartholomæi Didaci, viri Lusitani, nauticæque artis peritissimi, frontem ei continentis parti contiguam, quæ recta ad montem Lunæ porrigitur, nostri inuenerunt.

Quæ frons ab Oceano emergens, sinu Hesperico, Prassoque promontorio, immenso tractu terrarum, ad australem cœli cardinem, vtrinque protensa, gradum ferme quintum, & trigesimum attingit. Quibus terminis Ichthiophagorum videlicet, & Anthropophagitarum, nihil literis Ptolomæo cognitum fuisse constat. Quamquam Plinius Mela, Solinus, & Martianus, ex Iuba, Artemidoro, & Xenophonte Lampfaceno, & Nepote Cornelio, de Hannone Pœnorum Rege, & Eudoxo, alijsque qui hoc mare experientia, seu relatu nauigabile tradunt, scribentes, huius itineris notitiam olim fuisse, totumque ab Indis ad Herculeas columnas patefactum, cultaque eius litora esse testentur. Ac insuper testimonijs confirmant. C. Cæsare Augusti filio in Arabico sinu constituto, Hispaniarum nauium, naufragio eiectas fragmentorum reliquias apparuisse. In qua quidem sententia Herodotus eximius antiquitatum indagator, Græcos fuisse asserit, qui mare quod extra columnas vocatur Atlanticum, & rubrum, idem esse mare pro-

certo affirmant. Atque alibi Græci, inquit, qui Pontum incolunt, Oceanum confluere terram, pro comperto habent. Postmodum ex vetustissimis AEgyptiorum annalibus, hæc prodit. Nempe Necum ipsius gentis regem, cum à deprimenda fossa, à Nilo ad Arabicum sinum destitisset, nauibus quosdam Phœnices misisse, quos iussit, Herculis columnis superatis, ad septentrionale vsq; mare penetrare, atque inde in AEgyptum cursum facere. Qui è mari rubro soluentes in australe venerunt mare, denique in AEgyptum per fretum Herculeum post biennium remearunt: & in hunc modum dicunt Græci Africæ litus primo in totum cognitum fuisse. Secundo verò, Xerxis temporibus Africæ promontorium Sata spem superasse scriptis confirmant. Qui admodum navigationis tædio confectus, ad columnas Herculis, vnde in Atlanticum Oceanum prodierat reuersus, in AEgyptum cursum tenuit, Denique Strabo ex Aristonico testatur, Menelaum per Gades circumductum, iter in Indiam fecisse. De qua quidem re, prolixius non agemus, ne longius, quàm res ipsa postulare videtur, digrediamur. Illud quidem verissimum videtur, & ratione credibile, tam vastam, & periculis infinitis obiectam navigationem, ita tum hominum animos affectisse, vt semel inchoata, vel (si attigit) absoluta,

# OLISIPONIS DESCRIPTIO. 59

luta, nemo secundo rem tam arduam, vel potius monstrosam, aggredi auderet. Qui sanè tam immensæ peregrinationis cursus, nostratium, siue indefatigata indole instigante, siue auri sacra fame urgente, tam denique modo frequens habetur, uti non maioris negotij nunc huiuscemodi nauigationem existiment, quàm si in Britanniam, aut in Belgicam, ex Lusitania per Oceanum iter facerent. Huic verò repertæ fronti, ut ad inceptum redeamus, ob rem insperatam, Rex idem Bonæ spei caput nomen indidit: reliquum iam inde Oceanum Indicum nauigandi, occasionem faciliorem, sibi oblatam esse sperans. Cæterum naues illæ quibus Bartholomæum Rex præfecerat, multis casibus, aduersisque tempestatibus disiectæ, ipso Bonæ spei promontorio, ut antea demonstraui-  
mus, superato, flumen ingrediuntur, cui Infantis flumen nomen inditum fuit, eò quod inter cæteras naues, vna cui Rex Lupum Infantem, virum Lusitanum præfecerat, omnium prima ad fluminis Ripam appulsa sit. Inde verò vltèrius progredi minimè tutum esse duxerunt, propterea, quod in tantà maris vastitate, itinerisque, & temporis intercapedine, gentem nullam reperissent, quæ tum nauibus uteretur, veriti ne si longius procederent, non Indos, genus hominum suapte natura

tura cultissimum, ac disertissimum, sed à *alias* nationes, terrasque barbaras, ac immanes offenderent, à quibus fortè etiam grauioribus incommodis premerentur, quàm quæ in ijs experti essent, quorum litora, portusque antea tetigissent. Quare maturè pro rerum facultate, & prudenter animaduersa, mutata velificatione, in Lusitaniam reuertuntur.

Id verò diuino potius quàm humano consilio accidisse crediderim, quod deuicti Oceani gloria, futuro regi integra, fato quodam, intactaque referuari videretur. Interea quidem re infecta, Ioannes Rex moritur: nouisq; rerum momentis occurrentibus, vti tum maximè fieri consuevit, Emanuel Regnum suscepit, statimque biénio postquam regni gubernacula suscepisset, cum omnia domi, forisq; à finitimis regibus tuta satis, ac pacata cerneret: quod à suis maioribus antea summo studio factum esse videbat, in id ipsum animum cœpit intendere. Tres igitur parari naues, ac instrui iubet. Quibus Vascum Gammam, genere Lusitanum, equestris ordinis virum præfecit. Qui comparatis rebus omnibus quæ ad tam longam profectiorem necessariæ videbantur, octauo Iulij anno Dominicæ Incarnationis M. CCCXC VII. idoneum Aquilonem nactus Olisipone soluit, celeriterque, concitatore vento in Indiam lætis auspicijs, sed im-

men-

## OLISIPONIS DESCRIPTIO. 61

menso labore peruenit. Sed nos rebus ijs omnibus cum ipsa India omiſſis, ad inſtitutū noſtrum properemus: Oliſiponem igitur quis primus condiderit, in tanta ſeculorum vetuſtate, pro certo nos affirmare non aude-  
mus, quam tamen inter antiquiſſimas Hiſpa-  
niæ vrbes, annumerandam eſſe, vetuſtiſſimi  
quique ſcriptores teſtantur. Hanc Varro O-  
liſiponem, & Ptolemeus Oliſiponem ap-  
pellant. Strabo verò Vliſſeam, & ab Vliſſe  
conditā eſſe, ex verbis Aſclepiadis Myrliani  
videtur aſſerere. Iſ enim Myrlianus in Tur-  
ditania ludo literario præfuit, atque de gen-  
tibus ipſius regionis librū conſcripſit, prodi-  
ditq; etiā Oliſipone in téplo Mineruæ, frag-  
mēta quædam ſuſpenſatū extare, videlicet  
parmas, Apulſtra, nauiumque roſtra, Vlyſſis  
errores indicantia. Ex quo ſanè loco non ſa-  
tis liquere arbitrantur quidam Oliſiponem  
ab Vlyſſe conditam eſſe. Nobis tamen tanti  
viri teſtimonio adhærere placebit potius,  
quàm illorum dicta comprobare, qui id nul-  
lo certo argumento cauillare conantur. Præ-  
fertim cū Solinus vir apprimè doctus ipſi-  
us Strabonis ſententiā ſit ſequutus. Noſter  
quoque L. Andreas Reſendius vir doctorum  
omnium iudicio & calculo comprobatus, id  
multis in locis ſcriptorum ſuorum, & imita-  
tur & confirmat. Sed quod ad nominis ratio-  
nem attinet, ex quadam ipſius Reſendij ora-  
tio-

tionem, & ex multis vetustissimis tabulis in vrbe ipsa repertis, ab illoque collectis, facile liquet, scribi debere Olisiponem, per O & duplex iota, & simplex s Erat autem Olisipo Romanis temporibus Romanorum ciuium municipium. Plinij grauissimi scriptoris testimonium hoc loco afferre non pigebit. *Municipium (inquit) ciuium Romanorum Olisipo, felicitas iulia cognominatum.* Vnde autem nominis origo emanarit, temere affirmare non audemus. Id enim fortasse tam multis fabulosum videretur, quàm illud Varronis, à Iustino iudicatur. In Lusitania vbi est oppidum Olisipo, monte Tagro, equas è vento suscipere. Cuius sententiam, & Plinius, & Solinus approbarunt. Quam tamen vt diximus, Iustinus his verbis mendosam esse enixè affirmat. *In Lusitania (inquit) iuxta fluium Tagum equas vento concipere multi authores, prodiderunt, quæ fabula ex equarum sæcunditate, & gregum multitudine nata sunt, qui tanti in Gallecia & Lusitania, & tam pernices visuntur, vt non immerito ipso vento concepti esse videantur.* Quæ sententia nobis sanè non ita displiceret: nisi physici rationibus adniterentur probare, naturam ipsam, ex sæmineo tantum sexu, sineque talium congressu, multa gignere, & procreare solitam esse. Quem quidem Varronis locum D. Rodericus Archiepiscopus Toletanus, in sua historia, satis luculenter comprobat.

Mons

## OLISIPONIS DESCRIPTIO 63

Mons verò Tagrus, cuius Varro meminit, meo quidem iudicio ille idem est, quem nos *Sintreum* vocamus, & à quo Lunæ promontorium in mare prorumpit, millia passuum ab Olisipone plus minus viginti, & quatuor. Quod nostris hodie Rocham appellari placuit, siue vt latinè dicam, Rupem. In cuius decliui montis, oppidum, admirabili loci amœnitate, cœlique clementia hodie conspicitur, ingenti ac munifico Regum Lusitaniæ domicilio nobilitatum, quod de nomine montis *Sintram* dixere. Mons verò diuersis ferarum generibus, auiumque, mirè abundans, pecori item pascendo propter singularem soli bonitatem, adeo est accommodus, vt cuilibet facilè possit persuaderi, equas sine admissario concipere, Ad latus porrò huius montis, quod latus ab Oceano patet, vicus passibus circiter duobus millibus in colliculo positus est (*Collares* accolæ vocant) à quo haud ita procul, sub rupe in pelagus procumbente antrum est quod accedente alluitur Oceano, fluctusque introrsus recipientes, salo spuma permisto, recipit in sese, & idem eructat ingenti vndarum strepitu, in quo Tritonem concha canere olim visum nostrum vulgus existimat. Quod ad locū quidē attinet, cōstanter quicquā affirmare nō audeā. Propterea quod ab omnib. id litus propius legentibus, cerni facilè, ac conspici possit.

possit. Tritonem verò Tiberij Cæsaris temporibus visum in Lusitania, auditumque fuisse, ita scribit Plinius. *Tiberio (inquit) principi nuntiauit Olisiponensium legatio, ob id missa, visum auditumq; in quodam specu concha canentem Tritonem, quano scitur forma.* Nec verò illud silentio prætereundum esse duximus. Nostro hoc tempore plerisque in locis huic litori vicinis quoddam hominum genus reperiri, qui & natura, & nomine Marini ab indigenis vocari cœperunt, ob eam præsertim causam, quod hispidum quid in cutis superficie gerentes, notas quasdam squamarum, ac tanquam reliquias antiqui generis, per totum fermè corpus sparsas, præ se ferre, atque retinere videantur. Eos enim ab hominibus marinis, vel Tritonibus, originem, genusque traxisse, pro certo semper habitum est, eiusq; rei initium inde profluxisse à maioribus accepimus Tritones scilicet ad littus prosilire interdum, atq; colludere paulatim assueuisse, eosque fructuum dulcedine delinitos, quorum in ijs locis maxima est copia, eodem reuersos sæpius, ineffabili quodam incollarum astu, eorum aliquot interceptos, ac postea blanditijs ad excultum, mansuetumque genus vitæ traductos esse. Et quidem si fabulosum videbitur, domestica familiaritate, vocales reddi Tritones potuisse, in superque cum Lusitanis consuetudinem vt haberent esse.



# OLISIPONIS DESCRIPTIO. 65

effecisse, fabulosius sanè mihi erit, barbarum incultum, quæ Tritonem, in Africa, in palude Tritonide, profiluissè, ac cum Græcis carriètem, ab Iasone tripodem, quàm Delphos asportabat, vti syrtium periculis, suo ductu euaderet, sibi dari poposcisse. Nostris verò temporibus, vt efficacius testimonium in medium afferam, piscator quidam, dum inter scopulos Barbarij promontorij. filo, hamoq; iuxta D. Virginis sacellū, pisces capere contendisset, derepente ex vndis in scopulum, mas Triton exiliuit, barba prolixa, crinibus oblongis, pectore hispido, facie non admodum deformi, absoluta quæ hominis forma. Qui cum paululum apricatus esset, & hominem à tergo, ipsius formam contemplantem, inspexisset, voce non dissimili prolata, territus confestim in salum se submersit. Hæc piscator de Tritone, siue homine marino cupidus audiendi, compto ordine ac sermone, hodierna die enarrat Deinde paucis ab hinc annis, hanc procul à Lunæ promontorio, vt nobis retulit Ferdinandus Aluarus domus Indicæ scribā, vir integræ fidei, qui iuxta illud litus rusculum habebat, cuique vicinus erat vir probus, minime quæ fallax, is enim vicinus persæpe piscandi gratia, se in quosdam litoris scopulos conferebat. Ibi cum negotium die quadam sceleriter succederet, (vt Ferdinandus ab eo ore tenus

E ac-

accepit) pisces quos hamo capiebat, à tergo  
sui in arinum scopuli anfractum, quo tutius  
asseruarentur, proijciebat. Quod quidem  
persæpe inculcans, interdum nudum adoles-  
centem imberhemque per anfractum con-  
spiciebat. Attamen cùm in illo loco, circum-  
vicini incolæ frequenter nare consuevis-  
sent, credebatur ex ijs aliquem fortè esse. Cui,  
cùm intentus piscationi esset, nihil verbi fa-  
ciebat. Tandem intentius animà dærtens, a-  
dolescentem pisces manu capere, & ad os de-  
ductos edere inspicit. Quare commotus oc-  
currit, hominem petiturus. Qui violento  
cursu, cachinans, ridensque, in fugam sese  
proripuit, pelagoque vrinans sese submer-  
sit. Eodem ferme tempore, è regione vrbis,  
pelago interiecto, non procul ab oppido  
quod *Barrerium* nostri nominant, iuxta Al-  
fonsi Albuquerque viri patricij villam, similis  
formæ hominem marinum ex animem æ-  
stus maris in litus eiecit. Præterea in antiquis  
regni archiuis, quibus ego ipse præsum. extat  
adhuc compositionis chyrographū vetustis-  
simum, inter regem Alfonsum tertium, & Pe-  
lagium Petreiū, equestris ordinis D. Jacobi  
magistrum, transactæ, qua decretum fuit, nō  
magistro ordinis, sed regibus deberi vecti-  
gal Syrenum, aliarumque belluarum, in  
ipsius ordinis litoribus captarum. Vnde  
fa-

## OLISIPONIS DESCRIPTIO. 67

facile colligitur Syrenes, cum de eisdem lex  
lata fuerit, frequentes olim in nostris æ-  
quoribus fuisse. Sed hæc hæc haftenus de Tri-  
tonibus, Nereidibus, Syrenibusque dicta  
sufficiant. Cæterum, ut ad institutum reuer-  
tamur, scire oportet, ut paulò antea dixi-  
mus, nobis de nominis urbis Olisiponis  
origine, & causa, nihil certi constare, imò  
nec quicquam, quod ad ipsius pristinam me-  
moriæ spectet, nec item ad res in ea olim  
gestas, inter Græcos, Latinosue authores  
reperire potuisse, cum minimè dubium sit,  
in ea ciuitate in qua hodierna die tot elogìa,  
epitaphiaque latinis characteribus, lapidibus  
exculpta extant, in ea ipsa, multa & præclara  
facinora transacta priscis temporibus et-  
iam fuisse, quibus nostrum hoc commenta-  
rium ornare, lustrareque valuissimus. Sed  
cum illa omnia, ut ratione licet credere, tem-  
porum iniuria potius, quam scriptorum in-  
curia fortè periissent, ex nostris tantum Lu-  
sitanicis annalibus, cum altius nihil, quod  
minimè fabulosum videatur, repetere au-  
deamus, exordium faciemus. Et post il-  
lam miserandam cladem, qua fermè vniuer-  
sa Hispania à Mauris occupata, Christi fi-  
dem deseruit, quomodo iterum ipsa Oli-  
sipo Christo initiata fuerit, demonstrabi-  
mus. Quæ res sic se habuit. Cum olim as-  
siduis

fiduis incurſionibus Mauri Hiſpaniam impeterent, pij ac Chriſtiani homines vndique opitulandi gratia eo confluebant, Regibus ſuam operam offerentes. Accidit tunc inter alios D. Raymundum Tolofatum Comitem ad Alſonſum Caſtellæ Regem, electum imperatorem, ſubſidio veniſſe: Cui Henricus eius ex ſore nepos, huius expeditionis comes fidiffimus fuit. De cuius Henrici ortu, inter authores non ſatis conuenit. Nam Caſtellani ſcriptores eundem Conſtantinopolitanum eſſe aiunt. Galli autem ex Lotharingia promaſſe aſſerunt, noſtri verò ex Hungaria originis ſeriem deducunt. Attamen nulla certa ratione omnes, id quod dicunt, demonſtrant, qua nos quicquam audacter confirmare poſſimus. Cæterum ob ingentia iſtorum principum merita, Alſonſus Rex, Raymundo Oracam, Henrico verò Theraſiam, filias in matrimonium collocauit. Et quidem Henrico & Theraſiæ, Portugalliæ comitatum in dotem dedit, cuius prouinciæ eo ſanè tempore, præcipua pars à Mauris occupabatur. Ex Theraſia, Henricus Alſonſum ſuſcepit. Is Alſonſus poſt multa, & præclara facinora, pro Chriſti fide acta, cum quinque potentiffimis Regibus Mauris in campis Oricienſibus apud caſtrum viride conflicturus, quos vnico prælio deuicit, à ſuis militibus, in iſſis caſtris vnico tempore

mo-

## OLISIPONIS DESCRIPTIO. 69

momento, Rex electus, creatus, iuratusque fuit, & quidem reluctans, id contumaciter cunctis asserentibus, non decere strenuos milites, tam arduum, contra præclaros reges prælium inire, nisi sub regum vexillo. Affirmant nostri scriptores, ipsum Alfonso, antequam prælium iniret, Christum in cruce appensum in æthere conspexisse, ei victoriam pollicentem, atque ducem fide flagrantem ita respondisse. Domine cum certo sciam, te filium Dei esse, mundi que verum servatorem, non est quod te mihi demonstres. Vade ergo, inquit, & hostibus tuæ religionis, te ea lege ostende, ut nos tantis malis careamus, ipseque credant cognoscantque tua, tui solius nece, mundum vivere, & saluum esse. Ob quod miraculum, scutibasi, quod albi duntaxat coloris, tunc temporis Alfonso ipse gestabat, quinque cæruleos clypeos, pro deuictis quinque regibus, clypeisq; cunctis, in Christi plagarum memoriam, quinque alba puncta, quincunciali ordine Rex ipse subnexuit. Quibus signis ab eo usque tempore Lusitanæ Reges summa cum reuerentia vtuntur, ea que continuò ob mysteriorum gloriam omni debito honore deosculantur amplectunturque. In quibus illud etiam mysterij, scitu dignum, inest, quod si quinque præfatis clypeis, numerum omniū punctorum adiungas, rationem triginta de-

nariorum reperies. Quo quidem pretio, orbis redemptor Christus, à Iuda Iudæis venditus fuit. Igitur affecuti sunt Eulitaniæ Reges, ex tam insigni victoria, ea signorum tam gloriosa mysteria. Quæ signa ut cœlitus à Christo cōcessa fuere, sic ipsis ducibus, nobisq; sub eis militantibus, ipsius Christi fidē in immensum per vniuersum orbem, longius, latiusq; quàm vnquam fuit, nostraq; industria, & labore propagata, euulgataque hodierna diē est. Porro, ut ad scopū reuertamur, cum Olisipo ab hoc rege Alfonso obsideretur, & bello diu præliando, cōfigendoq; oppugnaretur, Christi fidei anno ipsius Christi natalis 1147. restituta fuit. Cui bello etiā nōnulli peregrini milites ex varijs Europæ partibus religionis causa interfuere, quorum nō pauci dimicando desiderati sunt. Nec defuere qui ex ijs miraculorum argumentis, loco sanctorum habiti sunt, inter quos quidā Hēricus fuit, natione Germanus, Bonnæ natus, oppidum est ad ripā Rheni, nō procul à Colonia Agrippina constitutum, cuius Henrici meritis Deus multa & præclara miracula dignatus est facere, ut nostri annales testantur. Hoc Rege Alfonso regnante, non multis diebus post expugnatam Olisiponem, corpus D. Vincentij Leuitæ & Martyris, in ipsam urbem, ex sacro promontorio, ubi diu latuit, relatum est, & in fornice summi templi,

## OLISIPONIS DESCRIPTIO. 71

pli, summa cum reuerentia hodierna die asseruatur. Quam rem diffusè Resendius noster graui carmine prosequutus est. E regione cuius monumenti, Alfonsi quarti Regis, sepulchrum extat, eius inquam qui anno Christi 1340. Alfonso Castellæ Regi suo genero luculentum contra Alboacem Maurorum potentissimum Regem subsidium tulit, cruentissimoque ad flumen falsum prælio, aduersum eundem Alboacem præfuit, & gloriose victor, cognomen Ad falsum victoris vulgo obtinuit. Ob quam causam ipsius Regis mentionem non displicuit nobis hoc in loco facere.

Ad radicem verò huius summi templi, paulò inferius Occidentem versus, interposita platea, facellum diui Antonij, quem Paduanum vocant, admirabili structura, & mira elegantia elaboratum, sese nobis offert, olim ipsius diui Antonij parentum habitaculum, in quo quidem ipse natus, educatusq; fuit, ex cuius natalibus non mediocriser, sese vrbs Olisipo extollit, & meritò quidē cū inter cœlites tā dignè omniū Christianorum cōsensu, sic annumeratus relatusque sit, vt Deo totius Christiani populi sententiam miraculorum fide cōfirmante, ipsius beatiss. Antonij nomen per vniuersum orbē cognoscatur, & reuerēter vbiq; gentium ab omnibus eius memoria colatur, celebretur.

que. Super cuius sacelli epistylum domus  
 ciuica, seu vrbana curia constituta est. De cu  
 ius ordine, serieque regiminis, multa & præ  
 clara dicere potuissemus, si id alienum à no  
 stro instituto non videretur. Quamobrem  
 ad ea quæ polliciti sumus redeamus. Igitur  
 antiquæ vrbis Olisiponis situs, collem excel  
 sum, ad Tagi Ripam deductum vsque, anti  
 quitus solummodo occupabat, nunc verò  
 plures montes, ac valles, magnitudine ample  
 ctitur. Cuius potissima, celeberrimaque pars  
 Orienti opposita est: qua potissimum parte,  
 suscepto iam Tago, pelagus in latitudinem  
 millia passuum sex patet. Ex aduerso late re  
 duo sinus efficiuntur; quorum vnus, Aquil  
 onem versus introrsum reductus ad fre  
 quentem hac tempestate vicum *Gallecum* no  
 mine, alter verò ad meridiem paulum defle  
 xus, ad vicum *Conam* quotidianas habent na  
 uigationes. Ab eodem verò latere paulò in  
 ferius, oppidum *Almada* situm est, in extre  
 mo frontis, quam Cornentis sinus obliquo  
 circuitu emittit. Quo quidem loco pela  
 gus à licentiosa sinus vastitate paulo co  
 arctatur. Illincque ad vrbem traiectus  
 est, passibus paulo minus, quàm millib  
 us quatuor. Ripa verò lateris eius ferè  
 præcipitio in mare descendens, ac dorso  
 in arcus similitudinem ad meridiem sese incli  
 nans, ad Barbariū promontoriū extenditur,  
 Me-



Medijs his anfractibus, sinuosa, deuia, quasi  
 syrtes inter sunt: in quibus aurum arenis in-  
 uolutum nostri conquirunt, eo præcipue lo-  
 co quem *Addisam* nuncupant: quod item ple-  
 risque locis in ipsa Tagi ripa fieri consuevit.  
 Nec à veterum sententia discrepat, qui Ta-  
 gum auro, gemmisque affluere scripserunt.  
 Ab hoc rursus Barbario promontorio, ad ci-  
 teriorem litoris partem, quæ occasui subie-  
 cta est, in mare progreditur lunæ promon-  
 torium, à quo ingenti flexu, veterum Turdulo-  
 rum fines exoriuntur. Quod litus in hanc vs-  
 que ætatem, à nostris, vetus appellari consue-  
 uit. Interius, nõ magno deinde interuallo, in  
 extimo Olisiponensis sinus ostio, fanum Vir-  
 gini matri, quam Ductricem appellant, dica-  
 tum, in scopulis inspicitur, vbi nocturnis  
 facibus accensis, nauigantibus iter noctu præ-  
 monstratur, ne locorum ignari, ad vada,  
 scopulosque vicinos, naues allidere cogan-  
 tur. Interiora legenti Aquilonem versus, op-  
 pidum *Cascale* situm est, quo naues, onera-  
 riæ in anchoris consistentes, accedente ma-  
 ris æstu, auram operiuntur, portu vadoso alio-  
 qui, & anfractuoso. Modico inde interuallo,  
 aduerso etiam flumine, sinus in cubiti formã  
 efficitur, in cuius fronte sacellum est diui Iu-  
 liani, supra quod aliud diuæ Catherinæ sa-  
 crum. Tum eodem latere obliqua ripa, pro-  
 pius ad urbem accedenti, Bethleem Oppidu-  
 lum,

lum, & ibi templum ingens diuæ Virginis  
 catum, vna cum cœnobio monachorum, qui  
 diui Hieronymi vitæ institutū professi sunt,  
 se se offert, incredibili sumptu, ac magnifica-  
 tia, constructum, diui Emanuelis regis mo-  
 numentum, quod dum viueret, sibi ipse desi-  
 gnauit erexitq; Magnam tamen ipsi operi ac-  
 cessionem Ioannes tertius Emanuelis filius,  
 qui nunc feliciter regnat, & fecit, & facere nō  
 cessat. De qua re extat ibi in arcu celebre Re-  
 sendij nostri bessalibus literis tetrastichon,  
 quod quia à multis externis hominibus eo-  
 accedentibus describitur, ponere non graui-  
 bor.

VASTA MOLE SACRVM DIUI-  
 NAE IN LITORE MATRI.  
 REX POSVIT REGVM MAXI-  
 MUS EMANVEL.  
 AVXIT OPVS HAERES REGNI  
 ET PIETATIS, VTERQVE.  
 STRUCTVRA CERTANT, RE-  
 LIGIONE PARES.

Turris verò ex aduerso, quatuor tabulato-  
 rum extat, quadrato extructa saxo, quam  
 latis in mare molibus, ipse etiam Emanuel  
 Rex in edificari curauit, vti salo vndique cir-  
 cundata, ab omni subita hostium vi, & im-  
 pressionē, tuta redderetur: nullæque naues,

## OLISIPONIS DESCRIPTIO 75

ijs inuitis, qui turris præsidio impositi sunt,  
 propter angustias, ad urbem propius au-  
 derent accedere. Hinc autem ad primum  
 urbis cornu, trium millium passuum in-  
 terest spatium: quo excursu crebra villa-  
 rum suburbanarum ædificia, mira elegan-  
 tia & amœnitate cōstrueta, licet cernere. Ru-  
 ra item, ac pascua, præter maximam omnis  
 generis fructuum copiam, summam etiã pul-  
 chritudinem, ac iucunditatẽ ipso aspectu præ-  
 se ferentia. Quod si singula quæ in urbis am-  
 bitu insunt, persequi vellem, res profecto me  
 longius quam oportet distraheret. Qua pro-  
 pter ab instituto non longe discedamus. Ur-  
 bis igitur Olisiponis initiũ, ab hac parte, qua  
 meridiem respicit, vetus regia amplissima,  
 magnificoq; opere pulcherrima, efficit, quã  
 Ad Sanctos nostri nuncupauit. Nomen in-  
 ditum loco, quod longo temporis spatio,  
 corpora sanctorum martyrum Verissimi,  
 Maximæ, ac Iulix ibi recondita fuerint, do-  
 nec sub Ioanne rege eius nominis secundo  
 translata alio fuere. Qui quidem diui, dum  
 Christum dei filium orbisq; seruatorem cō-  
 stanter profiterentur, sub Romano præside,  
 Olisipone passi sunt. Inde obliquo aggere,  
 saxoq; constructo ad vestalium tẽplum, cui  
 diuæ Mariæ Spei nomẽ est, per cliuum sen-  
 sim depressum itur: vnde rursus eadem via in  
 aduersũ montẽ conscēditur, Cuius in tergo,

facellum diuo Rocho nuncupatum, conspi-  
 citur. Eodē deinceps tractu, in vallem amœ-  
 nissimam, micenibus vrbis contiguā, hortisq;  
 vndique conflatam, est descēsus; quæ à facello  
 Eremitarum, diuo Antonio consecrato, no-  
 men olim sumpsit Nunc. verò ijs exclusis, ab  
 adnūtiatione angelica deiparæ virgini facta,  
 nomen habet, & à vestalibus Dominicani in-  
 stituti inhabitatur. Mox pari accliuitate col-  
 lis nascitur, densissimo oliueto oblitus, vt nō  
 facile introrsus inspicere possit. A superiori ve-  
 ro parte apertus, & facello diuæ Annæ, recens  
 dicato, ornatus, quod summa cum religione,  
 & reuerentia, magna item populi frequentia,  
 ab omnibus hodie visitur, & colitur. Ab hoc  
 subinde per agrum compascuum, leprosarum,  
 foroq; boario interiectis, in aliam vallē non  
 minus fertilem, iucundamq; deuenitur. Quæ  
 Maurusia nuncupatur, ex eo quod post recu-  
 peratam de Saracenis vrbe, eo loci permisi  
 sunt Mauri habitare. Cuius sinistrā partem,  
 quæ ad septentrionem vergit, vbi campi di-  
 uæ Barbaræ incipiunt, angelorum facellum  
 diuidit. Supra vallem hanc orientem versus,  
 mons excelsus imminet recto, difficilique a-  
 scensu, à quo sanum diuæ Mariæ Montanæ,  
 quod in summo mōtis culmine situm est, no-  
 men accepit. Ab hoc præterea modico flexu,  
 vtcunq; directo itinere, ad urbem reditur,  
 statimq; obuium fit templū vetustissimum

Augu-

## OLISIPONIS DESCRIPTIO. 77

Augustiniensium monachorum, diuæ Virginigratiarum sacrum, introrsuseidem vrbis muro adhærens. Ex inde porro præteritis dirissimocœnobio Vincentio leuitæ & martyri dicato, canonicorum diui Augustini, atque Gymnasio non ita pridem celebri, antequam Rex Ioannes Tertius illud Conimbriacam transtulisset, ad ripam Tagi decurritur, quæ aquilonare vrbis cornu ab ea parte efficit. Qua parte amplissimum, nobilissimumq; vestalium diuæ Claræ cœnobium, ad fluminis crepidinem ferme attingit: indeque auerso itinere, sacelloq; diuæ virginis paradisiacæ interiecto, ad primam vrbis portam, quæ Crucis dicitur, iter est. Ab illo autem Claræ templo ad regiam veterem quam Ad Sâctos antea nominari diximus, vbi meridionale vrbis cornu posuimus, rectus margo, secundo mari ab oriente æliuo incipiens, in meridiemque excurrens, millia passuum tria ferme efficit. Eo igitur modo, latus hoc vrbis mari alluitur, reliquæ tres partes aditum habent à terra. Itaq; collibus quinque, vallibus totidem feracissimis, & iucundissimis, vrbis tanto spatio complectitur, ita, vt vniuersus eius ambitus septem millibus passuum designari possit. Certam autem eius formam descriptionemq;, facile deliniari posse non arbitror, cum in solo montoto, asperoque sita sit. Nihilominus si quis ex oppido *Almada*,  
quod

quod contra in vltiore sinus parte positum esse docuimus, rectis immotisq; oculis, vrbis situm figuratumq; velit contemplari, ab ea præsertim parte, qua in urbem traiecitur, illam certe veram vesicæ piscis effigiem referre comperiet. Quod si solum omnibus ex partibus planum esset, à latere terrestri, formam arcus demonstraret. Interioris vero vrbis amplitudo & magnificentia, tanta est, vt cum cæteris omnibus Europæ vrbibus, & hominum multitudine, & ædificiorum pulchritudine, & varietate, merito contendere possit. Domorum siquidem amplius quam viginti millia iasse constat. Earumq; ingens multitudo, tam principum virorum, nobiliumque, quam etiam privatorum hominum, eleganter, & sumptu prope incredibili constructa est, adeo, vt etiam parietes intrinsecus, fornicesque, ligno Sarmatico vndique vestiti, vermiculato opere, auro, variisque coloribus adhibitis exornentur. In litore, fontes quâ plurimi ex diuersis vrbis partibus per ductus subterraneos oriuntur, è quibus populus aquationem facit. Eorum vnum Regium nominant, marmoreis columnis, ac fornicibus eximie constructum, sexque fistulis tanta aquæ copia profluentem, vt vnus, vniuersæ hominum multitudini potum pene suppeditet. Hic autem saporis, & splendoris, & lenitatis præstat.

# OLISIPONIS DESCRIPTIO. 79

stantia, omnium fontium, quos vsquam me videre meminerim, aquam aut æquat, aut superat, Tepidā etenim cum effundat, paruoq; ipsa post temporis momento resederit, tum purissima, frigidissimaq; suauissimè bibitur. Duo præterea fontes haud ita procul, emergunt maximis aque scatebris, in mare breui ad modum fluxu prorumpentes. Quod si longiori distarent à mari interuallo, multæ frumentariæ molæ tanta aquarum vi atq; impetu, quouis anni tempore facile agerentur. Cæterum lotricibus, alutarijs, fulonicisq; opificibus, plerumq; seruiunt. Nō multo deinde interiecto spatio portam crucis versus, fons alius, aut vt verius dicā stagnum emergit: qui Equorū dicitur, propterea quod per ænea statuarū equestriū labra, aquā ore affatim vomētū, instar fluioli cursum tenet. Sunt deniq; dactylarum aquarum salientes, fontes, puteique non pauci in omni parte vrbs, magnā ciuibus cōmoditatē afferentes. Quos omnes in præsentī sigillatim enumerare, non huius instituti multum interesse videtur. Ad reliqua igitur vrbs ornamenta breuiter, ac summatim delibanda veniamus. Atq; vt antiquā in summa arce regiā, quæ in editiore vrbs parte posita est (opus ipsam antiquitatem vere repræsentās) omittamus, Olistipo septem in primis ingentibus ædificijs singulari regum nostrorum consilio, sumptuque incredibili magni

magnificentissimè extructis, hoc tempore illustratur. Horum primum, vt à religione initium faciamus, Misericordiæ templum est, quadrato vndique lapide eleganter extructum, non infinito prædiorum censu, ac proventibus annuis vberrimis, quemadmodum pleræque omnes nostræ ætatis Basilicæ, sed sola optimatum, ac piorum hominum benignitate ita sustentatum, vt prope fidem superet, quantum in annos singulos ex collatitia sipe, in pauperes impédât. Huius qui curam gerunt, sodales, siue vt expressius dicam, fratres Misericordiæ nuncupantur, quibus, propter & generis, & nominis claritatem, & summam etiam pietatis probitatisq; existimationem, negotium deferitur. Siquidem illi omnes communi consilio parique animorum voluntate, illud Misericordiæ ærarium administrant: quod ex fortuitis tantum modo hominum piorum largitionibus, eleemosynisque conflatum est. Ex quo summa sodalitiij fide & integritate, nullo habito personarum delectu egentium omnium, inopiæ consulitur, ac prouidetur, præsertim puellarum pupillarum, quibus inde, iuxta cuiusq; qualitatem, dotes in matrimonium conferuntur. Tum etiam eorum qui graui aliquo incommodo, aut calamitate pressi, vitam in mariore, rerumque angustia trahere coguntur. Quo fit, vt multorum tam incolarum, quàm exterorum

men-



## OLISIPONIS DESCRIPTIO. 81

mentes, ad largiendū alliciat, perpetuus ille ordo, incorruptaq; ratio ærarij quotannis in pauperes exhauriendi. Nihil enim in eo pecuniæ vltra annuū tempus asseruari fas est, nec item prouentus habent, nec ex instituto legibusq; fodalitij habere licet. Quod sanè eo magis admiratione dignum videtur, quod ex ærario amplius viginti quatuor, aut eorū ducatorum millib. in singulos annos constet egentibus erogari. Quin nonnullis annis numerum quadraginta millium æquasse vel superasse, compertum est. Secundo loco sequitur alterum Misericordiæ, ac humanitatis exemplū, Valetudinariū videlicet commune pauperū, infirmorūq; hominum, nōmine Omnium sanctorū, nō magnificentia ædificiorū, nō sumptuū magnitudine, non deniq; benignitate erga pauperes, varijs corporis morbis conflictatos, & expositos infantes quos nutriendos alendosq; curat, priori illi cedens. Id quatuor diuiditur claustris; hortisque amœnissimis, porticibusq; quatuor & triginta, quibus circumcirca continēter adhærent ædes magnificæ, triclinijs, lectis, culcitrisque mundissimis decenter ornatæ. Ibi pauperes ægrotantes benignè, liberaliterque excipiuntur: nec nisi recuperata in integrum valetudine, inde dimittuntur, dato insuper quibusdam viatico, quo se non paucos dies, dum firmiores, valentioresque effecti

fecti fuerint, sine vlllo labore ac molestia subleuare possint. His porrò quæstorum, curatorum, medicorum, pharmacopolarum, cæterorumque ministrorum domus rectè distinctis ordinibus coniunctæ sunt: vt infirmis, si quis casus necessitasue acciderit, præsto semper adsint, diesque noctesque pro se quisque sedulo diligenterque inseruiant: adeo vte inter reliqua regia xenodochia quibus amplissimis celeberrimisque Hispania passim præter cæteras orbis Christiani prouincias referta est, nostrum hoc facile principatum sibi vendicet. Pro huius verò foribus campus patet apertus, planus vndique, quadrato ædium pulcherrimarum ordine circûdatus, à quo diui Antonij & Maurusia valles, quarû supra mentionem fecimus, in Δ literæ figurâ se contingunt, ac diuersis postea plateis in corij bubuli similitudinem detracta cauda, explicantur, mare versus decurrentes. Ad dextrum deinde eiusdem xenodochij latus, medium inter aquilonem & occidentem, diui Dominici templum situm est, ac collegium celeberrimum, cuius ex aduersa fronte campo interiecto occidentem versus, tertium extat monumentum, à Diuo Petro, Ioannis regis huius nominis primi filio, sumptu publico cõstructû, domus reuera amplissima, mirificoque opere admodum conspicua. Quam eo tâtum cõsilio inibi, dum nomine Alfonfi

quin-

# OLISIPONIS DESCRIPTIO. 83

quinti, sui ex fratre nepotis, regni regimen sustinuit, extrui imperavit, vti exterarum gentium regumq; legatis, eo loci hospitium præberetur: publicisque sumptibus ibidem liberaliter magnificeq; exciperentur. Inde si recto itinere ad litus ire perrexeris, relictis ad dexteram in loco eminentiore cœnobijs Carmelitarum, Franciscanorum, ac ordinis Trinitatis, magnifica, sumptuosaq; structura nobilissimis, regiam nouam plateam, anaglyptarijs, annularijs, cœlatoribus, vascularijs, fabris argentarijs, & cerarijs, aurarijs, item argentarijsque refertissimam, præteriens, in aliam eodem pariter nomine nouam mercatorum, continuo flectens ad læuam, deuenies, cæterarum omnium longè latissimam, ædificijsque pulcherrimis, vtrinque exornatam, Illuc omnibus ferè ex partibus orbis, & gentibus, quotidie mercatores certatim cōueniunt, maximo hominum concursu atque frequentia, propter cōmerciorum portusq; opportunitatē. Eademq; via contra septentrionē progrediēti, ad læuam portorium vetus obijcitur: vbi pro mercibus importatis publica regi vectigalia nuper pendeantur. E regione huius portorii forū qd̄ veteris pali vocatur apparet, in quo semper nō pauci hoīes mēsis assidētes reperies, quos notarios vel libentarios vocare possumus, nullis tamē ciuitatis ministerijs obligatos. Hi oēs ex hoc vitæ genere sibi alimentum sup-

peditant, quod omnium accedentium, metesque  
 suas explicantiū, sensum assequantur, ordine  
 que in eodem ipso loco, subito schedis, scri-  
 bant petentibusque; dato pro ratione materiae  
 pretio, tradāt, in tantum, ut literas, epistolas-  
 que amatorias, elogia, orationes, epitaphia,  
 carmina, laudes, parētalia, petitiones, syngra-  
 pha, & cuiuscunq; generis alia quae ab eis po-  
 stulaueris, ad ea habeant dispositum scribendi  
 stilum, quod nullibi in totius Europae urbibus  
 fieri vidi. Vnde Olisiponis magnitudinē, &  
 hominum frequentiam facile quis iudicabit. De-  
 hinc recto itinere ad templum Misericordiae,  
 de quo iam diximus, iter est, contraque eius ve-  
 stibulum ex orientali latere, quantum appa-  
 ret aedificium, regis Ioannis hoc nomine ter-  
 tij, perpetua memoria dignissimum. Duplex  
 nempe magnificarum aedium structura, toti-  
 dem porticibus, utrinque triginta duobus ar-  
 cubus, octogintaque; cellis exornata, angusta,  
 aequalique areola interiecta: quam domum  
 frumentariam reipublicae, ac quasi Lusitaniae  
 nutricem merito nominare possis. Ea liqui-  
 dem mente horreum ibi publicum a rege opti-  
 mo ac prudentissimo constitutum est: ut sublato  
 frumenti leguminumque; omnium portorio quod non  
 sine fisci magno detrimento, ipse omnium regum  
 Lusitaniae primus plebi elargitus est, speque  
 ingentis quaestus mercatoribus, proposita, frumē-  
 tum undique ab eis conuehitur. Eo pacto bre-

## OLISIPONIS DESCRIPTIO 85

ui plebs annonæ caritate subleuatur. Quod fane magno reipublicæ cōmodo factum esse nuper experti sumus. Post huius tergū, nouū portoriū inhæret, ipsam maris crepidinē attingens, immanis quædā lapidū moles, tignis trabalib: cōfertim immisilis, ac fistucationib: in mare adactis, suffulta, regisq; eiusdē iussu sumptuq; constructa, cui merito ob ædium magnificentiā, & operis pulchritudinē, quintum in hoc ordine locum tribuendū esse duximus. Eodem tractu secundo mari, campus latus admodum inest, à noua portorij, horrei q; structura, tū à septentrionali, tum ab occiduo latere, pulcherrimarū ædiū serie circumseptus, tum maxime à meridionali, porticu iucūdissima aspectu, ad litus vsque ornatu summo, deductus. Nam aliud latius q; orientem hibernum respicit, mare includit. In eo forum inest piscarium, vnaque forumq; cupedinis constitutum, quo cetarij, fartores, cupedinarij, sani, panifices, dulciarij, gregati quotidie cōcurrunt, omnia quæ ad urbem vescendi causa afferuntur, vendentes. Præterea, propolarū, institorū, cauponum, stabulariorū, linteonumq; tabernæ ibidem instructissimæ visuntur. In hoc verò piscario foro, certa quātitas corbiū deposita est, magistratuū edicto, quib: cimbis piscatorijs appulsis, pisces à media stinis in forū ad venditrices aduehuntur. Hi quidem corbes singulis annis à

magistratu, piscatoribus, plus minus, duobus millibus ducatorum locatur. De qua sane re, an causa adaucti vectigalis, ciuitati congratuler, an tam latentem tyrannidis speciem reprobē, dubius & perplexus sum. Nec huic loco talia conferui, nisi vt vrbis opulentiam externis hominibus patefacerem. In huius verò campi occiduo sinu, eodē piscario foro à tergo relicto, mercatoq; panificum, holitorum, fructuum venditorū, aucupumq; interiecto, nec nō macello, domus quā nostri Septensem nominant, sita est, in qua regij præfecti negotia ad bellum Africanum spectantia expediūt. Nō procul præterea ab hac domo, cōtiguo ēdiū ordine, sextū monumentū, opere admirabili factū extat: præda spolijsq; multarū gentiū regūque refertissimū, q̃ ab Indicis negotijs, quæ ibi pertractantur, domū Indicam vulgus nostrum appellat. Attamē meo quidē iudicio, aromatū, margaritarū, carbunculorū, smaragdorū, aliarūque eius generis gēmarum, quæ quotānis ad nos ex India deportantur, emporiū copiosissimū, tū auri quoque & argēti facti infectique, horreū amplissimū verius appellare poteris, q̃ cellas ibi q̃ plurimas miro artificio atque ordine distributas, maxima omniū harū rerū copia affluētes, ab omnibus conspici posse palam est, vt me hercule, fidem res superatura sit, nisi id omnium oculis obijci, manibusque in horas pene

# OLISIPONIS DESCRIPTIO. 87

pene contrectari videremus. Proinde ex regia, quam ibi desuper D. Emanuel amplissimam, & sumptuosissimam sibi fabricatus erat, porticus latissima velut musculus, ut demonstrauimus (à qua capus de quo paulò ante mentionem fecimus à meridionali latere sepitur) in mare prorumpit, in cuius fronte ad Orientem versus, turris vndique quadrato saxo mirè exulta, litori imminet. Ad hoc ibidem in ipso litore aliud ædificium opere mirabili à fundamentis modò facere occepit potentissimus Ioannes III. Rex dominusque noster, quæ cum Deo diuisque, proprijs ad exitum pduxerit, octauum locum ciuitatis ornamenti obtinebit, ac reliquis omnibus palmam facile præripiet. Postremò ei regie, quam diximus Emanuelè ædificasse, è regione huius nouæ instructuræ, occidentem versus, platea interposita, contiguum est septimū, vltimūque publicum monumentum, cellis quàm plurimis, ac triclinijs quauersum artificiosè fabrefactis instructum, ut ob interiorum ædium multiplices recessus aditusque diuersos, Labyrinthum esse verè existimes. Ibi Reges nostri armamentarium ingenti armorum omnis generis copia refertum constituerunt, machinarum ite & tormentorum, tum rerum omnium quæ ad bellum terrarumque gerendum pertinet apparatus, adeo instructum, ut ceteris omnibus quæ Europa Asiaue hodie instructissima copiosissimaque hère fertur

quorum optimam partem vidimus, & multitudinem machinarum, & infinito armorum telorumque numero facile praestet. Id vero hoc argumento me cuius facilius probaturum puto, quod rex in ordinarijs tantum navalibus expeditionibus, naues plures ducetis omnium generum perpetuo instructu, optimeque armatas in Asia, Africa, Europaque habere cogitur. Tribus autem harum aedium cellis, quadraginta millia pedum armatorum corpora, ac tria millia cataphractorum integra quasi ex deposito diligentissime, nitidissimeque custodiuntur, praeter ea quae ad quotidianos & extraordinarios motus depromuntur. Bombardici quoque generis, Mortarios, Scorpiones, Basiliscos, Leones, Colubrinos, Camelos, Petrarios. Dispersores, Ruptoresque in usitatae magnitudinis, & ponderis, tum reliquorum etiam vulgarium missilium, quos Falcones, Berrios, Sclopposque vulgus appellat: Pulveris item, & globorum, tam ex saxo quam ex ferro tantam vim & copiam asseruari copertum est, ut si singulas omnium diuersasque formas, numerum, pondusque, per partes explicare coner, verear ne falsa ijs, pro veris huic operi videar inseruisse, quibus haec legendo duntaxat, vel audiendo, percipere sufficiet. Ad reliqua igitur pergamus. Urbem ex ea parte quam mari adluitur, ut paulo ante demonstraui-mus, ut pote nobilissima eius parte, portis duabus, & viginti distinguitur: pars vero  
qua



# OLISIPONIS DESCRIPTIO. 89

quæ continentē respicit, sedecim, quibus omnibus, propter infinitam hominum multitudinem, eiusque ambitum latissimum, maximè indigere videtur. Turribus autem per murorum gyrum septuaginta septem munitur. Tempia verò, quæ à Græcis parœciæ appellantur, in quibus sacramenta fidelibus omnibus subministrantur, quinque & viginti numerantur, præter ea, quæ plurima monachis, Anachoritis, vestalibusque virginibus sunt attributa. Huic loco nonnihil in laudem ecclesiasticæ musicæ adijciam, idque verissimum compertissimumque inter omnes ciues habetur. Nempe quod in præcipuis anni festis diebus, ex ipsa vrbe Olisipone, ultra triginta absolutos cantorum choros, ad sacra modulato cantu, in pagis, villisque circum vicinis canenda, vna die cuncti exeant: omnibus vrbis templis, in quibus musica modulata canitur, ex eo nihil detrimenti, ad suas celebrandas festiuitates capientibus. Societates verò, quas confraternitates vocant cxxxj. sunt, in quarum vsum ingens à sodalibus quotannis conflatur pecunia, quæ in pauperes, & alios vsus necessarios summo ordine, elargitur. Quod at ad loci, situsque salubritatem, & aeris temperamentum attinet, tanta certè soli, cœlique clementia, & amœnitas est, vt nullo ferè vnquam anni tempore, nec æstas, nec hyems immoderata sentia-

tur, quo factum est, vt multi mortales ex diuersis nationibus, terrisq̃ue remotissimis, cœli puritate perlecti, illuc commigrarint: derelictoq̃ue solo natali, & patriæ cura posthabita, perpetuam ibi sedem, vitæq̃ue domicilium posuerint. Vrbis verò territorium, suburbanis, rusticisq̃ue villis ædificijsq̃ue magnificis, quocumque oculos verteris, propter agri fœcunditatem vndique refertum videas, tanta etiam hominum frequentia, vti secundis iam pridem rebus, perpetuaq̃ue pace cum finitimis parta, complures iam ruri potius, quàm in vrbe commorandi desiderium teneat. Agros enim passim, non vicis pagisq̃ue solum, sed templis etiam, claustrisq̃ue innumeris & ornatissimis, frequentari, cum tanta animi voluptate videmus, vt villæ, tam rusticæ, quàm suburbanæ, numerum sexcentarum excedant. Pagos verò qui ab vrbis magistratibus ius petere coguntur, ducentos quadraginta numerant, inter quos sex & triginta, priuatis proprijsq̃; iudicijs ac prætoribus vtuntur, suisq̃ue oppidanis iurisdicendi potestatem habent, incolarumq̃ue controuersias per se omnes diiudicant, & finiunt, nisi cum de causis capitalibus, grauioribusq̃ue agitur. Tunc enim ad summum vrbis magistratum prouocatur, eiusque sententiam requirere compelluntur. Denique vt ea quæ insigne aliquod ornamento

# OLISIPONIS DESCRIPTIO. 91

tum vrbi afferre possunt, breui velut epilogo complectamur, ad Tagi ripam quinquagesimo circiter ab vrbe lapide, flumine aduerso, oppidum Scalabis situm est, peruetus atque inter plæraque alia Lusitaniæ oppida percelebre, quod Plinius quintam Lusitaniæ coloniam fuisse, atque præsidium Iulium olim vocatum testatur, nostri hodie *Sancti argemini* vocant. De qua re plura apud Resendium nostrum antiquitatis amatores inuenient.

Inde quoniam in montis excelli admodum iugo positum est, in campum apertum & planum, longè lateq; despicit, qui campus Tago medius diuiditur, maxima terræ fertilitate, quæ cæteris omnibus, vsq; eo præstat, vt modicæ arationes, quotannis pro vallibus angustia, incredibiles tritici acervos afferant. Ad tantam autem soli vbertatem id laudis non pudebit connectere, quod multis dictu vix credibile videbitur, sexagesimo nempe post die, quàm sementis fieri cœpta est, segetes momento ferè temporis adultæ, ac præmaturæ secantur, teruntur, & si libet, moluntur.

Verum vt ad propositum reuertar, Tagus quæ Scalabim adluit, vsq; ad urbem latissimo alueo defertur, atq; altissimo. Nec eo contentus, interdum multos sinus vltro citroq; & insulas efficit. Eo itidem intervallo, oppida, pagi, villæque aspectu, situque gratissimæ ac

amcenissimæ conspiciuntur. Medio ferè cur  
sibus Tagum, occidentem versus, oppidum  
Alanquer situm est, quod, vt sentit Resendi-  
us, prisca secula Gerabrigam appellabant. Lo-  
cus natalis nostri, cuius nouam interpretati-  
onem si propiùs inuestigare libuerit, Alano-  
rum ecclesiam lingua Saxonica sonare com-  
peries: nec à veritatis via multum aberrabis.  
Alanos siquidem cum vniuersam Europam  
cædibus, incendijsque vastando peragraf-  
sent, ijs locis consedisse, eaque tantisper inco-  
luisse ex multorum annalium monumentis  
compertum est, dum Gothi superuenienti-  
bus ex prouincia prorsus discedere, aliasque  
terras quærere coacti fuerint. Quæ gens om-  
nis lingua, moribus, vicinitateque, Saxoni-  
bus ab origine ferè semper coniuncta fuit, &  
ad hunc vsque diem mutuo quodam vincu-  
lo propinquitatis sese refouent. Ad huius ve-  
rò oppidi radices (est enim eius præcipua  
pars in summo montis præalti culmine sita)  
fluuius è multis fontium riuis subterraneis  
oritur per amœnus, pisciumque multo fera-  
cissimus, qui arboribus vtrinque confitus, so-  
le meridiano, magnisque caloribus, um-  
bram efficit, quo homines, vt plurimum sece-  
dunt, gratissimam. Mox magno impetu in-  
ter confragosa montis, in planiciem aper-  
tam delatus, sexque à capite fontium passu-  
um millibus, in Tagum diffunditur, qua par-

## OLISIPONIS DESCRIPTIO 93

te Tagus crebras insulas emittit, quæ omnes frumento, pascuisque pinguisimis abundant. Attamen earum nulla hoc tempore castellis, pagisue, aut vitibus colitur, ut Strabo scriptum reliquit. Quæ res Tagi ipsius alluionibus vetustateque temporis fortè deficientes, hoc gloriæ corollario cohonestantur, quod hodierna die, Tagus ipse per vniuersa Oceani litora, in Africa, Asiaque, leges & instituta det, quibus ipsarum prouinciarum reges, principesque, sponte vel coacti parent, tributaque Lusitanis soluunt, Christi que fidem indies magis magisque non pauci colunt. Quod non in Indorum ditionibus modò, sed in Chinarum etiam terminis, ac Japonum finibus, gente antehac Europæ incognita, summa cum reuerentia fit. De innumeris verò exoticis rebus quæ ex nostris vniuersæ Indiæ, Persiæ, Arabiæ, Aethiopiæ, Bresiliæ, Africæque ditionibus, in hanc urbem toto anni circulo aduehantur, deportanturque, cum de omnibus ijs satis luculenter, in eo opusculo, quod de fertilitate & opulentia Hispaniæ emisimus, tractemus, nullam consulto hic facere mentionem sigillatim voluimus. Si quis fortè id cognoscere auidè cupierit, ipsum librum conquirat, quæ situmque legat. Cæterum si lectori noster hic labor displicuerit, sciat nos non ita hoc opus eudisse, ut itinera alijs scriptoribus interclu-

fa

94 DAMIANI A GOES  
sa à nobis esse opinemur . Nam si fortè al-  
quis de origine, & vrbis situ compertiora in  
medium attulerit, rem profecto gratam cun-  
ctis, nobisque inprimis fecerit.

V I T A  
H I E R O N Y M I  
P A V L I B A R C I N O -  
N E N S I S .

**H**IERONYMVS PAVLVS Barci-  
nonensis I C. B Arcinone, Metropoli  
Gothalania principatus natus est hone-  
stis maioribus: parente Iacobo Paulo,  
eius atatis iureconsulto non incele-  
bri, & consummata inter opes & gratiam Princi-  
pum virtutis ac doctrina, vt ipse in extremo patria  
vrbis descriptionis testatur . In patria filius artes ois  
libero dignas homine, iactis feliciter Latine lingua  
fundamentis, sic hausit, vt & in Iuris ciuilibus stud o,  
post etiam aequalibus antecelleret omnibus. Hinc Ro-  
mam, quod in cœlibatu vitam ducere sacerdos exop-  
taret, commigrauit, vixitq; annos plurimos, vt &  
Barcinonensis Canonicus, mox etiam Archidiaconus  
fit creatus, & Roderico Borgia Cardinali per fami-  
liaris, qui post pontificatum adeptus, Alexander sex-  
tus est appellatus. ab intimis eidem cubiculu fait, &  
ob singularem doctrinam, vtriusq; iampridem Iuris  
laurea in signitus, à consilijs, scripsit, edidit, Cancellariæ Romanæ Practicam, vt nominat, anno

M.CCCC.

M.CCCC.XCIII.altero Pontificatus Alexandri an-  
no. Mox etiam honoribus auctus, demandataq; ei  
est Vaticana bibliotheca Pontificia longè angustissi-  
me cura atq; custodia, anno M.CCCC.XCIV. non ni-  
si doctissimo cuiq;, & hodie purpuratorū in Patrū nu-  
mero eruditissimis viris commendari solita. Quintū  
autem in eius bibliotheca præfectis numerari video,  
ab Onuphrio Panuinio in ijs scedi, quas Schottus Iti-  
nerarij Italia, rerumq; Romanarum lib. 11. cap. 10. in-  
seruit, quas cum suis de regia ad D. Laurentium Bi-  
bliotheca edidit Tarracone Io. Bapt. Cordona Episco-  
pus Dertosanus, Anno M.D.XXCVII. Neq; verò pa-  
tria oblitus Hieronymus est, vt qui lotum gustarunt,  
sed etiam litterarum eandem monumentis illustra-  
uit. Nam præter accuratam Barcinonis descrip-  
tionem, scripsit de fluminibus, vrbibus ac mó-  
tibus Hispaniæ: qua nunc primum lucem accipiūt  
And. Schotti beneficio: Quo etiam labore Hieronymus  
Surita, erudito ad Antonini Aug. Itinerarium Com-  
mentario adiutum se, confitetur. Est enim ingenui, in-  
quit ille, agnoscere per quem profeceris. Carmen itē  
legimus eiusdem, supra quam eius ætatis captus erat,  
venustius, hætenus nondum editum, Panegyrica  
laudatio B. Augustini Ecclesiæ Doctoris eximij:  
cuius hoc principium:

A Eternas Libyci laudes, quo regius Hip-  
po,

Carthagoq; vetus, quibus Africa terra su-  
perbit.

HIE-

HIERONYMI

PAVLI BARCINO-

NENSIS,

DE FLVMINIBVS

ET MONTIBVS

HISPANIAE,

AD REVERENDISS:

D. RODERICVM

EPISC. PORTVENSEM

CARD. VALENTINVM; S.

R. E. Vicecancel-  
larium,

*Qui post Ro. Pontifex creatus ALEXAN-*  
*DER SEXTVS est appel-*  
*latus.*



CRIPSERAM, Pater amplissime,  
 quorundam Poetarum hortatu Li-  
 bellum huc de *Hispanie nostrae fluminibus &*  
*montibus* quorum apud veteres men-  
 tio habetur: eum Celsitudini tuae di-  
 catum non prius ausus sum manife-  
 stum praeberē, quàm tibi: quem nemo ignorat, &  
 ingenio, & rerum experientia nemini tui ordinis  
 cedere, emendandum tribuissē: Accedit loco-  
 rum,



rum, regionumque notitia, quorum te amplissima Provincie nostrae legatio peritissimum reddidit. Magnam enim Hispaniae partem foeliciter per agrando, immensae tuae dignationis, & gloriae monumenta nostrae Hesperiae reliquisti. Spero dabuntur tuo nomini aliquando maiora: Nunc autem aliquid Cosmographiam & suscitationem Antiquitatis pertinens, per vacationem à studio iuris collectum, haud iniocundè degustasse sufficiat.

*Alba*, qui & *Clodianus* appellatur per *Indicetas*, quos *Emporitanos* vocant, decurrit: *Emporias* Phocentium, & Latinorum olim coloniam alluens, à Pyreneis funditur, & versus *Medas* insulas in quibus *Palaeopolis* opidum quondam fuit, in Balearicum mare deuoluitur.

*Anas* fluuius est non mediocris in Hispania: & Lusitania à *Bætica*, teste Pomponio, separat: ortus in Lemnitano agro Tarraconensis Iberiae: modò in stagna se pandit, modò in angustias resorbet, & alicubi in cuniculis totum se condens iuxta Emeritam, & Pacemiuliam lapsus, tandem in Atlanticum emittitur Oceanum:

Aurelius Clemens Prudentius:

*Nunc locus Emerita est tumulo*

*Clara Colonia Betonia*

*Quam memorabilis annis Anas*

*Præterit: & viridante rapax*

*Gurgite mania pulcra cauat.*

*Areda* fluuius est apud Celtiberos; à quo, ut tradit Plinius *Arenates* populi nominati fuere.

*Astura* fluuius est in Tarraconensi: à quo *Astures* acceperunt hominum genus, nomen accepere:

Lucanus:

*Hic præter Latias acies erat impiger Astur.*

Aurum etiam apud eos effoditur, quod præclare describitur à Silio his versibus:

*Sed scelerum causas aperit Deus: Astur auarus*

*Visceribus lacera telluris mergitur imis,*

*Et redit infelix effosso concolor auro.*

Hunc amnem vulgus *Aurigam* nominat.

*Auoceladus* fluuius est *Celticorum*: qui *Galletiis* ac *Lusitaniam* contingunt.

*Bacchus* fluuius esse fertur in *Bætica*.

*Belo* fluuius est & opidum in oris *Bætice*.

*Besola* in eiusdem oris fluit.

*Betis* fluuius, qui *Bætice* nomen dedit, quæ postea *Vandalusia* à *Vandalis* creditur nuncupata: dextra lènaque oliuiferis colitur opidis. Ipse ex *Tarraconenſi* regione demissus per mediam ferè *Beticam*, sicut nascitur vno decurrit alueo: post autem mari propinquus lacum ex se ingentem facit. *Cordubam* *Pieridum* alumnam atque *Hispalim* celeberrimas vrbes alluit. Amoenissimis admodum excultissimisque præclarus est insulis, nullaque etiam affluentissima eloquentiæ sacundia mediocriter collaudandus. In cuius agris homines soli coeliq̃ue natura voluptates delitiasq̃ue abundè præbet: Vnde Poetarum quidam *Elysios campos* in his oris esse finxerunt. Hunc amnem auctore *Liuius Chinius* Hispani appellant: Græci *Betym* à vocabulo, quod profundum sonat. Magnarum enim nauium ferax est, quibus varia mercium genera exportare liceat. Meminit *Statius* in *Genethliaco* *Lucani* ad *Pollam*:

*Græcio nobilior Melethe Betis.*

*Bethym* manu præuocare meli.

Et *Martialis*:

*Betis*

*Betis oliuifera crinem redimite corona,*

*Aurea qui nitidis vellera tingis aquis.*

*Quem Bromius quem Pallas amat.*

Vino enim abundat regio, atque huius fluminis aqua immerfa sæpius, & madefacta vellera, colorem recipiunt aureum.

*Bilbilis* ferri temperamento aprissimum tradit Trogus Pompeius in Hispania esse: quem reor *Salonem* appellari. Inde eo nomine ascito, quod *Bilbilis* urbem alluat.

*Betulus* fluu. est in Leletanis, ni imbris intumescit, exiguus est, & vadosus: præbet tamen suburbanis agris celebris, & pulcherrimæ urbis nostræ vtilis irrigationes: cuius etiam molinæ hoc amne ciuntur, & exhausti riuuli in vsus officinarum transeunt: ab orientali latere Barcinonis Balearicum ingreditur pelagus.

*Cinga* flu. est vagus admodum, & rapax: *Fragam* urbem alluit. Postremo Ibero mixtus, cum tantum auget, vt inde nomen maximi Hispaniarum fluminis accipiat.

Lucanus:

*Cinga rapax vetitus fluctus & littora cursu*

*Oceani pepulisse suo: nam gurgite mixto*

*Qui præstat terris aufert tibi nomen Iheris.*

*Chalybem* Hispaniæ fluuium esse, & iuxta *Arandiam* opidum fluere prisca auctores tradunt.

*clerum* Hispaniæ flumen esse legi, nec qua fluat regione traditum est.

*Durius* vltioris Hispaniæ celebratum est flumen arenis aureis: In Tarraconensi oritur & in Celtiberos lapsum Numantiæ urbem alluit. Tandem *Sisamonem* oppidum lambens, & in Lusitanos venit.

ens in Atlanticum procurrit Oceanum.

Silius Italicus:

*Hic certant Pactole tibi Durimque Tagumque.*

*Diva, Cantabros perfluit*

*Estitium* Hispaniæ fluuius esse legitur, qui cū dulcis esset, amarus postea factus esse fertur; quod ex Græcorum fabulis ortum puto.

*Eunemius* fluuius est Galletiæ, quadrinomius: nam & *Lethes*, i. obliuionis appellatur. & *Bellion*, & *Limia*: fabulis est admodum famigeratus: ut qui vulgo ab inferis oriri existimetur. Aurum etiam, ut pleraque Hispaniarum flumina, arenis commixtum deducit è montibus.

Silius libr. iij. bel. Pun.

*Quiq; super Gronios lucentis voluat arenas*

*Inferna populis referens obliuia Lethes.*

*Lethem* autem Strabo inde appellatum tradit, quod cū Galli atque Turduli socijs ad id flumen armis peruenissent, eo traiecto seditione orta dissidentes, eorumq; obliti quod in Hispanos mouerant, belli, iuxta flumen resedere.

*Florius*, Astures irrigat.

*Iberum* nemo sine pudore ignorat Hispaniæ fluuium esse, quippe qui toti *Iberię* nomen dedit. *Hiberiam* autem Asiæ Regio ab Iobele, ut Iosephus tradit, appellata est. Dionysius porro Alexandrinus auctor est, eos qui Asiam incolunt *Iberes* ex Hispania profectos esse. Contra sentit, auctore Agrippa, Plinius: quod est vero similis, si priscæ hominum origines repetantur. Oritur *Iberus* agro Iuliobricensi in Cantabria, tenuissimus, primò mox magnorum amnium capax, Calaguritanoque exceptus agro, Tutelam petit opidum

& Cel-

& Celsam urbem, ponte olim celebrem; inde Salduliam, quæ nunc est, *Casar Augusta*, affluit, opimam admodum urbem: & patentibus vndique campis irriguis lætissimam. Illinc digressus in Austrum labitur, nauium ferax, iunctus deinde Cinga Sico-rique amnibus *Dettisam* opulentam urbem alluit. Postremò maritimarum iam nauium patiens, versus Alphacium Ibericum dulcorat pelagus. Meminit Lucanus in tertio:

*Stagnantem Sicorim & rapidum deprehensus Iberum.*

Commertijs post Bætum primus est; sed aquarum copia, non ingruentibus in Bætum Oceani æstuarijs maior.

*Ilerda*, Ilergetarum fluuius à quo *Ilerda* vrbs vetustissima appellata esse legitur. Vulgus *Nocenam* appellat. Silius huius vrbs meminit illo carmine:

*Et que Dardanio post viderat illa furores.*

id est, Romana bella: nam Petreius & Affrianus Pompeianarum partium duces auspicijs Cæsaris ibi expugnati fuere. Meminit & vrbs Horatius, ad quam tempore belli ciuilis frequentes epistolæ mittebantur:

*Aut fugies, inquit, Vticam, aut victum mitteris Ilerdam,*  
Nonnulli eundem esse hunc & *Sicorim* arbitrantur.

*Lacros* per Celticos fluit.

*Limia* per Gallecos.

*Limius* ad Deorum insulas.

*Meacus* Gallecos penetrat.

*Menuba* Turdetanorum fluuius est, Bæti se commiscens:

*Menasem* & *Melsus* per Cantabros fluunt.

*Minus* fluuius est Galletiæ maximo ore spatiosus; qui, vt Isidoro Carthaginensi placet, à minij colore, quem frequens trahit, nomen creditur accepisse.

*Munda* fluuius est inter Lusitanos notissimus: & opidum eiusdem nominis in Bætica, vbi Pompeij liberi debellati fuere.

Silius de vrbe.

*Et Munda Emathios iterum paritura labores*

*Muladas* fluuius est Carpentaniæ, exiguis navigabilis scaphis,

*Nanmasa*, auctore Pomponio, per Cantabros fluit.

*Nerna Negauiques* per eosdem.

*Narius*, Nelo per Astures.

*Nauia*, Cantabrorum fluuius est, vnde ferunt *Nauarigenas* nuncupatos, qui & nunc *Nauarri* dicuntur. Nonnulli à Niuaria opido nominatos existimant.

*Nauillus* in Galleciis est.

*Negauiqua* in Cantabris.

*Osgitanus* fluuius in Bætim mergitur.

*Pallantia*, per Edetanos funditur.

*Rubricatum* fluuius est à colore eo nomine appellatum, à Pyrenæis demittitur, & per Bagutos in Lacetanos lapsus Issentium circuit agros. Inde ad Leletanos nostros veniens Serresum iuxta montem labitur. Auctus deinde Norica flumine Rubricatam opidum petit. Hinc digressus ad quatuor millia passuum in Barcinonis littore occiduo ingreditur pelagus.

*Salia* in Cantabris labitur.

*Salsin* Turdetanorum, id est, Bæticolarum, fluuius est aquarum amaritudine infamis, Geenne-

sum

flum præterfluit agrum. Meminit Cæsar in Com-  
mentarijs.

*Salò* Celtiberiæ fluvius est, ortus Aracelitano a-  
gro, armentorum pecudumque potui per quam v-  
tilis; ferrique temperamento aptissimus est: Mau-  
ros petit opidum & Ferisiam, Silaos, & ipsam Bil-  
bilim in cliuo positam: exin Epilam petens in a-  
gro Cæsaraugustano Ibero demum coniungitur.  
Martialis.

*Quibus remissum corpus stringes brevis*

*Salone qui ferrum gelat.*

*Sangu* Cantabrorum est flumen.

*Saducas* in ora exit Bæticæ.

*Sars* per Lusitanos fluit: & emittitur iuxta tur-  
res Augusti.

*Sambroca*, vulgus *Samucam* vocat, per agrum Em-  
poritanum decurrit. Sacramque villam & No-  
uemporium.

*Sicoris* Ilergetarum fluvius est, à Surdaonibus, &  
Cerretanis inter Pyrenæos oritur, accoliturque a-  
moenis opidis, Ilerdamque urbem iam magnus  
alluit. Inde Oëtigenam petit, & apud Michenensiam  
Ibero se iungit: Arenis aureis non est Tago inferi-  
or.

Meminit Lucanus in descriptione Ilerdæ vr-  
bis his carminibus.

*Colle tumet modico leuiq; excessit in altum,*

*Pingue solum tumulto super hunc fundata vetusta*

*Singit Ilerda manu: placidis prælabitur undis*

*Hesperios inter Sicoris non vltimus annes;*

*Saxem ingenti quem pons amplectitur arcu*

*hibernas passurus aquas.*

Huius quondam fluminis accolæ in Trina-

etiam nauigantes à patrio amne *Sicori*, vnde disces-  
serant, *Sicaniam* appellauere: quod ostendit *Silius*  
his carminibus:

*Post dirum Antiphæ sceptrum & Cyclopeæ regna*

*Vomerem verterunt primum noua rura Sicani*

*Pyrene misit populos qui nomen ab amne*

*Asciti patrio terræ imposuere vocanti,*

Sunt qui scribant eos primum *Latium* tenuisse, lō-  
ge ante *Aborigenes*, & inde à *Liguribus* pulsos in  
*Siciliam* transfretasse.

*Silenfis* fluuius est in agro *Segouienfi*,

*Sorabis* *Ilercalonum* fluuius est, in agro *Derta-*  
*sono*; quem ab opido per quod fluit vulgus *Seniam*  
nuncupat: Nec desunt qui existiment hoc flumen  
hodie *Milastiam* appellari.

*Subi* fluuius est tenuis, *Suesetaniæ* regionis, vul-  
gus *Francolinum* appellat. *Speluncia* opido surgit &  
*Tarraconensium* deliciosis agris infusus ibidē ma-  
ri excipitur: huius aqua irrigata lina, carbasa red-  
dunt vsui nauium aptissima.

*Sucro* fluuius est non exiguus citeriori *Oro-*  
*spedanis* ortus montibus, *Sertorij*, & *Pompei* præ-  
lio insignis, *Setabitanum* præterfluit agrum. Inde  
*Algeriam* ambit opidum ita Arabico nomine ap-  
pellatum, quod in insula positum sit; Postremo  
non longè à *Collieria* *Ebusitano* cōditur æquore. Na-  
uium patiens est, si eius aluei sæpe rotantur: & qua  
se excursu imbrium sparserit cogatur in aptas an-  
gustias, compactis vtraque ripa trabibus. Huius  
fluminis meminit *Silius* in illo carmine.

*Sedetana* cohors, quam *Sucro* rigantibus vndis,

*Atque altrix celsa mittebat Setabis vrbe.*

Et Sa-



Et Salustius in libris historiarum: *Castra hostiū apud  
Sucionem capta, & praelium apud flumen Turiani, & dux ho-  
stium C. Herennius cum exercitu, & vrbe Valentiae deleti.*

Tader fluuius versus nouam Carthaginem fun-  
ditur. Oritur mōribus, quibus Baetis, & Murtiam,  
Aureolamq; contingens. Ebusitano pelago seu I-  
berico conditur, hunc vulgus *Securam* appellat.

*Tagus* fluuius est Graijs nostrisque carminibus  
celebratus, aurēis granulis insignis, piscium ostre-  
arumq; feracissimus. Ex Catulonensi erumpens a-  
gro & in Carpentanos lapsus Toletum præpotē-  
tem, validamq; urbem pene circuit: tandem Lusit-  
anos contingens ad Olisiponem ingreditur occa-  
num. Catullus:

*Tertia Iberia quam cit amnis aurifer Tagus.*

Statius Papinius in Epithal. *Stellæ & Violantillæ,*

*Hinc Hermum, fuluōq; Tagum decurrere limo.*

Meminit & Iuuenalis.

*Omnis arena Tagi quodq; in mare voluitur aurum.*

Et Ouidius:

*Cedat & auriferi ripa beata Tagi.*

*Tamara*, fluuius est in Gallecia clarus.

*Tuis*, qui & *Ticer* à Plinio appellatur, inter Au-  
setanos fluit, à conuallibus Pyrenes delapsus per  
confragosa primum loca, & salebras in plana de-  
currens, Hierundam validam urbem petit, vbi Nu-  
darium amnem absorbens, inde iam grandior fa-  
ctus Indicetum apricos agros circuit, & versus  
Cirneum montem immiscetur mari.

*Turia* Sedetanorum, & Contestanorū fluuius est,  
eorum amoenissimus irrigans campos, *Turiolum* sui  
nominis opidum linquens Valentiae vrbi delitiaz-  
um & nobilitatis altrici proximus labitur. Inde

ob crebram riuulorum deductionem tenuissimus in mare deuoluitur. Salustius quarto historiarum libro in hæc verba meminit : *Inier laua Manium & dextrum flumen Turia, quod Valentiam paruo intervallo præterfuit.* Ab Afris postea, qui eam urbem ad CCC. pæne annos tenuerunt, barbarum huic fluuiio nomen vix ore Latino sonandum impositum est; quod referre pudet.

Laudat hunc amnem Claudianus illo carmine inter laudes Syrenæ:

*Floribus & roseis formosus Turia ripis.*

*Turiam*, quidam ideo dictum existimauere, quod petentibus olim Phœnicibus Gades, cum ab Ebusio soluissent, tēpestare repulsi ad huius fluminis ostia deuenerunt: vbi vaccarū multitudinē inuenientes flumen *Turia* id est vaccis cultum appellauere: quas ipsi *Tur* patrio sermone appellant. Alij *Thuriam* significatione Græca, quasi *celerem* appellari putant.

*Tarnum* fluuius est in Leleterania; aureos tradens grumulos. Vulgus *Tarderiam* vocitat. Exoritur monte, quem *Virnum* quidam, alij *Senium* appellant, qui omnium metallorum genere scatet; marmoribus quoque foecundus est. Leguntur autem arenulæ inter fluminis lapillos non longius à loco, vnde amnis oritur, toto anni tempore; præsertim si vis aquarum repente immineat, tunc enim imbribus eliquata terra, ex monte, quem diximus, cum auro labitur, & in amnem defluit. Inde demissis tabulis ab accolarum alacri turba pretiosissimum naturæ munus excipitur. Scimus lectum fuisse nouissimè grumum ponderis vnus libræ,

bræ, & confectum inde torquem. Fluius ipse  
Celidonium irrigans agrum non longè à Blandis  
opido nostrum subintrat pelagus.

*Vacua* inter Carpetanos fluit; quos iuniores *Ca-  
stellanos* appellant, & lintribus vel monoxilis, non  
onerarijs nauibus, vt refert Strabo, enauigatur.

*Vacus* per Lusitanos fluit.

*Via* per Gallecos.

*Vir* per eosdem.

*Velo* per Celticos,

*Vduba* tenuis est fluuiolus, in regione Ilercao-  
num Sagunto, ærumnis & seruata fide venerandæ  
vrbi propinquus. Hanc urbem nostra ætate, cum  
antiquissima sit & à socijs Herculis condita, *Vete-  
res muros* appellant.

Silius.

*Haud procul Herculei tollunt se litoris muri*

*Clementer crescente ingo, quis nobile nomen*

*Conditum excelsæ sacrauit colle Zacynthos.*

## DE MONTIBVS, & Promonto- rijs.

**A** *Varium*, promontorium est non longè ab A-  
nac fluuij ostio.

*Barbarium* promontorium est Lusitaniæ,  
haud procul ab Olisipone, insigni & quæstuosa  
vrbe.

*Calpe* mons est totus in mare prominens, lati-  
tudine exilis, altissimus celsitudine, *Abile*, qui in  
Africâ

*Africa* est, oppositus, quem alteram *Columnam Herculis* esse fabulosa vetustas tradidit, eumq; quondā perpetuo iugo *Abila* iunctum ab Hercule, cum in Hispaniam venisset, separatum, & inde Oceanum mole montis ante retentum, in medias exundasse terras, angustoque freto Europam ab Africa separasse. *Lucanus*.

*Hesperium Calpen summumq; replenit Atlanta. Silius,*  
— *ac laudibus olim Terminus Herculis Calpe.*

*Cantus* citerioris Hispaniæ mons est, è Pyrenæis sublimior vergit in Galliam Narbonensem, versus Ruscinonensem agrum; In cuius vertice nō improbata fama latus esse fertur, immensæ profunditatis, qui repentinis imbribus oceani more æstuaræ & quasi effervere videtur, ac grandine & tonitribus concuti. Interius umbrarum & dæmonum esse sedes ferunt; lugentiumq; clamores & planctus audiri horribiles; & ea loca ad infernas usq; regiones penetrare affirmant, sataq; & arbores eius aquæ malignitate contactas aduri atque ardescere.

*Caridemum*, ut *Ptolomæus* tradit, promontorium est in capite Bæticæ versus novam Carthaginem, haud procul à portu magno.

*Celticum*, promontorium est Galleciæ, in oceanum prorumpens.

*Cuneus* promontorium est sacro propinquum.

*Edulius* mons est in Tarraconensi.

*Erminius* mons est Lusitaniz.

*Ferraria* promontorium est in agro Dianienfi distat ab Ebuso insula Lxxx.M.P.

*Grini* mons est mari contiguus, in citeriori apud Emporitanos & ostia Ticeris.

*Idu-*

*Idubede*, montes sunt continui in Tarraconensi in Cantabria incipiunt & vsq; ad nostrum mare excurrunt:

*Ilipa* mons est in Bætica.

*Ionis* mons est vndiq; absolutus, olim portum, nunc speluncam Barcinoni præbens, recrescentibus lapidicinis egregius est, & vario fructuum fontiumq; genere ornatus: Inter quem & Tarraconem montes sunt ad litus rupicosi, & per decliua cautum in forma graduum distincti: quos vulgus olim *Scalas* Hannibalis appellauit.

*Larso* promontorium est Pyrenæi apud Vascones in Oceano Cantabrico.

*Lunæ* promontorium est, non longe ab ostio Mundæ fluuij situm.

*Lunarium* promontorium est in Loletanis, versus Indecetarum oram.

*Masseria* montis Hispaniæ regionem non legi.

*Magnum* promontorium est Lusitaniæ inter Hannibalis portum & Olisiponem situm, quod & *Olisiponense* & *Artabrum* appellatur: In hoc Fauonio flante equas sine masculis concipere ob earum multitudinem poetæ auctore Pomponio Mela fabulati sunt: quod ostenditur à Silio his versibus:

*Hic adeo cùm ver placidum flatuq; tepescit.*

*Concubitus seruans tacitos grex præstat equorum.*

*Et Venerem occultam geniali concipit aura:*

*Sed non multa dies generi, properatq; senectus*

*Septimaq; his tabulis longissima ducitur ætas.*

Quidam autem affirmant huius genituræ equos triennio tantum viuere, & perraro quadrimos videri: Porro si vento generantur, velocissimos esse non est mirum. Nihil enim vento velocius inue-

niri

niri potest. Vnde Homerus xx. Iliados ait; Erycto-  
nium habuisse tria millia equorum, cum quibus  
Boreas suscepta equi specie coiuit, quo velociores  
essent:

*Nerium* promontorium est Vardulorum in Can-  
tabris.

*Orabium* promontorium est Gallaicorum, situm  
inter Minium & Tamaram flumen.

*Orospeda* montes sunt continui à columnis inci-  
pientes qui adusque Carthaginensem agrum  
porriguntur.

*Pyrenaei* perpetui montes sunt, Hispanias à Gal-  
lis diuidentes: dicti vt plures tradunt quod flumi-  
nibus crebris feriantur vel à *Pyrene* *Bebrycia* Vir-  
gine ab Hercule ibi stupro cognita; quod videtur  
sequutus Silius liij. Punicorum his versibus:

*Pyrene celsa nimboſa verticis arce*  
*Diuiſos Celtis latè ſpectabat Iberos,*  
*Atque aeterna tenet magnis diuortia terris:*  
*Nomen Bebrycia duxere à virgine colles,*  
*Hoſpitis Alcide crimen qui ſorte laborum*  
*Geryonis peteret cum longa tricipitis arua*  
*Profeſſus Baccho ſeu a Bebrycis in aula*  
*Lugendum formæ ſine virginitate reliquit.*

*Pyrenen*; leu vt Diodoro placet, (nam ea fabulo-  
ſa Plinius exiſtimat) dicti ſunt, quod olim à paſto-  
ribus impoſito igne conflagrauerunt; quo incen-  
dio varia metallorum genera erupiſſe tradit: aut  
quod verius puto, appellati ſunt, quia in modum  
*Pyrarum* eorum cacumina emineant. Horum ra-  
dices incipiunt finibus *Narbonenſis* *Galliæ* regio-  
ne.

*Sardoni* promontorium quod *Pyariam* vocant, Patet frons eius versus nostrum pelagus, in latitudinem circiter decem millia passuum, ubi *Canciliberum* opidum *Iberitanorum* olim, & *Ruscinonensium* nunc *Perpinianensis* emporium. Est & in fronte *Veneris portus* & *Ceruaris* promontorium *Galliae* finis, unde & *Pompeij trophaea* cernuntur. Dein & promontorium aliud ostenditur nautis celebratum, quod *Crucianum* appellant. hic ab *Hispania* in *Galliam* nauigantibus initium est *Narbonensis* procellosi atque importuosi sinus, quippe qui *Austro* & *Africo* totus expositus est. Quatur etiam *zua hyeme* *Circio* & *Aquilone*. Inde digressus *Pyrenaeus* in sublime sese fastigat, in excelsum iugum exurgens; quod cum niuosum sit *Albetan* vocant, à *Cerretanis Herculis* quondam *Comitibus* & *Vasconibus* *suprema* eius inhabitatur. Ipse *Emporitano*, *Ansetano*, *Ilergetas*, *Surdones*, *Iaccitanos*, *Cantabrosque* relinquens, tandem *Larsonem* versus *Oceano* se iungit: In his moribus percãdidi *pauones* gignuntur, non ingētes; boues elephantibus maiores, vt *Græcorum* quidã tradidere. *Pernas* suum, qui in his cõuallib. nascuntur acceptas fuisse *Romę* tradidit *Strabo*.

*Sacrum* promontoriũ è media occidua *Hispaniæ* fronte in *Oceanum* extenditur.

*Saturni* promontorium, in quo arx *Sestiana* versus *maritima Asturum* est.

*Solarium* mons est excelsus versus *Oretanos*, non *Arogotis* vt recentior quispiam tradit:

*Serresus*, quem & *Serratum* vocant, mons est finibus *Leletanorum* in *Lacetanis*: Olim profanis

Deo.

deorum cultibus dicatus: de quo quædam haud indecenter enarrare lubet. Mons ipse non modo in Hispanijs, sed vbiuis prouinciarum Latini, Christianique nominis fama pernotissimus est; sicut & religio efficit, distat à Barcinone circiter xxx. millia passuum, tantundem mari remotus. Lambitur à septentrione rubricato amne, vbi *Palladium* opidum Olesia patet xij. millia passuum in insulam sedens, & nulli contiguus, vt Soracte in Italia. Altitudo eius ardua, & quam eminentes cliui cæulesque exasperant: Nemorosus internis ornis & fraxinis & huiuscemodi arboribus insignitus est, salientibusque fontibus irriguus, medicinalium quoque herbarum feracior. Aspectus eius amplissimus vt Pyrenæis & occidente sole Balearibus terminetur. Et cum cernentibus se inaccessibilem ostendat, benignum tamen aditum circuitus tribuit; exterius autem præruptis exesisque saxis ita vndique in graduum, & ferræ similitudinem, & ex ordine cõpositum est, vt prudenti opere naturam ipsam aut mundi huius opificem montem ipsum nescio quid sacri numinis ostentantem suo celeberrimo cultui extruxisse credam<sup>9</sup>. Religionis eius auxere initia, quod supremæ Virgini sacer sit ob vetustissimum ipsius simulacrum abditissima spelunca diuinitus adinuentum. De quo si pro materia diceretur, grãde esset profecto opus; & ideo relinquendum. Ultra montis modum ara Virgini extructa est, & augustissimum templum Via quoque ascendentibus non exigua, laborioso, accolarum cultu regijsque sumptibus coacta est. Desperatum prima manu opus mox absolutum. Cacumina præterea montis religiosi habitantur viris, quos heremitas



appellant, lignisq̃ue grandibus & exemtilibus  
 scalis & pendentia saxa admotis non sine vastæ  
 sublimitatis terrore, ac casus etiam periculo ade-  
 untur. Ascendentibus ne decidant remedium est,  
 curiosius scandere & ne ima despiciant. Heremico  
 læ ipsi celibes, ac spretis libentius malè caris opi-  
 bus cœlestia venerantur. Templum quod dixi-  
 mus cera argentoq̃ue atque auro conflatis per or-  
 bem donarijs onustum est. Cuius veterrimi tholi  
 fastigio mirandæ virginæ opis miseris agrisq̃ue  
 mortalibus præstitæ testes appendent statux, &  
 depictæ imagines, cathenæ, loricæ, clypei, & ro-  
 stra carinis erepta, atque alia liberationis ac victo-  
 riæ monumenta. Quodq̃ue omnium maximum  
 est, reuiuiscantium hominum funebria vestimen-  
 ta superatæ naturæ mirificentissimum spectacu-  
 lum. Soluuntur vota sexto Idus Septembris: nu-  
 merosa populorum vsque ad internecionem pres-  
 fura. Sed iam alios quæramus montes.

*Scombraria* promontorium à scombris piscibus  
 dicta, sita sunt inter *Dianium* urbem & *Carthaginem*  
*nouam*.

*Temarianus* Bæticæ mons est.

*Tenebrum* promontorium est in agro Dertosæ-  
 no.

*Trileucum* quod etiam *Lexaciæcorum* dicitur in  
 Galleciis est, non procul à fluuio Brigantiâ.

*Vrinium* montem esse Hispaniæ non designatâ  
 regione, complures tradunt.

*Vadaneronem* quidam non temerè Celtiberiæ  
 montem esse existimant: ab alijs effractum atque  
 in insulam positum: quem nunc *Vadanicorum* corru-  
 pto in vulgus vocabulo appellari volunt. Olim

Manibus sacer fuit, qui etiam à Martiale carmine celebratus est, vbi *Voberse* siluz meminit *Montordi opidi*, & *Somone* vici, & *Congredi Balnearum*: quæ omnia in agro *Bilbilitano* sunt: vbi & *Ferrarie*. Distat mons à *Tarracone* dierum quinque itinere: quod à Poeta notatum est cum ait:

*Quinta forsit an esseda videbis.*

Mons ipse sterilis est, & niuosus, vbi etiam hodie intempesta nocte umbræ apparere dicuntur.

BARCINO

HIERONYMI

PAULI BARCINO.

NENSIS IURE

consulti, ad Paulum Pompeium.



MICORVM quosdam fures esse temporis ait Seneca. Tu contra Pompeii facis: curas enim & instigas ne surripiantur amicis, neque negotijs obruantur. Rogas vnum, aut aliud: quo temporum mora fructum aliquem literarum his, quos diligis, pariat: appellasque negotia ipsa impedimenta quædam philosophiæ & sublimioris exercitationis animi interceptionis. Interrupisti nuper per epistolam negotiosas legum actiones, gratissimo

rogatu. Cupis enim vt quæ de vrbe mea, eiufque agro & principatu, incolis & fitu, deque eorum rebus præclare magnificeque gestis, apud priscos auctores & fide dignos legi, ad te scriberem, addita perstrictim vsque ad nostra tempora historia quod libens feci: id te exposcente: vt de eruditione taceam amicorum optimo: Placuit mihi à nostra, quamquam labori & vigilijs obnoxia, tamen vt iuris prudentes volunt, non minus, quam tua vera atque sacra philosophia: ad mitiora & cunctis iucunda studia, tui gratia & materiæ diuertere: placidiorique exercitio patrium solum, velut præsens, mente paulisper collustrare. Igitur vt à conditore ordiamur: Qui ab Hercule conditam tradunt recentiores parui momenti auctores habentur, nulla adiuti priscorum auctoritate aut probabili coniectura. verumtamen ea opinio in vulgus sparsa, fouente iactantia, difficile truditur. Vnde veterum quidam Poetarum huic annexi Barcinonem Herculeam dixerunt: quod nonnulli tamen à cultu Iouis, non à conditore dictum conspiciantur: eorumque opinionem ex Macrobij sententia, sed non liquidò, vt nobis videtur, comprobare nituntur: qui ait summum maximumque in citeriore Hispania Martis numen fuisse, quem ipse ex radiorum ornatu solem interpretatur: eundemque esse & Iouem & Herculem. Quin etiam ad suæ opinionis confirmationem extare hodie aiunt, vetustos lapides delubri Martis in agro Settabitano, vbi Mars dominus vt Sol & Hercules appellantur: verum validior surgit opinio ex his qui existimant ab Amilcare Barca.

Pœnorum strenuo & sapientissimo duce fuisse conditam primi belli Punici temporibus. Etenim Pœni & Carthaginem in agro Spartario, explorata opportunitate insignis portus, construxere; ubi exile oppidum fuerat ante, à Teucro positum, & plures alias vrbes in Hispaniæ littoribus. Itaque cum hæc: tum nomen ( nam & *Barcine* etiam à veteribus est appellata ) vel eiusdem argumento, indicant è familia *Barcina* fuisse conditorem. Ea, Carthagine & per vniuersam Africam clarissimis imperatoribus excellens fuit: quippe qui maximam senatus suæ Ciuitatis partem ad se traxere, non absque inuidia Gisgonum atque aliorum nobilium factionis aduersæ. Originem domus primariam, à *Barce* antiquissima vrbe *Libyæ* nonnulli existimant. Sed ne huius disquisitionis vel fragilis opinionis omisisse videamur: Credidere quidam *Barcinonis* primordia à *Barcilo* vrbe *Cariæ* fuisse ducti, vt reor, magis similitudine nominis & Græcorum Asiaticæque gentis profugijs atque erroribus, quàm veterum traditione. Porro primū qui vrhis nostræ meminerit, reperio *Pomponium Melam*. Is *Augusti* temporibus, inter parua oppida oræ Hispaniensis *Barcinonem* enumerat. Sed *Plinij* secundi tempore coloniam iam fuisse constat Romanam, *Fauentiam*que cognominatam: Interque colonias ius quoque *Italicum* sub *diuo Alexandro* habuisse, responso *Pauli iuriconsulti* ostenditur: *Diocletiani* item tempore frequentem fuisse urbem legimus, & suburbijjs auctam, attrita prius per *Germanos* sub præside *Gallieno Tarracone*. *Diui* verò *Constantini* principatu haud parui nominis & opulentam urbem fuisse

*In Lusit.  
D. De Cæ.  
fib.*

fuisse ex scriptoribus animadvertere licet. Cæte-  
rum prius quàm insequentia tempora perscriban-  
tur, erit operæ pretium antiquissimos quosdam *clari ci-*  
ciues vrbs nostræ florente in Hispanijs Romana *ues Barci*  
R.P. referre. Scio equidem Romanorum nominū *nonenses.*  
fuscitata vetustate gaudebis.

L.Licinius secundus, & L.Licinius Sura ciues *Viri illa-*  
nostri fuere, & vterque Consul. sed non vno tem- *stres Bar.*  
pore: vt in Epigrammatibus legitur, & eiusdem fa- *cinonen.*  
milix P.Licinius; notæ, etiam poetæ Martiali pro- *1. 2.*  
bitatis. Fuit & municeps noster C. Publicius Me- *3.*  
lissus: qui ob causas vtilitatesque publicas ex fide *Lib. 1.*  
atque constanter defensas, statuam in foro Barci- *4.*  
noni meruit & iiii Vir eiusdem vrbs creatus est.  
Is magistratus ad Seviratum postea auctus est. fue- *5. 6.*  
runt & ex ea vrbe C. Iulius & M. Antistius homin- *7. 8.*  
cio, & amoenioris ingenij M. Conetius, & Calui-  
tius Paulinus huic omnibus honoribus in R.P. sua  
summa cum laude perfuncto etiam statua posita  
est, curâte Sergia Fuluinilla rarissimi exempli fœ-  
mina. Sed & huius generis viro, cui tamen Her-  
densi, Gal. Paulino, qui ab Hadriano Cæsare equo  
publico donatus est, statuam olim positam fuisse  
Tarracone cum titulo optimi, & in R.P. liberalis-  
simi ciuis nunc etiam inscripta marmora osten-  
dunt. Nobilitata fuit & olim monumento clari  
adolefcentis Sp. Pomponij magistri equitum, qui *9.*  
sub Afranio meruit. Eius epitaphium circumfer-  
tur sub his versibus.

BELLO SERTORIANO

SVSCEPTO VVLNERE

A CALAGVRRITANO HICIA.

H 3

QVEM VIA

al IN

GRATIA.

QVEM EX TEMPLO FODI  
 ACQVIRENDÆ VALITVDINIS CAUSA  
 BARCINONEM PETII  
 AESCVLAPIO VOTA VOVI  
 TEMPLVM INGRATO  
 VT FIERET, STATVI:  
 MORTE IMMATVRA ME  
 INTERCIPIENTE A VALI  
 TVDINE ET AB AVRA ADOLB  
 SCENTEM MISERABILITER  
 DESTITVTVM VIDES,

*Qui, ne sis  
 nescius,  
 pleraque  
 confinxit  
 Epigram-  
 mata.*

*1. 2. 3. 4.  
 5. Scripto-  
 res Barci-  
 nonenses.  
 6. 7.*

Hoc ipsi epigramma alicubi fortasse Barcinoni latens vel iam perditum minimè legimus, sed eius testimonium habemus Cyriaci Anconitani, Epigrammatum per orbem sanè diligentissimi collectoris, cuius ad nos sex haud parua volumina peruenierunt. In hac quoque vrbe erectus fuit olim fornix à M. Aurel. Antonino Faustinae Augustae: cuius adhuc Epigramma in marmore cernitur. Post Constantinum sub Theodosio claruit L. Dexter historiarum scriptor, Praefectus Praetorio: cui Hieronymus libellum de illustribus Christianis dicauit. Sed nec caruit sanctissimis viris, Religionem nostram professis, & qui Pontificatum sub primitiuis Christianorum conuentibus in ea vrbe prouidentissimè tenuerunt. Quorum habentur egregij L. Victor, Aelius, Alexander, Theoticus, & mox sub Theodosio superiore Pacianus, cuius adhuc ara colitur, vir, ut ait Hieronymus, castigata eloquentia illustris: & ab hoc Seuerus & Idalius huius sanctissimi senis pauca quaedam per interualla podagræ, scripta legimus. Ornauit & hæc

tem-

tempora antistes Olympius, cuius per signi exem- 8.  
 plo Pontius Paulinus Aquitanicus sacris nostris  
 in hac vrbe initiatus, ad Pontificatum Nolanum  
 assumptus est: huius extant epistolæ ad Licentium  
 Iocetam, Aurelij Augustini alumnum Religionis  
 & humanitatis plenæ. Assertores etiam vsque ad  
 necem habuit sacrosanctæ Religionis Eulaliam 9.  
 virginem, & Euphratem Arabem aduenam, & 10.  
 hos Diocletiani temporibus: qui sub falsa suspici- *Barcino.*  
 on: immissi per Christianos in Nicomedia incen- *neses*  
 dij, persequabatur toto vrbe infontes, similis et- *Martyres*  
 iam occasio Neronem olim vt in Christianos sæui  
 ret mouerat, sed alia causa Decianæ persecutio-  
 nis fuit, quod ipse Decius Cæsar ærarium Ro-  
 manum spoliatum ab Imperatore Philippo ad-  
 olescente diceret, profusionibus factis in Fa-  
 bium Christianorum antistitem, qua ratione &  
 diuus Laurentius Celtiber thesauri Pontificij & à  
 Fabiano in Xistum transmissi custos, diris, varijsq;  
 cruciatibus adfectus est: & cum sempiterno no-  
 mine finem vitæ adeptus: cui merito ex cœlitibus  
 soli Roma quinque quæ cernimus, per celebrata  
 templa dicauit. Eodem quoque supplicio indignè  
 necati sunt in hac vrbe Anastasius Ilerdensis, vir  
 Equestris ordinis, ex eiusdemque Diocletiani au-  
 la, & alij quidam, tamen nonnulli apud Betulo-  
 nem oppidum Barcinonis littori proximum oc-  
 cisos tradant. Sed iam ad temporum seriem reuer-  
 tamur.

Irruentibus sub Honorio & Theodosio in Hi-  
 spanias Barbaris, captaq; & diruta à Vandalis eius  
 tractus insigniore vrbe Tarracone, succreuit  
 habitatoribus Barcino: paruit post hæc Gotica

genti, & Alanis, ut reliqua Hispania. Quo tempore Ataulphus Gotorum Rex, Theodosij imperatoris muti gener; quia in mores Romanos propter conjugem mitescebat, conspirante clam Valli adolo suorum ibi interfectus est: Creditur à nonnullis vestigia quædam columnarum & antiquorum ruderum, quæ in paradiso sublimiore urbis parte videntur, sepulcrum olim Ataulphi sustinuisse: pars reliquias arcis, alij porticus arbitrantur: Fama vulgi habet Herculem ibi monumento conditum, quæ opinio scriptis Salustij iuuatur: nam his in Hispania Herculem sepultum fuisse Afris & Iberis persuasum testatur. At Barcinoni sub ditione Gotica, augescente populo suburbane domus constructæ sunt, inter quæ maiores Hispaniæ urbes habita est, nam & sedem tum ibi Goci, quæ postea Toletum translata est, atque à Lusitania ad citi Alani constituerant, idoneam rati ad tutelam Pyrenæi, simul & maritimos exercitus inde facile in Italiam vel Numidiæ littora mittendos: ex copia item materiæ, ad construenda nauigia, accedente commoditate extantis tunc portus, Quod quæ Barcinon in Bæticam per maritima, vel in Celtiberiam & penitiorem Hispaniam per mediterranea cunibus atque redeuntibus quasi obuia ad utrunque iter occurrit: unde existimatum est à non vulgaribus propter consistentem tum maximè in ea regione Alanam & Gotorum gentem, inceptos appellari *Gotalanicos* populos: qui nunc *Catalani* dicuntur. Et si quidam ab Angario quodam, cognomento Catalone, Germanorum duce dictos fuisse scribant: quem ante Caroli magni tempora non legitimo exercitu, ut Sarracenos pelleret, Hispaniam

niam



niam intrasse tradūt, militibusque suis *Catalonorum* nomen indidisse, & paulò mox, dum Emporias urbem obsidet, occubuisse. hunc ducem quidam non Germanicæ, sed Gallicæ gentis fuisse ferunt è *Catallaunica* regione singulari prælio memorabili. Superiora sanè astruere illius tēporis scriptores videntur; qui vsque ad Caroli Calui tempora hanc regionem Hispanicam Gothicam & prouinciam Narbonensem Gallogotiam appellant. Sed iam Getarum tempora repetamus; Gothicam deinde gentem post ducentos annos in mores Latinos pæne transformatam, sed diuturna pace præsegnem, plurimoque luxu & varijs ac flagitiosis etiā libidinibus eneruatam; euertere Sarracenorum, quos nunc diximus, & Maurorum permistum genus. Itaque notissima Roderici Regis clade, Barcinon capta, peræque ut cæteræ Hispaniæ vrbes, acerbè quassata est; nam præter Cantabros, Astures, atque Pyrenensium aliquas gentes, quas vix locorum asperitas est tutata, vniuersa Hispania in Mauroarabum ditionem peruenit; mirumque profecto visum est, ut, quam Romani prouinciam olim, continuis ducentorum annorum & calamitosissimis bellis vix bene subegerant, qui eam Barbari per exigua quindecim mensium mora in seruitutem redegerint; Quinimo nec latius Hispaniæ finibus contenti, sed Pyrenæum transgredientes, & Aquitaniam, & cuncta inferiora vsque in Arlatem obtinuerunt. Tanta fuit aduersantium syderū vrgens potestas: vel diuinæ potius mentis in degeneres à maiorum moribus populos aperta punitio,

Recepta deinde sub plurimæ famæ Carolo &

H 5

Ludo.

Ludouico Augustis Barcino, à principibus gubernari cœpit, qui *Comites* appellati sunt: & ciuibus rursus augeri, militiam magis quàm commercia exercentibus. Quorum præstantia Comites bis à Sarracenis captam Barcinonem receperunt: ac longè lateque etsi parua manu, dominatum auxere, continuis bellis innumeros Barbarorum exercitus profligantes. *Tarraco* primùm, quæ à Gotis parum, & à Sarracenis plusculum instaurata fuerat, subinde & *Dertosa* commercijs opportuna, & *Ilerda*, claræ vrbes, à iugo Mauroarabum per eos liberatæ sunt & Catalanorum nomen vulgatum, quorum *Barcinon* metropolis fuit semper, vtque summatim magna & multa perstringamus, à faucibus Iberi Niceam vsque, sub alpibus Imperium pertulere. Sed ne Catalanorum res etiam in Africa & Oriente splendidè gestas texere videamur; quod sequente vita, alterius & protensioris erit operis, ad urbem duntaxat nostram redeamus.

Iunctis Aragonensium & Catalanorum imperijs sub Innocentio II. conspicua suscepit incrementa: captis præsertim *Balearibus*, pulsisque à præculto agro *Valentia* Afris: quo tempore mercaturæ pariter & militiæ intentæ Barcino, breuique hostium spolijs & commerciorum lucris amplificata, inter primas Hispaniæ iterum & celebrioris Europæ connumerari cœpit: continuata vsque ad nostra tempora gloria. Siquidem in omnibus & grauissimis bellis quæ in Sicilia, Sardinia, atque Italia, lateque per orbem à Regibus Aragonum foeliciter gesta sunt, naualibus maximè prælijs præcipua auxilia Barcinonensium fuere, prorsus nec vllæ sine eis partē victoriæ. Auxerūt nomē,

facultates, nauigatio & libertas, senatus, populoq;  
à regib. ob ingétia merita cōcessa; itē religionis &  
iustitiæ obseruátia, ad hoc publicæ rei priuatæq;  
cura laudabili adiuta parsimonia, & cōseruatrice  
Imperij concordia, expurgataq; in primis ciuita-  
te, velut dulci reip. pernicie otiosorum incolatu.

Plurima & perpulcra quorúdā cin.ū nostrorū  
belli & pacis facinora iā nos, Pópuli, sollicitat vt pā  
dātur. Sed ea vberiori operi Catalaïcæ historiæ re-  
seruat<sup>9</sup> ad iuridicę gubernatiōis formā trāseūtes.

Post Punicā dominationē, cuius nihil liquidi  
exploratū habem<sup>9</sup>, legib. paruit *Barcino*, primū Ro-  
manis, quib. p Gotos exactis, intrusæ Barbarę, lin-  
gua tamē latina promulgatæ, in quib. Romanæ v-  
ti petricosq; atq; ambagiosis subtilitatib. inutiles  
abrogātur: & in eisdē, inter nationis Gothicę ho-  
mines & Romanos (sic n. tū Hispanos appellabāt)  
cōiugia prohibētur, ne feritas gētis Romani san-  
guinis cōmistione mollesceret: quæ sanctio, lōgo  
post tēpore, māsuefactis Barbaris, sublata fuit: sub  
ipsis Comitib. aliæ leges subortæ sunt, rudi sei mo-  
ne cōscriptę, nec sentētijs, vt plerisq; videtur, satis  
cohærētes, vacātib. vtpote ea tēpestare armis ma-  
gis q̃ legib. incolis: quia manu Comitū omnia pe-  
ne gubernātur: tū sub regib. adulta iā vrbe Roma-  
nę leges à Iustiniano digestæ, restitutę sūt: additis  
quibusdā municipalib. quarū studio dediti cōplu-  
res, inter primos legum peritos claruere: tamen si  
pauci, vtcunq; periti, nulla scripta reliquerint, fo-  
rē sib. omnino actionibus occupati: quę acutissimē  
atq; exactissimē in Barcinonensium foro etiam nū  
peraguntur. Accedit grāuitas, & libratum animi  
iudicium, quo ciues nostri præcipuē commen-  
dantur. Hoc igitur tenore morum & serie legum

*Bella inte-  
stina.*

opibus, & gloria florentem ciuitatem nostram pueri vidimus, eandem adolescentes mutata fortuna labantem; sed nunc intestinis bellis attritam, opibus exhaustam, ciuibuscque infrequentem, dolenter cernimus, atque vtinam senes reuiuifcentem videamus, quod cura quidem & beneficentia optimi maximique principis Ferdinandi, vt eueniat, haud desperare licet. Hæc bella, luxus, & ciuium discordiæ partim, (quibus opulentissimæ vrbes periere) partim tenacitas libertatis, licentia principis læsæ pepererunt.

Summa bellorum ratio hæc fuit: nam singulares causas & subinde ærumnas & cruentos annales velle perscribere non est huius operis. Quare ad situm vrbis transeundum est.

*Vrbis situm.*

Pristini oppidi muri vetustate notabiles, integri adhuc videntur, paulò editiore parte vrbis, cū quatuor duntaxat portis, nunc enim nouem sunt. In illarum turribus capitis bubuli statua, dum cōderetur vrbs, positæ fuere ad pacis atque imperij votiuæ signa. Hoc vetus oppidum, & quæ quōdam suburbia fuerunt illi circumquaque addita, amplectuntur nunc nouæ vrbis muri: quibus insuper proauorum nostrorum temporibus adiuncti sunt ab occasu alij recentiores muri, quæ postea succreuerant pomœria claudentes; redditque vniuersa vrbs in plano iacens nouam faciem hemicycli, seu C litteræ utroque capite apertum æquor tangens: vnde expugnatu difficilior fit: exposita per frequentes procellas hostili classe naufragijs: nec facile vel æstate, auxilia prohibente. Etenim tutius noctu, & haud raro per lucem, inter numerosa hostium nauigia, auxiliarias naues littus vrbe sub-

subire vidimus incolumes: Mare ipsum nostra tempestate etiam aduersum ostenditur afflictae vrbi, dum soluto veteri limite, obrutaque littorali area, urbem petit, excauatque muros, & moenia intus aperit: vnde pulcherrimae & des tractandis commercijs, reponendisque temporarijs mercibus ad littus posita, vndarum pulsu concussa ruinam timent, & satis difficile est hybernos fluctus insipientis pelagi obicibus arcere. In quo tamen arduenti cura laboratur, obiecta immensitate molarum.

Intra urbem templa visuntur pulcra quidem & egregia, in primisque plurimo clarioque sacerdote ornata, interque ipsa templa, vetusti operis diui *Michaelis* apparet, populari peruigilio frequentatum: quod olim *Aesculapio* dicatum fuisse non nulli arbitrantur: argumento afferunt, pavimento inscriptos angues: ab alijs templum fuisse *Iouis* existimatur, pari primariae urbis religione. Nam *Tarraco* eximio templo & cultu *Iouis* enituit: hoc sane ex monumentis antiquorum lapidum pater, *Mineruam* templum habuisse *Barcioni*, haud procul ab vrbe, *Veneris* aedes fuisse fertur, vbi fanum diuae *Eulaliae Emeritensis* antiquitate venerabile, à Christianis dicatum fuerat, in quo sepulcra ciuium Romanorum ante demolitionem vidimus. Nam per superiora bellorum tempora, ne praesidium hostibus redderet, quod per obsidionem Gallorum euenerat, non absque graui vetustatis dispendio à nostris dirutum est: sed nuper eodem loco erectum, Muri & domus urbis ex lapide sunt qui in monte *Iouis*, ab occasu urbi prope iuncto semper renascitur. Vix in ea non luto sordidae aut

porticibus occupatz conspiciuntur: sed nec cœli  
 protectis subgrundisue aut mænianis obtegitur,  
 proinde nec ædificiorum frontispicia deforman-  
 tur, quibus multas alioqui percelebres vrbes de-  
 honestari comperimus. Mons ipse ad decorem vr-  
 bis accedit & salubritatem, intercepta palustri au-  
 ra absolutos vndique & contra Zephyrû erectior  
 cernitur, læto vinearum & arborum conspectu;  
 probata in eo rubrica eruitur effossorum olim  
 metallorum, vt multi autumant, index: Nec fontibus  
 caret limpidissimis, aut viuacibus herbis: pro-  
 spectu verò tam longinquo, vt quidam Balearicos  
 montes inde, ægrè tamen, sub Occasu aut Ortusol-  
 lis cerni contendunt. Cōstans fama tenet ex rema-  
 nētibus orta vestigijs, olim vrbi portum reddidisse  
 montem, ventis Euro atque Austro interq; hos  
 medio, tutissimum: quibus plaga illa validius infe-  
 statur, hic postea siccus relictus est, refluēte lōgius  
 Salo, ideoq; colonis fabricatio inchoata: famam cō-  
 firmare Artemidorus videtur, qui ait *Lelgetaniam* cu-  
 ius caput est *Barcino* portubus frequentem fuisse:  
 Sed & idem his versibus Anieni apertè ostenditur  
 in ora Maritima.

*Et Barcinonum amenas sedes ditium*

*Nam pandit illic tuta portus brachia,*

*Vinei que semper dulcibus tellus aquis.*

In summo montis specula est posita, vbi olim  
 fanū fuisse Iouis nō pauci consentiūt, Nunc ædicu-  
 las habet annuis ciuium conuentibus, iucundè si-  
 mul & religiosè inuisas, inq; ijs proculdubio pul-  
 ero fonti vicina percolitur, Iuliano dicata, q̃ vetu-  
 state collabentē, L. Desplanus Archidiaconus vir clari-  
 tudine & generosa probitate prænitens nuper in-  
 staurauit, fons ipse non prorsus abolita veteri su-

perstitutione, aditur à plebe *fortune fortis* festo. VI II I.  
Kal. Iulias, per famam apparentium eo die Nym-  
pharū, verbenā & filice coronatarū interq; mon-  
tem & Rupricatum flumen, quod per septē ferme  
millia passuū lōge ab vrbe pelagus ingreditur, pa-  
lustria loca sunt, frugifera tamen alicubi & pascu-  
is non ignobilia, fluuius ipse vbi accrescit, pontis  
sepe vel impatiēs est, vel mutato cursu fallax. Vrbis  
amēno magis quam fertili loco posita est, littore  
satis profundo, prāterq̃ ad *Tasos*: hęc loca sunt cō-  
tra littus ad octo ferme stadia, vbi arenarū dorsa  
inhibent atq; irritant mare, vnde extra, desurgere  
naues solēt: Duos habet amnes, prēdictū ab occasu  
& *Betulū*, qui & *Betulus* dicit̃ ab ortu fluētē, propin-  
quius, tenui alueo: sed irrigationib. vtili, vnde riuī  
per fōssas & sulcos aquarios decurrunt in prēdia,  
terreni & structilis operis, molinas etiam citātes.  
Scatēt & intra urbē frequētes putei, non improbx  
aquę. Ducit̃ & aqua ē fonte perenni per lapideos  
cuniculos in urbē, eq; receptaculis & castellis per  
labra vel saltus in varia loca effunditur. Mulierū  
prāterea peculiaris pulchritudo, & matronale de-  
c<sup>o</sup> lētiorē ciuitatē reddūt, vnde & tenacior manet.  
Torus & soboles fit generosior. Ambitus est stadio  
rū circiter xxv: eadē p̃ne dimēsiō est Neapolis I-  
talicę: sed Neapolis hodie ciue & aduenis plenior  
habetur, vtq; Germanicę gētis pulcerrimas, sed ge-  
lidas vrbes relinquamus, Florētiā Etrurię clarissi-  
mā urbē an pulcritudine & mūditijs vincat Barci-  
no iustissima haften<sup>o</sup> dubitatio est: huius sane sitū  
prāstatiōrē omnino esse propter litt<sup>o</sup> & cēli apri-  
citātē nemo inficiabit̃. Ferūt Astronomi eā sagitta-  
rio suppositā, prācellētī Ioui domestico, inter quę  
mul-

multa vrbis instituta ampliori, quàm diximus, & peri inferenda. AEdilitiæ sunt & mercatoriæ leges, per has iudicium ex bono & æquo, & sub cōpendio redditur à Duūiris, qui cōsules appellātur: vnde consulares leges dictæ sunt: quarū hac tēpestate nō in ea vrbe modò vsus viget, sed per cūctas fermè maritimas ciuitates nauticæ, & mercatorū cōtrouersię huiusmodi legibus, vel ex his depromptis, summa cū auctoritate terminātur. Vtq; Rhodias olim, ita plerique nunc per urbem *Barcinonias* leges appellant, AEdilitiæ quoque plurimis & inclytis vrbibus exemplo fuere. Criminum animaduersio ciuiliūque causarum notio per creatos à Regibus Magistratus, maiori ex parte exercetur Pontificalis fori iurisdictione excepta. Cura frumentaria & R. P. per Quinqueuiros hodie gubernatur, anniuersario munere, adiunctis xxx. duobus, aut Centum Viris, si grauiora imminant. Ab hoc procerū ordine, admissa etiā nuper in partē senatus plebe decreta emanāt. Creditū est popularē hanc admissionem initia ruine vrbis nostræ parauisse, inepta ad gubernationem plebe, insolentia, atque indignitate imperandi, atque consulendi, tum de dissidia vel propter inuidiam nobilitatis promptissima & denique apta gubernari magis quàm regere. Sūt & Monetales, operumque & ærarij tractati & Scribæ: ac plures alij magistratus nulla iniuria historiæ tacendi.

Habet vrbis insigne; publicam mensam depositoriam, fidei, vel alienigenis & ignotis pertinacissimè nullo periculo, culpæ aut mora excusabilis. Illud quoque imitandum: quod in multis speciosis vrbibus, & Romæ negligi miramur; in Tabel-



bellionem, Chirurgum, & medicinarum admitti neminem, nisi probatissimæ fidei examinatiq; curiosius exercitij: optima certè consuetudine, ne fides dolosæ aut imperitæ manui temerè committatur.

Nec non & hoc à compluribus laudari vidimus, quòd urbem nostram Iudæis nequaquam licet habitare: vtpote generi hominum sordido, libidinoso atque impudenti, & nisi servitute reprimeretur, superbo atque crudeli: Ad hæc quòd est gens foënoris, aliorumq; noxiorum R. P. quæ stuû sit profundè consecatrix: Quodq; cæteros mortalium nescio quo singulari odio dolis atque fraudibus circumscribere conetur. Vnde nec hi, quorum maioribus Iudaica origo est, tamen si Christiāni nominis, & forsitan probi, ad honores R. P. nostræ aut Tabellionatus, vel Medicinarû officia admittuntur: existimantibus cunctis perdifficile maiorum mores, & vix obliuione generis exui posse: Sed nec Mahometicæ Religionis hominibus in eadem vrbe, præterquam seruis, commorari permittitur: ne pura Religio, aliarum vsu captis superstitionibus, depræuetur: neue religionum & cultus in vna eademq; ciuitate diuersitas, inuidiam, odia, imposturas, & dissensiones, & clades interdum, atque exterminia R. P. pariat. Quod in Antiocheni & Alexandrina, alijsq; clarissimis vrbib. euenisse, qui res gestas legerit, facile intelligit. Magnificat ciuitatē præterea populorum conuentus totius prouinciæ Catalanicæ, & vrbium oppidorumq; contributiones, à quibus vrbs nostra vt Nobile caput, colitur & augetur: quorum numerum præter vicos plus quam quadringëtorum

Oppida  
civitatis  
Barcino-  
vensis.

Ilerda.

Tarraco.

esse, compertum est. Quas referemus regiones & oppida. Clariores habentur: *Gerundenses*, & qui *Emporitanorum* vberem & portuosam regionem incolunt, & his vicini prisca nominis *Ausetani* & *Tarracopolæ*, fullonica notæ: Interque conualles *Pyrenæorum* *Cerretani*, antiquissimi Hispaniæ populi, in quibus *Liuium Salinatorem* oppidum condidisse perhibent, *Sertorij* temporibus, quod extat, perque *Pyrenæum* veteri *Aquitaniæ* contermini, *Paliarienses*, nouæ appellationis: Tum *Siciritani* aurifero amne perfusi, & sub eis *Ilergetani* campestres, qui & *Vrgellenses* dicuntur, littora olim versus *Leletanos* attingentes. In quorum finibus *Ilerda*, veteri historia & nunc litterarum *Gymnasio* clara posita est, fructifero solo; sed nebuloso per hyemem cœlo taxa ta; At sub *Vrgellensibus* versus maritima iacentes *Cumulatij*, *Albimontani*, *Barbarienses*, conuallis. *Sigarrienses* & *pratenses* habitant: & à latere *Ceruarienses*: & *Varrij* ac candidi salis fossiores *Cardonenses*. Item *Minorienses* cum *Mediolanensibus*, & iuxta hos supra *Barcinonem* *Rubricaticenses*, & sub latus *Vallenses*: atque ad oram *Barcinonis*, ab ortu *Marisini*, & versus *Gerundam*, siluosi saltus incolæ: *Caprarienses*, & aurileguli *Tarnicolæ*: interque *Barcinonem* & *Tarraconem* libero prælati oppido *Penitenses*, ac deinde quondam primi & maximi *Tarraconenses*, cum eorum amoeno agro olim *Suesetano*, à magnitudine suum, ut quidam existimauere, dicto. In ipsisque *Catalanorum* finibus *Dertusani* positi sunt, & *Ibericenses*. Itemque cis *Pyrenæos* *Catalanici* nominis in *Gallia Narbonensi* habitant *Ruscinonenses*, nobilem agrum colentes: quorum

hodie caput insigne *Perpinianum*, lanificio pollet, supraque hos ad radices Pyrenæi *Confluentani* sunt, fossilium & fluentium metallorum possessores. His ferme regionibus ac urbibus & aliquot clarioribus oppidis haud exactius, quàm nunc conuenit, descriptis *Catalania* clauditur. Horum *Barcino* princeps est mater. Quarum gentium tractus in longitudinem ferme centum septuaginta millia, porrigitur: Latitudinem verò, ubi maior centum triginta. Ab his olim gentibus deductæ ab *Ibero* amne vsque in *Bætica* plures coloniz: quarum plane longè clarior *Valentia*, & in *Baleariis*, *Maiorica*, Regnorum sedes alio opere celebrandæ: & validum in *Sardinia* oppidum *Calaris*, præterea, & in *Græcia* quondam percelebres *Athenæ* & *Zacynthus* insulæ, & *Icosium* in *Africa* *Catalanorum* coloniz fuerunt. Vnde non temerè quidam *Valentinos*, & *Maioricenses*, horumque regnorum incolas ab origine atque lingua *Catalanos* appellauere.

Supereſt vt de agro *Barcinonenſi* dicamus. *Ager Barcinonenſis*  
Is ab antiquis *Leletanus* eſt appellatus, maiori tractu montuoſus eſt, aut diſtinctus collibus: ideo non plurimi & ignobilis, vt olim, ſed ubi cura adhibetur, laudati vini ferax: mutata poſterioribus vitium cultura, maturataque ob denſitatem muſti feruoris mora, fertque oliuæ & fructuum pæne omnium copiam, qui arboribus aſcuntur, ſed & mellis & frugum, exiguo tamen

*Muria  
Barcino  
ensis.*

*Vitrea  
vasa.*

*Aque ca-  
lide.*

*Marmo-  
ris auri  
& argen-  
ti fodinae.*

in frumentis redditu, venationi quoque & zucupio aptus est. Ex suburbanis salubriora habentur prædia procul à littore, propter lacunas & stagna: quæ *Betulonis* & *Rubricati* ostia circumstant: Ideo, si liceat patriam describenti vel minutoribus oblectari, laudantur villæ versus Ortanos, Areolum collem, & albas petras. Sylvas habet cæduas complures Barcinonensis ager. Quare & materia abundè præbetur structuræ navium. Pinus in eo frequentissima nascitur, copioso fructu atque eius pergrato. Artemidorus *Leletanum* agrum bonitate præcellentem tradidit: esculenta enim omnia ibi orta sapidissima notantur: Barcinonensis quoque Muria conditura apud veteres in precio fuit. Hodie, ut cernis, è Barcineis rebus præposci Romæ solent cultrorum omne genus, qui ad mensas, qui ad constrictinam & Chirurgicos, quique ad pugillares, & muliebrem quoque mundum pertinent. Sed quid non iam Roma externæ voluptatis ad se traheret enim leuia, & præmolliia, quæ flaccida appellantur, stragula ab vrbe nostra perferuntur: quo delicatius per hyemem cubare liceat: aduehantur & inde percandida, & versicoloria vasa vitrea, cum Venetis certantia, & exilia, quæ vocantur thoralia. Quod si quibusdam, quæ pauca sunt, vrbs nostra carere videatur, ea peregrina navigatione supplentur. Itaque fit, ut habitatoribus vel ad delicias desit nihil. Habet & aquas calidas Barcinonensis ager in Vallengium regione ab antiquioribus rectè memoratas: & quas plerique Cerretanis in Roscinonensi, & his quæ in agro Gerundensi sunt, prætulere. Habet & marmoris optimi, & auri atque argenti fodinas ad Senium montem,

tem: quamquam Tarraconenses & Saguntini lapides ad pavimenta meliores; & ob coelestem colorem gratiores putentur. Et metallorum effossiones quæ in Feliceto ad pagum Argentarium & mansiones rubras fiunt, hodie Seniensibus notiores sint. Hæc sunt loca, quæ decem fermè millia à Mauri oppido Iberi absunt. Est enim Hispania cum multarum rerum prouentibus felix, tum vel maximè omnium metallorum pæne ubique ditissima. Testes fuere olim Pœni, & post deinde Romani, qui intimis atque supernis Iberiæ opibus præcipuè adiuti: videlicet metallis, frugibus, materia, lino, sparto, vino, oleo, lana, sale, salsamentarijs, corio, & equis, & pugnantibus denique ac verè viris, diuturna atque ingentia bella per orbem confecere. Extant etiam nunc pluribus in locis inuersam Hispaniam effossionum illorum temporum aperta vestigia, superioris & nostræ ætatis negligentiam, vel segnitiam accusantia: proinde & quotidianæ illæ querelæ ortæ, auri valorem indies augeri; liquidissima certè causa: cum aurum ubiq; gentium vel per luxum consumatur; & ubi plurimum gignitur intra foecundissima montium viscera, non sapientiore contemptu, sed per ignauiam relinquatur: ad cuius profectò continuam egestionem non dicam captivorum, sed facinororum per prouincias iugem atque ingentem numerum sufficere posse quis neget? longèque Reip. fore utilius, ut qui in tenebroso carcere miserabili otio squalent, vel ad remum damnati in adiumenta sæpe numero piraticæ, & scelerum ministraria traduntur, fructum aliquem publicæ rei in metallis eruendis, alijsue operibus publicis exercendis,

dis, noxia corpora præberent. Nec hoc perspicua exemplo caret: etenim reorum inprimis opera providentissima orbis domina muros, templa, porticus, & thermas cōstruxit: itē portus, theatra, pōtes, & palatia, quæ miramur, edificavit: hac ratione lōgissima Italiā, diuersis vijs latissimè strauit, ac varios atque altissimos aquarum ductus stupenda longitudine cōtinuauit. Appenninumq; sexingentorum stadiorum producto ponte vrbi coniūxit: vt remoti montis pulcerrimos fontes, vix collarum haustu notos, quasi captiuos, per saltus, & aspera montium tractos sibi seruire cogeret. Sed nescio quo me pacto vrbis magnitudo à patria ad se reuocauit: Quare iam finis operi imponendus erit.

Hæc perstrinximus, Pompili, de vrbe, ex qua editi in lucem sumus, utq; amici genus non ignores, honestis maioribus: patre Iacobo Paulo Iureconsulto, (si filius in re obscura testis idoneus est) consummatæ inter opes & gratiam Principum virtutis & doctrinæ. Te nunc inuicem accingi cupio ad id, quale me ipse rogasti: ut quæ nos strictim de vrbe nostra cōscripsimus, tu quoq; excelsæ tuæ, vel potius communis vrbis res iusto, sed clariori opere absoluas: mihi sufficiat amico simul & patriæ, quod debebam, vel tenuiter exsoluisse.

Barcinone anno M. CCCC. XCI. regnante  
Ferdinando II. Castellæ & Aragonum Rege.

EPI.

EPISCOPI ECCLESIAE  
BARCINONENSIS.

1. **L** Vcius Victor, qui scripsit contra Aria-  
2. Actius 1, (nos.
3. Alexander
4. Theoticus
5. Pasianus, qui scripsit contra Nouatianos
6. Olimpius vir doctissimus
7. Ydaltus, qui plura scripsit.
8. S. Seuerus, qui à Gothis clauo infixus in ca-  
pite occisus est: fuitq; vnus ex 70. E-  
piscopis, qui condiderunt leges Go-  
thicas.
9. Ioannes
10. Adaulphus, qui dedit domum suam pro  
domo Episcopali.
11. Trodinus, qui trāsportauit corpus S. Eu-  
laliæ de Ecclesia S. Mariæ matris ad  
Ecclesiam Cathedralem.
12. Guileranus
13. Theodoricus
14. Petrus 1.
15. Viues
16. Actius 2.
17. Deus dedit. In tempore istius ædificata  
est Ecclesia Puellarum S. Petri.
18. Guadallus
19. Gilasbertus nobilis
20. Berengarius 1.

21. Vmbertus, ex nobili familia Alamanij.
22. Bertrandus.
23. Iuleus ex nobili familia Cardona.
24. Berengarius 2. Ex Comitibus Barcinonensib.
25. Raimundus Guillelmus 1.
26. Megarius, Tarraconēsis Archiepiscop. iste Tarraconem à Sarracenis destructam cœpit reedificare.
27. Arnaldus hermengaudus 1.
28. Guillelmus
29. Bernardus de bega 1.
30. Raimundus 2.
31. Berengarius 3.
32. Petrus 2.
33. Berengarius 4. Is cum Canonicis instituit domum caritatis, in tempore istius parochiali sancti Vincentij constructum est monasterium de Iunqueres pro monialibus sancti Benedicti, & institutus est ordo mercenariorum in eodem tempore.
34. Petrus, de domo Centelles 3.
35. Arnaldus 2.
36. Bernardus 2. In tēpore istius in parochiali S Fausti erectū est monasterium de Monte alegre pro monialibus Canonico-regularium Sancti Augustini, & iste episcopus & Canonici concesserunt monasterium de Iunqueres magistro



stro Sancti Iacobi de Spada.

37. Pontius
38. Geraldus de galba
39. Pontius de galba
40. Ferrarius, in tempore istius facta est  
secunda translatio Sanctæ Eulaliæ  
vbi nunc est.
41. Bernardus 3.
42. Michael
43. Guillelmus de Torelles
44. Berengarius 5.
45. Petrus de planella 4.
46. Raimundus 3.
47. Ioannes 2.
48. Franciscus de blanes 1.
49. Franciscus 2.
50. Andreas Bertrandus
51. Franciscus Clemens 3.
52. Andreas 2.
53. Simon Saluator
54. Iacobus girat. magnus Theologus
55. Ioannes de Soler. Theologus
56. Rodericus de Borgia
57. Gondifaluus de Heredia.
58. Petrus Garricas 5.
59. Henricus de Cardona
60. Martinus Garcia.
61. Guillelmus Raimundus.
62. Ludouicus de Cardona.
63. Ioannes de Cardona.

64. Iacobus Cassador
65. Guillelmus Cassador
66. Martinus Martinez del Villar.
67. Ioannes Dimas Loris.

# REGVM ARAGONIAE SE- RIES, ELOGIAQVE IMA-

GINIBVS SVBIECTA CAESARAV-

gusta, à Hieron. Blanca Caesarav-

gust. CIO. IO. LXXXVI,

ad ann. MDC,

contin-

ata.

## Suprarbienses Reges VII.

I.



ARSTAS Eximini Dux strenuus, Re-  
gio Gothor. genere natus, deperdit a iā  
Mauror. irruptionib. Hispania, Aynsa  
capta, eos adortus, cū in toto praelio cœ-  
leste signū Crucis rubei coloris ante eo  
veluti in clypeo, supra arborem (vnde nominis ducta  
appellatio putatur) quercum vidisset, de q. ipsis Mau-  
ris victor gloriose triumphasset, Regio nomine dignus  
existimatus, primus Suprarbiensium Rex faustu om-  
nium acclamationib. est appellatus, anno CHRISTI  
DCCXXIV.

Regnavit ann. ferè X<sup>XXIV</sup>. excessitq. è vita ad  
ann. DCCLVIII.

GAR-

# REGVM ARAGONIAE.

139

GARSI S Innici I. Garsia Eximini F Suprarb.

II.

Rex II Regni fines, oppidis aliquot bello parit, protulit longius: in his Pompeiopolis, Vasconum Metropoli, quae hodie Pampelona: sed, ut sunt res humana fluxa, non diu urbe potius, vitam cum morte commutavit: ad ann. DCCCII. Regni fere XLIV.

Hoc tempore AZENARIVS vir armis praestans primus Aragonum Comes dictus.

FORTVNIVS I. Garsia Inn. F. Garf. Eximini

III.

N. Suprarb. Rex III. non minus armorum, quam pater armis, studiosus, bellis assiduus Mauros lacepsuit: de quib. in Olcassensi tandem valle manu confecta illustrem victoriam reportavit: Ad ann. Dom. DCCCXV. Regni vero XIII. diem clausit extremum.

SANCTIVS Garsia Fort. I. F. Garf. Inn. N. Garf.

IV.

Exim. Pron. Suprarb. Rex IV. initio tam felici Marte depugnauit, totam ut sibi, debellatis hostib. Navarram subegerit. Tandem commissa pugna, à Muz. Aben Heaz. in Mauro Casar augustan. Tyranno una cum Garsia Aragon. Comite V. victus sine liberis occubuit, ad an. DCCCXXXII. Regni fere XVII.

Tunc primum multorum annorum Interregnum in quo vetus Suprarbiense ius conditum, Magistratusq. inter Regem, Regniq. incolas medius, qui post IVS ITILIA Aragon. dictus est, institui coepit.

INNI-

V. **INNICVS** Eximini F. Arista, paterno nomine appellatus, quod visis Mauris subito graui in eos ira eding, exardesceret. Cum Pompeiopolis vrbi, vicinici olim manu parta imperaret, à Suprarbiensibus spectata virtutis bellica nomine, Ara Suesti in oppido Rex v. salutatur, ludiciq, illius medij magistratu ex fœdere confirmato, imperium posteru mirifice stabiluit, cœlestiq, argentea Crucis insigni regio condecorauit. Belli deniq, paci q, artib. clariss. vitam cum regno posuit ad ann ferè DCCCLXX.

VI.

**GARSIAS** Innici II. Arista F. Suprarb. Rex VI. Pompeiopolitanis & ipse imperauit. Sed ad Larambe oppidum iter faciens, à Mauris ex insidijs oppressus, casuq, est cum Vrraca coniuge, vltimi Arragonici Comitis F. vnica, ad ann ferè DCCCLXXXV. Regni verò xv. Cumq, Regina ictu mortua, qui gestabatur infans manum exereret, caso matris utero, viuus e ductus, educatusq, est clam: & Sanctius ab arca dictus, post Fortunium fratrem natu grandiorè, primus Aragon. Rex inauguratur

VII.

**FORTVNIVS** II. Garf. & Vrraca F. Arista N. patri heres suffectus, VII. adeoq, vltimus Suprarb. Rex. Nam Regium Aragonum nomen, quod à Kasone fratre mox inuectum est, priscum illud Suprarb. antiquauit. In Legerensi tandem cœnobio monachi se votis sponte obstringens, Regno sex ferè annos administrato abdicauit, ad an. C. CICI.

Hic secundum Interregnum annor ferè IV.

Aragonia Comites sex.

VIII.

**AZENARIVS** Azenarij F. Hadonis N. collecta

so.

sociorum manu e Cantabria ad Pyrenaeos penetra-  
uit, opem Garfia Suprabienf. Regi II. Pompeio-  
polim obsessuro, laturus. Hic Mauru Iaccam urbem  
eripiens, eius, aliorumq, circa oppidorum ditione à  
Rege donatus, primus sibi Comitù Aragonia no-  
men vindicauit, ad posterorūq, hereditario iure trans-  
misit. Annos complures rerum potitus, animi corpo-  
rūq, dotibus illustris moritur, ad annum DCCCXCV.

GALINDVS AZenarij Com. F. Aragon. Comes  
II paterne dignitatis heres, Iacca foro constructo,  
Vrbis ius, formamq, dedit, eidemq, Magistratum,  
quem Merimum appellari voluit, praefecit. Atare-  
siam praeterea, ceteraq, arces & munimenta, ad haec  
Acomueri in oppido Cercitense coenobium sua pecu-  
nia exadificauit, vt non tantum fortis, sed & boni  
pūq, Principis munus nauiter obijisse videatur. Itaq,  
annos ferè XX. bene gesta Reip. laude insignis, vita,  
officiūq, decessit, an. DCCCXV. à partu Virginis.

EXIMINVS AZenarij Aragon. Comes III. x.  
Gal. Com. F. AZenarij N. AZenarij cognomentum in  
auigratiam memoriamq, sibi adiunxit De reb gestis  
nihil memoria proditum: illud si demas ferro cum  
Mauris fortiter dimicantem, nulla sobole relicta cecidi-  
sse.

EXIMINVS Garfia Arag. Com IIII. AZena-  
rij primi Com. F. Eximino Galindi fratris Filio suc-  
cessit. Casus & ille à Mauris imperauit non diu, vnico  
barede relicto paterna dignationis successore.

GARSTAS AZenarij Aragon. Com. V. Eximini  
Garf. IV. F. in demortui patris locum vocatus, AZena-

vij cognomē & ipse, in primi Comitū memoriā assūp-  
sit. A Casar august. illo Tyranno Mauro vnā cum San-  
ctio Suprarb. Rege I I I I. interemptus; ad ann. Chri.  
DCCCXXXII. relicto Fortunio F. herede, nullum  
Interregno locum dedit.

- XIII.** FORTVNIVS EXIMINI VI. & vltimus Aragon.  
Comes, Garf. AZEN. Com. v. F. heresqz, Arista Regi  
necessitudinis vinculo, & sanguinis affinitate coniun-  
ctus, carnis, acceptusqz, quod Vrracam vnicam F. Re-  
gis F. Garsia nuptum dederit. In periculosa illa primi  
interregni tempora incidens, Reip. qua hodie tran-  
quilla fruimur constituenda suasor auctorqz, existit.  
Per annos amplius XXXVI. Comitū dignatione flo-  
rens, senex decessit ad annum ferè DCCCLXVII.  
Garsias gener, post quem Fortunius N. Suprarb. Re-  
ges suo iam ordine collocati, hereditatem adierunt.  
Hinc secundum Interregnum: quod Sanctius Kaso,  
N. & ipse, qui continenter sequitur, Regis nomine v-  
surpato, clausit.

## ARAGONVM RE-

GES XXVII.

- XIV.** SANCTIVS I. Kaso, Garf. & Vrraca Reg. F. Ari-  
stae v. Suprarb. Reg. & Fortunij Com. VI. N. Fortunij  
monachi Frater, legitimusqz, heres repertus, latissi-  
mi Procerum populiqz, acclamationibus ad Iaccam  
urbem Rex salutatur, & Abarcacogno minatur.  
Primus hic praeclarum Comitum Aragonie nomen,  
in Regis titulum ornamentaqz, conuertit: finesqz im-  
perij, domitusqz capisqz, Manu, longè late-  
que propagauit. Tandem carus suus, hostibus verò vel

nomine ipso formidabilis, vise stationem deseruit,  
Regni ferè an. XXVIII. Christi verò orbi redimen-  
do nati CIOXXIII.

GARSIAS I. Kasonis F. Abarca identidem & ip-  
se appellatus. Aragon. Rex II. Optimè administrata  
R. P. liberis, quas ex Theresia coniuge sustulit, Re-  
gno, quod ann ferè sex & XXX. orij, paci q, pu-  
blica studiosus tenuerat, cessit, an. Dom. CCIOXXIX.

SANCTIVS II Garsie I. F. Kasonis N. Aragon.  
Rex III. nunc Abarca, interdum verò Galindus di-  
ctus, patre vita functo, Regiam potestatem nactus, o-  
mnia fortitudinis amulus exstitit, Prole ex Vrraca  
Ferdin. coniuge suscepta, moritur, Regni ferè XX. an.  
Christi verò CCIOXC.

GARSIAS II. Tremulus, Sanctij II. F. Gars. I.  
N. Kas. Pron. IIII. Arag. Rex, Abarca & ipse inter-  
dum cognominatus, virtute clarus exstitit, Regni quo-  
clauo admotus, rebus praeclare gestis, assiduq, cum  
Mauro bellis exercitus, demum vita laboriosa, arum  
niq, plena cursum, Regni anno X. confecit: quo tem-  
pore nati seruatoris millesimus agebatur.

SANCTIVS Tremuli F. natu maior Sanct. II. N.  
Gars. I. Pron. Kas. Abn. Arag. Rex V. Hispania impe-  
rauit. Filijs regna partiti, Ranimiro, Aragon. Re-  
gnum concessit, coniugis nouerca precib. victus, quod  
pudicitia illius custodem se propugnatoremq, aduer-  
sus fratres obtulisset. Deniq, parva Reip. quiete, anno-  
ua copia, rerumq, omnium vbertate, cum Pompeio-  
poli, Aragonia, Suprarbio, Ripacurtia, Vascoma, A-  
lana, Castella, Asturijs, Legioni, & Asturica tran-  
quil-

XV.

XVI.

XVII.

por exor  
itador

XVIII.

quillè imperaret, latus excessit A. D. XV. Kal. Nou. an.  
CIOXXXIIII.

XIX.

Regnauit an. XXXIII. Mens. IX. Dies XII. X.  
RANIMIRVS I. Christianissimus Sanct. maioris F. Tremuli N. Sanct. II. Pron. Garf. I. Abn. Kas. Atn. Aragon. Rex VI. Cum Christianæ Religionis (vnde Christianissimi cognomen) cultum cœremoni- asq; ex Rom. Eccles. sanctionib. multor. Episcopos ad Iaccam habito Concil. curauisset: Suprarbiensiq; Ripacurtiensi, ac Pallariensi ditione quasita, imperij terminos protulisset, ad Gradus arcem pugnans, tandē occubuit, A. D. VII. Eid. Maij. A. Etatis LX. Natalis Dom. CIDLXIII.

XX.

Regnauit an. XXVIII. Mens. VI. Dies XX.  
SANCTIVS IIII. Ranimiri I. F. Sanctij Maioris N. Tremuli Pron. Sanct. II. Abn. Garf. I. Atn. Kas. Trin. Aragon. Rex VII. gestar. rer. gloria clarus Pompeiopolitan. Regnum adeptus, fusis sapius fugatisq; Mauris, oppida complura amissa recuperauit. Sed Osca celebri Vescitania vrbe castris obfessa, dum mœnia speculabundus obequitans explorat, sagitta eminus emissa, latus confixus interijt, prid. Non. Iun. an nat. XLIX. Natal. Christi CIOXCIIII. Regni ann. XXXI & Dier. XXV.

XXI.

PETRVS I. Sanct. IIII. F. Aragon. Rex. VIII. in ipsa Osca obsidione paterni imperij successor. post non diu, insignem illam Alcorazensem victoriam, victorieq; clarissima, quæ ad posteros transmissa visuntur insignia, reportauit: quatuor nimirum Maurorum Regum capita abscissa; hinc illinc S. Georgij Crucis apposi-



apposita: qui exinde Regni tutelam Diuini religiosè  
colitur. Capta deniq; Osca, gloria nobilis, atq; omni  
genere virtutum excellens, iure optimo, Pius, Fœlix,  
Victor, & Maximus appellari cœpit. Annum iam a-  
gens XX XV. sine liberis excessit è vita, A. D. IV. K.  
Ost. an. CIOCI V.

Regnauit an. x. Mens. III. Dies XXVI.

ALFONSVS I. Bellator Sanct. IV. F. Petri t. XXII.  
frater Aragon. Rex IX. Hispania Imp. Caesar augusta  
hac nobilissima Sedetania Metropoli. quam Mauri  
annos ferè CCCC. seruitute oppressam tenuerant,  
expugnata, victos fugatosq; in Baticam vsq; ceden-  
do persecutus est. Tandem qui vnde tricies collatis si-  
gnis fœlici semper Marte superior discesserat, ridicu-  
lo quodam certamine, dum audacius quàm cautius in  
hostem pugnare studet, ad Gallicam Flauiam cecidit  
nullo herede relicto, A. D. VII. Eid. Sep. An. Christ  
CIO CXXXIII.

Regnauit ann. XXVIII Mens. XI. Dies x.

Hic tertium mensis I. interregnum, quo Pompeiopo-  
litani seorsim à nostris in Rege deligen-  
do consultarunt.

RANIMIRVS II. Monachus, Sanct. IV. F. Pet. XXIII.  
& Alf. Reg. frater, ex Tomariensi monacho Episco-  
pus, post Rex Aragon. x. creatus, cum se regio sceptro  
fascibusq; ineptum modeste iudicaret, Raymūdo Bar-  
cinon. Comiti, cui Petronillā gnatā vnicā despōde-  
rat, de summare, regniq; administratione concedens,  
quod reliquum vite fuit, sacris ritè operatus, in diui-  
narum rerum meditatione consumpsit. Vixit annos

LXIII. Obijt A.D. XVII. Kal. Sept. An. Chr. cix.  
CXLVII.

Regnavit an. XIII. Mens. XI. Dies XXI.

Hic primum Arag. regnum fœmina delatum.

CXLIV.

PETRONILLA Ranim. II filia, Aragon. Regi-  
na XI. vxor Raymundi Berengarij Barcinon. Comi-  
tis: qui cum magni & excelsi animi Princeps, ma-  
nu promptus, & strenuus existeret, vtriusq; ditio-  
nis coniunctione, multiq; oppidis bello partu, commu-  
ne imperium iusq; amplificauit. quod regina, magni  
consilij fœmina, ex A.D. VIII. Eid. Sextil. an. CIO-  
CLXII. quo maritum quinquagenarium amisit, fe-  
lio, posteruq; saluum & incolume seruauit: ipsa quo-  
que A.D. III. Eid. Oct. annos nata XXXVII. fato  
concessit, an. CIOCLX XIII.

Regnarunt an. XXVI. Mens. I. Dies XXVI.

Hic nuptijs matrimonij tabulis ex pacto conuenit.

Barcinonens. insignia Regijs Aragonen-  
sium insignib. praeferri cœpta.

CXLV.

ALFONSVS II. Castus, Petronilla Regina &  
Raymundi Com. F. Arag. Rex XII. patre etiamnum  
superstite patria nomine appellari solitus: Hic bellica  
laude prestans, & quod mireris, castitate, continen-  
tiaq; insignis. Inter cetera oppida Turolium expu-  
gnauit, cui nouas Sepulveda leges concessit, Annuum  
agens XLIV. vita pertasus, ad superos migravit, A.  
D. VII. Kal. Maij. an. CIOXCVI.

Regnavit an. XXII. Mens. VI. Dies XII.

CXLVI.

PETRVS II. Catholicus. Alf. II. F. Aragon. Rex  
XIII. Roma ab Innocentio Pont. Max. corona im-  
posita.

posita, hic dum Vbedensi illo memorabili pralio praesens adesset, periculorum socius, cum Nauarra & Lusitania Regib. à Castellano Rege aduersus innumera- biles Mauror. copias accersitus. cum singuli hoste caeso prada loco abstulissent, Nauarrus insignia, Lusitanus spolia, & Castellanus victoria laudem, quasi debitum labori premium depoposcisset, hic graue vulnus, quia pro fidei Christiana amplificatione accepisset, rebus illis caducis pratulit, maioriq; honori duxit. Laude itaq; & gloria illustris, in Muretina tandem obsidione Eidib. Sept. est interfectus, aetatis anno XL. Christi CIOCCXIII.

Regnauit an. XVII. Mens. IV. Di. XIX.

IACOBVS I. Expugnator. Pet. II. F. Aragon. XXVII.  
Rex XIV. Murtiensis, Balearicus, & Valentinus dictus. Is cum puer etiamnum turbulentam, ac paene collapsam R. P. accepisset, senex tranquillam & iam pridem praeclare constitutam, legibus armatam, triumphatis ornatam, Prouincijs auctam, delubris ad bis mille in Deipara Virginis honorem adificatis illustratam: ac Granata Tumisi & Tremisi Regum vectigalibus locupletato arario, diuitem, deniq; magno sui desiderio morte obita astuantem reliquit: A. D. VI. Kal. Sext. An. Dom. CIOCCCLXXVI. Quamuis enim LXXII. aetatis excesserat, immaturo tamen omnibus visa mors est.

Regnauit an. LXII. Mens. X. Di. XV.

PETRVS III. Magnus, Jac. I. F. Arag. Rex XV. XXVIII.  
excellens atq; inuicti animus Princeps, patre vita fun- do, sacro ouso innatus est: Siciliam regno adiecit:

generale Priuilegium conceſſit. Deniq; Philippum Gallorum regem insolenter magno exercitu in Catalonia irrumpentem, paruis copijs repreſſit, fregit, ac debilitauit: in fugamque re infecta ac moribundum conuertit: ſed non diu tanta & victoria & gloria ſuperſtes, moritur & ipſe A.D. 14. Eid. Nouem. atatis quidem XLIX anno Chriſti CIOCC LXXXV.

Regnauit an. VIII. Menſ. III. Dies V.

XXXIX.

ALFONSVS III. Beneficus. Petri III. F. Aragon. rex XVI. cum ceteris uirtutibus ornatus, tum beneficentia clarus, patri ſuum regnum, titulosque excipiens, cum hac ipſa in urbe regiũ diadema accepiſſet, de connectendo, quod pene temporis imuria diſſipatum erat, patri monio, praeclaras leges tulit: Vnionis, ut vocant, priuilegia indulſit. Tandem annos natus XXVII. cum Eleonora Anglia regis F. pactas facere volens nuptias, peſtilenti morbo correptus immaturè, & abſque herede præreptus eſt A.D. XIV Kal. Quint. An. ſal. CIOCCXCI.

Regnauit an. V. Menſ. IV. Dies XV.

XL. IACOBVS II. Iuſtus. Petri. III. F. Aragon. Rex XVII. in Sicilia patri cum aſſeſſet, hoc regno donatus, à noſtris inde ad Regis munia obeunda euocatur, quod Alf. frater infauſtis nuper in nuptijs deceſſiſſet. (ut pro Epithalamio Epitaphium poſitum iam eſſet, ductumq; funus magna nobilium celebritate, & luctu.) Urbem itaq; hanc ingenti pompa ingreſſus, regiam inſignitus, Regniq; gubernaculis admotus, Iuſtitia, equitatiq; perſtudioſus, diuſama gloriaq; illuſtris imperauit, ann. XX XVI. Menſ. IV. Dies XIV. cõ-

re-

rebus domi militiaque præclarè gestis abiit è vita post  
fridie Kal. Nou. Christi Natalis an. MDCCCXXVII.  
Vixit autem LXVI.

ALFONSVS IIII. Benignus, & Pius. Iac. II. F.  
Rex Aragon. XVIII. Patri suus heres successus, cum  
vniuersum iam regnum, pace tot tantique bellis par-  
ta frueretur, initium capeffendi illius in augusta hac  
vrbe, festorum, ludorumque celebritate, (dum insi-  
gnibus potentie dignitatisque regia maiori quàm an-  
te vnquam apparatu, & pompa coronari vult) coho-  
nestauit. Ceterum cum miti admodum placidoque  
ingenio esset, boni & benigni Principis nomen adeptus,  
in ipso ætatis flore XXXVII. agens, diadema, vitam-  
que posuit A. D. IX. Kal. Februar. ann. à nato Christo  
MDCCCXXXVI.

Regnavit an. VIII. Mens. II. Dies XXII.

PETRVS IV. Cærimoniosus, Alf. IV. F. XIX. Ara-  
gonum Rex, septimestri partu editus (qui aut non vi-  
talis, aut insignis ad omnem morum deformitatem ex-  
istere putatur.) Simul atq; regni clauum tenere cœ-  
pit, more maiorum & ipse coronatur. Qui nisi suorum se-  
sanguine fœdasset, alijs plurimis gloria vel equare-  
tur, vel præferretur potius. Vnionis, quæ vocant Priui-  
legia pugione, quem semper circumferabat, rescinde-  
re conatus, cum è digito sanguinem elicuisset: Par e-  
rat, inquit, ut quæ tot virorum sanguine constitissent,  
non nisi Regis ictu conciderent. Postea crudelis ingenij  
posita feritate, maximè sibi Rempubl. beneficijs de-  
uinxit, amoremque conciliauit ad senium enim post  
diuturnum regnum peruenit, annos natus vnde se-

nos natus vnde septuaginta. Obijt postridie Non. Ian.  
An. Christi. CIOCCCLXXXVIII.

Regnavit an. LI. Mens. XI. Di. XVIII.

XXIII.

IOANNES I. Pet. IV. F. Aragon. Rex XX. Pa-  
tri ingenio dissimilimus: Quo composito, elatoq; ma-  
gnifica pōpa, Regnū regniq; decus tiarā accepit sed à  
alicuius. publicor. negotiorum mole natura\* abhorrens, cū mi-  
ro venandi ferasq; insectandi studio teneretur, mas-  
cula prole carens, in ipsa venatione ex equo delapsus,  
mortuus est repertus A. D. XIV. Kal. Iun. atatis ann.  
XL. Chr. verò CIOCCCXCV.

Regnavit an. VII. Mens. IV. Di. XIII.

XXIV.

MARTINVS Petri IV. F. Aragon. XXI. Rex à  
Ioanne fratre ex testamento institutus, Regia orna-  
menta cum Maria Luna coniuge summo Procerum  
consensu latitiāq; suscepit. Filius utriusq; Martinus  
& ipse dictus, cū Siciliarex inauguratus, A. D.  
VIII. Kal. Sext. an. Chr. CIOCCCCIX. pestilen-  
tiā vi morbi oppressus ad Callarem sine sobole legiti-  
ma obijisset, pater filio, (cum hic illi natura lege debe-  
ret) succedens, Siciliense regnum, Ducatumq; Athe-  
nar. & Neopatr. Regno Aragon. pro cumulo adiecit.  
Nec diu post & ipse parens vix annor. XLIV. sine li-  
beris decessit prid. Kal. Iun. an. Chr. CIOCCCCX.

Regnatum an. XV. Di. XI.

Hic quartum Interregnum annor. II. die-  
rumq; XXV.

XXV.

FERDINANDVS I. Honestus. Ioan. Cast. Reg. F.  
Pet. IV. ex Eleonora filia, Ioan. I. & Mart. Reg. soro-  
re N. ad Caspas select. Iudic. sententijs A. D. VII. Ka.

Quinch.

Quinct. an. Do. CIƆCCCCXII Aragon. Rex XXII.  
renuntiatus, regno inaugurandus urbē hāc alacer ac  
latus ingreditur. Biennio post cōstitutapacataq, Rep.  
diademate regio insignitur. Si firmiore corpusculiva-  
letudine diutius imperare potuisset, nulli maiorū glo-  
ria cōcessisset: verū morbi, qui cū multos iā annos an-  
nos cōslixerat, dolore victus, in medio at at. cursu an-  
XXVII. decessit, A. D. IV. Non. Apr. à Christo nato  
CIƆCCCCXVI.

Regnavit an. III. Mens. IX. Dies VII.

ALFONSVS V. Sapiens, & Magnanimus. Ferd. I. XXXV  
F. Arag. Rex XXIII. Neapolitan. Princeps patre, auo,  
maiorib. illustrior, sic claruit virtute, doctrinaq, sin-  
gulari, vt, cū vtraq, re lōgè alijs prastaret omnib. v-  
tra sibi ipse prastiterit, incertū relinquat. Doctorū ho-  
minū tanq̃ Macenas alter, insignis patronus: vt plures  
sapiētia laudatores nemo repererit. Primus in hac i-  
psa aula Ioāne fr. Prorege vicē gerēte Comitia habu-  
it. nā t̃acti Italicis diureb. occupatus hinc abesset, vr-  
bē tamē ornādā, magnificētia hac adiū, & ingēū pō-  
tū lapidei exadificatione, Regij deniq, valetudinarij  
ad pauperū CHRISTI curationē substructione, libe-  
raliter curauit. Tandē domi, militia, terra, mari, cla-  
rus ann. LXV. in sp̃e resurrectionis acquisiuit, sine le-  
gitimis liberis, A. D. IV. Kalend. Quinctil. ann. Dom.  
CIƆCCCLVIII.

Regnavit an. XLII. Di. XXVI.

IOANNES II. Ferdin. I. F. Alf. V. fr. Aragon. Rex XXXVII  
XXIV. ea fuit animi magnitudine, iure vt Magnus co-

gnomento dici queat. Et verò si eandem ingenij sui vim in externis bellis gerendis intendisset, quam in civilibus domesticisque industria, laborisque patientia consumpsit, posset sanè vnus rebus praeclare gestis aliorum retro Principum laudibus adaeuari. Hic senio fessus, ac militaribus fractus laboribus (quos saepe, quasi gregarium miles esset, immensos tolerauerat) in ipso flore aetatis, quam & in octogesimum alterum annum produxerat, interijt, A. D. XIV. Kal. Febr. Ann. Chr. CCCCCLXXIX.

Regnavit an. XXI. Mens. II. Dies XXV.

XXXVII.

FERDINANDVS II Catholicus Ioan. II. F. Aragon. Rex XXV. Isabella Castella Reg. matrona lectiss. vxore ducta, commune imperium maximè ac praestantissimis rebus illustrauit, amplificauitque. Sic autem de omni Aragon. R. P. de Optimatibus, de militibus, de domesticis, de ciuibus, denique de omnibus est meritis, iure vt, qui Illiberitanus, Africanus, Indicus, Neapolitanus, & Cantabricus est dictus, idem Pater patriae Prudentiss. Vigilantiss. Benigniss. adeoque Optimus appellari à nobis & possit, & debeat. Nullo suscepto filio, Karolum ex Ioanna gnata vnica N. regni heredem instituit, cumque LXIII. an. attingisset, publico luctu & diuturnis lacrymis cohonestatus effertur. A. D. X. Kal. Febr. Nat. Chr. CDDXVI.

Regnavit an. XXXVII. Dies IV.

XXXIX.

KAROLVS Austriacus Max. & Fortiss. Maximil. Rom. Imp. ex Philib. F. Ferdin. verò Cath. reg. ex Ioanna gnata N. Aragon. Rex XXVI. Rom. Imp. eius nominis V. Aug. & Inuictus. Hic Hispania regno suscep-



scepto, Turcam fugauit, Gallorum Regem & Saxo-  
num ducem captos vicit, Italos domuit, Afros supe-  
rauit, haereses debilitauit, Gandauenses ciues suos tu-  
multuantes repressit, Indos subegit, vt VLTERRIVS  
quàm Hercules, positus ad fretum Gaditanum colum-  
nis, rer. gestar. gloriam propagarit. Tandem humana  
sortis, vitaq; pertasus, gloriam adhuc excelsiori ani-  
mo fugiens, Regnis sponte se abdicauit. Et in D. Iusti  
Hieronymianor. sodalium cœnobium, vt quod reli-  
quum vita erat, religiosè transfigeret, secedens, trien-  
nium ibi in cœlestium rer. meditatione consumpsit.  
Deniq; morte laboriosa vita digna piè obita, in bea-  
tor. sedes emigravit A. D. XI. Kal. Oct. ann. Seruat.  
CICDLVIII.

Vixit, an. LVIII. Mens. VI. Dies XXVIII.

PHILIPPVS I. Kar. V. F. Ferdin. Cathol. Regis XL  
Pron. Aragon. Rex XXVII. Omnium atatum am-  
pliss. Imperij Monarcha, Triumphator, & Pacificus:  
Summus Catholicae fidei Religionisq; maiorum de-  
fensor, ad eam potentia maiestatisq; amplitudinem  
Dei Opt. Max. benignitate peruenit, cum orbis terra  
globum, VT QUIESCAT ATLAS humeris so-  
lus sustineat, vt iam gloria domicilium, non Atlantici  
Oceani, Chinesisue aut Zurij maris, sed ydem ipsi,  
qui solis cursum termini definiant: Meritorum verd  
in Ecclesiam Cathol. omnemq; Christian. Remp. me-  
moria in cœlum vsq; secundis piorum votis penetrã-  
rit, mercesq; maneat sempiterna. Tandem plenus die-  
rum febris ardenti correptus A. D. XI. Kal. Quint.  
extinctus est. Id. Sept. an. Red. CIODXCVIII.

Vixit an. LXXI. Mens. III. Di. XXII.

**PHILIPPVS II.** *Philippi I. f. Karoli V. N. A-  
tago. rex XXVIII, quemadmodum regnorum &  
nominis, sic virtutis paterna haeres, potentissimus or-  
bis dominator, cui quanta Catholica religionis cura,  
quantum sit concilianda pacis studium, testantur ha-  
bitus vicina regna.*

## APPROBATIO.

**N**OS Decanus ceterique sacrae The-  
ologicae facultatis Doctores in hac  
celebri Louaniensi vniuersitate  
Regentes, Vniuersis & singulis cu-  
iusvis ordinis ac Religionis salutem, &  
CHRISTI Seruatoris nostri pacem. No-  
tum vobis facimus librum, quem D.  
Damianus à Goes eques Lusitanus de Fi-  
de, Religione, moribusque Aethiopum lati-  
num fecit, à nobis, ipsomet domino Damia-  
no petente, cum adhuc impressus non esset,  
visitatum, examinatumque diligentia omni  
adhibita fuisse. Cuius lectio hic per nos ap-  
probata fuit, cum liber ipse contineat narra-  
tionem eorum quae cognitione digna sunt.  
Et quoniam haec vera sunt, denuò hac nostra  
approbatione, cui sigillum facultatis nostrae  
quoque adiunximus, iterum testamur eundem  
ipsum librum talem esse, qui sine aliqua op-  
po-

155  
positiōne passim per totum orbem legi & de  
portari possit. Datum Louanij, anno à nativ.  
Dom. M. D. XLI. Mens. Iul. die XII.

Ioannes van Houe dictę S. Theologia  
facultatis Bedellus & Notarius.

DAMIANVS A  
GOES EQVES LVSITA-  
nus Paulo Pontifici Romano  
Tertio, S. P. D.

**N**ULLA haud dubiè est res, in qua  
berius niti debeamus, quā vt totus ter-  
ra orbis ( si id aliter fieri non poterit )  
labore, sumptu, martyrio, ac omnium  
nostrum cruciatibus, ad Christi fidem  
alliciat, allectusq; vt sub vnum ordinem, & viuen-  
di ritum redigatur. Cuius rei cura, tibi Paule Ponti-  
fex Maxime, qui vt primus Episcopus, & Christi vi-  
carius, eius vniuersali Ecclesia praesides, ceteris no-  
bis omnibus magis debetur. Quamobrem tuum est of-  
ficiū, ( quod etiam iā cum magna spe omnium ince-  
pisti ) calamitatibus, quotidie ipsius Christi oculi oc-  
currentibus mederi, & opera, & studio tuo efficere,  
vt ipsi soli Christo totus mundus pareat, ac credat.  
cum verò crediderit, vt tibi, monituq; tuo, ve-  
luti Petri successor, in omnibus, quae ad salutem ani-  
marū spectāt, obediant. Quod cū euenerit, dicemus te  
antio-

autore, prophetiam vnus pastoris, & quilibet adimplere  
tam esse. Cuius rei palmam si obtinueris, qui profecto  
Pontificum, te vel honore, vel felicitate, vel merito  
anteibit? vel cui triplicem tiam a maiori iure concedemus,  
quàm tibi? quam vt consequaris, temporali-  
cet alioquin infelicia, magnas tibi occasiones nunc  
præstant, infelicia, inquam, ob eas calamitates, quas  
in Europa medendas habes. Quæ vt vicina maiori cer-  
tè periculo ecclesia imminet. A nemine acrius impe-  
timur, quàm à vicino hoste. Nunc verò vt has mole-  
stissimas curas, quæ tibi (vt scio) perpetuo cordi sunt,  
omittamus, ad alias mitiores veniamus, quæ cum ma-  
gna spe coniunctæ sunt, vt alter & nouus quodammodo  
orbis, cum Christi fide, tua sanctitatis maiestatem  
& dignitatem agnoscat. Quas si pro tua prudentia i-  
ta tractaueris, vt te quasi gubernatore Ecclesia, tum  
Europæa, tum Aethiopica, vitæ periculis & naufragijs,  
in portum salutis veniat, de te canemus illud Pro-  
pheticum Sapientia canticum, Penetrabo omnes  
inferiores partes terræ, & inspiciam omnes  
dormientes, & illuminabo omnes sperantes  
in Domino. videte, quoniam non soli mihi  
laboraui, sed omnibus exquirentibus verita-  
tem. Ad quæ omnia perficienda adest iam demum  
tempus hoc in quo huiusmodi vaticinia per te adim-  
pletum iri confidimus. Ad sunt hic modò Aethiopes,  
gens magna & Christi audissima, cuius sanctissimus  
Imperator amicitiam Europaerum Christianorum  
cupiens ad te, & ad inuictissimos Reges Lusitania,  
legatos misit, per quos, vt ex eius epistolis apparet,

non tantum sibi Christianam amicitiam & charitatem cupit à Principibus Europae impertiri, verum etiam eosdem (quos assidue in acerbissimis discordiis nouit versari) ad Christianam concordiam pientissime adhortatur. Res sanè ob quam omnes pudore affici debemus. Surrexit verò iam Regina Saba, & vocat nos in iudicium, errata nostra reprehendens. Adimplentur Christi prophetiae, & quos ipse elegit, paulatim ab ipsius consortio dilabuntur, eiusq; praecepta & promissa deuoluuntur ad eos, qui Ethnici & à Christo alieni reputabantur. Is enim Aethiopum Imperator, cum omnibus suis regnis, vt ex nostra enarratione apparebit, sub tua disciplina viuere cupit, ne quicquam magis optat. Nec etiam ignorat ex Apostolorum doctrina, quàm in octo libris digestam habet, Episcopo Romano, omnium Episcoporum totius orbis principatum deberi, cui planè sancteq; parere vult, ab eoq; in Christi Ecclesiae institutis, bene & sanctè instrui, & ad id insuper viros doctos sibi dari orat, atq; exorare auidè affectat. Nec eo contentus, vt suarum etiam postulationum in posterum extet memoria, petit, vt huius rei fides maneat in Pontificum Annalibus, vt sic ab historia Ecclesiastica, eius epistole, ac piissima optata illuminentur. & posteritas intelligat, quo tempore, sub quoq; Pontifice haec gesta fuere. Viros autem doctos, sacrarum literarum disciplina & aliarum artium bene instructos, non dubito, quin tua sanctitas iam ad eum transmiserit, ac omnino remissa. Quorum doctrina & industria, simul cum sermone & labore nonnumquam, quos iam sermone

EPIST. NVNCVP.

mi Reges Lusitania Emanuel & Ioannes eius filius  
 miserunt, facies vt omnes Christiani in Aethiopia  
 & India degentes sensim legibus & institutis Roma-  
 norum Episcoporum (quos Christi vicarios non refor-  
 midant fateri) pareant. Quibus tandem tua opera no-  
 biscum per veram religionem coniunctis, ac in vno a-  
 mili simul, & sub vno pastore Christo congregatis, in-  
 telligemus super nos omnes Domini misericordiam  
 confirmatam, & eius regnum in ium saeculorum, &  
 dominationem eius omnium generationum esse, &  
 tunc omnia caris benedicet nomini sancto eius in sacra-  
 ta. Et ne prolixior sit exhortatio mea quam oportet,  
 praesertim ad eum, cuius vita ac doctrina omnes imi-  
 tatores sumus, & esse debemus, ad exordium enar-  
 rationis me conferam, quam aliquantulo altius re-  
 petam, vt sic clarius ostendam, quibus principijs haec  
 sanctissima Preciosi Ioannis, & Regum Lusitania a-  
 micitia & foedera inita sint, sperans me, dum qua ve-  
 ra & legitima sunt, enarro, animos legentium  
 incendere posse, & ad huiusmodi munera  
 allicere, quo Christi fides vberius  
 in omnib. terra angulis pro-  
 pagetur, predicetur,  
 colaturq.

F I D E S,  
R E L I G I O, M O.  
R E S Q V E A E T H I O.  
P V M.



Nno ab ortu Seruatoris humani  
generis Christi 1433. vita functo  
Ioanne Lusitaniæ Rege eius no-  
minis primo, cognomento bo-  
næ memoriæ, qui Lusitaniam à  
Castellanorum incursionibus, oppugnatio-  
nibusque, quibus eam fermè totam popula-  
uerant, liberauit, inter alios, quos reliquit fi-  
lios, Henricus cæteris omnibus, in discipli-  
nis, præcipuè Mathematicis doctior fuit, qui *Henricus*  
propter sola astrorum studia cœlebs vixit,  
ac vt cursus stellarum accuratiùs meditari-  
tur, vitam in sacro promontorio, quod ca-  
put Sancti Vincentij dicitur, egit, quem lo-  
cum propterea, quod in eo cœlum rarò tur-  
bidum efficitur, elegit, ne nubibus inter-  
positis instrumentis, quibus ad ratio-  
nem eius muneris utebatur, considera-  
tio cœlestium cursuum impediretur. Is au-  
tem Henricus, vt fructus studiorum suo-  
rum capesseret, id quod iam ex multis vi-  
gilijs compertum habebat, nempe Atlanti-  
cum Oceanum, in Indicum, rursus Indicum  
in Atlanticum profluere, nauibus proprijs  
suis, ac sumptibus constituit inuestiga-  
re.

*Atlanti-  
cus Oce-  
anus in  
Indicum  
Indicus  
in Atlan-  
ticum pro-  
fluit.*

*Madei-  
ra.*

*Colum-  
bus Ge-  
nuensis.*

re. quibus iterum atque iterum missis, bonam partem litoris Atlantici penetrauit, in quo oppida, & ciuitates, insulæque permultæ repertæ sunt. Quibus in locis omnibus Christi fides eius opera innotuit. inibi que templa quoque erecta sunt, præsertim in insulis olim desertis. quarum prima insula Lignorum, quæ vulgò *Madeira* vocatur, nunc celeberrima & frugifera est. Tandem vt sunt res mortalium instabiles, anno salutis nostræ 1460. die 24. Octob. morte interceptus has nauigationes, quoniam expers matrimonij erat, ad coronam regni, tanquam fundum hæreditarium transmisit. quæ per manus traditæ, ad tempus Ioannis secundi eius nominis, sine aliqua externorum Regum, ac principum æmulatione, aut inuidia deriuatæ sunt. Quo rege viuente, Columbus Genuensis, vir nauticæ artis peritus, ab ipso Rege, cui Occidentalium Indiarum nauigationes ostendere pollicebatur, repulsus, ac inauditus dimissusque auxilio, auspicioque Ferdinandi, & Elizabeth Regum Castellæ, illud iter scelericiter tentauit, ac prouincias illas amplissimas, & magni emolumentum primus repperit, & qua nauibus adiri poterant, commonestrauit. Is autem Ioannes cum diu animo voluisset res Orientalium Indiarum, de quarum vbertate scriptis antiquorum, multa & varia prodita erant, inter alios immensos la-



# DE AETHIOP. MORIB. 161

borea, & sumptus, quibus non pepercit, viros aliquot lingua Arabica edoctos, ad illas provincias, præsertim ad Preciosum Ioannem mittere decreuit. Quorum duo fuerunt, Alfonsus à Paiua, natus ex Albo Castro. Alter verò Ioannes Petrus à Couilhã, vterq; Lusitanus. Ij Scalabitano, septimo die Maij, Anno à Seruatoris Christi ortu millesimo, quadringentesimo, octogesimo sexto, iter suum facere auspicati sunt, & mercatores se semper simulantes, primum Barcinona, inde Neapoli, postea Rhodo, demum Alexandria iter facientes, Cayrum peruenerunt, ibi mercatorum sodalitiū nacti, versus Thor iter coeperunt. In quo loco naui conscensa, ad quandam urbem, nomine Cuaquen, in littore Aethiopico sitam appulerunt. Postea Adenem nauigant, inde Alfonsus iterum in Aethiopiam ad Preciosum Ioannem, Ioannes verò Petrus in Indiam proficisci inter se constituunt, Ioannes autem Callectio, Goa, ac toto Malabarorum littore peruestigato, Zofalam nauigauit, Inde rursus Adenem, hinc recta Cayrum profectus est, vt sodali suo inuento, in Lusitaniam ad Regem redirent, (statuerant enim cum Adene discessissent, certò quodam tempore, ad eundem Cayri locum conuenire) quo cùm reuertentur, à duobus Iudæis Lulitanis, quorum iter Rabbi Abraham vocabatur, Beiensis,

*Precio:  
sue Ioann-  
nes.*

*Iter ad  
Preciosū  
Ioannem*

alter Ioseph Lamecenfis, literas Regis Ioannis accepit, ab eisq̃ue intellexit, collegam suum Alfonso inibi vitam morte commutasse, Iisdem literis præceptum erat ne in patriam redirent, nisi Oromuzia perlustrata, ac Precioso Ioanne salutato, de cuius statu Rex avidissimè cupiebat certior fieri. Quade causa Ioannes Petrus ignorans quæ Alfonso eius collega, dum viueret, gesserat, iterum Adenem Rabbi Abraham socio repetit. Iosephum verò cū literis, quibus itinera sua, actaque significabat, ad Regem remittit. unde quadam naui conscensa, in Oromuziam nauigauit. In quo loco Abraham Iudæo relicto, cū literas quoque ad Regem tradidit, Mecham versus nauigare constituit, quam cum iam in oculis haberet, cupido eum incessit montis Synai videndi. inde discessum est Thor. Rursus nauigatione vsus, faucibus maris Erythræi transmissis Zeilam, peruenit, reliqua deinde itinera vsque ad aulam Preciosi Ioannis pedibus emensus est, qui tunc temporis Alexander vocabatur, cui humanissimè acceptus, literas quas habebat à Ioanne Rege, tradidit, eiq̃ue topographiam, quam vulgo mappam vocant, quo nostras nauigationes perspiceret, in manus dedit. Is autem Alexander cū statuisset eum remittere, ne id faceret, morte præuētus est.

est. Quo mortuo frater in eius locum successit, cognomento Nau, sed ab eo nunquam idem Ioannes Petrus potuit facultatem in patriam redeundi impetrare, eoque extincto, idem illi à filio Dauide regni hærede, denegatum fuit. Donatus igitur amplissimis muneribus, quæ illi ad patriæ desiderium leniendum concessa fuere, (quando exire provinciam non licebat) uxorem nobilem duxit, ex qua quàm plurimos filios suscepit. Hunc nostri Oratores, in ipsa aula Preciosi Ioannis inuenerunt, & allocuti sunt. A qua discedentes, anno M.D.XXVI. salutis nostræ, eum libenter in patriam reduxissent, atque ipse quoque eò redeundi, percupidus erat. sed id à Dauide obtinere nunquam valuerunt, respondente ad ipsorum preces, se illum virum, vñà cum regnis suis, à patre Nau accepisse, eumque pari cura, & amore cum ipsis regnis seruare velle, nec debere illum tædere Aethiopicæ vitæ, apud quos tum à patre, tum ex sua liberalitate amplas diuitias, & ditiones accepisset. Is, vt nostri asserunt, omnium hominum fermè linguas callet, qua de causa, & præcipuè ob eius eximiam prudentiam, tam auidè ab Aethiopiæ Imperatoribus retentus fuit. ynde res Lusitanicas eorumque navigationes exactissimè cognouerunt. quibus sapius recensendis, vt doctus & eloquens erat,

AETHIOPŪ nationē nobiscōciliauit. Postmodum Ioanne secundo Rege mortuo, in eiusque locum Emanuele felicissimo succedēte, classe, cui præerat Vascus à Gama, anno millesimo, quadringentesimo nonagesimo septimo, Vlyssipponē soluente, capiteque Bonæ spei primo superato, ad Indiam Orientalem nostri tandem peruenere. In qua varia bella gerentes, multas prouincias ac ciuitates sub nostrum imperium redegerunt. Quæcū in AETHIOPIA, tum per finitimos, tum per aliquot Lusitanos, qui ad aulam Preciosi Ioannis tunc temporis ex India venerant, renunciata essent, Helena Davidis auia, quæ ob tenellam ipsius Davidis ætatem, administrationem regnorum habebat; quendam Matthæum Armenium, virum multarum rerum atque linguarum peritum, in Lusitaniam ad Emanuelem Regem misit, & quo maior auctoritas, & fides legationi esset, quendam nobilem iuuenem Abesynum misit, quos ego sæpius in aula nostra conueni, & familiariter allocutus sum. Is enim Matthæus varijs itineribus, Goā ad Alfonsum Albuquerque Proregem peruenit, à quo humanissimè acceptus ac liberaliter dimissus, nostris nauibus, anno millesimo quingentesimo decimo tertio Vlyssipponē appulit. Is coram Emanuele legatione sua exposita, crucem concinnatam

*Legati  
Preciosi  
Ioannis.*

*SYN.*

EX

ex eo ligno, in quo Christus pependit, Regi dedit, quam crucem frequentissimè vidi, & veneratus sum, dum frater meus Fructus à Goes, Regis cubicularius, eam in sua custodia haberet. Literæ autem sui principis, quas secum ad Emanuele Regem tulerat, sic loquebantur,

*Epistola Helena auia Davidis Preciosi Ioannis Aethiopum Imperatoris, ad Emanuele Lusitanorum &c. Regem, scripta Anno millesimo quingentesimo nono.*

**I**N nomine Dei Patris, & Filij, & Spiritus sancti, vnus solius in tribus personis Dei, salus, gratia, & benedictio Domini nostri, & Redemptoris Iesu Christi, filij Mariæ Virginis, nati in domo Bethlehemitica, sit super dilectum fratrem nostrum Christianissimum Regem Emanuele, dominatorem maris, victorem ferorum incredulorumque Maurorum. Dominus Deus te bene fortunet, tibi victoriam de inimicis tuis donet, tuaque regna & ditiones, per deuotas preces nuntiorum Redemptoris Christi, nempe quatuor Euangelistarum sancti Ioannis, Lucæ, Marci, & Matthæi, longè lateque dilatet, & extendat, quorum sanctitates & orationes te seruent. Certiores te

4. Euang.  
gelista.

facimus perquam dilecte frater, ad nos vique appulisse ex magna illa vestra & eximia aula duos nuncios, quorum quidem alteri nomen erat Ioannes, qui se presbyterum aiebat, alteri verò Ioannes Gomez, petijssèque à nobis com meatum & milites. Quare nos mittimus nostrum Oratorem Matthæum, fratrem nostri seruitij, cum venia patriarchæ Marci, qui nobis dat benedictionem, mittens presbyteros Hierosolymam, qui est pater noster, ac omnium nostrarum ditionum, columna fidei Christi, & sanctæ Trinitatis. Is de nostro mandato misit ad magnum vestrum ducem eorum, qui pro fide nostri seruatoris Iesu Christi militant in India, ad illi significandum, nos esse promptos ad mittendum tum com meatum, tum milites, si necesse fuerit. Proinde fama accepimus principem Cayri cogere magnam classem aduersus vestras copias, nimirum vt sese vindicet de iniurijs damnisque, per militiæ tuæ (quam in India habes) duces, sibi (vt verè nobis constat) sæpe illatis, quod Deus sua sancta bonitate indies magis magisque fortunare dignetur, vt cuncti tandem increduli, penitus sub iugum mittantur.

Nos itaque aduersus istorum insultus misuri sumus militum copias, quæ maneant ad fretum Mechæ, scilicet Babel, Mendel, aut certè, si id tibi commodius videbitur, ad

por-

*Legatus  
Lusi-  
tania.*

*Benedi-  
ctio.*

*Eni o-  
lim prin-  
ceps Cay-  
ri Sulta-  
nus, quæ  
einitatē  
nunc oc-  
cupat  
magnus  
Turca.*

*Babel,  
Mendel  
loci, ad*

# DE AETHIOP. MORIB. 167

portum Iudæ, aut Thor, vt tandem auferas perdasque huiusmodi Mauros, & incredulos à facie terræ, ita vt dona & oblationes quæ afferuntur ad sanctum sepulchrum, deinceps non vorentur à canibus.

Adest iam tempus illud promissum, quod, vt aiunt, Christus & mater eius Maria prædixere, quod scilicet in postremis temporibus oriturus esset è regionibus Francicis Rex quispiam qui aboliturus esset vniuersum Barbarorum, & Maurorum genus, & hoc ipsum quidem nunc tempus est quod CHRISTVS benedictæ suæ matri futurum promisit.

Porro quicquid Orator noster Matthæus, vobis dicturus est, id velut à nostra ipsorum persona profectum accipite, eique fidem adhibete. Est siquidem vnus inter nostræ aulæ præcipuos, atque ob id illum ad vos mittere voluimus. Commissemus autem hæc vestris nuncijs, quos huc legastis, sed cepit nos metus, ne nostra negotia, nō ex nostra sententia vobis nota forent.

Mittimus ad vos per hunc nostrum Oratorem Matthæum, crucem vnā, factam haud dubiè ex frusto ligni, in quo seruator noster IESVS CHRISTVS crucifixus fuit Hierosolymis. Id autem sacrosancti ligni frustum, ex Hierosolymis ad nos

*ostia maris rubri sunt.*

*Iudæ & Thor.*

*sunt ciuitates maxima ad sinum Arabicū*

*quo Lusitanii quo*

*tannii in Barbaros exciunt.*

*sum faciunt.*

*Franci. Francicis id est,*

*Christiani Europais. In*

*di enim & Mahometani*

*ferè omnes Christianos*

*Europæ generali nomina*

*Francos vocant.*

allatum est . Porro ex eodem duas fecimus cruces . earum altera quidem apud nos manet , alteram verò dedimus isti nostro Oratori , ad vos perferendam . Lignum nigri coloris est , pendetque ab exiguo argenteo anulo .

Cæterum si vobis visum fuerit , aut vestras filias matrimonio iungere nostris filiis , aut nostros filios dare vestris filiabus , id & nobis in primis pergratum erit , & vtrisque utile , & fraterni inter nos initium fœderis , quod quidem nuptiarum connubium , cum in præsentiarum , tum etiam in futurum , tecum inire percupimus . Reliquum est vt & salus , & gratia nostri Redemptoris Iesu Christi , sanctæque nostræ Dominæ Mariæ virginis , se extendat tum super vos , tum super filios , filias , vniuersamque vestram domum , Amen . Adhæc autem vos certiores facimus , si bella , exercitusque coniungere velimus , satis virium nobis futurum esse ad (diuino accedente auxilio) abolendū vniuersos nostræ sanctę fidei inimicos . Verū nostrā regna , & ditio nes sic sunt in mediterraneis sita , vt nusquam in maria possimus erumpere . Quare nihil nobis est potentię in mari , in quo (Deo laus) vos omnium estis potentissimi . Iesus Christus sit vobis auxilio , res enim quę in India per vos gestę sunt , sunt profectò magis miraculose , quàm humanę . Quod si mille

ues,



velis armare naues, nos & commeatum dabimus, & cuncta, quæ ad eam classem opus erunt, abundè suppeditabimus.

Hanc epistolam cum aliquibus fidei, Religionis, morum, statusque Aethiopum articulis, quos Matthæus coram Rege Emanuele, & eius concilio explicuit, hortatu Ioannis Magni Gothi Archiepiscopi Vpsaliae, in regno Suetiae, cum quo in Prussia non vulga *Ioannes Magnus Gothus.* rem contraxi amicitiam, ex idiomate Lusitanico, in quo eam conscriptam habebam, latinam feci, quæ postea cum ipsis quoque articulis, me incio, Antuerpiæ excusa est.

His ex legatis Aethiopum cognitis, Emanuel, ut erat & prudentissimus, & propagandæ fidei Christianæ avidissimus, legationem *Legatio.* instituit gravissimis & ornatissimis viris instructam: cuius capita fuere Eduardus Galuanus, vir non minus ætate, quàm prudentia, ac rerum usu gravissimus, & Franciscus Alvarez, sacerdos, ac Regi à sacris, & is quoque senex, & moribus inculpatis; quos utrosque de facie novimus. Ij cum Matthæo sub Lupo Soarez Prorege ad Indiam nauigant, ac tandem Didaco Lupez à Sequeira, Pro rege, qui Lupo Soarez successerat, cum instructa classe, quam aduersus Turcas parauerat, ad portum Arquicu nomine, in litore Erythræo, ac in ditione Preciosi Ioannis situm deducuntur, ad quem locum appulsa est classis, an

no salutis millesimo, quingentesimo vigesimo, die secundo Aprilis, in quo itinere, in Camara maris Erythræi insula vita defunctus est Eduardus Galuanus, in cuius locum suffectus est Rodericus Limius, qui ab ipso Arquici portu, vigesimo nono eiusdem mensis cum socijs eiusdem legationis, duce simul, accomite Matthæo (nam Abesynus ille iuuenis, de quo superius mentionem fecimus, è viuis iam discesserat) ad aulam Preciosi Ioannis contendere cœpit.

in quo itinere quoque mortuus est Matthæus, ac in quodam celeberrimo cœnobio, nomine Bisayn à nostris sepultus. Post cuius funebre officium, ad institutam profectionem redeunt, ac post maxima itinera, labores infinitos, ingentia pericula, ad aulam Preciosi Ioannis perueniunt, à quo Rodericus cum collegis honorificè excipitur, ac tandem per actis mandatis, & acceptis, ad Emanuelem Regem remittitur. Is cum suis Arquicum profectus, classem, cuius prætor Lodouicus Menesius erat, & quæ ea de causa appulerat, ut eos reduceret, non inuenit, quæ illos, quod serius aduenerant, expectare non potuit propter ventorum importunitates, qui in illis plagis, miro naturæ arcano, sex perpetuos menses, ex vno cœli climate, deinde alteros illos sex menses ex aduerso spirant. Arquici literas inuenit apud Præfectum oppi-

*officium  
funebre.*

*Alvius  
dam V.  
torum  
constan-  
tia.*

di, à

di, à pratore Lodouico relictas, ex quibus Regis Emanuelis mortem cognoscit. Quam obrem iterum in aulam Preciosi Ioannis redeundum esse constituit, quo reuerso, Preciosus Ioannes ad Romanum Pontificem scribit, literasque Francisco Aluarez Ro- *Franci-  
cus Alua-  
rez.* mam ferendas commisit. Ij omnes iam spacio sex annorum in illis prouincijs commorati, tandem cum legato Aethiopico, quem Preciosus Ioannes ad Regem nostrum mittebat, Arquici aliam classem regiam, quæ eorum causa iterum venerat, conscendunt: idque anno M.D XXVI. mense Aprili. Inde soluentes Indiam petunt, actandem longis nauigationibus, Vlyssipponem ad Regem Ioannem, anno millesimo, quingentesimo, vigesimo septimo, mense Iulio redeunt, qui Oratorem Aethiopicum ob certas eius legationis causas, apud se ad annum millesimum, quingentesimum, trigesimum nonum vsque retinuit, Franciscumque Aluarez ad Clementem Pontificem septimum cum literis Preciosi Ioannis, cuius Orator ex Aethiopia venerat, misit, quas ipse Pontifex ex manibus eiusdem Francisci Aluarez Bononiæ, anno salutis millesimo quingentesimo trigesimo tertio, mense Ianuar. Carolo quinto Imperatore præsentè accepit. Quarum & aliarum ad Emanuele, & Ioannem

Re-

Reges interpretatio, Paulo Iouio viro erudi-  
to debetur: qui eas ex Lusitanico sermone, in  
quem tum versæ erant, Latinas fecit, vt iam  
hic videre licet.

*Littera serenissimi Davidis Aethiopia Imperatoris  
ad Emmanuelem Portugallia, &c. Regem,  
scripta anno millesimo quingentesimo vi-  
gesimo primo, Paulo Iouio interprete.*



**I**N nomine Dei Patris, vt i sem-  
per fuit, cui non inuenitur prin-  
cipium, In nomine Dei filij vni-  
ci, qui est similis ei, antequam  
sit visum lumen stellarum, an-  
tequam poneret fundamenta  
maris Oceani, alio autem tempore conce-  
ptus fuit in vtero virginis, sine semine viri-  
li, & sine nuptijs. In hunc enim modum sci-  
entia erat officij eius. In nomine paracleti  
spiritus sanctitatis, qui scit cuncta secreta,  
quæ sunt, vbi antea fuit, omnium scilicet alti-  
tudinum cœli, quod sine columnis, & abs-  
que vllis fulcimentis sustinetur, qui amplifi-  
cavit terram, quæ antea non erat creata, nec  
cognita ad omnes partes ab ortu ad occasum  
& à septentrione ad austrum. Nec iste est pri-  
mus, vel secundus, sed est Trinitas coniuncta  
in vno æterno creatore rerum omnium, ab

*Trinitas  
omnibus*

VRO

vno tantum confilio, & vno verbo per ſæcula ſæculorum. Amen. Has literas mittit Atani Tinghil, id eſt, thus virginis, quod nomen eſt à baptiſmate, nunc verò in ipſo ſuſcepti regni initio, aſſumpſit nomen Dauid, dilectus à Deo, columna fidei, cognatus ſtirpis Iudæ, filius Dauid, filius Salomonis, filius columnæ Syon, filius ſeminis Iacob, filius manus Mariæ, filius Nau per carnem, Imperator magnæ & altæ Aethiopiz, magnorum regnorum, & ditionum, & terrarum, Rex de Xoa, de Caffate, de Fatigar, de Angote, de Baru, de Baaliganze, de Adea, de Vangue, de Goiame, vbi Nilus oritur, de Damaraa, de Vaguemedri, de Ambeaa, de Vagne, de Tigris Mahon, de Sabaym, vnde fuit Regina Saba, de Bernagaes, & Dominus vſque ad Nobiam finem Aegypti. Hæ literæ diriguntur Regi potentiffimo & excellentiffimo, ſemper victori Domino Emanueli, qui habitat in amore Dei, & firmus permanet in fide Catholica, filio Apoſtolorum Petri & Pauli, Regi Portugalliz & Algarbiorum, amico Chriſtianorum, hoſti, ludici, Imperatori, domitori Maurorum, & gentium Africæ, & Guineæ à promontorio, atque inſula Lunæ, Maris Rubri, Arabiæ & Perſidis, & Armutiæ, magnæ Indiæ, & omnium locorum earum, & omnium inſularum, terrarum adiacentium, proſtigatori Maurorum, & forti-

um paganorum, domino arcium & altorum Castellorum, & murorum, propagatori fidei Iesu Christi. Pax tibi Domine Rex Emanuel, qui Dei fretus auxilio, Mauros occidis, & tua classe, tuo exercitu, & tuis Ducibus vndique tanquam infideles canes expellis. Pax sit cum Regina vxore tua, amica Iesu Christi, serua Mariæ virginis matris, ipsius Saluatoris totius mundi, pax sit filiis tuis, nunc vti in virenti horto, & florentibus liliis, mensa esculentis parata: pax filiabus vestris, quæ sunt indumentis ornatæ, sicut palatia aulæis exornantur. pax affinibus tuis, ex sanctorum semine procreatis, sicuti dicit sacra scriptura, filij sanctorum sunt benedicti, & magni foris & intra domum. pax sit consiliarijs & officialibus tuis, potestatibus, & ius dicentibus. pax Ducibus tuis castrorum & confinium & omnium rerum munitarum. pax omnibus gentibus, populis, & vrbibus, & cunctis inhabitantibus, præter Mauros, & Iudæos. pax omnibus parochijs, & omnibus Christo & tibi fidelibus. Amen.

Cognoui Domine Rex, & mi Pater, quod cum ad te nominis mei fama, per Matthæum Oratorem nostrum fuisset delata, statim Archiepiscoporum, & Episcoporum, ac Prelatorum magnum numerum aduocari iussisti, qui de ea legatione Deo Christo gratias ago.

agerent, ipsumque Matthæum summo cum honore, & hilaritate fuisse susceptum, qua de re mirificè sum lætatus, & gratias pariter Deo egi, & hoc deuotè fecit etiam populus meus. Dolui autè cum ab his intellexi ipsum Matthæum in reditu suo dum intraret fines meos in monasterio de Bisayn fuisse mortuum, cum autem ego non miseram, quoniam adhuc puer eram vndecim annorum, vix dum suscepto regni sceptro, post mortem patris, sed Helena Regina, quam loco matris colebam, & regnum pro me gubernabat. Is Matthæus mercator erat, Habraham vocatus, sed sibi nouum nomen idcirco imposuerat, vt securius per fines Maurorum iter faceret. Verùm is in Dabul à Mauris pro Christiano agnitus, in carcerem fuit coniectus. Quod cum significasset vestrorum exercituum Præfecto, is misit fortes viros, qui Christianum hominem è teterrimo carcere liberarent, maximè cum didicisset eum esse legatum meum. Itaque illum ereptum è manibus inimicorum, curauit vestris nauibus, ad conspectum vestrum transuehendum. Is Matthæus meo nomine, tibi Regi mandata exposuit, rescripsitque se honorificè susceptum fuisse, & cumulatè omnis generis muneribus honestatū, q̃ & nūcij pariter vestri, affirmabant, quos magnus vestræ classis præfectus

Etus Didacus Lupez de Sequeira ad nos mi-  
 sit, qui literas præsentarunt, quas afferre de-  
 buerat Eduardus Galuanus, qui in insula Ca-  
 meronis diem obierat, quibus conspectis li-  
 teris, magnopere sum gauisus, & Deo egi gra-  
 tias, & tum magnam cœpi voluptatem, cum  
 pectora vestrorum nunciorum crucibus in-  
 signita conspicerem, & experirer percun-  
 ctando eos, ritus tenere fidei Christianæ, qui  
 essent verissimi, & illud me singulari deu-  
 tione iniecta vehementer permouit, quod  
 intelligerem iter in Aethiopiam inuentum  
 esse, non sine miraculo. Nam referebant præ-  
 fectum classis, quum diu per mare Arabi-  
 cum errasset, & propterea de inueniendo no-  
 stro portu desperasset, re infecta, redire in  
 Indiam voluisse, maxime propter sæuas ma-  
 ris tempestates, sed in aurora opportunè ru-  
 bram crucem in cœlo apparuisse, qua saluta-  
 ta, à nautis proras in eam partem esse conuer-  
 sas, monstranteque Deo repertum esse por-  
 tum nostrum. quæ res mihi pro miraculo vi-  
 sa est, & certè is classis præfectus Deo debet  
 admodum esse dilectus. postquam tantam ei  
 felicitatem concessam videmus, quantam  
 nemo ante eum à Deo impetrare potuerit.  
 De hac autem mutua legatione antiquitus  
 prædictum fuit à Propheta in libro de vita,  
 & passione sancti Victoris, & in libris sancto-  
 rum Patrum, quod Rex magnus Christia-



nus, cū Rege Aethiopiæ esset cum mutua pace conuenturus, sed hoc nequaquam futurum existimabam diebus vitæ meæ. Verū Deus certum sciebat, vt laudetur nomen eius, qui nuncium ad me detulit, vt ego pariter id mittere possem ad te patrem meum in Christo, & amicum, vt simus in vna fide, postquam à nullo alio Rege Christiano nūcium aut certam notitiam habuerim. Hactenus circum me Mauri erant, filij Mahometis, & Gentiles, & reliqui sunt serui, qui Deū *Idololatra.* non agnoscunt, & alij qui ligna & ignem venerantur, & alij qui solem adorant, & alij qui serpentes Deos esse putant, cum his nunquā pacem habui, quoniam ad veritatem venire recusant, & frustra his prædicabam fidem, nunc verò conquiesco, & Deus quietem dono mihi dedit cum hostibus meis & tuis. Nā in finibus meis cū armatus contra eos progredior, ipsi faciem & terga vertunt, & Duces, & milites mei, per campos de his victorias consequuntur. Neque mihi Deus irascitur vt dicit Psalterium, & Deus vota eorum Regum implet, qui iusta petunt, ne hoc ad laudem nostram pertinet. Nā Deo agendæ sunt gratiæ: is est qui mundum vobis dedit, & terram Gentilium perpetuò concessit, ac aliorum terras, quæ sunt à finibus vestris, ad initium Aethiopiæ, propterea ingentes Deo

gratias ago, & prædico summam eius potentiam, cum sperem eorum populorum filios, qui in tuam ditionem venient procul dubio fidei veritatem esse cognituros, quam obrem do gratias Deo, & spero quod filij vestri, & ego, & vos, de scelicibus earum rerum successibus, abundè lætabimur. & vos Deo debetis continuè supplicare, donec gratiam vobis det potiundi templi sancti in Hierusalem, quæ est in potestate hostium Christi, Maurorum, & Gentilium, & Hæreticorum. & si hoc perfeceris, caput tuum omni laude plenissimum erit. Cæterum ex numero Legatorum, qui ad me veniebant, cum prædicto Matthæo tres periere, & Præfectus Magnus vestræ classis deuenit apud Macua in colloquium cum Rege de Bernagais, qui est imperio meo subiectus, & statim legatos ad me misit, & munera ingentia, quæ mihi charissima fuerunt. Verum nomen vestrum omni gemma, & thesauro mihi preciosius videtur. Sed hæc transeamus, & agamus inter nos, quo modo inuadere, & capere possimus alias infidelium terras. Ego certè dabo millies centena millia drachmarum auri, & totidem millia militarium virorum. Itemque materiam & ferrum, & cuprum, in vsum ædificandæ, & ornandæ classis, magnam etiam

# DE AETHIOP. MORIB. 179

iam commeatus copiam, amicè vnà conueniemus, & quoniam non est consuetudinis, & dignitatis meæ ad petendam pacem legatos mittere, & tū primus à me eam syncerè quæsiuisti, ad verificanda Christi verba. Nam scriptum est, Beati pedes, qui portant pacem. Et ego propterea sum ad id paratus, more Apostolorum, qui erant vnanimis, & vniscordis. O Rex, & pater mi Emanuel, vnus Deus te sospitem velit, & seruet, qui est Deus cœli, & semper vnus substantiæ, nec iuuenescit, nec senescit. Is qui à te nuncium attulit, Rodericus Lima vocabatur, legationis optimorum virorum princeps, & cum eo Franciscus Aluarez, quem propter vitæ probitatem, & singularem religionem, & iustitiam valdè charissimum habui, maximè quod verissimis verbis, cū esset interrogatus de fide, aptissimè respondebat. Et ita debetis eum exaltare, & magistrum appellare, & dare ei officium conuertendi populos de Macua, & de Dalaca, de Zeila, & omnium insularum maris Rubri, quoniam sunt in finibus regnorum meorum, & ego ei concessi crucem & baculum, in signum potestatis, & ita vos iubete, vt hæc ei concedantur, & creetur Episcopus illarum terrarum, & insularum, quoniā hoc meretur, & idoneus est in hoc of-

*Nam.*

*Crux & baculum.*

ficio administrando, & tibi Deus plurimum benefaciet, vt semper sis fortis contra hostes tuos, & eos cogatis ad pedes vestros procidere, & Deus tibi vitam prolonget, & participem faciat regni cœlorum in optimo loco, sicuti ego pro me optarem. Audiui autem auribus meis multa bona de te, & oculis video, quæ videre nequaquam credebam, & Deus cuncta de bono in melius succedere velit, & ibi sit vester locus supra lignum vitæ, vbi est locus sanctorum, Amen.

Ego sicuti filius paruulus, quæ iussistis feci, & faciam si venerint legati vestri, vt inuicem mutuis opibus adiuuemur. Singulis autem Oratoribus vestris, qui venient, sicut tū fecistis ad Mazua, aut Delacam, & ad Portus intra angustias maris Rubri, ea tribuam, tribuique curabo, quæ fienda significabitis, sicuti maximè desidero, vt in consilio, & rerum actione, prosperè coniungamur. Nam cum ad ea littora copiarum vestrarum peruenerint, maturè & ego cum meis exercitibus adero. Et quoniam in finibus meis nemo est Christianus, neque templa Christianorum visuntur, concedam vestris hominibus habitandas illas terras, quæ sunt proximè Maurorum ditioni, propterea opus est, vt cœptis vestris debitum finem afferatis. Interim mittite ad me viros eruditos, atque etiam cœlatores  
ima-

# DE AETHIOP. MORIB. 181

imaginum auri & argenti; & fabros cupri, & ferri, & stanni, & plumbi. item artifices, qui literis nostræ linguæ, pro Ecclesia libros imprimant, item aliquos, qui ex auro bracteolas facere, & cum his inaurare alia metalla sciunt. Hierunt in domo mea honestissimè tractati, & si discedere voluerint, laborum suorum eis amplam mercedem solvam. Iuròque per Deum Iesum Christum Dei filiū, me eos liberè cū voluerint, esse dimissurum. Hoc autem peto fidentissimè, quoniam mihi vestra virtus spectata est, & bonitas maximè agnita, & scio me amari ab te plurimum. & hoc agnoui certius, quod Matthæum mei gratia honorificè & liberaliter suscepitis & remisistis. Et ideo adnitor ea impetrare. neque hoc vobis pudorem afferat, nam omnia persolvam. Et id quod filius petit à patre, negari non debet. & tu es pater meus, & ego filius tuus, & simus coniuncti simul, sicut laterculus cum laterculo in pariete copulatur, ita duo in vno corde, & amore

Iesu Christi consentimus, qui est caput

mundi, & qui cum eo sunt, assimi-

lātur laterculis in muro

coniunctis. A-

M E N.

M 3

Litera

*Litera eiusdem Davidis Aethiopiae Imperatoris, ad  
Ioannem huius nominis tertium, Portugalliae  
&c. Regem, scripta anno M.D.XXIIII. Pau-  
lo Iouio interprete.*



**I**N nomine Dei patris omnipotentis creatoris cœli & terræ, & omnium rerum factarum, visibilium, & inuisibilium. In nomine Dei filij Christi, qui est filius, & consilium, & propheta patris. In nomine Dei Spiritus sancti, paracleti, Dei viui, æqualis patri, & filio, qui locutus est per os prophetæ, spirando super Apostolos, vt gratias agerent, & laudarent Trinitatem perfectam in cœlo & in terra, in mari, & in profundo semper. Amen.

Mitto has literas & nuncium ego Thus virginis, quod est mihi nomen à baptismo, nunc verò cum imperij sceptro assumpsi nomen David, dilectus Deo, columna fidei, stirps Iuda, filius David, filius Salomonis Regum Israel, filius columnæ Sion, filius seminis Iacob, filius de manu Mariæ, & filius Nau per carnem, maximo & potentissimo, & altissimo Ioanni Regi Portugalliæ, & Algarbiorum, filio Regis Emanuelis. Pax sit tibi, & gratia Domini nostri Iesu Christi sit semper tecum. Amen.

Eo tempore quo ad me relatum est de potentia Regis patris tui, qui Mauros fœdissimi Mahumetis filios debellabat, Deo gratias ingentes egi, propter incrementum, & magnitudinem, & coronam conseruationis, in domo Christianitatis. Similiter summam cepi voluptatem ex legatorum aduentu, qui verba ipsius Regis ad me detulerunt, ex quibus singularis amor, & notitia, & amicitia inter nos effecta est, ad eradicandos, expellendosque malignos Mauros, & incredulos Gentiles, qui habitant inter tua meaue regna. Dum essem in hac læticia, audiui tuum meumque patrem, prius esse vita defunctum, quàm hinc legatos ad eum mitterem. Quamobrem gaudium meum in mœrorem subito conuersum est, ita vt in hoc cordis mei dolore, mecum etiam aulæ nostræ proceres, & Prælati Ecclesiastici, & qui in monasterijs sunt, omnesque demum subditi nostri vehementissimum luctum fecerint, ita vt voluptas primi nunciij, cum tristitia huius nouissimi exæquaretur. Domine à principio regnorum meorum hætenus nulla legatio, nullusque nuncius, vel à Rege, vel à regno Portugalliæ ad me peruenit, nisi dū viueret Rex, tuus pater, qui duces suos ad me misit, & proceres cum Clericis, & Diaconis, qui totum solenne missarum apparatus attulerunt. Et propterea maximè sum lætatus, & eos honoratus.

ficè suscepi, & non multo post eos dimisi, ut reuerterentur cum honore & pace. & postquam peruenerunt ad portum maris, qui est in finibus meis, in mari Rubro, non inuenire magnum Præfectum classis, quem pater tuus miserat, is enim non expectauit, & de hoc me fecerat certior, quoniam non poterat expectare, cum esset moris vestri, de triennio in triennium magnum classis Præfectum creare. Interim alius nouiter creatus aduenit, qua de causa longiorem, quam opus esset, moram legati contraxerunt. Nunc uero mitto mandata mea per fratrem Christophorum Licanati, cui nomen à baptismo est Zaga Zabo, nempe gratia patris, qui desideria mea coram uobis explicabit. & item ad Papam Romanum mitto Franciscum Aluarez, qui nomine meo præstet obedientiam, uti iustum est. O Domine Rex frater mi attende, & da operam amicitie, quam inter nos pater tuus aperuit, & crebro mitte nuncios, & literas, nam eas magnopere videre desidero, uti à fratre meo, nam id æquum est, cumambo simus Christiani. & Mauri, qui mali sunt, semper in sua secta concordēs existunt, & nunc profiteor me nolle in posterum legationes Regis Aegyptij admittere, nec aliorum item Regum, qui ad me sæpe legatos mittebant, sed solum Celsitudinis tuæ, quos venire maximè opto, quoniam Reges Mauri

*Obediē-  
tia Præ-  
cisi Ioā-  
nis Papa.*



ri me loco amici non habent, propter Religionis dissensionem, sed amicitiam simulât, vt tutius & liberius mercaturam in nostris regnis exerceant, inde magnum commodum consequuntur. Ingentem enim vim auri, cuius sunt auidissimi, è regnis meis exportant, cum parum mihi sint amici, & commoda eorum nullam mihi afferant lætitiâ. sed hoc tolerandum fuit, quoniam superiorum regum nostrorum vetus est institutum, & si eis nequaquam bellum infero, & penitus profligo, téperandum in hoc mihi esse arbitror, ne illi cōtra sanctū templum in Hierusalem violent, & diruant, in quo sepultura est Iesu Christi, quam Deus in potestate scēdissimorum Maurorum reliquit, & pariter solo æquarent alia templa, quæ sunt in Aegypto, & Syria. & hæc causa est, cur eos non inuadā, & debellem, cuius rei me plurimum tædet. Etiam hoc mihi facilius persuadeo esse faciendum, quum neminem Christianum Regem habeam finitimum, qui me adiuuet, & cor meum exhilaret. Ego mi Rex nequaquā lætari possum de Christianis Europæis Regibus, cum eos audiam in vno corde minimè consentire, vigereque inter eos bella. Estote simul omnes in vna concordia vnanimés. Deberetis enim inter vos certo scēdere esse contenti. Et certè si mihi Christianus Rex finibus esset coniunctus, nunquam vna hora

ab ipso discederem, & de hoc non planè scio quid dicam, aut omnino faciam cùm hæc à Deo ordinata esse videantur. Domine mitte obsecro frequentes ad me nuncios, nam cùm literas tuas video, vultum certè tuum intueor. Quoniam maior amicitia oritur inter lóginquos, distátes, q̃ inter eos qui propinqui sunt, propter desideríũ quo tenetur. Nã is qui recóditos habet thesauros, cùm eos oculis non videat, corde semper, & quidẽ veheméntissimè diligit, sicuti Dominus Iesus

*Matth. 6* Christus in Euangelio dicit, Vbi thesaurus tuus, ibi cor tuum, ita cor meum apud te est, quum tu ipse meus sis thesaurus, & tu pariter me, tuum thesaurum debes efficere, & cum meo tuum cor syncerè copulare. O Domine frater serua verbum hoc, nam es prudentissimus, & (vti audio) patri in sapientia similis, & de hac re cognita statim Deo gratias egi, abiectoq̃ dolore, gaudium à me susceptum est, & dixi, Benedictus sit filius sapiens & magni capitis, filius Regis Emanuelis, qui sedet in cathedra regnorum suorum. Domine mi caue ne defatigeris, cùm sis fortis non secus ac pater tuus, nec ostende debiles vires aduersus Mauros, & Gentiles. Nam eos cum Dei auxilio adiuuante virtute tua, facilè debellabis & destrues. & non dicastibi esse à patre tuo vires exiguas. Nam exsunt certè satis magnæ, & Deus semper opem

fe-

feret. Mihi adfunt viri, aurum, commeatus  
 inftar arenæ maris, & stellarum cœli. Nos  
 fimul coniuncti totam Maurorum barba-  
 riam deftruemus. neque aliud à vobis peto,  
 quàm peritos viros, qui meos milites in præ-  
 lijs ordines feruare doceant. Et tu Rex vir  
 integræ ætatis exiftis. Rex Salomon duode-  
 cim annorum ætatis, imperium fufcepit, ha-  
 buitque magnas vires, & patre fapientior fu-  
 it. Ego quoque cùm Nau pater meus exceffit  
 ab humanis, puer vndecim annorum re-  
 manfi, ingreffusque fedem patris, Deo dante  
 ampli ores opes & vires eo fum cōfecutus. Nā  
 in manu mea omnes finitimi & Regni Gen-  
 tes exiftunt. propterea ambo gratias Deo a-  
 gere debemus tanti accepti beneficij. Præbe  
 mihi aures frater, & Domine. Nam hoc vno  
 verbo à vobis postulo, vt viri docti, atque  
 etiam artifices mihi mittantur, qui imagi-  
 nes, & libros impressos, enfes, & omnis ge-  
 neris arma militaria fabricare fciant. Item  
 que architecti, fabri lignarij, & Medici, qui  
 pharmaca componere, & vulnera curare di-  
 dicerint. Cupio etiam eos habere, qui au-  
 rum in bractæas extenuare, & aurum &  
 argentum egregiè celare valeant, ac et-  
 iam aurum & argentum è venis terræ eru-  
 ere, & metallorum omnium fodinas ex-  
 ercere fciant. Præter hos apud me etiam cha-  
 ri erunt, qui plumbeas tegulas ducent, & tegu-  
 las ex creta facere docebunt. omnes denique

artifices mihi vsui erunt, & præsertim scilicet  
 petorum. Adiuua me obsecro in his rebus,  
 sicuti frater fratrem, & te Deus ita adiuuabit,  
 & ab omni malo liberabit. Deus exaudiat o-  
 rationes, & petitiones tuas, sicuti recepit san-  
 cta sacrificia in omni tempore, & in primis  
 sacrificia Abel, & Noe quando fuit in arca,  
 & illud Abraham, quando fuit in terra Ma-  
 diam, & illud de Isaac quando discessit à fos-  
 sa iuramenti, & illud Iacob, in domo Bethle-  
 em, & Moysis in Aegypto, & Aaron in mō-  
 te, & Ieson filij Nau in Galgala, & Gedeonis  
 supra plagam, & Sampsonis, quando sitim ha-  
 buit in terra sicca, & Samuelis in Rhama Pro-  
 phetæ, & Dauid Nacira, & Salomonis in ciui-  
 tate Gabeon, & Heliæ in monte Carmelo,  
 quādo suscitauit filium viduæ Mulieris è Ri-  
 cha supra puteum, & Iosaphat in prælio, &  
 Manasse quando peccauit, & ad Deum est cō-  
 uersus, & Danielis in spelunca leonum, & tri-  
 um sociorum Sydrach, Misach, Abdenago  
 in camino ignis, & Annæ ante altare, & Nee-  
 miæ, qui fecit muros cum Zorobabel, & Ma-  
 thathia cum filijs supra quartam partem mū-  
 di, & de Esau, supra benedictionem. Ita Do-  
 mine, Deus recipiet tua sacrificia, & suppli-  
 cationes, & te adiuuabit, & erit pro te contra  
 omnes peruerſitates in omni tempore, & sin-  
 gulis diebus. Pax sit tecum, & ego te ample-  
 ctor sanctitatis brachijs, & similiter singulos  
 am-

DE AETHIOP. MORIB. 189

amplector, qui tibi sunt à consilijs sanctis Regni Portugallia. Itemque Archiepiscopos & Episcopos, Sacerdotes & Diaconos, virosque pariter & mulieres. Gratia Dei & benedictio virginis Mariæ matris Dei sit tecum & omnibus. Amen.

*Litera eiusdem serenissimi Davidis Aethiopia Imperatoris, ad Pontificem Rothanum, scripta anno millesimo quingentesimo vigesimo quarto, Paulo Iouio interprete.*

**I**N nomine Dei patris omnipotentis, creatoris cæli & terræ, visibiliū, & inuisibiliū. In nomine Dei filij Iesu Christi, qui est idē cum ipso, à principio mundi, & est lumen de lumine, & Deus verus, de Deo vero. In nomine Dei Spiritus sancti, Dei viui, qui processit ex Deo patre. Has literas is ego Rex mitto. cuius nomen leones veneratur, & Dei gratia vocor Athani Tinghil, id est, Thus virginis, filius Regis David, filius Salomonis, filius Regis de manu Mariæ, filius Nauper carnen: filius sanctorum Petri & Pauli, per gratiam. Pax sit tibi iuste Domine, pater sancte, potens, pure, sacrate, qui es caput Pontificum omnium, & neminem metuis, cum nemo tibi possit maledicere, qui es vigilantissimus supra animas curator, & amicus

cus peregrinantium, consecrate magister, & prædicator fidei, & earum rerum hostis, quæ conscientiam offendunt, amator optimorum morum, vir sanctus, quem omnes laudant, & benedicunt. O felix sancte pater, ego tibi reuerenter obedio, cum sis pax omnium, & cuncta bona merearis, & ita æquum, ut omnes tibi obedientiam præstent, sicuti sancti Apostoli præcipiunt apud Deum. Hoc verè vestrum est, ita etiam præcipiunt, ut veneremur Episcopos, Archiepiscopos, & Prælatos. Similiter ut te loco patris amemus, & loco Regis vereamur, & tibi uti Deo fidem habeamus. Propterea dico ego humiliter, ad terram genibus flexis, tibi pater sancte sincero admodum corde, quod tu pater meus es, & ego filius tuus. O pater sancte potentissime, cur neminem vnquam ad nos misisti, ut certius de vita, saluteque mea cognosceres, cum tu sis pastor, & ego ouis tua. bonus etenim pastor sui gregis nunquam obliuisceretur, nec tibi à regionibus vestris nimium semotus debeo existimari, ut nuncios ad me nequeant peruenire, cum ex remotissimis terrarum regnis Portugalliæ Rex Emanuel filius tuus, Oratores ad nos commodissime miserit, & si Deus eum ad se in colum euocare distulisset, ea quæ tum agitabamus, procul dubio felicem exitum habuissent. nunc verò maximè opto prospera & salu-

Salutaria de sanctitate vestra, per certos nuncios audire. neque enim vnquam à sanctitate vestra verbum recepi, quum aliqua tantum à nostris, qui ex voto peregrinantur audierim. Sed hi, cum neque meo nomine profiscantur, neque quicquam literarum à vobis afferant, incerta fide nobis percurrentibus, dicunt se ab Hierosolyma, deinde solutis votis, ad visitanda Apostolorum limina Romam peruenisse, cum intelligant ea loca facile peti, quod à Christianis teneantur, & certè summam capio ex eorum sermonibus voluptatem, quoniam dulcissima cogitatione sancti vultus tui imaginem intueor, quæ mihi Angeli formæ simillima videtur, & illam sicuti angelicam me diligere, venerari quæ fateor. Sed profecto mihi esset gratius atque iucundius, verba tua, tuasque literas deuotissimè contemplari. Atque ita nunc te oro, vt nuncium tuum cum benedictione ad me mittere velis ad exhilarandum cor meum. nam cum in religione, & fide consentiamus, id mihi ante omnia videtur expetendum, suppliciter quæ item oro, vt amicitia meâ, ad instar annuli, quæ induis in digitum, & torquis aurei, quæ humeris imponis, in intimum cor reponere velis, vt mei memoria nunquam ex animo vestro deleatur. Gratis etenim verbis & literis amicitia maxime crescit, cum eam sancta pax cõplectitur, & qua omnis humana lætitia facile prouenit.

*Limina  
Apostolorum*

*Psal. 41.*

Quemadmodum enim is, qui vehementer sitit, frigidam maximè aquam desiderat, ut in sacris scripturis habetur, ita animus meus ex nuncijs, & literis, quæ ex remotissimis terris deferuntur, incredibile gaudium concipere solet. neque tantummodo de Sanctitate vestra, si aliqua audiero, verùm si certa de singulis terræ Christianæ Regibus referentur, mirum in modum lætabor, sicuti his accidit, qui præliando opima spolia reperiunt & legunt, hoc enim facillimè fieri potest, postquam Rex Portugalliæ totum id iter aperuit, qui ad nos iam pridem legatos suos misit cum strenuissimis equitibus. Dum autem pater meus esset in humanis, neque tum, aut demum à quoquam alio Rege Christiano, vel ipso Pontifice, aut nuncium, aut omnino literas recepimus. Quanquam in Archiuis proavi nostri seminis Iacob earum litterarum memoria conseruetur, quas Papa Romanus nomine Eugenius, ad hasterras misit, cum ipse semen Iacob regnaret, Rex Regum in vniuersa Aethiopia, Rex metuendus, Præscriptio autem literarum hæc erat.

Eugenius Romanus Pontifex, filio dilecto nostro Regi, ex semine Iacob, Regi Regum in vniuersa Aethiopia, maximè metuendo, &c. In summa autem literarum, significabat filium suum Ioannem Palæologum, qui biennio ante esset mortuus, Regem Regum



gū Romæorum, ad sacrosanctā synodū celebrandā, euocatū fuisse, & cum eo Iosephū Patriarcham Constantinopolitanum venisse, cum magno numero Archiepiscoporum, & Episcoporum, & omnis generis Prælatorum, in quibus etiam fuissent Procuratores Patriarcharum Antiocheni, Alexandrini, & Hierosolymitani. Qui omnes se cum sanctæ fidei, & religionis amore firmiter coniunxissent, constitutaque vnitæ Ecclesiæ, sublatae fuisse antiqui temporis difficultates, non sine diuino auxilio, quæ erroneæ, & religioni contrariæ videbantur. quibus rebus ritè sanctis, & constitutis, ipse Papa omnibus singularem lætitiā peperisset. Hunc autem librum Papæ Eugenij ad vos mittimus; quem incorruptum seruauimus, totum etiam Pontificiæ benedictionis ordinem & potestatem misissemus, nisi harum rerum nimis magnum volumen esse videretur, quum magnitudine librum Pauli ad gentes omnino superet. Legati verò, qui hæc à Pontifice ad nos detulerunt, fuere Theodorus, Petrus, Didymus, & Georgius serui Iesu Christi, Tu verò sanctissime Pater recte feceris, si euolui vestros libros iusseris, ubi harum rerum, de quibus scribimus, vti faciliè arbitror, aliqua memoria reperiatur. Itaque sancte pater, si aliqua ad nos perscribes, firmiter existimato, cuncta in nostros libros diligentissi-

mè fore còscripta, vt posteris nostris earũ rerũ sempiterna memoria relinq̃uatur. Et certè is mihi beatus esse videtur, cuius memoria cùltodita literis, in vrbe sancta Roma, & in sede SS. Petri & Pauli conseruatur. Hi enim sunt domini regni cęlorũ & totius mũdi iudices. Et quoniam ita credo, propterea has mitto literas, vt mihi gratia paretur apud sanctitatem vestram, & vestrum sanctissimum Senatum, vt inde sancta benedictio mihi proueniat & bonorũ omniũ incrementũ. Obnixè etiam precor sanctitatẽ vestrã vt mihi mittere velit aliquas sanctorũ imagines, & præcipuè B. Marię virginis, vt sæpissimè sit in ore, atq; memoria mea nomẽ vestrę sanctitatis, & continuam ex muneribus vestris capiam voluptatem. Idcirco etiam vehementer postulo, vt mihi viros sacrarum literarum doctos, atque etiam artifices mittatis, qui imagines fabricent, atque ita enses, & arma bellica omnis generis, itemq̃ue celatores auri, atque argenti, & fabros lignarios, præcipuè architectos, qui domos ex lapide construunt, & tegulas ex plumbo, cuproq̃ue ducere sciant, quibus domorum tecta protegantur, ad hos etiam nobis admodum chari erũt, qui vitrum cõflare, organaq; musica scitè facere, & doctè pulsare sciant, iteq; fistulatores, & tibicines. Hos verò artifices ex domo vestra præcipuè mihi mitti vellẽ. vel si horũ  
domi

# DE AETHIOP. MORIB. 195

domi vestræ exigua erit copia, ab alijs regib. filijs vestris, eos sanctitas vestra poterit imperare: quoniam vestris imperijs, & nutibus facile obediunt. Hi cùm ad me peruenerint, pro meritis summo in honore habebuntur, ex liberalitate mea, mercedem amplam accipiet. & si domũ aliquis redire concupiscet, præmijs abundè ornatus abibit, vti placuerit, quando nec inuitum quenquam sim retenturus, cùm fructum aliquem ex eius industria percepero. Nunc ad alia transeundum est, & iam à te postulo sanctissime pater, cur non hortaris Reges Christianos filios tuos, vt arma deponant, & vti fratres decet, concordēs inter se esse velint, postquam ipsi oues tuæ sunt, & tu ipse pastor earum?

Optimè quidem tua sanctitas nouit, quid Euangelium præcipiat, quod dicit. *Omne regnum in se diuisum desolabitur.* Nam si *Matt. 24. Luc. 12.* Reges animis, & fœdere certo consentient, facillimè Mahumetanos omnes delebunt, & pseudoprophetæ sepulchrum fœlici irruptione disturbabunt & diruent. Ob hanc rem da operam pater sancte, vt inter eos bona pax fiat, & certum fœdus amicitiae percutiatur, hortareq; eos, vt mihi adesse, atq; opem ferre velint, cùm in regnorum meorũ finibus, à Mahumetanis Mauris pessimis hominibus sim ex omni latere circumdatus. Ipsi autem Mauri Mahumetani inter se mu-

tuis auxilijs vtuntur, Regesque cum Regibus  
& Reguli cum Regulis, aduersus nos sincere  
& constantissimè conueniunt. Mihi Maurus  
quidem admodum vicinus est, cui finitimi a-  
lij Mauri arma, equos, atq; instrumēta belli-  
ca suppeditant. Hi sunt reges Indię, Persidis,  
Arabie, atque Aegypti. Quibus de rebus sin-  
gularem animo indies capio molestiam, cū  
hostes Christianæ religionis, fraterna chari-  
tate inter se coniunctos pace frui conspiciā.  
Reges verò Christianos, fratres meos, nihil  
omnino istis iniurijs commoueri, neque vl-  
lam mihi opem afferre, vti certè deceret  
Christianos, postquam frædissimi filij Mahu-  
metis inter se mutuis opibus adiuuantur. Ne-  
que ego is sum, qui ad id militares copias po-  
stulem, cū milites mihi supersint. Oratio-  
nes, & supplicationes tantum peto, locum-  
que gratiæ apud sanctitatem vestram, & re-  
ges fratres meos exopto. querenda enim  
mihi est hæc vobiscum amicitia, vt copiosè  
his rebus, quas supra postulaui ad terrorem  
Maurorum sim instructus, & Christiani no-  
minis hostes, vicini mei intelligāt reges fra-  
tres meos, singulari studio mihi fauere, atq;  
opem ferre. quod certè ad commune decus  
pertinet, postquam in vna religionis, & fidei  
veritate consentimus, & in eo consilio su-  
mus permansuri, quod firmum, atque abso-  
lutum erit cum eo, quod vtilius eueniet. De-

# DE AETHIOP. MORIB. 197

us itaque desideria vestra impleat, super laudibus Iesu Christi, & Dei patris nostri; quem omnes laudant per omnia secula. Et tu Domine pater sancte complectere me, cum omnibus sanctis Iesu Christi, qui sunt Romæ; & pariter in hos amplexus recipiantur omnes incolæ regnorum meorum, & qui Aethiopiam inhabitant, & reddatur gratia domino Iesu Christo cum spiritu vestro. Has verò literas sanctitas tua accipiet, de manu fratris mei Ioânis regis Portugalliæ, filij potētissimi Regis Emanuelis per Oratorem nostrum Franciscum Aluarez.

*Alia litera eiusdem Davidis Aethiopia Imperatori, ad Pontificem Romanum, scripta, anno millesimo, quingentesimo, vigesimo quarto, Paulo Iouio interprete.*

**E**lix sancte pater, qui à Deo effectus es Gentium consecrator, & S. Petri sedē obtines. Tibi datę sūt clauēs regni cēlorū, & quod Matth. 16. cunq; ligaueris vel solueris super terrā, erit ligatū vel solutū & in cēlis, sicut dixit Christus, & ita in Euāgelio Matthęus scribit. Ego Rex cuius nomen leones venerantur, & Dei gratia Athani Tinghil, id est, Thus virginis vocor, quod nomen est à baptismo, nunc verò in ipso suscepti regni in-

N 3

itio

*Regina  
Saba.*

itio assumpsi nomen Dauid, dilectus à Deo, columna fidei, cognatus stirpis Iuda, filius Dauid, filius Salomonis, filius columnæ Si-on, filius seminis Iacob, filius de manu Mariæ, filius Nau per carnem, Imperator magnæ & altæ Aethiopiæ, magnorum regnorū & ditionū, & terrarū, Rex de Xoa, de Caffate, de Fatigar, de Angote, de Baru, de Baalingaze, de Adea, de Vâgue, de Goïame, vbi Nilus oritur, de Damaraa, de Vagemedri, de Ambéaa, de Vagne, de Tigri Mahon, de Sabaym vnde fuit regina Saba, de Bernagaes, & dominus vsq; ad Nobiam finem Aegypti. Hæ provinciæ omnes in mea potestate sunt, & pleræque aliæ magnæ, & item parvæ, quæ nunc à me nequaquam numerantur, neque regna & prouincias suis nominibus expressi, veluti superbia, & vana gloria inductus, verum ob id, vt summus Deus magis ac magis laudaretur, qui singulari benignitate, tot amplissimorum regnorum Christianæ religionis, superioribus meis regibus, imperia tribuisset, sed profectò me clariore gratia, inter alios Reges dignum fecit, vt Religioni continuè inseruirem. Quoniam me Adel Dominum fecerit, hostem Maurorum, & Gentilium, qui adorant idola. Mitto ad deosculandos pedes sanctitatis vestræ more cæterorum Christianæ fidei Regum, fratrum meorum, quibus neque religione, neque poten-  
tia

tia sum inferior. Ego etenim in regnis meis sum columna fidei, neque externis iuuar auxilijs, cùm in solo Deo spem, & opem reponam, qui me sustinet, & gubernat, ab eo tempore, quo Angelus Dei allocutus est Philippum, qui fidem doceret Eunuchum potentis Reginæ Candacis, Reginæ Aethiopiae, quæ ab Hierosolyma Gazam pergebat. Philippus tum baptizauit Eunuchum, & Eunuchus demum Reginam, cum magna parte familiæ, & populi eius, qui nunquam desierunt esse Christiani, omniq; sequenti tempore perstiterunt fortes in fide. Prædecessores verò mei, nulla alia ope adiuti quàm diuina, fidem in latissimis regnis propagarunt, quod & ego quotidie efficere contendo. Maneo etenim inter maximos regnorum meorum fines, vt leo ingenti sylua circumdatus, & septrus aduersus Mauros obsidentes, & alias nationes fidei Christianæ inimicissimas, quæ nolunt audire verbum Dei, neque cohortationes meas, & ego gladio accinctus eos persequor, & paulatim extrudo, diuino scilicet fretus auxilio, quod nunquam mihi deest, quod secus accidit regibus Christianis. Nam si regnorum suorum fines extendunt, id facile possunt assequi, quoniam alter alteri opem ferre posset, & auxilia subministrare, iuuariq; benedictione vestræ sanctitatis, cuius parti-

Aeth.

Eunuchus  
regina Candacis.

*Eugeni-  
us Papa.*

*Templi  
Hieroso-  
lymita-  
num.*

ceps ego sum , cū in libris meis habeantur literæ , quas superioribus temporibus Eugenius Papa cum benedictione misit , ad Regem Semen Iacob . Qua accepta , tradita per manus benedictione ego fruor , & magnoperè lætor . Cæterum ego in magna habeo veneratione sanctum templum in Hierusalem , ad quod sæpissimè mitto oblationes debitas , per nostros peregrinantes. Et multo plures & pinguiorẽs mitterem, nisi itinera à Mauris, & infidelibus obfiderentur. Nam præter illud, quod dona nostra, & thesauros nuncijs eripiunt, etiam eos liberè pertransire non sinunt. Quod si pateant itinera, in familiaritatem & commerciũ Romanæ Ecclesiæ deuenirem, vti fit à cæteris Christianis Regibus, quibus in religione Christiana non sum inferior. Et ita vt illi credunt, vnam fidem rectam, & vnam ecclesiã cõfiteor, credoquẽ syncerissimè in sanctam Trinitatem, & in vnum Deum, & virginitatem Dominæ nostræ virginis Mariæ, & articulos fidei teneo, & obseruo, vti ab Apostolis conscripti fuerunt. Nunc Deus optimus manu potentissimi, & Christianissimi Regis Emanuelis iter patefecit, vt per legatos conueniremus & in fide coniuncti Christiani, cū Christianis Deo inferuiremus. Sed dum in aula mea eius Oratores essent, allatum est eū vitam cum morte commutasse, filiumquẽ eius,



ius, fratrem meum Ioannem paterni regni  
 sceptrū accepisse. Vnde sicut ex patris mor-  
 te summum senseram dolorem, ita ex filij  
 foelici in regnum assumptione mirificè sum-  
 latatus, adeo vt sperem nos communibus co-  
 pijs, & viribus per regiones Maurorum pessi-  
 morum, terra marique iter aperturos, atque  
 eos magno terrore illato, sedibus, & regnis  
 esse depulsuros, vt commodò pacatoque iti-  
 nere, Christiani Hierosolymitanum tem-  
 plum petere, & liberè commeari possint.

Atque ego in primis, sicuti vehementer exo-  
 pto, diuini amoris particeps esse possim in  
 templo Apostolorum Petri & Pauli. Cupio  
 autem ingenti desiderio consequi sacrosan-  
 ctam benedictionem, à vicario Domini no-  
 stri Iesu Christi. Nam proculdubio sanctitas  
 vestra, Dei est vicarius. Et cū à peregrinis,  
 qui ex regionibus nostris ad Hierusalem at-  
 que inde Romam non sine miraculo eunt,  
 & redeunt, multa de sanctitate vestra ab his  
 audio, quæ mihi incredibilem afferunt volu-  
 ptatem & gaudium. Sed multo maiorem o-  
 mnino caperem lætitiā, si mei Oratores  
 breuiore itineris compendio vti possent, &  
 noua referrent, Sicuti antequam moriar, ali-  
 quando allaturos spero non sine gratia Dei  
 Omnipotentis, qui vos in sanitate & sanctita-  
 te conseruet. Amen. Exosculor autem pedes  
 sanctos, & supplex oro vt benedictionem ad

me mittat. Has quoq; literas sanctitas tua accipiet de manu fratris mei Ioannis regis Portugalliz, per eundem Oratorem nostrum Franciscum Alvarez.

Has epistolas à Paulo Iouio versas, huic nostro opusculo ob maiorem huius historię cognitionem adiunximus, nec in eis aliquid mutauimus (quanquam in quibusdam locis mutatione indiguisset) præter pauca, quæ ex Arabico & Abesynico idiomate, in Lusitani cum sermonem, omnino malè interpretata, mutato epistolarum ordine, fuerunt. Idem Iouius quoq; in harum epistolarum enarratione, volumen quod Franciscus Alvarez de situ, moribus, cultuq; Aethiopum composuit, in quo etiam totum suum iter explicat, pollicitus est Latinum facere, cuius voluminis unum exemplar penes me habeo. quod si Iouius à vertendo supersedeat, non abhorrerem ab eius rei tractatione. quanquam id provinciz non libenter suscepero, nisi id tuis sanctissime pater mandatis mihi imperatum cognouero, quo tutior esse possim aduersus calumniosos, quibus videri possim non studio Reipublicæ Christianæ, sed æmulatione gloriæ Iouianæ hoc onus subiisse. Ad quod cum fide tractandum, me non parum instructum arbitror. Nam cum perfunctus Germanicis, & Sarmaticis legationi-

nibus, è Belgica ad Regem meum Ioannem eius nominis tertium redeo, cuius plurimam in me excipiendo & humanitatem, & munificentiam expertus sum, Vlyssipponē in colloquium Aethiopici legati incido, viri & Episcopali dignitate venerabilis, & fide, doctrinā, ac eloquentia Chaldaicæ, & Arabicæ linguæ admirabilis, & in summa idonei, qui à potentissimo Aethiopum imperatore, ad maximos principes de maximis rebus mitteretur. huic autem nomen fuit Zaga Zabo, cum eo post initam inter nos firmissimam & constantissimam amicitiam, sæpius sermonem miscui, variasque disputationes habui, præsertim de moribus & Religione Aethiopum Christianorum, cupiebam enim eas res non ex verbis interpretantium peregrinorum, sed ab indigena, coram, & ore tenus cognoscere. Inter cætera epistolam quoque, per Matthæum legatum in Lusitaniam missam ei ostendi, quam ego iam pridem cum articulis, quos coram Rege Emanuele exposuerat, in linguam latinam (vt dictum est,) transtuleram, multaque ex illius admonitu castigavi, vbi interpretatio non plenè rei fidem, aut indolem assecuta erat, quod tum mihi, tum Iouio non raro accidisse affirmabat, habebam enim iam mecum ipsius Iouij epistolas, quas summa cum diligentia contulimus. Postmodum

dum vigente inter nos iam vera Christi charitate, & amicitia, ausus sum ab eo petere planam, & legitimam AEthiopum fidei & religionis enarrationem, eamque sua manu describi, quod mihi summa cum alacritate concessit, illamque statim describere incepit, sententiam summa fide in latinam linguam refuldi, ut ex sequentibus patebit. Id verò conscientia urgente eo ardentius aggressus sum, quod non ignorarem, si hæc apud me perijissent, à nemine mortalium vnquam in lucem proditura fuissent. Inde quod sic digesta & composita ad phrasim Chaldaicam & AEthiopicam essent, ut vix à quopiam intelligi potuissent, nisi à me, qui ea omnia tam ex ore, quàm ex scriptis ipsius AEthiopici Oratoris, per multam familiaritatem cōsequi iam poteram.

# IN NOMINE DOMINI NOSTRI IESV CHRISTI. AMEN.

*Hæc sunt, quæ de fide & religione apud nos AEthiopes habentur & observantur.*

Trinitas



Redimus in nomen sanctæ Trinitatis, Patrem, Filium, & Spiritum sanctum, qui vnus est Dominus,  
tria

tria quidē nomina, vna diuinitas, tres facies, *Hoc pos-*  
vna verò similitudo, æqualis trium persona- *ea expli-*  
rum coniunctio, æqualis inquam in diuinita- *cas.*  
te, vñm regnum, vnus thronus, vnus iudex,  
vna charitas, vnum verbum, & vnus spiritus.  
Verbum autem patris & filij, verbum spiri-  
tus sancti, & filius est idem verbum, & verbū  
apud Deum, & apud Spiritum sanctum, & a-  
pud semetipsum, sine defectu vllō, aut diui- *Huius no-*  
sione, filius patris, & filius ipsius patris sine *strior aso-*  
principio, nempe primo sine matre filius pa- *ri scrip-*  
tris. Nemo enim nouit secretum, & mysteri- *ta in hoc*  
um eius natiuitatis, nisi pater, & filius, & Spi- *loco am-*  
ritus sanctus. Is autem filius in principio erat *biguam*  
verbum, & verbum erat apud Deum, & De- *habebat*  
us erat verbum. Spiritus patris, spiritus san- *significan-*  
ctus, spiritus filij, spiritus sanctus est: spiritus *tem, qua*  
autem sanctus spiritus sui, sine vlla diminui- *magis ea*  
tione, aut augmentatione. is etenim spiritus *tholica*  
sanctus, paracletus, Deus viuus, qui ex patre *ecclesiæ*  
& filio procedit, locutus est per os propheta- *cognis,*  
rum, & in flamma ignis descendit super Apo- *textui in*  
stolos in atrium Syon. Qui per totum terra- *seruimus*  
rum orbem denunciarunt, ac prædicarunt *aliā hic*  
verbum patris, quod verbum erat ipse filius. *in margi-*  
Præterea neque pater est primus, inde quod *ne expli-*  
pater sit, nec filius postremus, inde quod fili- *cādā dis-*  
us sit, sic spiritus sanctus neque primus, neq; *ximus,*  
postremus est. Tres personæ vnus Deus, qui *qua se-*  
videt, & à nemine videtur, qui vnico suo *quē est.*  
*Sine defe-*  
*tu vllō*  
*aut diui-*  
*sione fili-*  
*con-*

*ex patre  
& filius  
sui, &  
principiū  
sui, nō p  
primo s  
ne matre  
filius pa  
tris, &c.*

*Baptiz  
mus  
Christi.*

consilio cuncta creauit . Postea verò filius  
sponte propter nostram salutem, ipso patre  
volenti, Spiritu sancto consentienti, ex al  
tissimo suo domicilio descendit, & incarna  
tus est de Spiritu sancto, ex Maria virgine,  
quæ Maria duplici ornabatur virginitate,  
vna spirituali, altera verò carnali. Et natus  
est sine aliqua corruptione, ipsa Maria ma  
tre post partum virgine permanenti, &  
magno cum miraculo & arcano igne diui  
nitatis afflata, sine sanguine, & doloribus  
peperit filium suum Iesum Christum, qui  
homo innocens & sine peccato fuit, & per  
fectus Deus, & perfectus homo, vnum so  
lummodo habens aspectum. Adoleuit sen  
sim vt infans, lugenſ lac Mariæ virginis ma  
tris suæ, & cū attigisset trigessimū an  
num, baptizatus est in Iordane. Et vt cæteri  
homines, ambulauit, fuitque lassus, sudauit,  
esuriuit, & sitiuit. Hæc omnia passus est  
sponte & voluntariè, plurimaque fecit mi  
racula. Atque per suam diuinitatem cæcis  
visum restituit, claudos sanauit, leproſos  
mundauit, mortuosque suscitauit, ipseque  
postremo volens captus est, & flagellatus,  
ac colaphis verberatus, & crucifixus, & lan  
guit & mortuus est propter peccata nostra,  
& sua morte vicit mortem ac diabolū, &  
sua viuæ ægritudine dissoluit peccata nostra,  
& languores nostros tulit, & baptismo san  
gui-

nis sui, qui baptizatus mors eius fuit, baptizavit patriarchas & prophetas, descenditque ad inferos, ubi erat anima Adæ, & eius filiorum, atque anima ipsius Christi, quæ est ab Adam, quam animam Adæ ipse Christus accepit ex sancta Maria virgine, & in splendore, & potetia diuinitatis suæ, & crucis fortitudine fregit æneas ac igneas inferorū portas, & catenis ferreis sathanam colligauit, & redemit Adam & eius filios. Hæc omnia Christus fecit propterea quod plenus diuinitate erat, & ipsa diuinitas erat cum ipsius anima, & erat etiam cum ipsius sanctissimo corpore, quæ diuinitas virtutem dedit cruci. Quæ quidem diuinitatem, is cum patre in trinitate & vnitatem semper habuit, & habet communem. Nec enim ipse Christus obambulans in terris, caruit oculi momento diuinitate, vel dignitate sua. Tum demum sepultus, tertia die ipse Iesus Christus, Princeps resurrectionis, Iesus Christus dulcissimus, Iesus Christus princeps sacerdotum, Iesus Christus rex Israel, cum magna potentia & fortitudine resurrexit. Et postquam omnia fuerunt adimpleta, quæ sancti prophetæ prædixerunt, ascendit in cælum cum gloria, & sedet à dextra patris, & venturus est cum gloria, ferens ante faciem suam crucem, & in manu gladium iustitiæ, iudicare viuos & mortuos, cuius regni non erit finis. Credo vnam san-

*Hoc in  
fine  
explicat.*

*Vna san-  
cta ca-  
tholica  
atq; apo-  
stolica ec-  
clesia.  
Maria  
virgo.*

*Lignum  
crucis.*

*1. Cor. 1.*

*Petrus  
petra ec-  
clesia.*

ctam catholicam, & Apostolicam ecclesiam,  
credo vnum baptisma, qui est remissio pec-  
catorum, spero resurrectionem mortuo-  
rum, & vitam venturi seculi. Amen. Credo  
Dominam sanctam Mariam virginem, vir-  
ginem inquam spiritu, & carne, quæ vt Dei  
mater, charitas omnium gentium est, sancta  
sanctorum, & virgo virginum, quam modis  
omnibus veneror. Credo sanctum lignum cru-  
cis, lectum egreditur domini nostri Iesu Chri-  
sti filij Dei esse, qui Christus salus nostra  
est, propter quem salui sumus. Iudæis quidẽ  
scandalum, Gentibus autem stultitia. Nos ve-  
rò prædicamus & credimus fortitudinẽ cru-  
cis Domini nostri Iesu Christi, quemadmo-  
dum sanctus Paulus Doctor noster præce-  
pit. Credo sanctum Petrum petram legis es-  
se, quæ lex ædificata est super sanctos pro-  
phetas, fundamentum & caput Ecclesiæ Ca-  
tholicæ & Apostolicæ, Orientalis & Occidẽ-  
talis, vbi est nomen Domini nostri Iesu  
Christi: cuius Ecclesiæ potestatem, Petrus  
Apostolus habet, ac clauẽs regni cœlorum,  
quibus claudere & aperire, soluere, & ligare  
potest. Is autem sedebit cum alijs Apostolis  
eius socijs super duodecim sedes, cum hono-  
re & laude apud Dominum nostrum Iesum  
Christum, qui in die iudicij sententiam est  
de nobis laturus. Quæ dies gaudij quidẽ san-  
ctis, doloris autem & stridoris dentium, pec-  
cato-



catoribus erit, cum deiciuntur in ardentes  
 flammæ inferni cum eorum patre diabolo.  
 Credo sanctos Prophetas & Apostolos, Mar-  
 tyres & Confessores veros Christi imitato-  
 res fuisse, quos cum sanctissimis Dei Angelis  
 veneror & honoro. parique modo etiam om-  
 nes illorum sectatores complector & de-  
 osculor. Deinde confessionem vocalem om-  
 nium meorum peccatorum credo facien-  
 dam esse apud sacerdotem, cuius precibus  
 per Christum Dominum nostrum, salutem  
 animæ meæ spero me consecuturum. Præ-  
 terea Pontificem Romanum tanquam pri-  
 mum Episcopum & pastorem ouium Chri-  
 sti agnosco, ac omnes Patriarchas, Car-  
 dinales, Archiepiscopos, Episcopos, quo-  
 rum ille caput est, quibus tanquam ipsius  
 Christi ministris pareo, ac obedio.

*Confessio  
 apud Sa-  
 cerdotē.*

*Pontifex  
 Rom. pri-  
 mus epi-  
 scopus et  
 caput re-  
 liquorū.*

Hæc est fides & lex mea, & populi Aethi-  
 opicæ, qui est sub ditione Preciosi Ioannis,  
 quæ fides atque Christi amor, ita sunt apud  
 nos confirmata, ut ea nec per mortem, nec  
 per ignem, nec per gladium, fretus auxilio  
 Saluatoris nostri Iesu Christi, vnquam sim  
 abnegaturus, quam fidem omnes portaturi  
 sumus in die iudicij ante faciem eiusdem Do-  
 mini nostri Iesu Christi.

Iam his enumeratis, erit nobis explicanda  
 disciplina & doctrina, ac lex quæ Apostoli  
 in sanctis Synodorum libris & canonibus (quos

O

Man-

*Libri o-  
cto legū  
ecclesiæ  
scripti  
Hieroso-  
lymiæ per  
Aposto-  
los.*

*Ieiuniū  
ser. 4.*

*Ieiuniū  
ser. 6.*

*Ieiuniū  
quadra-  
gesimale  
7 hora  
data re-  
bus diui-  
ni.*

*Dies Do-  
minicus.*

*Sacrum  
facere.*

Manda atq; Abethilis vocamus) nobis præce-  
perunt. Sūt enim ij sanctæ Ecclesiæ legum li-  
bri octo, quos omnes Apostoli Hierosoly-  
mis congregati, scripserunt. De quibus habi-  
ta inquisitione, cum quibusdam doctoribus,  
postquam in Lusitaniam veni, neminem re-  
peri, qui horum memoriam teneret. Obser-  
uationes verò, quas sancti Apostoli nobis in  
his libris præscripserunt, hæ sunt. Primo o-  
portere nos ieiunare singulis diebus Mercurij,  
in memoriam cōsiliij Iudæorum, quo die  
ab eis decretum & consultum fuit, Christum  
occidendum esse. Præterea ieiunandum esse  
singulis diebus Veneris, quo in die Christus  
Iesus crucifixus & mortuus est pro peccatis  
nostris. Et in his duobus diebus præceptum  
est ieiunare vsque ad occasum solis. Quadra-  
ginta verò diebus quadragesimalibus, pane  
& aqua ieiunandum iniunxerunt. Septem  
diei ac noctis horis incumbere rebus diuinis.  
Ex ijs edictis quoque tenemur & sacrum ce-  
lebrare diebus Mercurij, ac Veneris tempore  
vespertino, quoniam tunc expirauit Do-  
minus noster Iesus Christus in sancto ligno  
crucis. Diebus autem Dominicis, omnes vna-  
nimiter vt congregaremur in sacra æde ho-  
ra tertia die ab ortu solis ad legendū & audi-  
endū prophetarū libros voluerūt, atq; post-  
ea, vt sanctum Euangelium prædicemus, sa-  
crum quoque faciamus. Præterea nouem di-

# DE AETHIOP. MORIB. 211

es festos in Christi memoriam celebrandos *9. di. festi*  
 constituerunt, scilicet Annunciationis, Nati-  
 uitatis, Circumcisionis, Purificationis siue *Festū ca-*  
 Candelarum, Baptismi, Transfigurationis, *dalarum*  
 Dominicæ Palmarum, vsq; ad octauam Ve- *Palma-*  
 neris sancti (vt vocamus) qui dies duodecim *rum.*  
 sunt. Ascensionis quoq; atq; Pentecostes cū *Ascēssio.*  
 suis etiam ferijs. Et ex horum librorum præ- *Penteco-*  
 ceptis, sine aliqua exceptione à festo Paschæ *stas.*  
 vsq; ad Pentecostē singulis diebus vescimur  
 carnibus, nec per hos dies, vsque ad octauam  
 Pentecostes ieiunare tenemur, id quidem p-  
 pter maiorem venerationem & honorē Re-  
 surrectionis Domini nostri Iesu Christi. Itē  
 voluerunt vt diem mortis, & assumptionis  
 Mariæ virginis cum omni honore celebra-  
 remus. Præterea præter Apostolorum præce-  
 pta quidam Preciosus Ioannes nomine Se-  
 men Iacob constituit in honorem eiusdem  
 beatæ virginis, singulis annis triginta supra *33. dies*  
 tres dies etiam celebrandos. Deinde propter  
 Christi Saluatoris natiuitatem celebrari ius-  
 sit de vnoquoq; mense diem vnum, qui dies *Vnus di-*  
 vigesimus quintus semper est Cōstituit quo- *es in vno*  
 que ex singulis mētib. vnū diē propter S. Mi- *quoq; mē*  
 chaelem celebrandum. Vltcrius ex indicto *se.*  
 Synodorum Apostolorum, diem martyrij *S. Micha-*  
 S. Stephani, ac aliorum martyrum celebra- *el.*  
 mus. Ex institutione quoq; Apostolorū cele- *Dies 33.*  
 brare tenemur duos dies, scilicet Sabbati & *martyrū*  
*Dies Sab-*  
*bati.*

**Dominici-**  
**one.**

**Matt. 3.**

Dominici, in quibus non licet nobis aliquam rem facere, ne minimam quidem. Die verò Sabbati ob id, quod Deus in eo mundi perfecta creatione quieuiſſet, ſeruamus, quæ vt vocari voluit, Sanctum Sanctorum, ita planè videretur contra eius voluntatem & præceptum fieri, qui cælum & terram potius, quam ſuum verbum perire vult, ſi cum magno honore, ac religione iſ dies non celebraretur, præſertim cum ipſe Chriſtus non ad ſoluendum legem, ſed ad implendum venerit. Quapropter non ad imitationem Iudæorum, ſed iuſſu Domini noſtri Ieſu Chriſti, & Sanctorum Apoſtolorum eum ſeruamus, quorum Iudæorum gratia in nos Chriſtianos translata eſt. In quo die Sabbati, excepto tempore quadrageſimali, carnes ſemper comedimus. Id tamen in regno Bernagæ, ac Tigri Mahon non ſeruatur, quorum duorum regnorum indigenæ ex veteri conſuetudine, carnibus in diebus Sabbati & Dominicis quadrageſimalibus veſcuntur. Diem autem Dominicum, vt cæteri Chriſtiani, in memoriam Chriſti reſurrectionis celebramus. Diem tamen Sabbati ex legis libris & non ex Euangelio celebrandum eſſe ſcimus. Nihilominus Euangelium finem legis, ac Prophetarum eſſe non ignoramus. In quibus duobus diebus credimus animas piorum defunctorum

storum, in purgatorio minimè cruciari. *Purga-*  
 Quam quietem Deus in his sanctissimis die- *torum.*  
 bus, animis concedit, donec inde (finito ter-  
 mino suarū pœnarū pro facinoribus in hoc  
 sæculo meritarū) penitus emergant. Ad quas *Eleemo-*  
 pœnas minuendas, ac earum cruciatus tem- *syna pro*  
 pus attenuandum, eleemosynas pro defun- *defun-*  
 ctis factas, credimus iplis animis in purgato- *tiis.*  
 rio degentibus maximè prodesse. Ad qua-  
 rū animarum remissionem Patriarcha nul-  
 las dat indulgentias, id ad solum Deum, ac *Indulgen-*  
 pœnarum temporis constitutionem credi- *tia.*  
 mus spectare. Nullos quoque dies indulgen-  
 tiarum Patriarcha concedit.

Ex Euangelij lectione, sex tantum tene-  
 mur seruare præcepta, quæ Christus ore pro- *Sex præ-*  
 prio ita explanauit. Esuriui & dedistis mihi *cepta.*  
 manducare. Sitiui & dedistis mihi bibere. *Mat. 23.*  
 Hospes eram, & collegistis me. Nudus, & ope-  
 ruistis me. Infirmus, & visitastis me. In carce-  
 re eram, & venistis ad me. Quæ verba Chri-  
 stus in die iudicij solummodo est prolaturus.  
 quoniam lex, teste Paulo, peccata nobis  
 ostendit, quam legem, excepto Iesu Christo *Rom. 3.*  
 nemo custodire potuit. Ipso Paulo quoque  
 teste, Omnes ex peccato nati sumus, propter  
 Eux matris nostræ transgressionem, & pro- *Rom. 5.*  
 pter eius maledictionem. Præterea inquit ip-  
 se met Paulus, nos propter Adam mori,

O 3 & pro:

& propter Christi vitam viuere, qui Christus ob suam immensam misericordiam, nobis hæc sex præcepta dedit, vt cum venerit in sua maiestate, iudicatum viuos & mortuos, saluemur. Quibus verbis, ac præceptis in ipso tremendo iudicij die, bonis gloriam sempiternam, malis ignem, & perpetuam damnationem denuntiabit. Et quinque tantum peccata mortalia (vt vocant) annumeramus, id quidem ex vltimo Apocalypsis capite, vbi dicitur, Foris autem canes, & venefici, & impudici, & homicidæ, & idolis seruientes, & omnis qui amat, & facit mendacium. Item constitutum est à sanctis Apostolis, in Synodorum libris, clericos vxores licere ducere, id quidem postquam cognitionem aliquam habuerint rerum diuinarum.

*Ordo.* Deinde inito matrimonio in ordinem presbyterorum recipiuntur, in quem nisi post annum trigesimum nemo recipitur, nec spurij, nec nothi aliqua ratione ad eundem sacratissimum ordinem intromittuntur, qui ordines à nemine, nisi ab ipso patriarcha dantur.

*Episcopi & Clerici.* Mortua tamen prima vxore Episcopi aut clerici aliam ducere non possunt, nisi patriarcha ad id dispensauerit (quod aliquando indulgetur magnatibus propter publicum bonum) nec habere concubinam, nisi se voluerint à sacris abdicare, quod si fecerint, res diuinas amplius tractare non possunt.

sunt. Et hoc tam strictè seruatur, vt ij presbyteri, qui secundo vxorem duxerint, ne candela<sup>q</sup> quidem vnam Ecclesiæ consecratam, <sup>cōsecra-</sup> in manum auderent accipere. Quod si inuentum fuerit Episcopum aut clericum filium spurium habere, ab omnibus beneficijs ac sacris ordinibus abdicatur, quorum bona, si sine legitima prole discedant, ad Preciosum Ioannem, & non ad Patriarcham veniunt. Et id quod presbyteri apud nos vxores possideant, ex Paulo accepimus, qui mauult <sup>1. Cor. 7.</sup> clericum & laicum nubere quàm vri. Is quo- <sup>1. Tim. 3.</sup> que inquit, oportere Episcopum virum vnius vxoris esse, & irreprehensibilem, sobriū, pariq; modo vult esse diaconos. Atq; etiam vt Ecclesiastici perinde atq; seculares proprias vxores ex legitimo matrimonio habeāt. Monachi tamen vxores non ducunt. Et tam <sup>Monachi.</sup> laici q̄ clerici vnā tantū possidēt vxorem, & <sup>Vna vxor.</sup> matrimonium non contrahitur p̄ foribus sacræ ædis, sed in priuatis domibus Paranymporum. Ex sanctorum Apostolorum constitutione habemus, vt si sacerdos fuerit comprehensus in adulterio, homicidio, latrocinio, vel falsum testimonium tulerit, vt à sacris ordinibus destituatur, ac vt cæteri malefici puniatur. Rursus ex eorum Apostolorum instituto, Si aliquis siue ecclesiasticus, siue laicus cū vxore congressus fuerit, vel in somnis pollutus fuerit, spatio quatuor & viginti horarum

*Enurpe-  
ra.*

*Z. 87.*

*Exod. 3.*

*Mons Sy-  
nai.*

rum templum non ingreditur, nec id quo-  
que menstruatibus mulieribus licet, nisi septi-  
mo quoque die à mēstruo, id quidem omnib.  
vestib. ablatis, quibus tempore menstrui v-  
tebatur, ipsaque benè lota, atque à sordibus  
repurgata. Item mulieri parienti masculum,  
non conceditur venire in templum nisi post  
quadragesimum diem, parienti verò fœmi-  
nam, post octogesimum. Hanc consuetudi-  
nem ex veteri lege, ac ex noua Apostolica  
habemus, quas leges, instituta, ac præcepta  
diligenter in omnibus, quatenus fieri possit,  
obseruamus. Deinde prohibitum est apud  
nos, ne aut gentes, aut canes, aut alia huiusmo-  
di animalia, in templa nostra intrent. Item  
non datur potestas nobis adeundi templum,  
nisi nudis pedibus, neque licet nobis in ipso  
templo ridere, obambulare, aut de rebus  
prophanis loqui, nec spueri, aut sœcere in ip-  
so templo. Quia Ecclesiæ Aethiopiæ non  
sunt similes terræ illi, ubi populus Israel co-  
medit agnum Paschalem, decedēs ab Aegy-  
pto, in quo loco Deus iussit eos comedere in-  
dutos calceamentis, & zonis accinctos pro-  
pter terræ pollutionem. Sed similes sunt  
monti Synai, ubi Dominus locutus est Mo-  
si dicens: Moses Moses, exue calceamenta tua  
quoniam terra quam pedes tui premunt,  
sancta est. Et hic mons Synai parens nostra-  
rum Ecclesiarum est, ex quo suam accepe-  
runt



runt originem, ita vt Apostoli ex prophetis  
& nouum testamentum à vetere. Præterea  
nec sacerdoti, nec laico, vel alij personæ cu-  
ius conditionis sit, assumpta venerabili Eu- *Eucha-*  
charistia licet expuere, à tempore matutino, *ristia*  
vsque ad occasum Solis, & si spuerit, grauissi-  
ma pœna multatur. Item in memoriam *Baptis-*  
Christi baptismi, singulis annis, omnes in E- *mus.*  
piphanijs Domini baptizamur, id quidem fa- *Epipha-*  
cimus non quod ad salutem spectare credi- *nia.*  
mus, sed propter Seruatoris nostri laudem  
ac gloriam. Neque vberius, atque refertius  
spectaculis, iocis & cœremonijs, vllum aliud  
festum celebramus, quoniam in hoc die pri-  
mo manifestè apparuit sanctissima Trinitas,  
cùm Dominus noster Iesus Christus bapti-  
zaretur in flumine Iordane, cùm Spiritus  
sanctus in specie columbæ super caput eius  
descenderit, & vox de cœlo dixerit, Hic est  
filius meus dilectus, in quo mihi complacuit. *Matt. 3.*  
Qui Spiritus sanctus apparens in specie albæ  
columbæ, cum facie & figura patris & filij ap-  
paruit in vna diuinitate. Pariq; modo Chri-  
stus visus est à sanctis Prophetis per multas  
similitudines & formas. Primùm in specie a- *Gen. 22.*  
rietis albi, propter salutem Isaac filij Abra-  
hæ, eoq; modo nominauit Iacob, Israel, & *Gen. 32.*  
Iacob, Iudam catulum leonis, cui super alios  
fratres potestatem tribuit, dicens, Ad præ- *Gen. 49.*  
dam fili mi ascendisti, requiescens occubui-

Exod. 3.

sti vt leo, & quasi leæna, quis suscitabit eum? Item manifestauit se Moysi in monte Synai in specie flammæ igneæ, ostendit se sancto Danieli prophete in similitudine petre. Ezechiel quoque filio hominis apparuit, & Isaïæ in forma infantis. Manifestauit etiam se Regi Dauidi, & Gedeoni in rore super vellus. Præter has recensitas formas, in multis alijs visus est à sanctis Prophetis. Tametsi tā varijs formis fuerit visus, semper similitudinem patris & Spiritus sancti repræsentauit. Errum De-

Gen. 1.

us etiam creasset mundum, dixit: Faciamus hominem ad imaginem & similitudinem nostram, & fecit Adam ad suam imaginem & similitudinem. Propterea nos dicimus patrem, filium, & Spiritum sanctum esse tres vultus, in vna similitudine & diuinitate. Habemus quoq; à temporibus reginæ Saba circumcissionem, quam ad hunc vique diem seruamus. Erat autem huic reginæ Saba nomen propriū Maqueda, quæ more maiorum colebat Idola. Ad cuius aures fama sapientiæ Salomonis cum peruenisset, quendam virum prudentem Hierosolymam misit, vt re omnī explorata certior de regis prudentia redderetur. Quo reuerso & re explanata, subito se ad iter Hierusalem versus componit. Atq; cum eo peruenisset, præter multa alia, quibus à Salomone erudita est, legem ac Prophetas didicit,

*Hic explicat ea  
quæ in  
principio  
de tribus  
faciobus  
& vna  
similitu-  
dine di-  
xit.*

*Maque-  
da nomē  
Reginæ  
Saba.*

eaque in patriam (facultate impetrata ab-  
 undi) proficiscens, in itinere filium, quem *Filius re-*  
 ex Salomone conceperat, peperit, qui voca- *gina Sa-*  
 tus est Meilech, quem ipsa regina in Aethi- *ba ex Sa-*  
 opia usque ad vigesimum ætatis annum a- *lomone.*  
 pud se educauit, ac postea ad Salomonem  
 eius patrem remisit, ut ab eo scientiam & sa-  
 pientiam disceret, quem per literas obse-  
 cravit, ut filium Meilech coram arca fœderis,  
 testamenti Domini, regem Aethiopiæ con-  
 secraret, ac crearet, neque ulterius scemina-  
 ius regnandi in Aethiopia haberent, ut tum  
 in more erat, sed ut recto tramite masculi in  
 regnum succederent. Qui cum Hierosoly-  
 mam venit, à patre facile matris postulata  
 obtinuit, ac pro Meilech vocatus est David,  
 quem iam abundè in lege, atque in alijs di-  
 sciplinis edoctum, pater Salomon constituit  
 ad matrem remittere, id quidem cum maio-  
 re ornatu, Regioque apparatu. Ad quod  
 munificentius conficiendum, comites illi  
 nobiles, ac primorum virorum filios tradi-  
 dit, qui ei pro regio more inservirent. Præ-  
 terea decrevit cum eo mittere Azariam  
 principem sacerdotum, filium Sadoch prin-  
 cipis quoque sacerdotum. Quod cum Azarias  
 intellexisset, Davidem hortatus est, ut ei à pa-  
 tre impetraret potestatem sacrificandi pro suc-  
 cessu itineris, ante arcam fœderis domini. Qua-  
 re à Salomone impetrata, Azarias subito ta-  
 bu-

bulas, quàm secretissimè potuit, ad imitationem tabularum fœderis Domini dedolare curat. Quibus perfectis ad sacrificandum se componit, in ipsoque sacrificio clanculum, atque mira arte, veras fœderis Domini tabulas ex arca furripuit, pro eisque adulterinas, quas secum portauerat, reposuit, se solo, ac Deo conscio. Hæc narratio apud nos Aethiopes sanctissima & probatissima habetur, vt ex historia ipsius Regis Dauidis (quæ iucundissima lectu est) apparet. Cuius historię liber tantæ crassitudinis est, quantæ omnes Pauli epistolæ. Cæterum cū iam Dauid ad fines Aethiopię peruenisset, Azarias eius tentorium ingressus, id quod semper apud se occultum tenuerat, ei reuelat, nempe tabulas fœderis Domini penes se esse. Qua re audita, subito Dauid ad tentorium vbi Azarias tabulas fœderis Domini habebat accurrit, ibique præ nimio gaudio ad exemplum aui sui Dauidis, ante arcam, in qua tabulæ erant, incepit saltare. Quo à suis viso, & re intellecta, omnes pari modo gaudia & lætitiā ingentem celebrauerunt. Tandem peragrata magna Aethopię parte ad suam matrem peruenit. Quæ statim ei imperium omnium prouinciarum detulit, omnemque administrandi regni curam in eius humeros reclinauit. Et ab eo tempore fermè iam inde vsque in hunc diem elapsis interim bis mil-

lenis, sexcentenis annis, regnum Aethiopiae recto tramite, de masculo semper ad masculum transfertur. Et ab his temporibus legem Domini, & circūcisionē seruamus, vt ante dictum est. Ab eodem quoque tempore hucusque ministeria, quae Salomon filio suo Dauidi ad aulam suam gubernandam ordinauit, in eo ordine ac familijs, quo tunc temporis erant, conseruantur, nec aulica ministeria ex alia stirpe deligere fas habet, vel ipse Imperator. Insuper iussu, & decreto ipsius Reginae Maqueda, mulieres quoque circumciduntur. Ad id ea ratione deducta est, vt quemadmodum viri praeputium habent, eodem quoque modo mulieres etiam quandam glandulosam carnem, quam Nympham vocant, in genitalibus habent, non ineptam accipiendo characteri circūcisionis. Id quod fit tam in masculis quam in foeminis ad octauum diem. & post circūcisionem masculi baptizantur ad quadragesimum diem, mulieres vero <sup>Baptis-</sup> ad octogesimum, nisi aliqua interuenerit <sup>mae.</sup> aegritudo, vt opus sit festinatione. quod si ante tempus constitutum baptizentur, infantibus non licet lacte matris lactari, sed nutricis tantum, id quidem donec matres purificentur. Et aqua in qua baptizantur, exorcismis consecratur & benedicitur, & ea ipsa ipsa die qua pueri baptizantur, venerabile corpus Domini accipiunt, sub exigua specie panis. Nos fer-

me prius cæteris Christianis omnibus, baptismum ab Eunuchò Candacis Reginae Aethiopiae, cui nomen erat Indich accepimus, ita in Actis Apostolorum traditur, quem vna cum circumcissione (quam tum temporis, ut prius dictum est, habebamus) sanctè & christianè obseruamus, & Deo adiutore sumus perpetuo obseruaturi. Nec quicquam præter ea, quæ in lege & Prophetis, & in Evangelio, atque in libris Synodorum Apostolorum sunt, seruamus, aut admittimus, & si quæ alia præter hæc recipimus, ea seruantur interim, quod ad ordinem & pacem Ecclesiæ videntur spectare, id tamen sine aliquo peccati vinculo. Quamobrem circumcissio nostra immunda non est, sed lex & gratia data patri nostro Abrahamæ est, quam à Deo tanquam signum accepit, non ut propter circumcissionem saluus fieret, aut filij eius, sed ut ipsi filij Abrahamæ, à cæteris nationibus dinoscerentur. Et id quod symbolo circumcissionis latenter ostenditur, eximie seruamus, nempe ut corde circumcisi simus. Nec ob circumcissionem gloriamur, nec etiam cæteris Christianis putamus ob id nobiliores, nec Deo acceptiores esse, apud quem nulla est acceptio personarum, teste Paulo, qui etiam ostendit nos saluos fieri non propter circumcissionem, sed propter fidem, quia in Christo Iesu nec circumcissio aliquid valet, nec præputium, sed

Rom. 2.

Gal. 2.

Ephes. 4.

sed noua creatura. Is autem Paulus non prædicauit ad destruendam legem, sed ad stabiliendam, qui circumcisis quoque fuit, & ex semine Benjamin, is quoque Timotheum iã Christianum factum ex matre Hebræa, & ex *AA. 10.* patre Gentili natum circumcidit, sciens Deum circumcisionem ex fide, & præputium per fidem iustificare. Et ut ipsemet ait, factus est omnibus omnia, ut omnes faceret saluos, Iudæis tanquam Iudæus, ut Iudæos lucraretur. His qui sub lege erant, quasi sub lege esset, cum ipse non esset sub lege, ut eos qui sub lege erant, lucrificeret. His qui sine lege erant, tanquam sine lege esset, cum sine lege Dei non esset, sed in lege Christi, ut lucrificeret eos, qui sine lege erant. Et factus est infirmus, ut infirmos lucrificeret, id quod fecit, ut ostenderet non ex circumcisione, sed ex fide nos salutem consecuturos. Vnde cum Hebræis prædicasset, tanq̃ Hebræus varijs sermōib locutus est, dicēs, Multifariè, multiq̃ modis olim Deus locutus est patrib. nostris in prophetis, ostendēs eis ex ipsis prophetis Christum ex semine Dauidis secundum carnem, deinde Christum eis prædicauit, cum patribus nostris in tentorijs, in deserto fuisse, eosq̃ in terram promissionis introduxisse, per manum Iosue. Præterea idem quoque Paulus inibi testatur Christum principem fuisse Sacerdotum, ac in nouum

tento-

tentorium intrasse, quod est sanctum san-  
ctorum, & sacrificio sui corporis, & sangui-  
nis, sanguinem hircorum ac taurorum, quo  
nemo accedentium poterat iustificari, abole-  
uisse, & sic multis modis locutus est Iudæis,  
multis quoque ritibus, sancta & incorrupta  
fide, se à suis coli patitur. Præterea apud nos  
habentur semichristiani puerilli, quos hic  
audio Paganos ab Romana Ecclesia vocari.  
Qui quoniam sine baptismo moriantur, se-  
michristiani debent appellari. quoniam filij  
sacra-  
ti sanguinis parentum ex baptismo, &  
ex Spiritu sancto, & ex sanguine Domini no-  
stri Iesu Christi nati sunt, ex quib. testi-  
monijs oēs Christiani reputatur. Quoniam tres  
sunt, qui testimonium dant in terra, Spi-  
ritus, Aqua, & Sanguis, teste Ioanne in sua pri-  
ma Canonica, etiam vt Euangelium dicit, bo-  
na arbor fert bonos fructus, mala verò ar-  
bor, malos. Ideoque filij Christianorum  
non sunt, vt filij Gentilium & Iudæorum,  
atque Maurorum, qui sunt arbores aridæ si-  
ne aliquo fructu. Christiani autem sunt ele-  
cti in vtero matrum suarum, vt sanctus Hie-  
remias Propheta, & sanctus Ioannes Bapti-  
sta fuerunt. Insuper infantes Christianarum  
mulierum sunt electi & consecrati ex corpo-  
ris & sanguinis Domini nostri Iesu Christi  
communicatione. Nam sceminae grauidæ,  
cū assumunt venerabile corpus Domini  
nostri.

*1. Ioan. 5.  
Matth. 7*

*Hier. 1.  
Luc. 1.*



nostri Saluatoris Iesu Christi, infans capiens  
 inde nutrimentum, fit sacratus. Quoniam  
 sicut infans existens in vtero, ex eius matris  
 affectibus contristatur ac lætatur, sic etiam  
 ex matris nutrimento nutritur. Et vt ipse dñs  
 ait in suo S. Euāgelio. Si quis cōderit corpus 1. Cor. 8.  
 meum, & biberit sanguinē meū, non gustabit  
 mortem in æternū. Rursus, si quis gustauerit  
 meum corpus, & biberit meum sanguinem,  
 erit mecum. Ad hæc Paulus Doctor Genti-  
 um ait: Vir infidelis iustificatus est per mul-  
 erem fidelem, & mulier infidelis sanctificata  
 est per virum fidelem, alioquin filij vestri  
 immundi essent, nunc aut sancti sunt. Quod  
 si ita est, vt filij matris infidelis, sanctificen-  
 tur in patris fidelitate, multo sacrationes esse  
 debent illi, qui ex patre & matre fidelibus na-  
 ti sunt. Ob quam rem longè magis pium erit,  
 vocare infantes antequam baptizati sint, se-  
 michristianos, quàm paganos. Id quoque di-  
 xerunt Apostoli in suis synodorum libris.  
 Omnes qui habent fidem, & non accepe-  
 runt baptismum merito possunt dici semi-  
 christiani, qui etiam dicunt in memoratis  
 libris, Si Iudæus, Maurus, Gentilis fidem acci-  
 pere voluerit, non esset ilico admittendus,  
 sed voluerunt eum prius venire ad valuas  
 templi, ibique audire conciones & verba Ser-  
 uatoris Christi, vt qui prius ad fidem incita-  
 tus, ac quasi arreptus fuit, iugum legis co-

MARC. 16

gnoscat, quod cum fecerit, vocari possit. **se-**  
**femichristianus**, quāquam baptizatus non sit  
 quemadmodum Euangelium docet, Qui cre-  
 diderit & baptizatus fuerit, saluus erit, qui ve-  
 rò non crediderit, condemnabitur. Et est et-  
 iam moris apud nos vt mulieres grauidæ an-  
 te partus tempus semper confiteantur, ac vt  
 corpus Dominicum confessæ accipiant. & e-  
 quæ hoc non faciūt, ac puerorum patres, si e-  
 as ad id non impulerint, habetur impij & ma-  
 li Christiani. Præterea sciendum, apud nos  
 confirmationem & chrisma siue extremam  
 olei vnctionem, pro sacramento non haberi  
 nec in vsu esse, vt video hic ex Romanæ eccle-  
 siæ consuetudine fieri. Item ex lege Mosi, ac  
 Apostolorum instituto nō licet nobis cibos  
 immundos comedere. id facimus ad omnem  
 legis ac scripturarum obseruationem, quarū  
 octoginta & vnum libros, tam veteris quā  
 noui testamēti annumeramus, scilicet ex ve-  
 tere quadraginta & sex, & ex nouo triginta &  
 quinque, quem numerum singulorum libro-  
 rum computatione expressum habemus ab  
 ipsis Apostolis, quibus libris veteris & noui  
 testamenti nihil addere, nec minuere licet,  
 quanq̃ angelus de cœlo id nobis psuadere co-  
 naretur. Et qui talia auderet tentare, pro a-  
 nathemate reputaretur. Quare nec Patriar-  
 cha, nec Episcopi nostri, per se, nec in conci-  
 lijs putant, aut opinantur vllas leges se con-  
 dere

dere posse, quibus ad mortale peccatum obligari quis possit. In ipsis etiam Synodorum libris constitutum à Sanctis Apostolis est, oportere nos confiteri, atque quam poenitentiam pro magnitudine singulorum peccatorum à confessore accipere debemus. Instruunt quoque nos, quomodo orandum & ieiunandum sit, & charitas exercenda. Præterea hoc familiarissimè vtimur, quod statim ad pedes confessoris, cum peccatum commissum est, accurrimus, & hoc faciunt omnes tam masculi, quam fœminæ cuiusque conditionis sint. Et quotiescunque confitemur, assumimus corpus Domini, & id quidem sub vtraque specie, in pane azymo triticeo. Quod si singulis diebus confiteamur, singulis quoque diebus accipimus venerabile Sacramentum, & id tam apud clericos, quam apud laicos in vsu est. Et sacramentum Eucharistiæ non seruatur apud nos in templis, vt sit hic apud Europæos, nec ægroti corpus Dominicum accipiunt, nisi dum conualuerint. id fit, quoniam omnes tam laici, quam clerici consueuerunt illud, ad minus bis in hebdomada accipere, & omnes idem volentes facere templum accedunt. quippe nemini datur nisi in ipso templo, nec id cõceditur Patriarchæ, nec ipsi Precioso Ioãni. Vtimur etiã semp vno cõfessore, nec aliũ accipimus, nisi eo absente, quo reuerso, ad

*Confessio.  
Pœnitentia  
injur  
fla.*

ipsum redimus. Et confessores omnium peccatorum dant nobis ex Ecclesiæ potestate absolutionem, nullo casu Episcopis, aut Patriarchæ reservato, quamvis grauissimo. Vterius presbyteri non possunt audire confessionem eius, cui confitentur. Præterea presbyteri, & monachi, & omnes Ecclesiæ ministri, a-

*Decime.* apud nos suo labore viuunt. Quippe Ecclesia nullas habet decimas, nec accipit, habet tamen prouentus & agros, quos ipsi clerici & monachi fodiunt, aut sua, aut aliena opera colunt, & nullas alias habent eleemosynas, præter eas, quæ gratis in templis offeruntur

*Oblatio-  
nes in ex  
equijs  
mortuo-  
rum.  
Vna mis-  
sa.*

pro exequijs mortuorum, & alijs pijs rebus, nec eis licet vcatidim mendicare, nec à plebe aliquid eleemosynarum extorquere. Item in nostris templis singulis diebus, vna tantum celebratur missa, quam sacrificij loco habemus, nec plures ex veteri instituto celebrare licet. pro qua quidem missa, nullum pre-

*Euchari-  
stia non  
ostendi-  
tur.*

cium aut mercedem accipimus. in quo ministerio sacramentum Eucharistiæ non ostenditur, vt hic video fieri, in ibiq; oēs Sacerdotes & Diaconi, subdiaconi & templū accedentes corpus Domini accipiunt, & nullā pro remissione animarum facimus missam, sed mortui cum crucibus & orationibus sepeliuntur in certo loco, super quos mortuos, præcipuè inter alias orationes, initium Euangelij Ioannis dicimus, & sequente die à sepulto

**MOR-**

mortuo, eleemosynas pro eis offerimus, id *Eleemo-*  
etiam postea facimus, certis diebus, in qui- *syna pro*  
bus omnibus epulis funebribus indulgemus. *defun-*  
*ctis.*

De fide ac religione nostra diximus. Nunc  
verò quoniam postquam in Lusitaniam ve-  
nimus, crebras disputationes ac contentio-  
nes cum doctoribus quibusdam, præsertim  
cum magistris nostris, Didaco Ortyfio, Epi-  
scopo insulæ S. Thomæ, atque Regis sacelli  
Decano, & Petro Margalho, de delectu cibo *Delectum*  
rum habuimus, de hac re aliquid dicere non *ciborum.*

erit incongruum. Primum sciendum est nos  
ex veteri testamento delectum ciborum ser-  
uare, qui delectus ab ipso verbo Dei consti-  
tutus est, quod verbum postea natum est ex  
Maria virgine, & ambulavit atque versatum  
est cum suis Apostolis. Id quoque verbum  
Dei semper viuum, integrum, inuiolatum  
sermonem, ac verbum habuit. Nec id quod  
olim ex immunditia prohibuit comedere,  
postea in aliquo sui Euangelij loco dixit esse  
cōcedendum. Id verò quod in Euangelio ait,  
Quod per os intrat, hominem non coinqui-  
nare, sed ea quæ ex ore procedunt, non ea de  
causa dixit, vt frangeret id quod antea cōsti-  
tuerat, sed vt refutaret superstitionem Iude-  
orum, qui arguebant Apostolos, quod illo-  
tis manibus panem manducarent. Imo nec  
Apostoli id temporis, quando versabantur  
cum Domino nostro Iesu Christo, vnquam

*Matt. 23.*

1. Cor. 10.

vli sunt immundis, nec gustauerunt ea quæ in lege prohibita sunt, nec vllus eorum eam transgressus est. Nec ijs temporibus, quæ passionem Domini insecuta sunt, cum Evangelium cceperunt prædicare Apostoli, vllis apud nos scriptis probari potest, eos edisse, aut occidisse immunda. Verū tamen est Paulum dicere, Omne quod in macello venit, manducate, nihil interrogantes propter conscientiam. Postea si quis vos vocat infidelium ad cœnam, & vultis ire, omne quod vobis apponitur manducate, nihil interrogantes propter conscientiam. Si quis autem dixerit, hoc immolatum est Idolis, nolite manducare propter eum qui indicavit, & propter conscientiam, &c. Omnia hæc dixit Paulus, vt placeret ijs, qui in fide non erant admodum confirmati, quoniam inter hos & Iudæos variæ consurgebant disputationes ac contentiones, quas vt sedaret, Christianis nõ dum satis confirmatis indulgentius morigerabatur & acquiescebat. Id tamen faciebat non quod legem frangere vellet, sed vt plures ita in cœremonijs relaxandis gratificando ad fidem alliceret. Idem Apostolus quoque ait, Is qui manducat, non manducantem non spernat, & qui non manducat, manducantē nõ iudicet, quoniā is qui manducat, domino manducat, & qui non manducat, Dño non manducat: Quamobrē indignū est, pere-

gri-

grinos Christianos tam acriter ac hostiliter reprehendi, ut ego de hac re, & de alijs quæ minimè ad veram fidem spectabant, reprehensus fui. Sed multo consultius erit huiusmodi Christianos homines, siue Græcos, siue Armenios, siue Aethiopes, siue ex quavis septē Christianorum Ecclesiarum, in charitate & Christi amplexibus sustinere, & eos sine contumelijs permittere, inter alios fratres Christianos viuere ac versari, quoniam omnes filij baptismi sumus, & de vera fide vnanimiter sentimus. Nec est causa cur tam acriter de cœremonijs disceptetur, nisi ut vnusquisq; suas obseruet, sine odio & insectatione aliorum, nec commercijs Ecclesiæ ob id excludendus est, si peregrè in alienis prouincijs domesticos ritus obseruet. Id præterea quod in Actis Apostolorum habemus, nempe quo pacto Petrus vidit cœlum apertum, & vas descēdere quoddam, veluti linteum magnū, quatuor inijs submitti de cœlo in terram, in quo erant omnia quadrupedia & serpentina terræ, & volatilia cœli. Cui vox dixit, Surge Petre, occide & manduca. Cui Petrus, Absit Domine, quoniam nunquam manducaui omne commune aut immundum. Cui vox iterū: Quod Deus purificauit, tu commune ne dixeris. Quod ubi cū tertio repetitis vicibus contigisset, statim illud vas in cœlum receptum est. Quibus peractis, spiritus misit eum.

Act. 10.

in Cæsaream, ad Cornelium virum pium, & & timentem Deum . Apud quem loquente Petro cecidit super omnes, qui verbum Dei audiebant, Spiritus sanctus, quo Spiritu sancto accepto, Petrus totam familiam Cornelij baptizari iussit. Quod cum cæteri Apostoli, ac fratres qui in Iudæa erant, Corneliū esse baptizatū audiissent, Petro, q̄ dedisset baptismum & verbum Dei Gentilibus, succensere cœperunt, dicentes. Quare introisti ad viros præputium habentes, & manducasti cum illis? Qui à Petro tota visione exposita, placati sunt, & atque Deo gratias egerunt dicentes, Ergo & Gentibus pœnitentiam dedit ad vitam, & recordati sunt verbi Domini, q̄ in cœlum ascendens dixit, Ite per omnem terram, & prædicate Euangelium omni creaturæ, qui crediderit & baptizatus fuerit, saluus erit, qui verò non crediderit condemnabitur. Tunc Apostoli cœperunt prædicare Euangelium per totum mundum omni creaturæ, in nomine patris, & filij, & Spiritus sancti, atque per omnem terram exiuit sonus eorum . Et hanc visionem, in qua munda, & immunda apparebant, ita in Aethiopia exponimus, munda animalia fuisse populum Israel, immunda autem populum Gentilium. Ideo verò Gentiles sunt vocati immundi, q̄ Idolorum cultores essent, & inseruirent operibus diabolorum, quæ immunda sunt. Qd̄



tem vox illa dixit, Petre occide, id apud nos *Ab. 6. 20*  
 in hūc modū interpretatur, Petre baptiza, &  
 q̄ dixerit, Petre māduca, interpretamentum  
 habet, ac si dixisset, doce & prędica fidē, & legē  
 Dñi nostri Iesu Christi, populo Israel, & Gē  
 tib. Adhęc certissimū est nullibi in scriptu-  
 ris reperiri Petrū, aut alios Apostolos immū  
 da occidisse, aut comedisse, post hanc visio-  
 nem. Porrò sciendum est, cū scriptura lo-  
 quitur de pane, non intelligendum esse ci-  
 bum, nec corporale nutrimentum, sed expli-  
 cationem, ac expositionem Christi, & scri-  
 pturarum doctrinæ. Consultum profectò  
 esset, omnes doctores & prędicatores de  
 hoc linteo, quod ostensum fuit Petro, subli-  
 mia & alta docere, & non illa quæ infima  
 sunt, & quæ nihil ad salutem videntur perti-  
 nere, ac non inde documenta aucupari, quasi  
 fas & licitum esset nobis immunda comede-  
 re, quando ex scriptura id minimè colligere  
 possunt. Quid quod ipsi Apostoli in suis sy-  
 nodorum libris pręceperunt nobis ne com-  
 edamus animalia suspensa, suffocata, lacera-  
 ta, neque semesa ab alijs bestijs, nec sangui-  
 nem. quoniam Dominus amat munditiam  
 & sobrietatem, & odit gulam & immunditiā.  
 Et plurimum etiam eos dñs diligit, qui absti-  
 nent à carnibus, & multo magis eos, qui iei-  
 nant pane & aqua, & herbis, vt Ioannes Ba-  
 ptista eremitavltra Iordanem fecit, qui sem-

per vsus est herbis. Et sanctus Paulus eremita, qui octoginta annis semper ieiunans, commoratus est in deserto, atque sanctus Antonius, & sanctus Macarius, ac plurimi alij filij eius spirituales, qui nūquam gustauerunt carnes. Ideoque fratres mei, non oportet nos cōtemnere, neque infectari proximos nostros, quoniam Iacobus ait, Qui detrahit fratri, aut iudicat fratrem suum detrahit legi, & iudicat legem. Paulus quoque docet, melius esse vnumquemque viuere contentum suis traditionibus, quàm cum fratre Christiano de lege disputare. Rursus nō plus sapere, q̃ oportet, sed sapere ad sobrietatē, & vniciq; sicut Deus diuisit mēsuram fidei. Quapropter indecēs est cū fratrib. de lege, aut de delectu ciborum disputare, q̃ esca nos non commendat Deo. præsertim cum ipse Paulus Apostolus dicat, Nec si manducauerimus, abundabimus, nec si non manducauerimus, deficiemus. Idcirco altiora & cœlestem cibum quæramus, & has infimas & inanes disputationes omittamus. Hæc omnia quæ de traditionibus scripsi, non ad disputationem, nec cōtentionem scripsi, sed vt meos quatenus fieri potuit, protegerem ac defenderem contra acerbissimas multorum reprehensiones, quibus nulla fuit reuerentia, quo minus potentissimum Preciosum Ioannem, ac nos eius subditos conuicijs proscinderent, ac lud-

dæos & Mahumetanos appellarent, eo quod circumcissionem seruamus, & Sabbatum sanctificamus vt Iudæi. Deinde quod veluti Mahumetani, ad occasum solis vsq; ieiunamus; id hominem Christianum minimè decere asserentes. Id quoque acerbissimè obijciunt sacerdotum coniugia, vt laicorum licita esse apud nos. Præterea nec id sine morsu omititur, quod primo baptismo, quasi diffisi, singulis annis rebaptizamur, quod præter viros etiã mulieres circumcidantur, more nec apud Iudæos quidem recepto. Denique quod delectum ciborum sanctissimè obseruatum volumus. Postremo, quod infantes, qui antè baptismum, Pagani vocari solent, semichristianos nuncupemus. Quibus obtrestationibus coactus sum talia dicere, vt nostros purgarem ab huiusmodi calumnijs, & vt Doctores sacræ ecclesiæ Romanæ, redderem nobis affabiliore. A quibus (nescio quàm piè) mihi interdictum est sumere corpus Dominicum, postquam in Lusitaniam veni, quod spatium est septem annorum, & (id quod non sine dolore ac lachrymis dicam) reputor inter fratres Christianos, tanq̃ Ethnicus, & Anathema. De quibus reb. ille, q̃ omnia vegetat, videat, cuius iudicio omnia cōmitto. Ego aut̃ nō sum missus à potentissimo Dño meo, Imperatore Aethiopū, ad Romanum Pontificem, & Serenissimum Ioannem

nem Lusitaniæ regem ad disputationum & contentionum rixas, sed ad amicitiam & societatem contrahendam, non autem ad traditiones humanas vel augendas, vel diminuendas. Sed vt de erroribus Arii principis hæreticorum diligenter exquirerem, & intelligerem an Europæi Christiani cum nostris, ad huius hominis opiniones deuincendas cõuenirent. Propter cuius errores Niceæ, sub

*Eccl. Nic.*

Iulio Papa congregatum fuit concilium trecentorum, octodecim Episcoporum. Ac deinde vt scirem, an id apud Europæos Christianos seruaretur, quod Apostoli in suo synodorum libro præcipiunt, scilicet, vt singulis annis bis in Ecclesia Christi concilium celebretur, in quo de rebus fidei rationem habendam statuerunt. Quorum primum voluerunt cogi ad festum Pentecostes, secundum decima die Octobris. Deinde vt intelligerem, quomodo inter nos conueniret de erroribus Macedonij, cuius causa, sub Damaso

*Eccl. Constantinop.*

Papa congregatum fuit Constantinopoli cõcilium centum quinquaginta Episcoporum. Præterea de erroribus Nestorij, propter quẽ

*Conc. Ephes.*

sub Celestino Papa congregatum fuit in Epheso concilium ducentorum Episcoporum. Postremo vt etiam scirem de quarto ac

*Conciliũ Chalcedon.*

magno Concilio Chalcedoniensi, in quo propter errores Eutychis, congregati fuerunt sexcenti, triginta duo Episcopi, quo tẽ-

po-

pore Pontificatum obtinebat Romanum S. Leo, ex quo concilio varijs disceptationibus habitis, & nihil ad concordiam Ecclesiæ constituto, atque re infecta, omnes discesserunt, vnusquisque suam retinens opinionem.

Quarum Synodorum libros, & aliarum, quæ postea celebratæ fuere, potentissimus Dominus meus Aethiopum Imperator, penes se habet, & de hac zizania, quam aduersarius veritatis Diabolus seminavit inter Christianos, Dominus meus plurimum dolet, vna cum omnibus suis subditis Christi fidelibus. Nostri certè ab exordio primitivæ Ecclesiæ Romanum Pontificem, vt primum Episcopum agnouerunt, cui etiam hodierno die, vt Christi vicario paremus. In cuius curia frequentissimè essemus, nisi obstarent magnæ itinerum interualla, ac multorum Mahumetanorum regna interiecta, quæ transitum impediunt, ita vt susceptis maximis periculis, nihil tamen efficias. Quanquam prudentissimus, & inuictissimus Rex Emanuel, felicitis memoriæ, qui primus non sine cœlesti numine itinera Orientalium Indiarum suis nauigationibus aperuit, magnam spem præbuit, id in posterum commodius futurum. Is enim superato Oceano Rubrum mare suis classibus edomuit, nihil deterritus magnitudine sumptuum, quo & Christi fidem augeret, & ad vsum nostræ amicitiae, quasi viam pate-

*Pontifex  
Rom.*

fa.

faceret, & id quoniam iam factum est, & vtraque gens alterius opibus vti potest, breui speramus fore, vt ab Lusitanis, vnà cum nostris armis, omnes Mahumetani, cæteri que Ethnici, ex toto mari Erythræo, ac vniuersa Arabia, Perside ac India depellantur. Itidè & illud futurum confidimus, pace inter omnes Europæos Christianos composita, vt etiam ex Mediterraneis locis, Ponto, alijsque prouincijs, inimici Crucis profligantur, vt sit iuxta Christi verbum, super faciem terræ  
*Ioan. 10.* vna lex, & vnū ouile, & vnus pastor. Cuius rei oracula duo habemus, alterum ex prophetia S. Ficatoris, alterum ex S. Synoda eremita, nato in extremis Aegypti cauitibus, quorum neutrum ab altero dissentit. Et ex quo Dominus meus potentissimus, legatos serenissimi & prudentissimi Regis Emanuelis accepit, videtur fides oraculorum, ad euenta pro perare. Certè iam inde noster princeps nihil magis cogitat, consilijsque & armis meditatur, quàm vt Mahumetani de facie terræ deleantur. His de causis, alijsque, quas coram sereniss. Rege Ioanne Emanuelis filio exposui, istuc missus sum à Dño meo potentiss. nō ad friuolas, & inanes disputationes. Atque vtinā instituta, atque conatus principis nostri, p qui bus legatus sum, Deus optimus maximus ad finem optimum & ad suam gloriam perducat, Amen.

His

His omnibus explicatis, obiter & breuissimè aliquid de statu nostri Patriarchæ, ac Imperatoris exponam. Primum sciendum solemni ritu Patriarcham nostrum ab Hierosolymitanis Monachis nostris, qui ibi apud sepulchrum Domini habitant, suffragijs creari, idque hoc modo: Vita defuncto Patriarcha, statim Imperator noster Preciosus Ioannes nuncium aliquem expeditum mittit Hierosolymam ad Monachos ibidem agentes, ut dictum est, qui nuncio accepto, ac muneribus, quæ Imperator Dominus noster ad sanctum sepulchrum dono mittit, continuo alium Patriarcham suffragijs plurium eligunt, sed fas non est alium, quàm Alexandrinum eligere, ac moribus incorruptum. Quo creato, suffragia sua obsignant, eaque legato, qui ad id venit, in manibus tradunt. Is statim Ceyrum contendit, quo ubi ventum est, Patriarchæ Alexandrino, qui ibi semper sedes habet, creationem illam legendam porrigit. Cognito autem, quem ex Alexandrinis delegerunt, virum tantis honoribus destinatum, cum legato in Aethiopiam mittit, qui ex veteri instituto Monachus ordinis D. Antonij eremitæ debet esse, cum quo in Aethiopiam confestim nuncius proficiscitur, ubi cum magno gaudio & honore ab omnibus excipitur. In quo negotio aliquando annus unus & alter transigitur, interimque Precio-

*Patriar-  
cha Æ-  
thiopum.*

*Ceyrus.*

*Patriar-  
cha Ale-  
xandrin.*

cio-

*Officium  
Patriar-  
cha.*

cius Ioannes de prouentibus ipsius Patriarchæ pro libitu dispensat. Præcipuum autem Patriarchæ officium est, sacros ordines dare, quos nemo, ipso excepto, aut dare, aut auferre potest. Cæterum nullum Episcopatum, aut Ecclesiæ beneficium in ullos confert, id solum ad Preciosum Ioannem spectat, qui omnia pro suo arbitrio dispensat: Mortuoque Patriarcha, cuius ditiones ac prouentus amplissimi sunt, ex solido omnium illius bonorum fit hæres. Est præterea Patriarchæ munus, excommunicationibus aduersus cõtumaces procedere, quarum tam arcta obseruatio est, vt præuaricatori pœna perpetuæ in edia vsque ad mortem infligatur. Indulgentias nullas dat, neque concedit. Nec pro villo delicto, quantumcunque magno, cuiquam Sacramenta Ecclesiæ interdicuntur, nisi tantum propter homicidia. Ipsum nomen Patriarchatus, nostro idiomate Abunna dicitur. Cæterum qui nunc hoc solum tenet, proprio nomine, quod ex baptismate accepit, Marcus vocatur, vir centum annorum aut vltra. Sciendum etiam apud nos Calendis Septembribus annum incipere, qui dies semper incidit in vigiliam Ioannis Baptistæ, Reliqui dies festi, vt Natalis Domini, Paschæ, alijque deinceps eodem tempore apud nos celebrantur, quo in Ecclesia Romana. Id quoque dissimulanter prætereundum non est,

*Pœna cõtumacia  
Indulgentia.*

*Abunna*

*Apud  
Egypti-  
as annus  
incipit  
Kal. Sep,  
nimirum  
in Vigil.  
Ioannis  
Baptistæ.*

apud



apud nos diuum Philippum Apostolum, Euangelium & fidem Seruatoris Christi prædicasse. Quod si libeat sciscitari de agnomine nostri Imperatoris, is sibi persuasum habeat, illum perpetuo appellari Preciosum Ioannem, & non Presbyterum Ioannem, vt hic falsò passim iactatur. Scribitur enim nostro sermone his characteribus,

*Preciosus  
Ioan. non  
presbyter  
Ioannes.*

Ⲑⲛ:ⲡⲕⲁ, quod sonat Ioannes Belul, hoc est, Ioannes Preciosus, siue Altus, & in Chaldaica lingua sic scribitur,

Ⲑⲛ:ⲟⲩⲫⲓ, quod est Ioannes Encoe, id si interpreteris, etiam Ioannis Preciosi, siue Alti significatum habet, nec est nominandus, vt Matthæus falsò indicauit, Imperator Abesynorum, sed Aethiopum. Matthæus enim, quoniam Armenius erat, non poterat res nostras perspicuè scire, præsertim eas, quæ ad fidem spectabant. Idcirco multa coram prudentissimo scælicis memoriæ Rege Emanuele exposuit, quæ minimè apud nos habentur. Id autem fecit non quod mentiri voluerit, quippe vir bonus erat, sed quod in rebus religionis nostræ non admodum erat edoctus. Regnorum autem & Imperij successio, non in filium maximum natu trās mittitur, sed ad eum, in quem pater id conferre vult. Et is qui modo imperium tenet, ordine nascendi tertius est, quod pia qua-

Q

dam

dam reuerentia emeruit, cum enim filij à patre moribundo, in regijs solijs sedere iuberentur, cæteris id facientibus, solus id facere recusauit: absit, inquit, id mihi tribui, vt in cathedra Domini mei sedeam. Qua pietate à patre circumspecta, ei regna ac imperium tradidit. vocatur is autem David. Cuius imperij ditiones tam Christianorum, quàm Ethnicorum miræ amplitudinis sunt. In quibus multi reges & reguli, comites, barones, ac proceres, multaque nobilitas inest, ad eius madata obtemperantissima. In cuius omnibus ditionibus, nulla præter peregrinam habetur *moneta*. Aurum verò & argentum pondere datur, ac accipitur. Oppida & ciuitates apud nos permultæ sunt, sed non tales, quales hic in Lusitania videmus, id magna ex parte inde venit, quod Preciosus Ioannes semper in castris & tentorijs versetur. Quæ consuetudo ideo recepta est, vt Nobilitas continuè, & perpetuò se in rebus militaribus exerceat. Nec illud prætereundem videtur, nos ab omnibus lateribus circumdatos esse, ab hostibus nostræ fidei. cum quibus crebrò cõfligimus, semper secundo Marte vti, quas victorias numinis auxilio imputamus.

*Ius scriptum.*

Ius autem scriptum apud nos in vsu non habetur, nec litigantium querelæ libellis, sed ore peraguntur: id fit ne lites auaritia iudicũ & patronorum in longum protrahantur.

# DE AETHIOP. MORIB. 243

Id quoque admonitione dignum videtur, Mattheum non fuisse ab Imperatore nostro Dauide missum, ad inuictissimum, potentissimumq; Regem Emanuelem, felicitis memoriam, sed ab Regina Helena vxore Imperatoris, cognomento Manus Mariæ, qui huius Davidis, de quo loquimur, auus fuit, quæ tunc temporis ob tenellam Davidis ætatem, regnorum gubernacula administrabat, mulier haud dubiè prudentissima & sanctissima. Eadem ista Helena duos composuit libros sermone Chaldaico, vt erat doctissima. Quorum vnus dicitur Enzera Chebaa, id est, Laudate Deum in organis, in quo de Trinitate doctissimè disputat, & de matris Christi Mariæ virginitate. Alter vocatur Chedale Chay, hoc est, Radius solis, in quo acutissimè de lege Dei disceptationes habet. Omnia hæc de fide, religione, ac patriæ nostræ statu, ego Zaga Zabo, quod gratia patris interpretatur, Episcopus, & sacerdos, ac Bugana Raz, nempe miles, ac Prorex prouinciæ, quæ Bugana dicitur, nec tibi in Christo filiolo meo charissimo Damiano petenti, nec vlli homini talia flagitanti denegare potui, aut negare licuit duabus de causis. quarum prior est, quod in mandatis habeo à potentissimo Domino, meo Precioso Ioanne Aethiopum Imperatore, omnibus me interrogantibus de fide, religione, ac prouincia nostra, ne

quid clam haberem, sed ex fide veritatem rerum scriptis & verbis exponerem. Secunda, quod operæ precium existimarem, mores, ritus, instituta nostra, & locorum situs, in publicam notitiam venire. Quas res nemini ad hunc usque diem scripsi, nec verbis exposui, non quod ad id laboribus meis parcere vellem, sed quod nullus Christianorum hominum, postquam in Lusitaniam veni, à me talia cognoscere appetiuit. De qua re non potui, nec possum satis mirari. Te verò quem rerum nostrarum cupientissimum multis argumentis iudico, per Christi plagas, ac crucé oro, ut hanc nostram fidei, ac religionis confessionem in linguam Latinam conuertas, ut per te liceat omnibus pijs Europæis Christianis ritus, ac integritatem morum nostrorū intelligere.

Porro si tibi inter tuas peregrinationes Romam petere contingat, tunc nomine meo Pontificem, ac venerandos Cardinales, Patriarchas, Archiepiscopos, Episcopos, cæterosq; bonos Christi cultores, per Iesū Christum, in osculo pacis quæso salutes, petasque ab ipso Pontifice, ut ad me remittat Franciscum Alvarez, literis illis suis instructum, qui bus Domino meo potentissimo Aethiopum Imperatori respondeat, quo tandem in patriam redeam, meosque lares inuisam, nimium enim diu hic detentus fui, ut ante obitum

tum meum, qui ex nimio senio pro foribus est, mandata perferam, reliquias deinde vitæ transacta hac legatione Deo consecrem, diuinisq; rebus totus vacem. Cæterum te oro, si aliqua in nostris scriptis non fuerint satis composita aut ordinata, ut ipse tu id ad phrasim latinam coaptas, sed ita, ut nihil de sensu immutes. Postremo te obsecro, ut intervertendum exquiras diligenter vetus & novum testamentum, ut intelligas ex quibus locis meas auctoritates excerpsti, quo certius veritas. Quod si omnia non fuerint tam sceleriter tractata, quam forsitan aliquis curiosus, aut scrupulosus exigit, id condonandum erit inopiæ & penuriæ librorum Chaldæorum, quos penes me non habeo, quos enim habui, iniquitas fortunæ in itinere perdidit. Quamobrem destitutus omnium librorum auxilio, nihil, nisi quod recens memoria adserebat, dictare potui, sed ea omnia certissima fide. Vale filiule in Christo dilectissime. Olisipone, vigesimo quarto Aprilis, Anno salutis nostræ millesimo, quingentesimo, trigesimo quarto.

Postquam hæc omnia scripsi, venit mihi in mentem locus ille, ubi dico Christum descendisse ad inferos, pro anima Adæ, atque pro anima ipsiusmet Christi, quam ipse Christus acceperat ex sancta Maria virgine matre sua. De qua re habemus testimonium verissi-

mum in libris quos Regiminis vocamus, quos Christus Iesus Seruator noster Apostolis tradidit, in quibus habentur hæc verba, quæ mysteria doctrinarum appellantur.

Quorum autoritate & testimonio, omnes sine vlla hæsitacione, in hac sententia versamur. Ego tamen postquam in Lusitaniam veni, deprehendi Theologos diuersa tradere, contra nostrum omnium opinionem, quæ tam certa est, vt non hoc solum, sed etiam omnium hominum animas ab Adam profluxisse asseramus, & vt caro nostra est ex seminio carnis Adæ, ita quoque anima nostra, quasi lucerna in anima Adæ accensa, originem suam & naturam ex Adam trahit. Ex quo apparet nos omnes esse semen Adæ ex carne & anima.

*Opinio  
Æthiopū  
de origi-  
ne ani-  
mæ.*

Hiscæ characteribus, manu propria ipsius  
Oratoris omnia supra scripta,  
subsignata erant.



ⲛⲧⲉ : ⲉⲗⲁⲛ : ⲁⲩⲉ : ⲛⲩⲩⲉ : ⲛⲧ  
ⲛⲁⲛ : ⲡⲁⲁⲉ : ⲛⲧⲧⲧ : ⲛⲁⲁⲁ : ⲛⲧ  
ⲁⲛⲉ : ⲡⲧⲧⲁ

D E

## DEPLORATIO

## LAPPIANAE GENTIS

DAMIANO A GOES

A V T O R E.



NON indignum puto Pontifex  
 maxime in calce huius nostri o-  
 pusculi, quoniam ad fidem & v-  
 nionem Ecclesiæ hæc quoque  
 spectant, Ioannis Magni Gothi,  
 Archiepiscopi Vpsalię in regno Suetiæ (vt  
 ab eo ad miserandam Lappianam gentem  
 veniamus) aliquā mentionē facere. Is aut Ioā *Ioannes*  
 nes Magnus Gothus, vir est optimis paren- *Magnus.*  
 tibus, ac diuitibus natus, sacrarum literarum  
 non vulgariter peritus, probitate vitæ specta-  
 tissimus, Ecclesiæ Romanæ ita addictus, vt  
 eius causa amplissimum Vpsaliæ archiepisco-  
 patum cum prouentibus plus minus quadra-  
 ginta millium aureorum in singulos annos,  
 vna cum fundo paterno amiserit. cuius digni-  
 tatis ac bonorum iactura, ab fluctibus fortu-  
 nę agitatus, in Prussia, Gedani diu tenuitervi-  
 citans delituit. Vbi (interim quod mihi Re-  
 gis mei negotia in illis Germaniæ partib. tra-  
 ctanda erāt) cum eo, ac cum Olao Magno Go- *Olao*  
 tho eius fratre, indissolubilem contraxi ami- *Magnus*  
 citiam. Hos inopinatē postea Vincetię repe-  
 ri multò tenuius, quā antea degentes, quē lo-

cum ex illis vltimis terrarum oris, propter promulgatum Concilium, ex quo non nihil spei sibi, ac suis calamitatibus conceperant, adeundum esse proposuerant. Concilio tandem intermisso, ij boni viri iam à suis facultatibus planè destituti, quibus dum ampliores essent, sæpius in aquilonaribus illis partibus pro Rom Ecclesia pugnaverant, & adhuc (si res successisset) pugnaturi essent, Venetias emigrant, vel aliena liberalitate, vel suis laboribus, præsertim docendo, ac instituendo, victum quæsituri, nullis enim alijs subsidijs niti poterant, nisi quod in numinis auxilio totam spem reposuerant. quo cum peruenissent, solum ab Hieronymo Quirino Patriarcha Veneto, in ipso patriarchatu humanissimè accepti hospitantur, vbi ad hunc usque diem dilatum Concilium expectantes hærent. Sub huius Vpsaliensi Archiepiscopatu, pars illius vastæ Lappianæ provinciae habetur, cuius indigenæ Christi Seruatoris nostri leges minimè norunt, id quidem vt à multis, tum bonis, tum fide dignis viris, dum in illis prouincijs versarer, ob turpissimum prælatorum, & nobilium quæstum, ac auaritiam accidere intellexi. Nam si Christiani essent, liberi essent ab illis vectigalibus & tributis, quibus ipsi vt Ethnici mutantur, nobilitas contra cum Episcopis detestatur. Vetant igitur eos Christianos fieri,

ne

*Patriarcha Veneto.*

*Lappia.*



ne subditi suavi iugo Christi, aliquid lucelli eorum tyrannidi, & rapacitati subducant, & aliquid ex vectigalibus decrescat, quibus gens illa miseranda, ab ipsis Monarchis, turpiter & insatiabiliter premitur & torquetur. qui impatientissimè ferunt, si illi Christiani facti, non longè plus vectigalium ipsis penderent, quàm ceteri Christiani suis principibus pendunt, ac proinde deformem istum & sacrilegum quæstum fidei, ac religioni Christianæ, contempta tot animarum salute, anteponunt, verè habentes claves, quibus nec ipsi intrant, nec alios intrare sinunt. *Auaritia.* sanè inexplèbile, & impietate intolerabilem, ac à pijs pectorib. armis, & scriptis, deniq; totis virib. expugnandâ, q̃ proculdubio sopitâ hoc tempore habuissimus, si hic bonus vir in pristinum suum honorè restitutus esset, nihil enim magis cupit, nihil acrius meditatur, quàm quo pacto hæc gens ad Christi fidem reduci possit, nihil flebilius deplorat, quàm quod se autore (id quod sæpe animo voluerat) hæ miserandæ pecudes adhuc propter impiam religionem, per Christianam fidem Christi oves factæ non sint. nec tam queritur se ab Archiepiscopatu, vel bonis auitis depulsum, quàm quod careat neruis, auxilio & facultatibus, quibus hanc Lappianam plagam, & medicari, & sub Christi iugum mittere, & Rom. Ecclesiæ coniungere possit. Id

quidem postea mihi sæpius per literas cõfirmavit, quibus nondum ipse placatus, acrem huius negotij. in fine illius primæ Preciosi Ioannis legationis (quam ipsi Ioanni Magno Gotho consecraui) mentionem feci, ne tum quidem mihi ipsi in hoc negotio satisfeci, sed cū Erasmo Roterodamo meis literis egi, vt causam istius rei scriptis commendaret. Postmodum in illius contubernio agens, quod mihi cum eo Friburgi Brisgoiæ, ad quinque menses fuit, præsens cum præsente verba super eodem negotio feci. Quibus rebus impulsus, constituerat de hac re iustum volumen emittere. mortis tamen interuentu, operis materia, quam iã congegesserat, dissoluta est. Nihilominus in suo Ecclesiaste tam nefandam impietatem non obtruncuit, quæ sanè talis est, vt omnes Christianos, quibus potentia & doctrina à Deo concessæ sunt, posset quodammodo reos facere, & ab eis in vltimo iudicio coram Christo iusto iudice vindictam petere. Videant iam Christianorum Monarchæ, quam rationem, quem calculum tantarum perditarum animarum, in nouissimo die ad Christi tribunal, vbi nec gratiæ, nec indulgentiæ locus est, nec blandimenta, nec assentationes recipiuntur, reddituri sint. Tu tamen Pontifex maxime, is iã solus es, qui huic morbo mederi potes. Tu iã is es, qui huic genti vias Dñi demonstrare potes, & vt rectè in

ijs ambulent, dirigere. Tu solus eas de inferno inferiore redimere valebis, per te paruulis Christum accedere licebit, & in virtute de xteræ tuæ à dæmonū catenis ac insidijs liberari, & copiosa Christi in hoc, & in alio sæculo redēptione frui. Vide q̃ palmam obtinebis si messis illa multa, te operario in horreū Christi cōportetur. Nec dubiū est, quin cōportabis, modo incipias. Sunt hodierno die cū Goſtauo Suetiæ, & Gothiæ Rege aliquot Magnates, ab ecclesia Romana recisi. Sūt in ipsis quoq; regnis, qui omnino ex diametro disſētiunt, possis ad vtrosq; literas pro tua dignitate & pastoralis officio dare. eosque per Christi plagas (hunc enim omnes, quanquam ab ipsa Romana Ecclesia disſentiunt, filium Dei & Seruatorem nostrum fatentur) obtestari, vt hanc Orientalem & Occidentale Lappiā, cum Fimmarchia, Scricfinia, & Biarmia amplissimis prouincijs, quarū maior pars Christum non nouit, ad eius suauissimum iugum venire permittant, ab eisq; tantum aucupentur & extorqueant, quantum alij Christiani principes à suis subditis, vel iure postulare, vel precarijs exactionibus obtinere cōsueuerunt. Ad id non tantū literæ, sed viri quoque docti & sanctitate vitę probati mittendi videtur, vt hæ prouinciæ, Romanæ Ecclesiæ per Christi fidē cōiungantur. Quibus per te vna cū Aethiōpica gente, ad veram Christi legē  
ad-

adductis, & si populi irascantur, Dominus sedens super Cherubim regnet, & terra moueatur, ipsa quæ exultet, & insulæ multæ lætentur. Vale Pontifex maximè in Christo Iesu. Amen.

Ex Louanio Cal. Sept. Anno 1540.

## L A P P I Æ D E - S C R I P T I O,

**L**APPIA mari Botnico interiecto in Orientalem & Occidentalem diuiditur, cuius æquoris extremum, Tornia est. Ab Oriente lacum album tangit, ad Septentrionem varias prouincias amplectens, ad incognitum se extendit. Ad occidentem Islandiam respiciens, parti Noruegiæ est cõtigua. Ad meridiem, ab altera Noruegiæ parte, Suetia, Finlandia, ac ab vtraque Botnia cingitur. Lappia enim orientalis Ecclesiam D. Andree in gradu eleuationis poli octogesimo quarto habet, quæ magnifico & sumptuoso templo, ac doctis & sacrarum literarum eruditis viris ornatur. Ecclesia hæc Archiepiscopo Upsalienfi obedit & obtemperat, sub cuius diocesi sita est. Nihilominus eius circumuicini, siue incuria, siue auaritia Prælatorum & Magnatum (vt dictum est) Christum non agnoscunt.

*Ecclesia  
D. And.*

scunt. Lappia Latino sermone interpretatur inepta siue secors prouincia. nomen puto inditum inde, q̃ ex nimio & intenso frigore, solum tanquam stupidum, minimè aptum sit, nec ad recipiendum, nec ad procreandum fruges. Indigenæ istius prouinciæ, neruosi & mediocris staturæ sunt, mirè dexteri, & agiles in arcubus & sagittis vtendis, quam artē iaculadi ab incunabulis sic exercēt, vt puero à scopo erranti cibus non detur tantisper, donec in eum rectè sagittam dirigat. Pellibus non ineleganter contextis, locovestium præcipuè vtuntur, quibus se à frigoris iniuriâ tutantur. Quod ita etiam pati assueuerunt, vt dum opus sit, id sine aliquo pellium munimine expugnare valeant. In tabernaculis habitant, nec domus eius alicui vsui sunt, quippe sæpius hinc inde migrant. Aliam viuendi rationem quàm venationis, aucupij & piscationis non habent, in quibus plurimum præstant. Est enim prouincia illa istarum rerum feracissima. Agrum non colunt, nauiculis vtuntur sine aliquo ferreo clauo compactis, quibus piscibus acre exsiccatis, ac pellibus onustis ad vicinos nauigant, vt permutatione tantum annonam & pecuniam, nullo sermone adhibito, sed solis nutibus agentes, acquirant. Id solum accidit ob linguæ barbariem & asperitatem, alioquin in suis permutationibus sagaces & expertissimi sunt. Gens bellico-

Lappiani

Permutatio.

lice-

*Veloci-  
tas.**Incanta-  
menta.**Excrementum vir-  
ginis.*

licosa & animosa est. Loco equorum v-  
tuntur animalibus, quæ Raingi suo sermo-  
ne vocant, & magnitudinem & colorem as-  
si- ni, ungulas bifidas, formam atq; cornua cer-  
uorum habentibus, sed cornua lanugine qua-  
dam cooperiuntur, & humiliora & ramis ra-  
riora cerui (vt ipsi vidimus) sunt. hæc tantæ  
sunt velocitatis, vt spatio 12. horarum vehicu-  
lum ad 30. miliaria Germanica proripiant,  
in quorum progressu, lento vel celeri, ex ti-  
biarum articulorum agitatione, ad instar nu-  
cum collisionis crepitus auditur. Religio isti-  
us gentis est, & ignem & statuas lapideas pro-  
dijs habere. Ex quauis re animata eis mane  
occurrente, totius diei euentum iudicant &  
augurantur. Matrimonium obseruant, &  
mirè sunt zelotypi. Incantamenti sic pol-  
lent, vt inter multa alia dictu mira, quæ præ-  
termitto, naues in medio cursu retineant, sic  
vt nulla vi ventorum amoueri possint. Quod  
malum solo virginum excremento foris na-  
uium ac transtris illitis, curatur, à quo spiri-  
tus illi, vt ab incolis accepi, natura abhorrêt.

Lege Saxonem Grammaticum, & mira  
de sagis, & incantamenti A-  
quilonaribus vide-  
bis.

F I N I S.

EPI.

EPISTOLA  
 POTENTISSIMI  
 AC INVICTISSIMI EMA-  
 NUELIS REGIS PORTVGAL-  
 LIAE ET ALGARBIO-  
 rum, &c.

De victorijs nuper in Africa habitis. Ad S. in  
 Christo patrem & Dominum no-  
 strum, Dominum Leonem  
 x. Pont. Max.



Sanctissimo in Christo Patri, ac beatissi-  
 mo Domino, Domino nostro, eiusdem  
 sanctitatis deuotissimus filius Emanuel  
 Dei gratia rex Portugallia, & Algar-  
 biorum, citra vltraq; mare in Africa,  
 Dominus Guinea & Conquista, nauigationis ac com-  
 mercij Aethiopiae, Arabiae, Persiae, atq; Indiae humil-  
 lima Beatorum pedum oscula: Postulat nostra in san-  
 ctam sedem Apostolicam, ac praecipue in vestram  
 Sanctitatem obseruantia, beatissime Pater: vt succes-  
 sus nostros, praesertim qui ad Dei cultum, & Catholi-  
 cae fidei propagationem spectant, eidem vt vero Chri-  
 sti vicario, ac sanctae Romanae Ecclesiae arbitro, per-  
 scribamus. Postquam superioribus diebus nostrorum  
 in India prosperè gesta, Beatitudini vestra significa-  
 uimus. Placuit summo Deo (vnde omnis victoria pen-  
 det) aliam nobis, non minus insignem, contra sui san-  
 ctissimi nominis hostes victoriam, de Mahumetanis

conce-

concedere trophaum. Considerantes nos sanctissime pater, quam grande opus, & quam praeclarum sit facinus Fecense regnum, & Marochense in Africa debellare, in quo tantoperè ac tam sedulo studio semper laboramus: & quam praeipuum vsus rei cardo clavisq; sit AZamorensis ciuitas. Ea est vrbs Mauritania, & murorum turriumq; fortitudine, & piscosilitoris, soli, vbertate percelebris, atq; adeo Christianis, sed frustra antea expetita, Bragantia Ducem, nostrum charissimum ex carissima sorore Nepotem, ad eam expugnandam misimus. Cum haud exigua quingentorum nauigiorum classe, viris, equis, armis, omnifarijs belli instrumentis, ceteriq; huiusmodi expeditio in opportunis, optimè quidem instructa. Cuius exercitus decem & octo millium bellatorum numero erat, in quibus & multi proceres, nobilesq; viri, & duo millia & quingenti, tam cataphracti, quam expeditores equi. Ergo cum vniuersa classis in portum Mazagham ab vrbe AZamor nouem millibus passuum distātem appulisset, nostris haud magna negotio (licet in hostium conspectu) in terram egressis, Dux ipse versus AZamor, instructa ut oportebat acie contendit. In itinere quadam pugna praeludia cum hostium iactura, nullo nostrorum hominum, paruo equorum damno sunt habita, eo die nihil amplius. Postridie disposito exercitu, urbem oppugnant, vbi ad vndecim Saracenorum millia, ac totidem ferè in campo equites, & innumeris pedites, nostrorum praesentientes aduentum, bello satis accincti expectabant. In ea oppugnatione nonnulli Mauri, & quidam etiam principes in-



exempti, adeoq; à nostris fuere confracti, ut despera-  
 ta omni spe sequenti nocte qua parte castris vacabas  
 (non enim per loci situm totam urbem obsidio circum-  
 ierat) omnes clanculum abierunt, solamq; reliquere  
 urbem. Postera luce hoc cognito, Dux cum exercitu,  
 solenniq; pompa urbem ingreditur: occupatq;, atq;  
 in ipsa Mahumetis precipua ade (plures enim & alia  
 erant, quas Mexquitas vocant) & templi magnitudi-  
 ne, & adificiorum structu per celebri, Deo Optimo  
 maximo, Missa, ac diuina officia cum laudibus sunt  
 decantata. Clementissime Iesu, quam admirabilis est  
 providentia tua, quod ubi ad mille annos impius ille  
 Mahumetes tanto opprobrio celebratus, ubi Chri-  
 stianum nomen, tanto tempore pessundatum, totiesq;  
 blasphematum: ibi nunc occulto, & iam praesago iudi-  
 cio tanta Satana ignominia, ac dedecore, tuum San-  
 ctissimum nomen, tua laus, tua vera aeternaq; gloria  
 predicetur. Inuenta in ea vrbe, ac parva machinarum  
 bellicarum, armorum ac frumenti haud contemnen-  
 da spolia, nostro exercitui (quem illic habemus, ut pro  
 positum Deo propitio consequamur) admodum oportu-  
 na. Per lato hoc ad finitimos nuncio, ilico Almedina  
 Incola (qua ciuitas ab Azamor quinquaginta passuum  
 millibus distat, & ipsius magnitudine, & gleba ferti-  
 litate nobilis) nostrorum metu: quos & alias sapius  
 fuerant experti, urbem penitus deseruere, ac liberè no-  
 stris permisere. Thiti etiam antiquissima, & maxi-  
 ma olim ciuitas atq; alia quamplura oppida, ac finiti-  
 ma loca, statim sese nobis dedidere. Tributa etiam,  
 censumq; pro nostro arbitrio pensuri. Ex qua quidem

R.

Bea.

Beatissime pater diuina freti clementia, proculdubio speramus, ut tam auspiciata initia, melior progressus, optimusque finis subsequatur: atque illud Marrochorum regnum, quod totius ferè Africæ caput & imperium fuit. Vnde & ipsa Hispania, omnisque Christiana respublica tot damna, tot clades, tantam sanguinis effusionem, ac catholica fides, tot opprobria, tot ignominias indignissimè pertulit. Nunc certè diuino suffragante numine, in nostram potestatem penitus redigatur ac tanta culpa malorumque luet poenas. ac si Mahumetica perfidia depressa, verus dei cultus, & Christiana religio (quod solum semperq; optamus) sublimetur. Bene valeat sanctitas vestra, quam Deus Optimus Maximus diu, ac felicissime obseruare & augere dignetur. Data, in vrbe nostra Vlyxbon. Pridie Kalend. Octobris. Anno domini M.D.XIII.

## Epistola

SERENISSIMI AT-  
QUE INVICTISSIMI IOAN-  
NIS III. PORTVGALLIÆ ET AL-  
GARBIORVM REGIS.

AD S. D. N. PAVLVM III. PONT.  
MAX. SVPER VICTORIA REBVS-  
que in Oriente feliciter  
gestis.

SAN-

## S A N C T I S S I M E

IN CHRISTO PATER,

AC BEATISSIME DOMINE,



IOANNES D. G. REX PORTUGALLIÆ & Algarbiorum, citra & ultra mare in Africa, Dominus Guinea, atque expeditionis & navigationis, & commercij Aethiopiæ, Arabia, Persiæ, atque Indiæ, ut filius pientissimus post humillima beatorum pedum oscula. Si vnquàm principes Christiani de victorijs, quas aduersus orthodoxa hostes adepti sunt, summo Pontifici, perinde ac vero Christi Vicario gratulati sunt: id certe hoc tempore maxime apud S. vestram à me, utpote eius, sancta q, Sedis Apostolica filio pientissimo, obsequentissimoq, fieri oportet. Vrbis enim Dium clarissimum totius Orientis Emporium fortissimumq, India propugnaculum, cuius expugnanda causa, tot bellagesta, totq, expeditiones, superioribus annis à nostris Ducibus facta fuerant, nunc tandem, Deo Optimo Maximo adiuuante, se nobis dedere, nostraq, ditioni parere coacta est. Etenim cum multa, maximaq, in S. vestra virtutes floreant, ob quas iure optimo, sancto spiritu suffragante, ad summū Apostolatus apicem euecta est: nulla tamē ex omnibus admirabilior censi debet, quā quod perpetuo quodā Christiana religionis propaganda zelo, omni studio patriq, indulgentissimi

R 2

affectu,

affectu, dat operam, ut pace inter Christianos principes fundata, ac stabilita, Christi vexilla usque ad ultimos terrarum fines prodeant, Mahometusque impietas de medio tollatur. Maiores quidem nostri iam inde ab huius regni origine id constanter pro viribus contendebant: ut clarissimis rebus gestis, verè eos principes Christianos esse cõstaret: idque, quemadmodum optabant, consequuti sunt. Nam & Maurorum gentem, ipsorum regibus superatam, Hispania expulserunt: & Mauritania oppida arcesque, munitissimas, trans fretum Herculeum expugnarunt: quæ & hodie nostra ditionis sunt, prasidiisque, validius tenentur. Porro felici memoria Emanuel rex, pater meus, non sat habens, egregias & ipse de Africa victorias reportasse: cum Atlanticum mare antea ignotum, antiquorumque modo fabulis, miraculisque, celebratum, classibus aperuisset (in quo nonnullorum maiorum suorum exemplum sequutus est) magnamque, Aethiopia littoralis partem inuictis Ducibus peragrasset, ad fidemque, Christi instituisse. Nauibus deinde, exercitusque, ad mare usque rubrum, ac Persiam, totamque, Indiam transuectus: iam notum est omnibus quid gesserit: quot populos, vrbes, reges, in deditionem suam redegerit. In quibus omnibus, vera & immortalis gloria dignissimus censendus est: cum ob id quod inaccessas, atque, incognitas antea, tum cæli, terra, marique, plagas primus omnium notas fecerit, tum verò quod princeps Christianissimus ad ouile, ecclesiamque, domini, tot animarum millia varijs inuoluta superstitionibus potuerit aggregare. Ego verò ubi primum Deo maximo ita volente

lente ad regiam dignitatē euectus sum, tametsi liqui-  
do intelligerem, quantam hominum expectationem  
sustinerem, quem par erat plurimis de causis, patris  
inuietissimi, omnibusq; seculis memorandi virtutibus  
respondere: tamen deo iuuante, non omnino despondi  
animum: verum me ita ad paternas laudes imitan-  
das, ac prosequendas collegi, ut quantum fieri posset  
eiusdem vestigijs (ut bonum filium, regemq; dicebat)  
haberem atq; insisterem. Itaq; etsi statim à principio  
regnandi non pauca difficultates, nostrarumq; nauium  
iactura sequuta erant, quae tam longinqua expedi-  
tioni vehementer obstare videbantur: nos tamen in-  
commodis quibusq; superatis, non solum res Indicas  
prout à patre relictae fuerant, Dei gratia facile tuta-  
ti sumus: verum eas subinde nouis victoriarum acces-  
sionibus roborauimus. Et quoniam ad statum rerum  
nostrarum in Oriente vehementer conducere vide-  
batur, si vrbs Diuina in ipso littoris Indici ingressu po-  
sita, in nostram ditionem veniret: ita enim & Oceani  
Indici latē domini, & aduersus Turcarum expedi-  
tiones tuti futuri eramus (nam hi classe ingenti in fine  
Arabici sinus comparata, se per maris rubri ostia e-  
gressuros, nobisq; bellum ex ea vrbe illaturos mina-  
bantur) has ob causas nihil vnquam simulatq; regna-  
re cepimus, nec maius, nec antiquius habuimus, quam  
ut ea ciuitas nostri iuris & potestatis efficeretur. Quā-  
quam verò à nostris Ducibus, praefectisq; strenue ad-  
uersus eandē expeditiones suscepta esset, nihilq; om-  
nino ab his foret pratermissum, quod vrbs munitissi-  
ma posset expugnari: tamen ob loci naturam in expu-

gnabilem, saepe eares frustra tētata est. Quippe vrbs  
 Diu in extremo promontorio sinus Canticolpi sita,  
 & super saxi crepidine fundata, validis muris, turri-  
 busq<sub>3</sub>, atq<sub>3</sub> omnifariā aneis tormentis vndequa<sub>3</sub> cin-  
 gitur, introrsus verò qua sese portus recipit, qui & i-  
 pse validis catenis clauditur, adeo munitū tā ab vr-  
 be quā à medio mari propugnaculis vallata est, vt cū  
 per spaciū inter ipsa propugnacula interiaccens, na-  
 uib. modo inuadi, oppugnariq<sub>3</sub> valeat (etenim à conti-  
 nenti in morem insula mari per fossā deriuato ablui-  
 tur) illud interim ex eo sequatur, vt eiusmodi oppu-  
 gnatio propter oppositā vndiq<sub>3</sub> tormentorū vim lon-  
 gè difficillimā, ac penè vltra vires humanas esse videa-  
 tur. Accedebat & illud incommodū, quod ea vrbs ma-  
 nebat sub ditione Regis potētissimi citerioris India,  
 Mahometana secta cultoris, quē Regē Cambaia vo-  
 cant. Atq<sub>3</sub> is facillè intelligens maximū in eā ciuitate  
 momentū esse, ipsam superioribus annis per Melichia-  
 zum praefectum, quantū humano consilio, aut arte  
 effici poterat muniri iusserat. Ita vrbs natura, situq<sub>3</sub>  
 valida, opera hominū, praesidijsq<sub>3</sub> largiter accedenti-  
 bus, inexpugnabilis reddita erat. Is aut rex Camba-  
 ia, vt de eius propè incredilib. diuitijs taceā, facile  
 centū mille equitum armare, peditū verò CCC. mil-  
 lia, sexcētosq<sub>3</sub> elephantos, glandiūq<sub>3</sub> ignitarum ia-  
 culatorū nō mediocrē numerū in acie educere potest:  
 adhuc tormēta anea omnis generis curribus aptata,  
 non minus habet quā septingēta. Quo apparatu idem  
 paucis ab hinc annis, finitimo regi defectionem medi-  
 tanti, bellum intulit, eumq<sub>3</sub> regno expulit. Sed quan-  
 quam

quam tot incommodis Duces nostri vrgerentur, nos  
 tamē id omni studio, indefessq, animo agentes, vt  
 hoc oppido in potestatē nostrā redactō, rerūq, nostrarū  
 statu in Oriēte firmato, Christi fides per vniuer-  
 sam Indiā longē lateq, posset propagari. O eas res  
 Nonio à Cugna India gubernatori, praefectq, nostro  
 maiori mandauimus, vt quia in oppugnando eo oppi-  
 do parum proficeretur, in praesentia quidē ab eo desi-  
 steret: ceterum Regi Cambaia terra mariq, bellū in-  
 ferret, vniuersamq, maritimā regni Cambaia orā,  
 qua non mediocri littoris tractu porrigitur, ita classi-  
 bus instructis popularetur, assidueq, infestaret, vt ali-  
 quando rex Cambaia Badur (id enim nomen illi est)  
 suū, suorumq, malis edoctus, tot dāna, direptionesq,  
 deditiōne dicta ciuitatis redimere cogeretur. Id cū  
 ita factū esset, bellūq, acce ac perpetuū omnibus Gu-  
 zaratū populis maritimis illatū traheretur (ita enim  
 subditi regis Cambaia vocantur) rex Badur cum non  
 paucas regni sui ciuitates, oppida, arces, vicos, per no-  
 stros praefectos, classesq, capi, diripi, atq, incendi cū  
 magna suorū strage, audiret, in quorū direptione in-  
 gēs aneorū tormentorum numerus, multiq, bellici ap-  
 paratus à nostris inueniebantur. Cumq, non minus in-  
 telligeret, nostrorū classibus infesta omnia reddenti-  
 bus, naues mercatorum ad ipsius regni portus nullate-  
 nus accedere, nec vltro citroñe comineare iam aude-  
 re, idq, interim magna eiue vectigalium iactura acci-  
 dere. Ad hac cū animaduerneret maiora in posterum  
 ex eiusmodi causa regno suo damna instare, qui-  
 bus deinde omnipotentia nequaquam resistere pos-

set: cum hac omnia secum reputaret, diuq, tamen do-  
 lorem audacter premeret: etsi nunquam antea secum  
 de pace agi passus fuerat, ad extremum maiore metu  
 perculsus, consilium sibi cepit, nostraq, imperata fa-  
 cere, Diuq, dedere cogitauit: videlicet in eo magnorū  
 Aethiopia atq, Orientis regum, multorumq, India  
 satraparum exemplum sequutus. Qui nobis (Deo iu-  
 uante) superiori tempore obedire appetuerant, idq,  
 magno orthodoxae fidei, animarumq, bono euenerat,  
 quae incredibili numero ab idolorū vanitate, ad Chri-  
 stianam pietatem & conuersa sunt, & quotidie con-  
 uertuntur. Itaq, ille potentissimus rex Badur, India  
 vniuersa terror, à quo nonnulli regnū Pori maxi-  
 mi quondam regis teneri affirmant: quiq, tot annos  
 frustra minis in nostros detonuisset, tandem per lega-  
 tos à gubernatore nostro suprā memorato, pacem  
 suppliciter postulat. Summa legationis erat, velle se  
 his conditionibus nobis obsequi: quae omnino grata no-  
 bis futura erant. Consilio igitur de eare diligenter  
 habito, placuit Nonio gubernatori, caterūq, prae-  
 fectis nostris, virūq, nobilibus, qui in India iussu nostro  
 militant, pacem cum rege ijs conditionibus fieri: quae  
 certe nobis, regnūq, nostris pulcherrima, & honestis-  
 sima extiterunt. Atq, harum nonnullas S. vestrae hīs  
 literis declarandas esse duxi. Placere regi Camba-  
 ia (Cambaia ciuitas est insignis maritima, vnde rex  
 denominatur, aliter Guzaratum rex vocatur) & ar-  
 cem & ciuitatem Bazaim, quae ciuitas ad Orientem  
 versus circiter octoginta millibus passuum à Dio ab-  
 est, in ius ac ditionem nostram transferri: seq, nobis



in perpetuum ijs cedere cum omnibus agris, insulis, oppidis, vicis, prouentibus, vectigalibusq; regijs, caterisq; omnibus quomodocunq; ad eandem urbem, eiusdemq; Regis deditionem in ea regione spectantibus. Nec minus cedere se ea vectigalium summa (ea ingens erat) qua ex annorum proximorū pessione dicta ciuitatis Regi debita, nondumq; per quastores regios exacta fuerat. Item ut Lusitani qui captiui, aliquot iam annos apud regiam urbem Campanellum tenebantur, gubernatori nostro quàm primum redderentur. Hu atq; alijs perquàm honorificis regno nostro conditionibus firmatis, non ita multo post & captiui ipsi redditi sunt, quorum libertatem propter eorundem merita, fidelemq; operā nobis multis annis prestitam, magni fecimus: & possessio vrbs Bazaim meo nomine à nostris inita est. Est autem Bazaim vrbs maritima insignis, cum ob agri insularumq; adiacētium mirificam quandam vbertatem, tum verò ob sylvarū materiaq; commoditatem, qua abundè in hoc vno citioris India loco, nauibus fabricandis suppetit. Sic ut ad classium nostrarum quantumuis numerosam edificationem, siue commeatus, hac vna posse sufficere videatur. Sed neq; vsquam in vniuerso India littoralis tractu tanta viriusq; rei copia possit inueniri. Hinc est quod intra Bazaimensis agri, earumq; insularum ambitum, qua eius territory sunt, ob admirandam, largeq; omnia prabentem soli fecunditatem, sexcenti admodum vici, minimum alius ab alio distantes inueniantur, quos Guzarates habitant: interq; eos vicos, & oppida nonnulla, & ciuitates etiam vi-

suntur. Singuli porrò ab vrbe nostra Bazaimius accipiunt: nobisq, hi omnes cum ciuitate simul, annua centum millia aureorum, ex vectigali regio pendunt: breui autem fore speramus, vt vectigalium magna fiat accessio, quod propter pacem, quam his dedimus, affatim ad habitandum Gazaratum multitudo confluat in ea loca. Idem rex Badur anno non toto vertente, vt mutuam nobiscum pacem maiore pignore retineret, sanciretq, iteq, vt nobis gratior & acceptior, dicto Nonio India Gubernatori ultro per literas significauit, velle se certis conditionibus, qua paci, & amicitia vtriusq, nostrum expedirent, ipsam ciuitatē Diū mihi dedere: ita vt ea in posterū valido Lusitanorū prasidio teneretur: Ea re cognita, cū Nonius ingenti classe ad vrbem Diū accessisset, mox ea parte vrbis potissimū lecta, qua portui, propugnaculūq, in mari extructis imminebat, arcem magna celeritate adificare aggressus est: quā propediē absolutum iri cōfidimus. Atq, fortissima ciuitatis parte, propugnaculūq, ipsis, tum maris, tum terra omni tormentorum genere, bellicoq, apparatu instructissimis à rege traditis, nostrog, prasidio firmatis, in quibus & oppidi, & portus vires facile continentur, arce etiā insuperabili à nostris hysdem in locis fundata, planè illud sequi necesse est, & nunc eam ciuitatem penitus in nostra potestate esse, & in posterū Deo bene inuante sub nostra ditione perpetuo mansuram: ita Deo optimo Maximo fauente, citra vllum sanguinem, meorumq, subditorum periculum, ea vrbe positi sumus, quae iam pridem à felicis memoria patre Emanuele, nostrorum-

que

noſtrorumq; exercitu, magnis cum ſudoribus impen-  
ſisq; petita, nunquàm tamen potuerat expugnari. V-  
naq; opera tum rebus noſtris Indiciſ ſecuritatem, tum  
paci ornamentum, tum bello ſingulare perpetuumq;  
praſidium comparauimus. Cumq; omnes ferè Orien-  
tis naues, quæ per Indicum Oceanum mareq; rubrum  
vltro citroq; excurrunt, ad hunc portum neceſſario  
ferantur, facile ex eo iudicare eſt quicunq; tam cele-  
briſ emporij dominus fuerit, eum nauibus totius Ori-  
entis quodammodo dominari oportere. Eodem tẽpo-  
re inter noſtros regemq; Cambaia conuentum eſt, ne  
Turcarum quiſpiam intra eius regniſ fines admittere-  
tur, nè ue hoſpitio, commeatu, auxiliõue quocunq; iu-  
uaretur. Item ne per vniuerſum regni Cambaia lit-  
tus, vlli Guzaratum nauigium bello aptum fabricare  
liceret: ſi qua adificata, aut inſtructa, inſtruiue cõpta  
inuenirentur, ea in terram ſubducerentur. Poſtremo  
vt quacunq; Guzaratum nauis è littore patrio nauig-  
atura eſſet, ea priuſquàm ſolueret, à præfecto arcis  
noſtræ, quæ intra Diũ eſt, liberi commeatus diploma  
impetraret: alioqui eam nauigationem ſuo periculo  
facturam eſſe. Atq; vt mirabilis noſtrorum fœlicita-  
ti cumulus adderetur, accidit per hæc tempora, vt Ai-  
manus potentiſſimus Carmania rex, vſq; ad Indi flu-  
minis oſtia, aliarumq; latè regionum Septentrionem  
verſus (nunc regẽ Dely vocant) & ipſe impietatis Ma-  
hometanae cultor, bellum Cambaia regi inferret,  
quod is affinem quendam ſuum qui ab Annano tranſ-  
fugerat, reddere nollet. Quod vbi rex Badur  
intellexit, non ita multo poſt ingenti exercitu

coactio, qualem supra memorauimus ex aduerso processit. Quamquam verò Carmania rex equitum millia septuaginta duceret, qui more Partorum sagittandi peritissimi, inter fugiendum spicula dirigunt. pedisum verò ducenta millia haberet. Tamen si statim Cambaia rex cum hoste confligere noluisset, dubium non erat, quin regem Dely primo impetu fuisset superaturus. Verum ille prauis consilijs Rumetanis praefecti sui, cui multum tribuebat, persuasus, cum se intra castra contineret, nec copiam pugnandi faceret: interrim interceptis ab hoste commeatibus, diraq, fame atque ex eo hominum equorumq, strage in exercitu sequuta, ad extremum fuga sibi consulere, ne in potestate hostium veniret, compulsus est. Igitur cum facta fuga, ac consternatio totius castris, ipsius Regis fuga intellecta, oreiretur, Mogores subito superuenientes omnia prosterunt, atq, occupant. Mogores ij sunt qui prius cum rege ipsorum, Carmania: deinde Ariam, & Drangianam, aliasq, vsq, ad mare Caspium regiones (quas nunc regnum Dely vocant) armis occuparunt. Dicti Mogores vel à populis Persarum Megoribus, vel quod nunc Turcae à Persis Mogores appellantur. Iidem tamen se ab extremis Scythiis oriundos iactant: Regemq, hunc Aimanum illius magni Tamberlani Scytharum imperatoris, trinepotem pradicant. Certè gentem exercitumq, Mogorum, cum multi Vzbequi, natio eiusdem generis bellicosa, aliq, populi auxiliares, tum magna vis Scytharum, Tartarorumq, comitabantur. Fugiens itaq, rex Cambaia cum matre, suisq, ac praefectorum, procerumq, suorum

vxoribus, magnâq; parte thesaurorum, dinitiarum-  
 quæ suarû. se ad Diuum recipit. utpote totius regni vr-  
 bem validissimam munitissimamquæ. Ibi hæc omnia,  
 seq; insuper tradidit in fidem tutelamquæ Nonij gu-  
 bernatoris, profectiq; nostri maioris. Et nunc, Deo  
 volente, potentissimus, atq; opulentissimus India cite-  
 rioris Rex, cum arce regni, vxoribus, rebusquæ pretio-  
 sissimis, in nostram manet potestate. Constatre arbitror  
 ex his S. vestra quantum dei optimi maximi clemen-  
 tia, rebus nostris, totiq; aded reipublica Christiana  
 incrementum sit adiectum. Quantum item aditus hoc  
 tempore sit factus ad Christi veram fidem, per vasa  
 illa Orientis, atq; India vtriusque regna longè late-  
 quæ propaganda. Quod etsi temporibus meis & mea,  
 meorumquæ opera, Deo adiuuante, accidisse mihi (ut  
 par est) gratissimum esse debeat, tam prosperam, tam  
 quæ admirandam rerum successionem inprimis S. ve-  
 stre felicitati acceptam referri oportet: cuius vir-  
 tute ac meritis, utpote Sanctissimi dignissimique Petri  
 successoris, fideiq; orthodoxæ propagatoris maximi,  
 breui temporis circulo factum est, ut tam in Africa  
 quam in Asia, insignes Christiani victoriæ parte sint.  
 Ego autem Domino Deo nostro gratias summas ago  
 pro tanta benignitate, quanta nos immeritos prose-  
 qui dignatus est: idemq; à S. vestra totius reipublica  
 Christiana nomine fieri, & spero & opto. Cumque  
 ab ipsius pontificatus initio Christianus orbis nouis vi-  
 ctoriarum accessionibus non mediocriter auctus fue-  
 rit, idq; ipsum (ut dixi) iure optimo eiusdem S. ve-  
 stre summis virtutibus, perpetuoq; religionis affe-  
 ctui

*Etui ascribi oporteat, omnes qui Christum profite-  
 sperare debemus fore, ut rebus per eandem inter Prin-  
 cipes Christianos pacatis, & compositis, S. vestra me-  
 ritis, consilijs, virtute, autoritate, Dei religio magis  
 magisque floreat, & digna (ut par est) accipiat incre-  
 menta. Ut tandem vera pietatis hostibus aut euersis,  
 aut profligatis, idolorumque, & Mahometanorum  
 impia vanitate deleta, crux D. N. I. C. in vniuerso or-  
 be colatur, atque adoretur. S. in C. Pater & D. noster.  
 D. Omnipotens S. vestram diutissime ac felicissime  
 augere, & conseruare dignetur, ad sui sanctissimi ob-  
 sequij, sanctæ matris Ecclesiæ bonum & utilitatem.  
 Data Eboræ, die XX. Iulij. Anno. D. M. D. XXXVI.*

# DIENSIS NOB I- LISSIMAE CARMANIAE SEV

CAMBAIÆ VRBIS OPPV-

gnatio, Damiano à Goes  
 auctor.

# DAMIANVS A GOES EQVES LVSITANVS, PETRO BEMBO SACRO-

sanctæ Ecclesiæ Romanæ  
 Cardinali, S. P. D.

Quid



Vid tibi, pro tua assidua erga me, dignissime Cardinalis, humanitate gratiarum referam, reperire nequeo, nec praesens tempus facultatem adfert, sed pensabimus aliquando pro nostra facultate. Nunc vero mitto id, quod gratum scio tibi fore, historiaeque nobilissima Reipub. Veneta, quam cum maxima in futurum gloria, in manibus habes, forsitan etiam non incommodum. Quantum delecteris gestis nostrorum Lusitanorum non me fugit, praesertim illis, quia pro bono sacrosancta fidei nostra geruntur. Id sane quod facis, ut bonus fidusque Patritius Venetus facis, non ignorans antiqua nostratum cum vestris foedera, amicitias, & beneficia hinc inde vicissim collata. Utinam ceteri Christiani homines in tua sententiam irent, & ex animo magis rebus nostris, quam faciunt, fauerent ac opitularentur, quin ut omittamus opitulationem, saltem non officerent, ac tantum quod Rex nostrique cupiunt, ociosos se spectatores praeberent, interim dum nostri cum Mauris Turcisque strenue depugnant. Sed absint querimoniae & infausae ominibus, & praesenti negotio incongrua, ac quod in manibus est tractemus.

\* \*

Dam



Vm agerem Patauij, vbi me tua  
 humanitate mirè me totum deu-  
 inxisti, inter cætera, quæ ex Lu-  
 sitania ad me perferebantur, ac-  
 cepi de bello Cábaico nonnulla,  
 quæ (vt petisti) ex Lusitanica lingua in Itali-  
 cum sermonem cōuertī. Postmodum mors  
 illius Regis Cambaix de quo tam multa ac  
 miranda retuleram, insecutā est, à nostris e-  
 nim ob proditionem, quā in Nunium à Cun-  
 ha Proregem nostrum meditabatur, ex qua-  
 dam triremi deiectus ante muros Dij, fortif-  
 simæ ipsius Cambaix regni ciuitatis, à quo-  
 dam nauta, hasta inter natandum perfossus  
 est. Ex cuius cæde omnino ipsa ciuitas iā im-  
 perio nostro subiacet, id quod antea facere  
 reluctabatur, quamquam in eius faucibus lit-  
 toris arcem munitissimam haberemus. Qua  
 re peracta nonnulla deinde intercapedine  
 temporis, classis Turcica ad eandem ciuita-  
 tem appulit, vt nostros inde expelleret. Quā  
 classem Imperator Turcarum, innumerabi-  
 libus sumptibus in sinu Arabico instrui ius-  
 serat. idque maximè istius Regis quem dixi,  
 adhortatu & opera, vt postmodum comper-  
 tum fuit, & ex sequentibus latius intelliges.  
 Iure autem belli ipse Turcarum Imperator  
 Cayrum, cæterasque Sultani prouincias (vt  
 nosti) occupauit, atque vna cum regno cu-  
 ram, qua perpetuo Sultanusangebatur, su-  
 scepit



scepit, nempe vt Lusitanos omni contentione ex India profligaret. Ad id materiam ex longinquis plagis colligi iussit, illamq; sumptu inæstimabili ad mare rubrum vehendam curauit. Atq; in Suezij portu eiusdem sinus, naues ædificare instruereq; apparat, cui negotio Architectus quidam Genuen. præfuit, huius artis (vt fertur) peritissimus. Habebat etiã multos alios opifices Christianos, quos hinc inde muneribus pellexerat. Classi vero præfecit quendam Bassam Præpositum Cayri, nomine Solimanum, peritissimum exercitus ducem. Quæ autẽ classis sexaginta tribus triremibus constabat, in singulisq; triremibus viginti sex transtræ, inter reliquas naues aderant sex Rostratæ, quas Galleones vocant, aderant quoque sex biremes, holcades duæ, actuariæ viginti, celoces quamplurimę. Classis præterea instructa viginti millibus militum fuit, præter nautas & bombardarios, quorum quatuor millia Genicerorum, quos Rhomæos etiam appellamus, erant. Insuper armabatur classis maximo tormentorum numero, inter quæ erant quadraginta, quos basiliscos appellant, qui globum ferreum emittunt nonaginta librarũ. Soluit itaq; hæc ingens, & ad omnẽ naumachiam ornata classis Suezio, versus Indiam sub finem Iunij anni millesimi quingentesimi trigesimi octauui, & vi interceptis aliquot mercatorum nauibus,

uibus, quibus commeatu oneratis, atque ex  
eis nonnullis nautis ad remigium edoctis,  
(tyrannide triremibus damnatis) quinto Iu-  
lij Adenam cōtendit, quæ ciuitas adiacet fre-  
to sinus Arabici, & decimo quinto eiusdem  
mensis, ad quendā locū a quationi idoneū ap-  
pulit, quadraginta millibus passuum distan-  
tē ab Adena, Ibidem ancoris fixis, Solimanus  
Bassā classis præfectus, literas Imperatoris  
Turcarū de pace ad Regē Aden. mittit, atq;  
ex aureo panno talarē vestē, legatisq; in mā-  
datis dedit, Regi vt dicerēt ipsum Turcarum  
Imperatorē classē illam ei dono mittere,  
quā suo imperiō cōsilijsq; gubernari vole-  
bat, seque ea de causa Indiam petiturum, vt  
Lusitanos inde excluderet, homines Maho-  
metanæ fidei insensissimos, ad quam expē-  
ditionem se nihil aliud ab illo postulare, quā  
carnes & ligna. Quippe cæteris rebus atq; cō-  
meatibus classis abundē instructa erat Hæc  
omnia Rex Adenēsis (quanquam Regis tunc  
nostri Lusitanicę tributarius esset, cui singulis  
annis, fœdere percusso ab Hectore à Syluei-  
ra, decem millia ducatorū persoluebat) gra-  
tissimo animo accepit, legatisq; respōdit, eius  
aduentum sibi peroptatū esse, cui liberē om-  
nia, tum ad classē, tum ad militem necessa-  
ria pollicitabatur. His spacio septem dierum  
transactis, ancoris iussu Solimani sublatis,  
ad portum Adenensem classis depulsa est,  
inibi

inibi sub ancora moram faciens, applaudentibus omnibus, tanquam verus amicus accipitur. Rex ad eum Magnates aliquot mittit, ut aduentui eius gratularentur. Qui ex mandato, Solimano significauere, gratissimum fore Regi, si in terram descenderet, uti ciuitatem sibi obtemperantissimam oculis cerneret, ubi pro dignitate atque officio eum in sua Regia tractare posset. Adhæc Solimanus. Dicite inquit Regi, me non despicere magnifica eius oblata. Veruntamen nau-sea sentinæ, & nauigationis molestia, ita adhuc me affligi, ut ante biduum nihil de me audeam polliceri. at ubi conualuero, recta ad eius amplexum proficiscar. Ita dimissis legatis, mox à tergo sequuntur trecenti milites, prætextu visendæ ciuitatis. Postea Solimanus, ut ad finem telæ, quam mente orsus erat, perueniret, familiarem quendam suum ad Regem mittit, indicans se scire militum insolentiam. Et quoniam ij trecenti qui per ciuitatem vagabantur, nisi receptui canere iuberet, & vela daret, quod tum illi nefas erat, crederet se ad naues recipere non posse, Submissurum ilico cætum veteranos, qui sua auctoritate, reliquorum militum insolentiâ cohiberent. His Rex, nihil mali suspicâs, corporis sui atque regiæ custodiam commisit. Sequenti vero die duo milia militum è classe dissimulata prodicione ciuitatem petunt.

Qui vbi ciuitatem perspectam atq; eius fortiora loca explorata haberent, veteranis se adiungere, quæ res ilico animum Regis perculit. Postero vero die ante diluculum legatus venit maioribus copijs instructus, qui Regem prætextu amicitiae hortaretur, vt cum aliquibus suorum magnatum, Solimanum adhuc ægrotum visat, atque salutet. Id, tametsi periculum & insidias ante oculos ponere videbatur, coactus est facere. Itaq; ad Solimanum ducitur, cæteris militum copijs in ciuitate iam pro præsidio remanentibus. Is igitur prætoria naue ad Solimanum perductus, regia plane libertate in dicendo sic vsus est. Dic quæso Solimane, cur me tantum principem, Imperatori tuo tibi que deditissimum, ad te fraude, technisq; tanquam maleficum, iussisti captiuum adduci? Cui Solimanus, superbia præsentis potentiae elatus. Non te pudet, me Proregem potentissimi Turcarum Imperatoris ante ciuitatem tuam stationem facientem, per totum, triduum non inuisere? Ad hæc Rex. Si Turcarum Imperator hic adesset, nec ego defuissem officio meo, nec ipse (ita vt est clemens) in me vteretur fraude, calliditate atq; virulentia, qua tu modo vteris. Habes me modo in tua potestate, quod sanè non euenisset, si phaleratis verbis tuis me, regnumq; meum non commissem. Est enim Adena ciuitas, quæ hostem armatum aper-

aperto Marte non metuit, at à fraude calumniae quis præcauere posset? Satia te homo priuate, fortunæ casu ad honorem prouectæ, sanguine regio, ab atavis regibus edito. Peribit modo (vti video) infidelis tyrâni iussu, regium fidumq; corpus, attamen virtus Adenensium, stirpsq; eorum nobilissimorum Regum, nunquam te viuentem peribit. Hæc eû libertate vsum, extemplo Solimanus in antenna naus suspendio tradi iussit, adiunxitq; illi eodem supplicio quatuor Regni proceres, qui vna cum Rege ad colloquia vocati fuere. Id se in mandatis à Turca habere, eo quod Adenenses non solum fœdera iunxissent cum Lusitanis, sed etiam tributum soluerent, quam gentem & eorum socios prorsus ex India exturbare volebat. Post Regis necem ciuitas illa opulenta & pulchra, præde & cædi, nullo resistente, patuit. Sumpto deinde commeatu ab nauigaturis, populum alloquitur, debere ipsos lætissimos esse, vindictos scilicet à tyrannide Lusitanorum, ac proinde admonere se, vt fidem & obsequiû Imperatori Turcarum seruarent, Domino proprio ac clementi, ipsorumq; fidei vero cultori. In digressu vero duo millia armatorum pro præsidio reliquit. Deinde altum petens, cursum in Indiâ instituit, in qua nauigatione octo vel decem biremes, atque actuarias naues, propter hyemis tempestates (est enim in

illis prouincijs hyems eo tempore, quo apud nos æstas) amiserūt. quarum pars periijt, pars fluctib. ad littus Indicum, Mallabarem verus est expulsa, quæ ab aliquibus nostris nauibus deprehensæ, partim interceptæ, partim euersæ fuerūt. Hæc autem quæ hætenus narrauimus, nostri à quibusdam Turcis, quos in ipsis nauibus viuos ceperunt, intellexere. Est vero Mallabar prouincia, in qua sita sunt Regna Calecutij, Cananorij, & Cochini, & alia. cuius litoris Regnorumq; descriptionē in historia rerum Indicarum iam ab origine nostratium in ea loca aduentus luculenter, si Deo ita visum fuerit, sumus traditurū. Ita igitur nauigando Solimanus Diū pridie Nonas Septemb. cum classe sua appulit; & cum ad iactum bombarde muris se proximum constituisset, exonerari circiter viginti magna tormenta iubet. Nostri par pari referentes, duas triremes Turcarum euertunt. Qua repentina clade consternati, subito illinc pedem retulere, & ad quendam fluuium sedecim millia passuum distantem à Dio, cui nomen Marafabaris portus est, se recepere. Inibi q; expectauere classem atque militem prouinciæ Cābaix, quā occisus Rex ad nostros ex Dio profligados, ante suam cædē in aduentū Turcarū curauerat parari. Mercatores atq; oppidani subito se fugæ mandarunt, ita vt intra biduū ciuitas tota Diū facta sit deserta. Lusitani, qui

iam soli per ciuitatem vagabantur, in arcem confugerunt. Dux arcis nomine Antonius à Sylueira, vir summo loco natus, magni animi, ingenijq; (virtute vero & prudētia fratri è suo Ludouico à Sylueira Comite a Sortelha nō inferior) oīa ad defensionē obsidionis necessaria disponit. Habebat milites Lusitanos septingētos, inter quos ducēti viri nobiles erāt. Nihil deerat defensionī, pręter bōbardicū puluerē, cuius tātū sexaginta millia pōdo habebat, & tria vasa pulueris manualium (vt vocant) bombardarum. Deerant etiam pro tantis hostium copijs milites, nisi nostri suorum paucitatem virtute pensauissent. Interea loci, duo duces regni Cambaīæ, Solimano associati sunt, singuli cum quadraginta nauibus, remige & milite ad dimicandum optimē instructis. Ecce adhuc alius dux terrestrium copiarum comitatus viginti millibus militū, nomine Coie Coffarus, natus matre Turca, & patre Christiano orto in Xio insula, cuius opificium fuerat, rimas nauium obturare. Fuerat autem hic Coie Regi Cābaīæ, dum viueret, dilectissimus. His copijs terrestribus naualibusq; cum Turcis coniūctis, ilico Solimanus admoueri classem, & ante muros Dij, ad ictum bombardæ figi ancoram iubet, atque subito ex nauibus quinque millia militum pręmittit, & centum quinquaginta tormenta bellica, inter quæ vigin-



ti basilisci erant, & quinque alia, lapideum globum septem palmorum crassitudine eijcientia. Interim dum tormenta vehuntur, vnum in litoris arena submersum est, nec amplius apparuit. Cum primum in terram descendissent milites, ilico se exercitui Coie Cossari adiungere. Sequenti die nullo adhuc timore territi, sed fiducia multitudinis elati, nullo ordine seruato, prope muros arcis aliquot domos, in quibus adhuc habebant nostri magnam frumentorum copiam veniunt depraedatum. Dux noster Antonius à Sylueira cum eos perspexisset in loco cadi commodo, tormenta aliquot directa in eam partem, qua grassabantur, exonerari iussit, quo stratagemate deliderati sunt ultra cētum & quinquaginta, cæteri subito se ex eo loco receperunt. Exemplo Turcæ cum Coie militibus terrum aggerem prouoluunt, quæ moles instar montis paulatim magis ac magis fossæ arcis admouebatur, & sine noxa vlla hostes in proximo sistebat, atque cōfestim latissimum vallum erexerunt, quod tignis bombicisque sarcinis, quas in ciuitate inuenerunt, suffultum, ab ictibus nostrorum tormentorum asseruabatur. Super hoc erectæ sunt turres octo, quibus arx à terrestri parte cingebatur: Has mu-  
niuerunt omni genere tormentorum. Obsidione igitur instructa, viribus, machinisque omnibus adhibitis, arcem tum à stationibus,  
tum



tum à naualibus tentare cœperunt hostes, nostri contra defendere. Habebant nostri citra arcem in ipsa ciuitate turres duas, quarum vna in scopulis litoris iuxta arcem, altera vero in noua ciuitate quæ Rhomæum appellatur. Nomen inditū est Rhomæis, quasi Romanis, vocantur enim in tota India Rhomæij, quos nos cōmuni nomine Geniceros vocamus. His enim Rhomæis siue Genicëris reges Cambaïæ hanc urbem construxere, eamque à veteri vrbe muro discluserunt, quo mercatores, aduenæq; ibi versarētur, nec oppidani militum insolentijs inquietarentur. Prima vero turris seruabatur quinquaginta militibus. Secunda autem sexaginta: Erat vtraq; munita omni re, & ad victum & defensionem necessaria. Ab illa nouæ vrbis turri, cui sexaginta milites præsidio erant, hostes lacesciti, vt illa molestia liberarentur, ante eam vallum extruunt, ac duas turres, quod vt commodius facerent, ædes magnificas quasdam, quæ turri adiacebant, ictibus tormentorum deiiciunt, atq; subito turrim, machinis, tormentis, amphoris, & globis igneis petunt: quo certamine turris ab vno latere finditur, atq; ruinam minari cœpit. Nostorum eo die desiderati sunt quinque, ex hostib. plures. Sequenti vero die. certamine redintegrato, vi tormentorum ictuum turris in duas partes ita fissa est, vt inoffensè tela per mediâ

turrim euaderent. Qua re ab hostibus perspecta, subito præmittūt duo millia selectorum militum, vt turrim expugnarēt, qui à nostris nō sine magna eorū clade & dedecore repulsi sunt. Dum hæc aguntur, tormētis arcis euerse sunt duę hostium triremes. Ex quibus solum tres Turcæ natando euaserunt. Tres etiam aliæ triremes ita globis perforatæ fuere, vt nisi è vestigio aliæ eis succurrissent, funditus periissent. Iam cum viderent hostes spem defendendæ turris in nostrorum animis magis atque magis vigere, ne ab ipsorum globis maiorem cladem acciperent, ad eos legatos de deditioe mittunt, eisq̃ue vitam & bona salua pollicentur. Qua legatione audita, triginta eorum (labes Lusitanorum sanguinis) se dedidere, qui violata à Turcis fide, in triremes vincti ad æternam seruitutē dati sunt. Cæteri vero vt boni sacrosanctæ fidei nostræ propugnatores, repudiata conditione, alijsq̃; quod se infideliter deseruissent, reprehensis, dimicādo & (vt viros Lusitanos decebat) multos Turcas interficiēdo, omnes ad vnum occubere. Dum hæc agerētur, Antonius à Sylueira, celocē ad Præregem Indiæ Nonium à Cunha expedit, qui tūc temporis Goæ agebat (distat enim Goa à Dio vltra octingenta millia pass.) In quo statu res essent per literas ostendit, puluerem tormētorum maxime deficere affirmat. Quæ celox à naturali-

ualibus arcis soluta, classem hostium penetrans, à quibusdam celocibus insectationem patitur. Quarum vna cæteris agilior, & sedecim millibus passuum ante cedēs, nostram contendebat comprehendere. Nostri vero, eam tanta distantia à reliquis semotam videntes, reflexo cursu recta obuiam tendunt, omnesque quotquot erant, dimicando interficiunt, excepto vno ex Apulia, qui à fide nostra descuiuerat, quem secum captiuum duxerunt, ac celocem perforatam euertunt. Cum Goam appulissent, statim se Prorex ad subsidium componit, celocem remittit, indicans se (deo adiutore) breui forti militum & nauium manu adfuturum, & vt omnem casum (ita vt prudens erat) infortuniumq; præueniret, quippe totā classem subito, parare nequibat, sedecim liburnicæ subito, ex arido in mare ducuntur, quibus singulis, nobile & selectum ducem præfecit, & præter remiges & tormentarios, quindecim triarios milites vnicuique duci tradidit, quos omnes multis muneribus affecit, pluraq; ijs, si viui euaderent, pollicens, sin minus, filiis, vxoribus, amicisq; ipsorum, omnia promissa sanctè iurauit conseruaturum esse. Itaque omnes ilico ad iter composita, onustaq; solummodo puluere & incendiarijs funibus, quibus flammæ bombardis iniiciunt è litorebus soluunt. Pridie vero Nonas Octobris

bris acrius solito Turcæ arcem oppugna-  
 re, terra mariq; operibus & machinis vndiq;  
 invadentes, quæ pugna vsque ad trigessimum  
 eius mensis diem semper magis magisque re-  
 cruduit, nihilque laxamenti datum obsessis,  
 sed noctes & dies continuata oppugnatio est,  
 nec vlla transijt dies, quæ non hostes in arcem  
 exonerauerint trecenties, vel quadringēties  
 sua bellica tormenta. Ad hæc singulis diebus  
 nostros extra arcem ad pugnam prouoca-  
 bant, nostri quamquam numero multo infe-  
 riores erant, virtute tamen eos superare nite-  
 bantur, rursus ac rursus per arcis anfractus,  
 ad vallum, & ad eorum turres vsque exilien-  
 tes, cuniculis eos oppugnabant, plurimos in-  
 terficientes. Interea temporis ex assidua tor-  
 mentorum iaculatione, omnes arcis pinnae  
 turriumque collabuntur, ita ut nostris super-  
 ne locus non esset, unde tuto in hostes iace-  
 rent lapides, pila, aliaque tela. Postea ve-  
 ro una ex arcis turris ad imum vsque conci-  
 dit, qua parte cum nullæ munitiones obsta-  
 rent, hostes omni adhibita diligentia, arcem  
 ingredi omnibus viribus satagebant. Nostri  
 autem repugnantes trabibus, tignis, vallisque;  
 vallum pro defensione diruti loci erigunt,  
 propugnaculaque super moenia instruunt, qui-  
 bus rebus nostri utcumque se tuebatur. Hostes  
 enim omnem opem contra moliri, munitiones  
 nostras subruentes, viribus redintegratis,  
 cona-

conabantur, globos, sagittasq; igneas in vallum demittere, ipsi etiam sæpius ad vallum, nostris acriter obstantibus, perumpentes. Quæ oppugnatio singulis diebus bis agebatur, mane & vespere. Dux Antonius à Sylucira assiduam pertinaciam hostium considerans, in ruderibus collapsæ turris tabulatum, pro defensione compactum erigit. A tergo ilico ignem ex picea materia, aridisq; lignis struit, qui magno incendio, noctu, mane, vespereq; ardebat, interdiu minimè incendebatur, quippe ardor solis, & calor cōbustæ materię satis per se ingressum hostibus intercludebat. Qui cōsiderantes ignis rapidissimum ardorem, harpagonibus ferreis ad focum contendunt, & omnem materiā, quam nostrī alimentis ignis tradebāt, ea operā eripiebant. Antonius Dux contra alios harpagones excogitat. longissimis hastilibus affixos, his Turcarum harpagones pari industria apprehendit. Turcæ igitur vidētes se nihil proficere, ab hoc oppugnationis genere desistūt. Nulla fuit dies post turris lapsum, quin ex nostris quinq; sexuē ceciderint, præter vulneratos, & ab igne læsos. Ex hostibus (vt postea compertū est) supra ter mille desiderati sunt, vulnerati, & ab igne ambusti quamplurimi. Xij. autem Calend Nouemb. ante ortū solis, ecce speculatores nostri aliquot magnas scaphas, quas barchas appellant, quæ remis

mis agebatur, ante muros turris nostræ, quæ quinquaginta militibus asseruabatur, ut antea diximus, ex arcis pinnis animaduertunt præterea octo triremes, quæ naues omnes instructæ erant milite, scalisque & alijs machinis ad turrim oppugnandam appositis. Dux arcis Antonius à Sylueira, subito ab illo latere, cui turris proximior erat, nonnulla magna tormenta iussit deportari, inibiq; ducentos arcubutarios, ut vocant, disposuit. Ex quo loco cum primum hostes turrim oppugnare cœperunt ictibus tormentorum, quatuor scaphæ à nostris euertuntur, atque iaculationib. sclopetorum multi hostium interficiuntur. Milites vero quinquaginta, qui turri præsidio erant, fortiter resistentes, multos interficiunt, ex quibus vnus tantum desideratus est, duodecim vulnerati. Illo die cū nihil promouissent Turcæ, postridie fortiore militū manu reuertuntur, constipati triginta tribus scaphis, decem triremibus, & multis machinis oppugnationi accommodis. Milites qui designati erant ad muros turris conscendendos (quorum numerus ingens erat) omnes vestiebantur rubro panno, ut ex cæteris dignoscerentur. Incepto autem prælio, mira arte studioq; turrim conscendere conabatur. Rursus ij, qui ex quinquaginta propugnaculo integri adhuc seruabantur, fortiter obstabant, hostes de scalis, quas iam affi-

xas muris habebant, præcipitantes. Præterea  
 nostri, ex arce opportunitate perspecta, tor-  
 menta exonerant, vnamq; triremem, & mul-  
 tas scaphas funditus euertunt, ex qua clade  
 ferme omnes scalæ & machinæ dilaceratæ  
 sunt, quæ postea à nostris super aquas fluctu-  
 antes receptæ fuere, & in arcem comportatæ.  
 Hostes videntes ob oculos præsentem stra-  
 gem, mareq; sanguine suorum tinctum, atq;  
 multos læsos, & igne combustos, exanimati  
 plane à certamine destitire, & de loco pedē  
 retulere. Interea temporis aliquot nostrorū  
 ex arce ad ostium, per quod ad mare itur, e-  
 rumpunt, paruasque scaphas conscendunt,  
 vt hostium spolia per aquas fluctuantia, ex-  
 ciperent, inter quæ tres milites Turcas, præ-  
 ter alios quos in ipsis aquis iactatos hastis  
 perfoderunt, viuos capiunt. Ex quibus Dux  
 Antonius à Sylueira, nonnulla hostium se-  
 creta percepit. Illis duobus diebus interfecti  
 sunt plures quam octingenti Turcæ. Ex no-  
 stris (Deo gratia) pauci fuerunt vel occisi, vel  
 vulnerati. Interim arx è stationibus Turca-  
 rum globis, sagittisque petebatur. Quorum  
 valla tam propinqua erant nostris muris, vt  
 de turribus in ea sphæras cupasque nostri de-  
 uoluerint. Triduum postea à Turris dimica-  
 tione, Antonius à Sylueira, videns tempore  
 pomeridião, ex arcismuro hostes, siue ex læs-  
 titudine, siue ex solis ardore, ab opere solito  
 remis-

remissiores, quietique se mandantes, subito centum & quinquaginta selectos milites, per fossæ secretiora loca emittit, qui tanta astutiâ & diligentia vsi sunt, vt ad eorum vsq; castra peruenerint; pluresq; ducentis & sexaginta hostium inibi occiderint, multosq; spathis, globulis, hastisq; vulneribus affecerint. Denique toto exercitu commoto, & ad vim propulsandam consurgente, in arcem se receperunt. Desiderati sunt ex nostris inter innumerabile illam hostium permiscuam cædem tantum tres, vulnerati fuerunt sex. Eo die inuenta sunt in fossa arcis diuersorum instrumentorum genera, quæ præterita nocte Turcæ ibidem reposuere ad muros in sequentem oppugnationem educendos, refodiendosq;.

Qua re perspecta subito Antonius à Sylueira sub pluteis in ipsam fossam quadraginta Arcubutarios producit, qui magnam cladem hostibus exilientibus inferebant. Itaq; illa pars fossæ defendebatur, nec in eam desilire aliquis hostium ad tempus ausus est. Dum hæc aguntur, dux Antonius à Sylueira videns discrimen in quo versabatur, ex arcis æstuarijs aliam celocem productam ad Proregem Nonium à Cunha mittit, subsidium implorat, affirmans (ita vt res erat) circiter centum milites iam perijsse, ducentos vero aut vulneratos, aut igne ambustos esse. Quo nuncio accepto, Gratianus à Naronha, qui 3.

Idus



Idus Septemb. in Indiam iā Prorex designatus appulerat, cui Nonius à Cunha iam cesserat loco, nolēs amplius expectare classes, quæ in littore ad regionem tutandam Charmandelij & sinus Persici versabantur, subito aliquibus nauibus, ex eis quas secum ex Lusitania duxerat, associatis illis quas Nonius à Cunha ante ipsius aduentum instruxerat, se ad nauigationem componit: Nauium autem catalogus hic erat. Duodecim magnæ onerariæ, siue holcades, sedecim rostratæ, quas Galles vocamus, quarum nonnullæ ingenti forma, & admodū validæ erant, viginti & quinque agiles naues, quas Carauellas dicimus, quo genere nauium soli Lusitani vtūtur, viginti & nouem triremes, habentes vnaquæque viginti & sex transtra, quindecim actuariæ, & viginti celoces. hæ omnes ad dimicationem paratæ erant, atque ingenti numero tormentorum instructæ. Aderant & aliæ quæ commeatū ferebant. Habebat præterea præter nautas & remiges, milites Lusitanos quinquies mille, & nobiles Mallabares, quos Naiars vocant, octies mille in arte gladiatoria versatissimos. Quibuscum copijs, ancoris sublati, Diem versus nauigare cœpit. Nonius à Cunha postea illinc soluit, in Lusitaniam nauigaturus. in itinere vero, in quo fato apud Caput bonæ spei diem suum obiit. Piscibus, turgidoque mari eius cadauer, qui vltra decennium

cennium Imperium Orientis, nomine Regis sui gesserat, traditur. Quæ mors non illi fuit noxia, quoniam sciebat se ad feliciorē vitam migraturum, sed nobis Lusitanis. Etenim amabatur ab omnibus, & tanquam vnus regni oculus de osculabatur. Antequam ex portu solueret Gratianus à Naronha, literas Emanuelis à Brito ducis Chaliij ciuitatis in regno Calequi sitæ accipit, quibus significabat aduentasse ad Regem Calecutij, celocem, cū legato Solimani Bassæ ducis Turcarum classis, qui à Maomethanis in ipso regno agentibus, miris honoribus fuerat acceptus, præsertim à quodam duce ipsius Regis Calecutij Maomethano, nomine Paquemaquaro, qui eum ad Regem vsque comitatus est. In cuius conspectu concisa oratione ita orsus est. Rex inclyte, Solimanus Bassa, à potentissimo, inuictissimoque Turcarum Imperatore, Prorex modo super Indos designatus, te plurimum saluere iubet, indicans se hac sola de causa, huc nomine principis sui venturum, vt natione Lusitanorum deleta, si eius insignia, fidemq; suscipere velis, nomen regnaq; tua in immensum dilatet. Hæc locutus, ei nomine Turcarum Imperatoris talarem ex aureo panno vestem, Brachas, atque pileum in signum fœderis offert. Tunc Rex toruo, truculentoq; aspectu, inquit, nec moris nec consuetudinis Imperatorum Calecutij

lecutij fuit (vocat enim antiquitus se Reges Calecutij imperatores) necerit, dona accipere, sed dare, nec Regna sua peregrinis copijs dilatare, sed proprijs, atque expulsos Reges, regnis suis restituere. Proinde, nobilitatem astantem respiciēs, Vos hūc proripite, eumq; cū Duce Paquemaquaro, præcipitem in ergastulum protrudite, inibi que stultitię, superbięque sui Imperatoris, & ducis pœnas luât. Quare gesta, ilico Rex legatos ad Ducem Emanuele à Brito mittit, per quos pacem, quam frequenter antea violauerat, petit, eaq; se sanctissime deinceps culturum promittit, quam impetratam per omnes suę ditionis ciuitates promulgari iubet. Quæ res omnib. nostris & grata & perutilis fuit, præsertim tempore tam dubio, in quo ab ipso, vt à vicino & potente hoste potius erant expectanda incommoda, quàm emolumenta. Est autē iste potens Calecutij Rex nobis persēp infestus, raro atq; tenuiter amicus, idq; adeo propter infractā amicitiam inter nos, & Regem Cochini (ipsius antiquum hostem) à primis annis, ex quo nostri Indiam inceperūt frequentare, initam. Est enim Cochinum oppidum, vnde totum regnum nomen capit, in quo Proreges Lusitaniz Regis, diuturniorem sedem habent, & inibi omnes naues in Lusitaniam, siue in alias prouincias proficiscentes instruuntur. Hic igitur Rex Cochini,

chini, cum primum aduentum Turcarum in  
Indiam intellexit, omnes sui regni nobiles,  
quos Naiares vocant, ad se accersi iubet Qui  
bus congregatis, omnes in vnum eorum sa-  
cratius templum (quod Pagodes nominant)  
venire edicit. ibi veterem fidamque Lusita-  
norum amicitiam in mentē eis redigit, com-  
moda; non tantum ab ipso peculiariter, sed  
à toto quoque regno accepta enumerat. Cō-  
cioneque facta omnes ad vnum vsque iure-  
iurando, manus super quoddā Idolum (quod  
pro summo numine habent) ponentes, se v-  
nanimiter, sanctē; Lusitanis inferuire, pa-  
ratos esse affirmant. Qua fide à Rege perspe-  
cta, illis totius Regni æraria communicatu-  
rum se pollicetur. Idemque parique modo  
fecit Rex Cananori. Hostes vero, vt ad histo-  
riam reuertamur, qui arcem Diensem oppu-  
gnabant, videntes se nihil proficere, omni  
adhibita diligentia, alia ratione, alijsue stu-  
dijs, eandem expugnare cōtendunt, aggerem  
producunt, & vallum asseribus, tignisque,  
quoquo versus vestitum, quem tantæ altitu-  
dinis constituunt, vti ex eo facile erat intro  
prospicere, & quæ nostri agerent, speculari.  
Hoc, quo illesum aduersus ignem tormenta-  
que existeret, omni genere materiæ commu-  
nierunt. Addunt pontes, aliasque machinas,  
quibus in arcem descenderent Hæc omnia à  
nostris, quatenus fieri dabatur, perturbaban-  
tur,

tur. Tandem tertio Cal. Nouem. Turcæ prospicientes ex omni certamine continuam sibi cladem illatam, quasi desperatione deducti, ad extremam pugnam penitus se componunt. In cuius diei nocte, de secunda vigilia à nostris, præter solitum, gressus, rumor, & hominum è castris ad vallum accedentium, continui aditus audiuntur. Quod ubi animaduersum est, magnis ignibus factis, prospiciunt ingentia mancipiorum agmina scalas machinasq; in vallum comportare. Quæ omnia inde ad radices murorum, tacito susurro, humi reclinata deponebant. Quæ insolita signa satis indicabant acriorem solito dimicationem sperandam esse. Qua re percussus Antonius à Sylueira, milites omnes ilico conuocat, quibus fidem, nationum solum, Regem, uxores, filios, parentes, amicos, patriæ longinquitatem, atq; Turcarum perfidiam, paulo ante omnibus perspectam, in mentem redigit, singulatimque ab atavis gentilitia omnium facta commemorat. Pro quibus omnibus deprecari cœpit, uti potius mori malint exemplo suorum maiorum, quam in manus cruëtorum hostium se dare. Quo sermone adducti omnes ad infimum usque, sacramento se obstringunt, officio atq; fidei suæ nunquam defuturos. Oratione autem finita, mox unicuiq; opus quod facere tenebatur, imponit, & quem quisq; locum tueri deberet, indicat.

Commeabant interea quotidie crebræ Solimani de deditioe legationes, quæ nõ solum ab ipso Antonio receptæ nõ fuere, sed ne auditæ quidem. Illa vero nocte nostrorũ oculi somnũ minime acceperẽ, nec vigiliæ distributæ fuere, sed vnusquisque de animæ ad superos migratione, vel de vitæ desperatione deniq; meditabatur, & omnia ad defensionẽ instruebat, quatenus fieri poterat, & tẽporis ratio ferebat. Sub diluculũ eius diei, quæ Calẽdæ Nouemb. erant, consideratur à nostris, secundũ fluiuium tacito remigio præterlabi quinquaginta magnæ scaphæ, quæ recta ad turrim, quam in faucibus litoris (vt dictũ est) habemus, contendunt. Hæc (vt postea scitum est) simulabant hostes, vt nostris illius lateris turris defensionĩ incumbẽtibus, à terrestri parte in arcem proruerent. Quarum cogitationum spe adducti hostes, militem in insidijs à tergo valli tempore nocturno constituunt, vt citius nostris inopinantibus profili-rẽt. Postea vero duodecim triremes arcem versus, remigium facere conantur, simulatẽs arcis oppugnationem, & fluiuij ascensum. At dux noster Antonius à Sylucira, hostibus sagacior, iubet vt à parte terrestri, omnia diligenter obseruentur, & quod à maritima, nemo in scaphas, nec in triremes ictum paret, nisi ipso imperante. Illucente die circiter tria millia hostium, subito clamore, atque tuba-

tubarum clangore, in arcem irruunt, murosque conscendunt. At nostri sese fortissime obijciunt, eosque de mœnibus acri conflictu deijciunt. Habebant illi multavexilla rubra, viridia, & aliorum colorum, inter quæ vñ quadratum albi coloris erat, boum caudis ornatum, quod nomine prophetæ sui Maomethis gestabant. Perseueravit hæc dimicatio ad spatium vnus horæ, quo tempore hostes à nostris grauiter læsi fuere, quorum multi igne cuparum ambusti, rabie quadam capti, in mare sponte sese conijciebant, qui vel ab aquis oppressi, vel ex nostris turrib. arcubutorum ictibus transfuerberati, ad vnum vsq; interempti sunt. Hac militum manu dissipata, cui extante dimicatione, nullum subsidium missum est, subitò alia ex castris, paulò imbecillior numero mittitur, virtute tamen exercitationeque longe præstantior, quæ strenue nostros aggressa est. Milites etiam vt alij, vexilla diuersorum colorum ferebāt. Dux Antonius à Sylueira vidēs hostium virtutē, & latus in quod impetū fecerant admodum infirmū, ilico Paium Rodricum ab Arauio, cui secundus locus à dignitate prætoria, in arce tribuebatur, iubet ex fortiore turri, cui præerat, se illuc celerrime trāsferre, vt locus ferme iam oppressus, ab ipso defenderetur. Qui stipatus quadraginta militibus, & cæteris, qui locum defendebant, admistus, in ho-



stes audacter inuolat, multosq; repellendo, feriendo, ac necando, ictu vnus arcubuti percussus, subito ad pedes suorum cecidit, quod ducis Antonij auditui grauissimum fuit, attamen repente ad eundem locum subsidio mittit Emanuelem à Vasquogoncelos, quem triginta milites comitabantur. Nostri vero iam in magno discrimine versabantur, multi interfecti, ac complures icti, & igne læsi erant. Inter mortuos verò Martinus Vazeus Pachequus, & eius nepos Gabriel Pachequus, & Antonius Mentius à Vasquogoncelos, & alij viri illustres annumerabantur, & ipsemet præfectus eius turris, in qua oppugnatio agebatur, quæ eadem illa est, quam prius ostendimus ictibus tormentorum concidisse. Is igitur Emanuel vbi aduenerat, se nostris miscuit, ac simul conglomeratim impetum in hostes faciunt, eosq; de turri super quam diu steterant, magna ipsorum strage deturbant. Interea temporis tormenta nostra, tam in vallum & castra, quam in triremes, ac alias naues, quæ à parte maritima, turrim & arcem mirismodis impetebant, exonerabatur, quorum ictibus, & quasi fulminibus magnâ cladem hostes accipiebant. Pugnatum est vndequaq; ab hostibus, & quasi corona in orbem dimicatum vsq; ad tempus pomeridianum. Quo cōflictu cum à turri depulsi essent, subito duplicato numero, arcem aliæ hostium copiar.



copiz aggrediuntur, qui omnes Geniceri, &  
 veterani milites Turcæ, & regni Cambaiz e-  
 rant, numero vero ultra sex millia, in quibus  
 reliquum spei arcis expughandæ reposuerat  
 Solimanus. Dux Antonius à Sylueira, qui  
 omnibus arcis angulis præsto erat, huc, illuc  
 viginti tantum militibus circumstipatus, au-  
 dit hostes nō solum arcem aggressos, verum  
 etiā muros, atq; turris repagula superasse. eo  
 dū omni celeritate festinat, suos, atq; hostes  
 promiscuē non super mœnia, sed in ipsa ar-  
 cis area dimicantes, vel potius tumultuantes,  
 aut fluctuantes inuenit. Quo viso, elatus ani-  
 mi magnitudine, voce sublimi, inquit, Mei  
 Christiani, Lusitaniq; milites, mementote  
 fidei, patriæ, parentem, mecumque corpora  
 instar martyrum constanter pergite sacri-  
 care. His dictis, veluti leo ore cruore pleno,  
 vibrato ense, in medium cateruæ se protru-  
 dit, huc illucque iter aperiens, suosque veluti  
 oues ex faucibus luporum eripiens, hostes,  
 tanquam pilam, eo, vnde venerant, breui tē-  
 poris spacio reiecit. Interim à parte litōrali  
 tormentis nostris tres triremes euertuntur,  
 vniuscq; puppis confringitur. Qua clade acce-  
 pta, hostes à nauali oppugnatione abstinue-  
 re, interim tamen terrestre certamen magis  
 magisque vigeat, & magna contentione ite-  
 rum in nostros impetus fit hostium. Deniq;  
 extitit atque perseueravit dimicatio hæc ad

spacium quinq; horarum, eo modo, vt sc̃pius  
nostri ab hostibus ad extremum aræ repel-  
lerentur, contrahostes à nostris reijcerentur  
ad turrim vsque, per quam ingressi erāt, quā  
ne transirent, duo hostium duces, à calce ad  
verticem vsque armati ad eius radices versa-  
bantur. A quibus omnes sui milites è turri  
desilientes, aut aggredi eā recusantes, spathis,  
quas vtraq; manu gerebant, trucidabantur.  
Ii tamen à nostris ex arcis pinnis, ictibus ar-  
cubutorum sæpe petiti, tandem oppressi sunt.  
Ab alijs etiam lateribus, in arcem pila, & glo-  
bos igneos hostes deuoluebant, à quibus  
mire nostri læsi fuissent, nisi prouidentia  
Ducis Antonij liberati essent, qui nocte pri-  
diana, hoc timens, super testudines turrium,  
maximam aquæ copiam infundere iussit. In  
qua nostri versantes, plantas pedū ab ardore  
ignis illæsas reservabant. Adeo promiscua  
fuit hæc pugna, vt ex nostris multi glande  
arcubutorū in hostem emissa arcubuto ipso  
per capulum arrepto, capita hostium assidu-  
is ictibus ferirent. Qua dimicatione, sine  
aliqua intermissione durante, compertum  
est vnum tormentum quod camelum voca-  
mus, vnum supra viginti ictus emisisse. Ar-  
cubutarius erat, etiam inter nostros, qui  
nonagies supra centum globos in hostem e-  
iecit. Tandem, Deo fauente, nocteque in-  
terueniente, prælium dirimitur. Hostes se in  
castra

castra magna strage accepta recipiūt, nostris in arce non minore iuxta numerum clade affectis. Desiderati nostrorum eo die fuere septuaginta milites, inter quos decem nobiles numerabantur, trecenti vulnerati, alijq; igne tacti, ita vt duodecim tantum remanserint à læsione immunes. Ex hostibus, vt apparuit, circiter tria millia supra quingentos cecidere, præter vulneratos & igne læsos. In quib. sepeliendis, tota illa nocte, & die sequente hostes incubuere, quod nostri liberè permittebant, nullo ictu tormetorum emisso, vt fœtore cadauerum carerent. Erat autem res incredibilis dictu videre dissecta capita, cerebra, bracchia, tibias, intestina, cæteraq; corporis membra, quæ in arcis fossa prostrata iacebant. Prælio finito, iam profunda nocte, Dux Antonius à Sylueira, cum vidisset hostes iam ad arcem expugnandam amplius non niti, nec ad eam aliquam machinam ad-mouere, custodijs dispositis, omnes suos superstites cibo refici curauit, qui à cœna superioris noctis, ad horam illam vsq; integrum cibum non sumpserant, quod spatiū erat ferme viginti trium horarum. Refectis autem ijs, & vulneribus ipsorum religatis, mortuisque opere mancipiorum, quæ in arce captiua habebant, sepultis, se nobilioribus, quas habebat, vestibus induit, cæterosque itidem facere iubet. Quo facto, canere atque sal-

tare

tare inceptum, cæterisque insequentibus, magnum clangorem, & vocum, & tubarum per totam noctem excitant. Id quidem agebant, ut hostes crederent ipso eo animo atque virtute adhuc esse, qua in principio dimicationis fuerant, inter quas choreas & tibiârû concentus, non risus aut cachinni, sed lachrymæ profluebant, hostias se futuras in proximum haud dubitantes, si denuo oppugnatio tentaretur. tandem finita saltatione iuratum est se in proxima dimicatione ea obstinatione animorum pugnatuuros, ut si Turca loco potiretur, non antea pugnandi, quam vivendi finem facturos, nec unquam passuros, ut vivi in hostium potestatem venirent, cædibus & stragibus ultionem suæ mortis petituuros, eaque victoriam hostibus luctuosissimam futuram, non enim se in spem vitæ, sed ad vindictam mortis certatuuros. Interim nostris in huiusmodi saltationibus, & cantilenis impeditis, Dux certis hominibus, quibus maxime fidebat, iussit ut ex tormentis maritimæ parti adiacentibus, ubi semper minus (quippe latus illud natura erat munitum) imminabat periculi, pulvis adimeretur, ut ex illo cupas ac globos igneos implerent, quo in sequentis diei dimicationem partem eam, qua arx terram spectat, munitiorem tutioremque haberent. Omniam maiorum tormentorû pulvere carebant, præter eum, quo tum tor-

menta

menta instructa erant, quo deficiente, nulla amplius spes defensionis erat. Hanc pulueris penuriam Dux Antonius semper penes se secretam habuit, paucissimis exceptis, ne ab aliquo mancipiorum ex arce fugienti, hostes eam intelligerent. Hac nocte quidam Venetus nauta, pietate veri Christiani affectus, se ad nostros furtim in arcem contulit, qui indicavit Solimanum ob ingentem suorum ac classis iacturam constituisse, nisi illo die, quo ter arcem tentauerat, eam superaret, castra amouere, nauesque conscendere, & Meccham versus nauigare. Quod iam magis cogeatur facere, ob atrocem acceptam stragem. præterea narrabat, ipsum Solimanum mire successisse Coie Coffaro occisi Regis Cambaiz Duci, a quo assererat se circumuentum esse, qui sæpius & coram, & per litteras affirmasset, arcem minime firmam futuram aduersus ipsius potentiam, seq; ulterius habiturum omnes Reges Indie aduersus Lusitanos promptissimos socios. Nam illos vnanimi sententia ipsi pecunias ac copias venienti mittere constituisse. Quæ omnia falsa ac fraudulenta deprehendit. Sed & multa plura dixit bonus ille transfuga, quæ postea vera inuenta fuere. Attamen nostri pro temporis ratione, eius verbis non magnam adhibebant fidem, tametsi hæc audientes animo non nihil refocillarentur, ac aliquid ab extrema illa desperatione remitterent.

terent. Proinde à suo opere non desistebant, vt si fortè rursus hostes ad pugnam redire euenisset, se defenderent. Nocte præterlapsa, dieq; progrediente, hostes (vt prius dictum est) in suis medendis, & sepeliendis occupati fuere, nec ipsi à nostris, nec nostri ab ipsis petiti sunt. Sequenti verò nocte (Dei opera) ecce sedecim illæ Liburnicæ, quas Nonius à Cunha Prorex miserat, aduentant, quæ quatuor millibus passuum à classe Turcica adhuc distantes, ducum consilio, in vnaquaque quatuor luculentas faces erigunt, quæ ob noctis obscuritatem visum hostium quadruplo fallebant, existimantes, pro ignium numero, multitudinem nauium respondere. Hoc stratagemate vsi magna celeritate, clamoreque edito, ac tormētis omnibus crepantibus, impetum in classem hostium faciunt, ac nullo incōmodo accepto, arcis naualem magna omnium alacritate ingrediuntur. Quo inspecto subsidio Solimanus longe plus perterritus, nullo seruato ordine, omnia tormēta, comeatum, castraque integra relinquens, se eadem nocte, in naues cum suis contulit. Et tanta celeritate nauigare cœpit, vt ortosole, nullum eius classis vestigium appareret. Milites regni Cambaiæ hæc videntes, se extra insulam, fluuium tranantes, conferunt. Tantus fuit omnium terror ac timor, vt relictis plus millibus hominum vulneratorum, ac igne

igne læsorum in castris, insuper millib. aliorum, qui prædâdi gratia paulò antè ex castris discesserant, fugerint, qui omnes ad vnũ postea ab incolis, vt nobis gratificarentur, & vt turpia in ipsos perpetrata facinora, vindicarent, trucidati sunt. Nostri ex ea pugna, ingentia spolia, præter omnia tormèta bellica, quæ circiter centum & quinquaginta numero erant, obtinuerunt. Fuga itaq; hostium facta, cõfestim Antonius à Sylueira, celocem ad Proregem Gratianum à Noronha mittit, eiq; res ibi gestas indicat, quæ illum cum tota classe, circiter centum & sexaginta millibus pass. tantum à Dio distantem iam inuenit. Quo nuncio exultantes, omnes gaudio magno affecti sunt, quamquã Gratianus doleret se hostes ante portum non reperisse, nec eorum classem oppugnare posse, atq; gloriam liberatæ arcis reportare. Nihilominus hæc dum accepit, extemplo versus mare rubrum cursum ea intentione dirigit, vt profugos hostes, aut terra aut mari aggrediretur.

*Dorebus, & imperio Lusitanorum ad Paulum Iouium Damiani à Goes disceptauit uicula.*

**H**uiusmodi multa sunt doctissime Bêbe, quæ quotidie à nostris in Africa, Asiaq; pro sacrosancta fide catholica aguntur, quæ si Paulum Iouium Nouocomensem, vi- Paulus Iouius  
rum (vt fatear) doctum, non latuissent, Iouius  
ea quæ in sua Moscouitarum legatione, de-  
ceptus



ceptus cuiusdam Pauli Centurionis Genuensis verbis, scribit, nunquam in lucem dedisset. vbi eundem Paulum iniurijs Lusitanorū accensum, ita asserentem introducit, Lusitanorum nauigationibus, non solum itinera reliquis nationibus in Indiam intercludi, verum etiam omnia aromata, inibi comparata, ingenti quæstu Olisipone, bona dum seruant, corrupta q; prostituunt, venundari. Id autem non dabimus Pauli verbis, vt hanc imposturam agnoscamus. Siquidem singulis annis, à Regis nostri negotiatoribus, omnia ad vnum aromata, quæ ex India deportata fuerint, diuenduntur. Nunquam enim inde tantum aromatum aduehitur, quin facile vertente anno ab Europa absumatur, præter piper, quod in multos annos sine corruptio-ue seruari potest. Nec credo Paulum illum Genuensem ob publicum bonum talia blaterare, sed proprio commodo ad istius verba incitari, propter quod & cæteræ quoque nationes, nostræ inuident nauigationi, potius suum lucrum affectantes, quam propagationem religionis. Porro nos id quoq; quod confiteri nefas non est, emolumētum etiam & opes ex nostris peregrinationibus quærimus, sine quo vix tota Europa sustinere posset sumptus, quos quotidie facimus. Certe vel ob id laudari debemus, quod nō vt inermes negotiatores ad quæstum tantummodo aromatu



matum per Oceanum oberramus, ut multæ nationes Italiæ, Hispaniæ, Galliæq; antiquitus fecere, & modo faciūt, sed exercitibus, & classibus instructi maximo cum metu hostium, non tam pomeria nostræ ditionis, quam Christianæ fidei prorogamus. Nec, ut falsò multi opinantur, ex omnibus nostris navigationibus lucrum elicimus, sed ex pluribus pro religione dimicando, magnam hominū ac pecuniarum iacturam facimus, ut in Mauritania, & Atlantico littore, ubi domitis, & in mancipiorum genus redactis Maomethanis omnibus qui, Lusitaniam occupabant, idque multis annis, confligendo paucis nostrorum copijs. Deinde Castellanis, eorumq; socijs omnibus, ac Gallis, unico prælio ad Scalabitanum deuictis, ac ex regno depulsis, subito Abylam, siue Ceiptam celeberrimam ciuitatem in fræto Herculeo sitam occupauimus. Postea vero Reges Fez & Hesperidum multis conflictibus subactis, Tingidem, Argillam, Alcacerem, Tutuanum, Asaphium, Castellum Regale, ac Assamorum, Titium & Massaganum, istorum Regum patrimonia expugnauimus, & alia oppida, quæ excidijs deleta sunt. Ex quibus locis omnibus nō solum nihil cōmodi Regi nostro accrescit, sed etiam ingens sumptus impenditur, idque cum iactura multorum nobilium, quos ibi perpetuo in præsidio habet. Utinam doctis-

simus ille Iouius ista vnà cum ijs, quæ in Aethiopia à nostris geruntur, perspecta habuisset, vbi nostra opera & sermone potētissimus Rex Manicongri cum toto suo regno (quod in longitudine tria millia millium pass. habet, in latitudine vltra duo millia millium) fidem Christi accepit, eamq; indies magis magisq; colit. Deinde vtinam & id quoq; cognitum habuisset, quomodo in omnibus Guineæ ac Nigritarum regnis, quæ plurima sunt, & ad montes Lunæ ferme vsq;, atq; in regnis Zofalæ, Bennamataxæ, Mocambiqui, Quilloæ, Monbacæ, Melindi, & in alijs, atque in insula diui Laurentij, & vsque ad Arabicum finem, liceat eandem Christi fidem per nos prædicari, atque in latissima Australi Brasiliæ plaga, vbi multas colonias nunc habemus. In quibus Regnis, multi ad ipsam religionis veritatem à nostris concionatoribus perducti sunt. Præterea nostris quoque armis & classibus fit, vt liceat (idque nostris magnis sumptibus) Oratores potentissimi Preciosi Ioannis Aethiopum Imperatoris, tutò in aulam Romanam commearé, ac principis sui verbis, Romanum Pontificem vt supremum Episcopum agnoscere, subditorumque obsequia polliceri, id in mādatis habentes. vt se Catholicæ Ecclesiæ coniungant. Quæ res adeo præclara, vt gratulatione, non odio prosequenda esset, si verè Chri-

re Christi cultores essemus. Iam ut omittam, quo pacto nostri sapius sinum Arabicum pererrantes, Suezium vsq; peruenerint, omnesque ferme eius litorales ciuitates euastauerint, ac templa Mahometanorum incēdijs absumpserint. nec id quidem sine ingentibus sumptibus, ac magna nostrorum lāctura cōficitur, quæstu prope nullo. Rursum quod regnum Adenē. nobis tributarium cum Farataquorum regno fecerimus, sinumque Persicum in ditionē, iusq; nostrum fere totū redegerimus. Vbi regnū & insula Oromuziæ; iā tāquam Lusitaniæ legitima patrimonialia sita sunt. Ad hæc regnū quoq; Cambaiæ, à nobis hoc tempore domitum est, & eius firmissima ciuitas Diu occupatum. In quo loco ingēs classis Sultani Babylonæ, milite etiam Christiano instructissima, ac trecentis Regis Cambaiæ nauibus, quas Attalaias vocamus, & quadraginta Regis Calecutij, quas Parahos nominant, à Prorege Francisco de Almeida anno 1509. profligata est, plerisque nauibus, aut captis, aut demersis cum ingēti hostium clade. Quid hic referam Dacā, Cheul, Dabul, Bandam, ac Insulam Goæ, quæ tota iam Christo patet. Postremo quod ad Reges Narsingæ, Honori, Batecallæ, Otisæ, Deli, Cananori, Callequi, Calecutij, Cochini, Coulani, insulæque Seylani, & ultra Gangem ad reges Bengallæ, Pegui, Syani, &

ad magnam Malachæ ciuitatem, quam primo Alfonsus de Albuquerque; Prorex, ditioni nostræ adiecit (cui etiam debemus Oromuziæ, ac Goæ imperium) & ad insulam Samatræ. Ad lauam quoq; minorem & maiorem, & ad insulas Bandæ, Moluqui, & ad Borneum, postremo ad Chinam, ad Lequios denique nationem vix antehac cognitam, fidem Christi propagatam esse, quod nostri non æstimandis laboribus atq; sumptibus obtinuerunt, quorum Reges, & plures alij, quos omitto, multi se seruos Regis nostri vocant, nonnulli tributarios, & confederatos, alij amicos, apud quos siue ex fcederatorum genere sint, siue ex numero dedititiorum, ab Herculeis columnis vsq; ad Chinam & Lequios per omnes prouincias maritimas, nobis autoribus, fides Christi celebratur, ita tamen, vt alibi id liceat colloquijs & sermonibus, alibi publicis concionibus, nonnullis in locis phana quoq;, & templa religioni Christianæ dedicentur. Nunc certe *in omni terra exiuit sonus, & in fines orbis terra verba eorum*, & spes est longius sensim ad mediterranea, fidem Christi propagatum iri, & Christo fauore, & nostrorum prædicatione. Quibus rebus omnibus cōsideratis, & quod Rex noster à principio nauigationis nostræ in Indiā, cogatur perpetuo alere, tam in Mauritania, quā in ipsis Indijs, & in alijs quoque prouincijs, ordi-

*Psal. 18.*

ordinarium & perpetuum exercitum, 20. ferme millium militum, quos sumptus domesticis opibus tolerat, nullis ad hoc ab amicis auxilijs corrogatis. His adijce classem plusquam trecentarum omnis generis nauium, quas nunquam otiosas, sed in perpetuis expeditionibus occupatas habet, vt iam non enumerem extraordinarios sumptus, quos ad subita bella facere cogitur, nam quæ superius recensui, impensæ pacis & tranquillitatis sunt, non bellorum, quæ subinde alijs ac alijs in locis gerenda sunt, dum aut fines tuetur, aut socios protegit, aut fines imperij promouet. Quis piorum Christianorum nõ designat nos maledictis laceßere, considerans ad tot sumptus sustinendos magnum omnino requiri lucrum? Quod sane nobis inuidere non debent, sed potius augere, aromata nostra carius emendo (quanquam à nostris semper vilius vendita sint, quam olim à cæteris nationibus vendebantur) vt ea pecunia Maomethani defacie terræ (quando alij Christiani principes inter se dimicando Christianã ditionem neglectui habent) deleantur, & sacrosancta fides passim ac tutò prædicetur. Hæc omnia si ille bonus ac doctus Paulus Iouius sciuißet, nõquã aut de quæstu nostro inuidiam mouisset, aut corrupta aromata pro integris vendi asseruisset, quippe cum edicto Regis, placitisque totius regni mucida, adulterinaq; semper

per crementur, id quod dum puer ab intimis cubiculis prudentissimi Regis Emanuclis essem, sæpius vidi Olisipone fieri. Cæterum, si qua istius rei culpa est, ea apud solos istos tabernarios, propolas, & institores hæret, quibus nihil sancti, nisi quod cum lucro coniunctum est, in quos animaduertendum esset, nam ij omnium generum mercimoniorum corruptela verissima sunt. Hæc si Iouio compta fuissent, non nostras laudes arroisset, sed benigna prædicatione celebrasset, quod illi ob terribilissimam eloquentiam & facile, & expeditum fuisset. Hæc ad Diem. oppugnationem, de nostrorum Lusitanorum gestis, obiter adieci, uti per te (cuius amplitudo summa est) gratiam aliquam, & commendationem huic disceptatiunculæ nostræ conciliarem, quo illa ex tua autoritate maiorem ubiq; fidem emeretur.

Vale.

DAMIANI.

D A M I A N I A  
GOES EQVITIS LVSITA-  
NI, DE BELLO CAMBAICO  
SECVNDO COMMEN-  
TARII TRES.

Serenissimo Principi Ludouico  
Lusitaniæ Infanti, Damianus  
à Goes, S. D. P.



*IRVM est, quàm semper cum atate  
accreſcant labores, & deficientibus  
paulatim virib. maiora negocia incū-  
bant, siue id arcano quodam natura  
motu, numiniq; imperio cōtingat. si-  
ue voluntate nostra id vltro ſuſcipiatur, vix certum  
cōſtitui poteſt. Mihi certè euenire viden, quò propior  
ad ſeneſtutem vergo, eò plura offerri, quæ ſcriptis ad  
æternitatē commendari debeant. Ea enim ſunt facta  
præclara noſtræ gentis, ea magnitudo varietasq; re-  
rum, ea nouitas inſularum climatumque, vi ſi de-  
nud aliquis Homerus exurgeret: poſſet non incom-  
modè ex rebus Luſitanicis, & Iliados & Odiffeæ  
argumentum non fabuloſè, ſed ex vero componere.  
Sed hac fortæſſi aliàs tentabimus. Nunc, quæ proxi-  
mè acta ſunt ad Gangē intuenda ante Diēſi, deſcri-  
bere propoſitum eſt Ex quo. n. tua humanitas, Prin-  
ceps clariffime, & in bello gerundo Dux ſtrenuiſſi-*

me, nobis recitauit literas Ioannis Mascaregna Dien-  
 sis arcis Praefecti, laureatas, & triumphorum argu-  
 mentis plenas: non potui mihi imperare, quin arrepta  
 calamo, octioq; excusso, eius rei commentarios consi-  
 cerem. Quem laborem merito, fortasse ob nonnullas  
 lucubratiunculas subterfugere potuissemus, quippe  
 qui iam pridem emisimus (quod mihi non ad iactan-  
 tiam ingenij, sed ad testimonium laboris dictum ve-  
 lim) priorem illam Diensem oppugnationem, vbi in  
 fine opusculi adiuncta est nonnulla disceptatiuncula  
 cum Paulo Iouio viro disertissimo. Deinde fidem, mo-  
 res, potentiamq; Aethiopum (qui sub Ioanne Precio-  
 so) siue (vt nunc loquimur) sub Ioanne Presbytero  
 degunt, scripto prodidimus. In quo libello, vice Coro-  
 nidis, deplorandam Lappiorum ad glaciale Oce-  
 anum degentium calamitatem, Paulo tertio Pontifici  
 proposuimus. Prater ea Hispaniarum vires, opes, fec-  
 unditatemq; libro complexi sumus. Hisce commen-  
 tatiunculis, licet quasi fatigatus rudem mihi, etsi non  
 in perpetuum, saltem ad tempus postulare possem: ta-  
 men vbi noua gloria nostra getis de Turcis parta, me-  
 um animum denud accendisset, in re noua nouum ve-  
 getumq; animum ad scribendum indui. Quod si nobis  
 pro animi alacritate par ingenij vis & eloquentia co-  
 pia suppeteret, melius sese proderet hominibus rerum  
 gestarum amplitudo, quam fortasse alius alias pra-  
 stabit. Nos contenti erimus, vt summa fide rem tra-  
 damus, vt, si lector non audiat ex nobis, quanta sit  
 claritas magnitudoq; istius victoria, animo saltem  
 concipiat, & vicunque imagnetur. Caterum hoc  
 quic-



quicquid est libelli, tibi dicatum voluimus, Princeps inclyte, cuius felici consilio, bellica hæc negocia domi forisq, rectissimè tractantur. Quod sanè iam antea satus te declarasse in Tunetensi expugnatione, omnibus compertum est, vbi Carolo Quinto, cognato & sororio tuo, in difficilioribus negocijs præsid semper adfuisi, & præsens tuam animi excellètiã, virtutem, & rerum bellicarum peritiã vniuerso orbi innotescere voluisti. Quum igitur id & à te & à clarissimis fratribus tuis Ioanne Tertio, inclytissimo Rege nostro, & Henrico Cardinale reuerendissimo agatur, vt æternum in India sit Lusitanorũ imperium: non putauit hunc librum de rebus Indicis, tibi iniucundum futurum, præsertim si in mentem veniat, vt inter legendum necessum est venire, quam fortunam auspiciũ Regis, quas vires tua in bellis peritiã, quid tutela, Cardinalis in prouidendo sagacitas, ad hanc victoriã contulerit, & quid in posterum iisdem effici & sperari posset. Accipias igitur sereno placidoq, vultu hanc nostri deuoti pectoris operã, quod te facturum pro tua humanitate nequaquam addubito.

Vale.

V S

DAMIA.

DAMIANI A GOES  
EQVITIS LVSITANI, DE BELLO  
CAMBAICO II. COMMEN-  
TARIVS PRIMVS.



Ollatorũ beneficiorũ, pluma le-  
uior est gratia: cõtrà, offensarũ  
memoria, tenax & diuturna, ob-  
liuionẽ nõ finit obrepere: nec tã  
expẽdit, iure ne an iniuria sit le-  
sa, sed vulnus tantum modò suum adspicit, &  
acri dolore ad vindictã, per æqua, per iniqua,  
contendit. Cuius rei euidentis exemplũ patuit  
in gente Cãbaica, quã à nostris hominibus,  
multis affecta beneficijs, oppressa earum re-  
rũ memoria, cladẽ (quã sub Antonio à Syl-  
ueyra sua culpa acceperant, dum Diense prẽ-  
sidium, cui ille per id tempus præerat, infeli-  
cibus armis tentant) quasi acceptam iniuri-  
am noua oppugnatione vlcisci statuerunt: id  
quò melius succederet, belli consilia, quan-  
tum possent, tegere, arma opesq; ad id clãm  
comparare, vt imparatis vel per insidias ob-  
reperẽt, vel aperto Marte, ex præparato gra-  
uius adorirentur. Sed Ioannes Mascaregnas,  
cui arcis custodia demandata erat, vir nõ mi-  
nùs sagaci, quã forti pectore, omnia olfacere  
ac procul sentire, eorũ consilia conatusq; ex-  
plorare, omnia pro tẽporis angustia cõpor-  
tare

tare ac præparare, quæ ad vim hostium propulsandam necessaria existimabat.

Author porro, cõflatorq; istius belli, Coius Sopharus fuit, homo natione Italus, sed qui spreto Christiani nominis sacramento, Mahumeticæ sectæ se addixerat, dux veteranus, ac in primis belli peritus, cõsilio manuq; promptus, cuius mentionem in superiori opugnatione Dicens fecimus. Hic adolescentẽ Mamudiũ Sultanũ ad arma instigare, nec sinere eius animum, à commemoratione occisi ad Diũ auunculi, conquiescere. Fuit autẽ is, Baduris Imperator Cãbaia. Nõ debere eius manes in ultos relinqui, & eius (vnde regnum acceperat) mortẽ negligi, pertinere id ad ipsius ignominiam & familię dedecus, ac totius gẽtis infamiam: exiguã manum Lusitanorũ, facillẽ posse per bellum finibus excuti: Indignum prorsus, maximũ regẽ premi seruitute alienigenarum, dominatũ conspicerẽ in regia, regnum deniq; & religionem in periculũ venire: se, quicquid haberet viriũ, quẽ profecto exiguæ nõ essent, libẽter huic bello associaturũ. Vincitur hisce admonitionib. iuuenilis animus, ac de sentẽtia suorũ, bellũ decernit, belliq; summa Sopharo cõmendatur. Is claculũ, partim ex regijs opibus, partim ex suis, magnos exercitus cõparare, neq; ius religionemq; fœderis, initi ab interfecto Badure cũ Prorege Gratiano Noronha, quicquã curare.

Prin-

Principio igitur finitimos reges legationib. ad societatem vocare, spesque periculaque ostentare, quorum plerique nostrum imperium perosi, arma iungunt, alij magna promittunt, alij se integros ad euentum belli seruāt.

Quæ dum maximo silentio ex vtriusque consilio aguntur, fingit Sopharus Dienſium ciuitatem sibi ab Imperatore Mamudio dono datam esse. Quæ res eo verisimilior videbatur, quod & alia in ditione Cambaie oppida, vel gratia vel precio obtinuerat, è quibus vnū est Surrato, munitissima ciuitas ac propemodum inexpugnabilis: ideoque intuenti reliquam eius viri amplitudinem & gratiam, absurdum non videbatur, tale donum in virum tantoperè apud suos excellentem, collatum fuisse. Cuius impetratio ideo facilior apparebat, quod ea ciuitas subinde nunc Turcarum, nunc Lusitanorum armis expugnata, incerti fluctuantisq; dominij esse videbatur: spesque erat, si Sopharo tradita fuisset, eius industria & viribus facile contra alienas opes defendi posse. Rebus ad istum modum constitutis, Sopharus literas ad Ioannem Mascaregnam mittit (cuius amicitia valde familiariter utebatur) de sua felicitate, tanquam inde magnoperè gauisurum: indicabatque, se iam non animo tantum, sed corpore quoque cum amico summo coniunctiorem fore. Simul Legatis opera data est, vt vires nostras  
copiasq;

copiasq; explorarent, hominemq; orarent, ut ipsius pace liceret aliquot cohortes in urbem introducere, ut in rebus nouis ea manu tibi principatum confirmaret, populumq; in officio contineret, nè vel contra se, vel cōtra Christianos aliquid molirētur. Ipse interim clām militem accersere, bombardasq; noctu in urbem conuehere: Mascaregnas contrā: rē frumentariam expedire, necessariisq; in arcem comportari iubere, Lulitanosque qui in oppido agebant, clām admonere, ut cōmeatum & quicquid haberent, vnā secum in arcem deueherent. Dum igitur infidiæ altrinsecus vel instruuntur, vel cauentur: nuncij aduenientes referunt, totum regnum Cambaiæ esse in armis, ingentes exercitus cogi Arabum, Abessinorum, Phartachorum, Mogorum, & Turcarum, ad quadraginta millia: machinas item bellicas bombardasque omnis generis, inter quas erant quinque basilisci, (vastæ id magnitudinis tormentum) ad arcis expugnationem comportari. Mascaregnas cōtrā (ut est homo rei militaris peritus) omnia dissimulare, ac per literas Sopharo gratulari, quod Regi ex merito charus esset: se probè cognoscere, quæ ipsius essent beneficia in regnum Cambaiæ, ac in primis gaudere, ipsius virtutes debitis præmijs, si non ad plenum, (nam maiora esse illius merita) saltem aliqua ex parte compensari: De milite



In oppidum introducendo, se illius iuri non intercedere, tantum caueret, nè id sibi Christianisq; perniciosum esset. Cæterum, vt de tempore constet, acta sunt ista sub finē Martij, anno 1546. Pauca igitur cohortes palàm, cæterę clanculùm in vrbem intromissę sunt. Mese Aprili maior adhuc copia armatorum superuenit, quorũ pleriq; Turcici generis erant. Enimuero iam Sophari animo res matura videbatur, neq; differenda vltius initia belli, dum hyemis intemperie, quæ per ea tempora sæuire incipit, nulla subsidia Christianis à prorege Indiæ summitti possent. Mascaregnas autē (magis ac magis se quotidie aperiente bello) de hoc tumultu, summa celeritate ad Ioannē Castritium proregem Indiæ (qui id tēporis Goæ agebat) nuncios mittit, vt cognosceret, quo in metu res cōstitutæ essent: se cōtra tantam vim nō nisi ducentos quinquaginta milites in præsidio habere. Eadē indicātur Hieronymo Menesio, & Antonio Sosæ, Bazaini & Chaulij præfectis. Liburnica quæ eos deueheret, ad id negocij expedita, simul in mandatis datum, vt commeatum quē hostis ex illis locis deuectur⁹ esset, intercepterēt, ac naues ea causa illuc missas retinerēt. Sopharus porro quinq; millib. Turcarũ, Abyssinorum, aliarumq; gentium vrbem ingreditur: quē circiter triginta millia latomorum, calorum, lixarum, cæterorumque qui

Castren.

Castrésibus vsibus mercenariam operá præstant, in sequebátur. Aderat etiá Rumecanus Sophari filius, quem rex Mamudius bombardarum omniú, machinarú, tormentorumq; negocijs præfecerat. Statim igitur ab ingressu suo nuncios ad Mascaregnam mittit, orans, ne de subito eius aduentu, copiisque militú, aliquid sinistri opinaretur: rebus duris & regni nouitate ad talia consilia còpulsus esse, ægrè ferre oppidanos mutationem principis, nec imperium sibi in tanta maleuolentia, sine armis tutum esse posse, ipsumq; aded scire, quàm scelerata ingenia incolarú essent, quàm prona ad seditionem: Testari igitur illius conscientiam, orareque, ne, quod pro se necessariò faceret, contra amicum fecisse crederetur: Se inter bonas suas fortunas, hæc pro summa computare, quòd tam charú caput, iam non ex longa intercapedine, sed de proximo visurus esset. Quod si per suspensiones à colloquio arceretur, ipsum tamen experimentis cogniturum; quod fortassè iam persuaderi non posset: scilicet, quàm sanctum illi sit ac religiosum ius veteris amicitia.

At Mascaregnas his nuncijs auditis, tametsi doli non ignarus, dissimulatione tamen pro tempore vtédum arbitratus, Simonem Pheú virum solertem, prudentemque ad eum per speciem gratulandi mittit, sibi que aduentum eius

eius gratum esse, causamq; tanti satellitij probam videri renunciat, seq; nunc auidè expectare, vt desiderata toties familiaritate, iam nunc deinceps multo frequentique vsu sese explerent. Sopharus hominem magnificè excipit, exceptumque cum ijs mandatis remittit, vndè nihil præter causas belli affectare videbatur: in fœdere esse scilicet, quod Mamudius cum Prorege Gratiano Noronh perculserat, vt liceret murum excitari ex aduerso arcis, qui iniurias militũ præfidiariorum ab oppidanis intercluderet, quò quiescentibus hinc inde offensis, pax bona conseruari posset. Tentantam esse quidem eius muri ædificationẽ, sed armis Emanuelis Sosæ opus prohibitũ fuisse: nunc cupere se, quod ex fœdere liceret, bona eius gratiã absolvere: Sin secus animatus esset, se contra vim armã oppositurum. Ad hæc placere suo Regi, vt liberum sit ius nauigandi, tã in rebus exportandis, quàm aduehendis, & vt cuique integrum sit, merces suas deferre quò vellet, neque eiusmodi commeandi authoritatem a Lulitanis petendam esse; Non enim regem potentissimum eam indignitatem seruituris ampliùs sustinere posse: scire Lulitanos, quæ vires essent eius Imperij, ipsum tamen potiùs per gratiam ab illis petere, quod armis obtinere posset: proinde ne grauarentur amicitia dare, quod necessitati fortassè dadũ esset. Magnificare Regem



gem Lusitanos, ac dempta seruitute amaturū quoque, sociumque ad omnes necessitates futurum: alioqui ius sibi armis ereptum, armis questurum esse. Viderent igitur, nè, dum iniqua retinent, omnia amittant: se hoste, omnia circumcìrà hostilia futura: ipsos esse interclusos hyeme ab omnibus suorum subsidij, manum exiguam esse intùs in arce. Hęc se denūciare regis sui nomine, se (quod amici est) Mascaregnam admonere, nè bellum perniciosum in se suosque excitet: vitaret eam flammam, quæ semel exorta, Lusitanicas res in India in cinerem absumat. Quòd si æqua negentur, deos hominesque testes facere, se inuitum, ruptis fœderibus, ad bellum cogi: proindè faceret ipsum quamprimùm certio-rem, vt quod in manibus esset quamprimùm conficeret. Mascaregnas, ad Sophari postulata, optimum quenq; vsu & etate prudentissimum, in cōsiliū adhibet, de quorum sententia tale responsum per Simonem remittitur: Ea quæ ad innouandas vel mutandas pacis leges spectarent, ad se suamque cognitionem nihil pertinere: proindè ab ipso ea petenda non esse, ad quæ concedenda nullum ius haberet. Solummodò id imperio Proregis statui posse, quod ipsum pro diuturna cū Lusitanis consuetudine minimè omnium latere posset; rogare igitur, vt Mamudius legatos super ea re ad Proregē mittat, nec ante

X

respon-

responsum (quum dubium sit, an quod velit impetraturus sit) arma moueat. Proregem id temporis Goæ agere, neq; longè distare, non longam in medio moram futuram. Quòd ad muri ædificationem pertineret, se mirari, quur cum tãta manu ad hoc negocij à Mamudio sit missus: Posse enim eius rei curam quæstoribus vrbis committi, quibus ne ipse quidem suam operam subtracturus esse, modò ijs locis construatur murus, quibus inter Mamudium & Gratianum conuenisset. Quod si designati limites obseruètur, rectè illũ facturum: sin. vel duos digitos vltra fundamenta opus promouerit, se non solũ illi, sed ipsi quoque Imperatori Mamudio impedimento futurum. Verũ vt constaret, quanto opere abhorreret à causis belli, fœderibusq; violandis, superesse exemplar scriptarum de pace legum, idq; se nunc ei per Simonem legẽdum mittere. Simon igitur cum istis mandatis in castra venit, antigraphumque Sopharo in manus offert. Quod quũ ille legisset, statim cum magna animi vultusq; indignatione in plurimas partes discerpfit, Legatumq; contra ius gentium in vinculis asseruari iubet, neq; vltèrius oppugnationem differẽdã censet: quocircà ad vigesimam primam mēsis Aprilis, magna vi arcem aggreditur. Diēsis autem arx rupibus & cuneata fronte in litus procurrit, ab vna parte fluuiò, ab altera

verò sinu maris alluitur: Reliqua aditum habent ab oppido, quà validissimis aggeribus fossisq; quaquauersus à fluuio ad mare vsquè cingitur. Porro in fluuij alueo turris munitissima cōstitit, eoq; inexpugnabilior, quòd nisi summo & incitatissimo maris æstu adiri nequeat, tum enim tenues vndas ad arcem perferri: Difficultatem loci ea quoque partē bombardæ adiuuant, quæ hostilem classē aduentantem, faciliè crebris iaculationibus deprimant. Ex alio verò latere, limoso solo & humili aqua circūcingitur, vt neq; pedib. neque nauculis, immò ne lembis quidē possit adiri. Inter medium arcis turrisque, spatium solummodò nauigationibus idoneum est, sed obnoxium vtriusq; munitionis bombardis.

Ab ea igitur parte, qua demonstrauimus arcem ad oppidū respicere, & perpetuo dorso continuari, quæ sola obsidioni opportunior videtur, summa vi Sopharus oppugnationem tentat, ac in tumulo arcis vicino, (ex quo maxima ipsius pars arcis conspicitur) ex cōgestu aceruisq; lapidum, sine calce vallum miræ crassitudinis erexit, & ad imas operis radices, apertis inibi fenestris relictis, bombardas apposuit, supernè propugnaculum istud corona pinnarum amplexus est, iustoq; præsidio protinùs instruxit, & vt tutum ab iniuria nostrorum iaculorum asseruaret, gossi-

pinis sarcinis vndecunq; muniuit. Quo opere ingenti festinatione intra vnā noctem confecto, albente iam in diem cœlo, arcem omni genere telorum oppugnare cœperunt.

Dum hæc aguntur, Ioannes Mascaregnas feruos, mulieres, ac pueros, militari operæ inutiles, nauibus quorundam mercatorum Lusitanorum, Bazainam & Chaulium euntibus, auehēdos tradidit. Naues itē duas (quas Indi Catures vocant) summa celeritate armari iussit, vt oram maritimam legentes, hostes commeatu prohiberent. Quæ mandata impigrè facientes, obnauigatis littoribus, nō longo deindè temporis spatio reuersę, etiam in hostium oculis quatuordecim naues, mercibus & commeatu onustas, intercipiūt. Quo, factum est, vt iniquiore multò annona aduersarij vterentur. Et vt res suo ordine, certisq; functionibus ageretur: arcis stationes Mascaregnas hoc pacto distribuendas existimauit. Ioannem Almeidam turri & propugnaculo diui Iacobi (quod in superiori oppugnatione, crebris Turcarum iaculationibus corruerat) tutorem assignauit: Loduicum Sosam, turri D. Thomæ: Aegidium Cottinium, turri D. Ioannis: Antonium Pezannam, turri D. Georgij. quæ supra nouam arcis portam sita est: Ioannem Verzeanum, mesopyrgio minori: Alphonsum Bonifacium, turri, quæ D. Iacobi propugnaculo imminet:

minet: Antonium Rodericum regium quæstorem, mesopyrgio maiori: Antonium Fregrum legatum, turri supra veterem portam sitæ: Singulis fermè istorum, ad stationũ custodiam, viginti traditi milites sunt. Nam tũc temporis arci maiores defuere copię, & militum inopia summoperè laborabatur. Præfecti autem isti, ea quę ad arcis, suarumq; turrium defensionem pertinere existimabant, summa cura & studio pro virili die noctuq; faciebant. Eodem tempore paulò supra illud vallum, quod hostes excitauerant, non minori firmitudine aliud quoque versus mare excitârũt, cui etiam aliud simile adijcitur: eoque flexu anfractuq; murus deducitur, vt opus magis labyrinthicum, quàm alterius generis esse videretur. Idq; eò factum est, vt septis illis flexuosis à nostrorum telorum iniurijs protegerentur. Et quãquam nostri hostium conatus omni perseuerantia contentioneque impedire contendissent, nihilominus eo muro curuo sinuosoque progressi ad manus iactum, proximè arcis mœnia consistunt.

Indè ex congestis lapidibus aliud opus cõficiunt, tredecim pedum crassitudine, sed à tergo validissimo aggere suffultum, quod à ripa ad ipsum littus deducunt, castellisq; cõmuniunt. Indè (vt loci natura ferebat) ex castello in castellum cõtinuatis munitionibus,

arx penitus vallo circumdatur, in iisdemq; ca-  
 stellis omne telorum bôbardarumq; genus  
 imponitur. Itaque opere finito, atriùs solito  
 arcem sæpè tentabât. Interea Mamudius Re-  
 gio comitatu stipatus, ciuitatē (operis vifen-  
 di gratia) ingressus est. Dum hæc ab vtraque  
 parte agebantur, per exploratores certior fit  
 Mascaregnas, decreuisse Sopharû, turrim, q̃  
 nostri in fluuiio, vt demonstrauiamus, sitam  
 habent, inuadere: collectis ad id ratibus, vnâ  
 cû naue oneraria perquàm magna, cuiusdam  
 sectæ Mahometanæ mercatoris, quâ in por-  
 tu ad eos vsus retinuerat. In que tabulatû e-  
 ius altitudinis, quòd turris supremum tabu-  
 latum æquare posset, extruere curauit, quod  
 circumquaque pluteis (vt nostrorum iacula  
 repelleret) sic confirmauit, vt nisi summa  
 ope expugnari posset. Re cognita, Mascare-  
 nas Iacobo Lacteo, quem nauibus illis dua-  
 bus, quarum antea meminimus, præfecerat,  
 negotium committit. Is maximo silentio, ta-  
 citoque remigio oppidum versus naues suas  
 noctu eduxit. Verùm antea quàm immine-  
 ret onerariæ naui, quam incêdio delere pro-  
 posuerat, aquarum strepitu & murmure,  
 quem remi excitabât, cauere nō potuit, quin  
 insidias suas excubitores hostiū perciperent.  
 Quare clamore sublato, totus exercitus in  
 armis prosiliuit. Id quâ nostris esset anim-  
 aduersum, celeri cursu in nauem impres-  
 sionem

sionem faciunt, ignemq; inijciunt. Sed quum  
 incendiū ex voto non succederet, & hostes  
 impetum in nostram classem facere conarē-  
 tur, viginti circiter milites ex nostris hostiū  
 nauem cōscendūt, funibusq; ancorarijs præ-  
 cisīs, remulco, vno solo milite læso, nauem  
 ipsam ereptam (hostib. contrā nitentib.) an-  
 te arcem deducunt, ibiq; igne iniecto, penitus  
 absumunt. Quæ res Sophari animum nō pa-  
 rùm fregit. Nam proposuerat eam turrim  
 antea capere, vti facilius arcem, loci eius com-  
 moditate adiutus, expugnaret. Neque sanè  
 temere eius rei concepta spes, quoniam capta  
 turri illa, subsidiaria nostræ naues ad ar-  
 cem appellere, non nisi cum summo discrimi-  
 mine & labore valuissent. Hæc ea nocte, quæ  
 diem Paschæ Seruatoris nostri præcedit, acta  
 fuere. Nostri igitur, dum de redempto hu-  
 mano genere salutiferum diem, & iam de ho-  
 stium clade lætum festiūm q; miris gaudijs  
 ouationibusque celebrauere, Ipe omnino e-  
 recti sunt, tanquā in cæteris quoq; victores  
 futuri. Quum igitur negotium in eo statu ef-  
 set, & perseueranter hostes in arcem impetū  
 facerent, idque non sine vtrorūque clade, ob-  
 tormentorum assiduam iaculationem, &  
 hyeme instante nostri de subsidio fermè de-  
 sperarēt, decima octaua Maij, Proregis filius  
 natus minor Ferdinādus Castrius, cū octo mi-  
 norib. lōgis nauibus, (incolæ Catures vocāt)  
 diffi-

328 DE BELLO CAMBAICO II.  
difficilioribus vsus tempestatibus, ante portum apparuit. Nauium præfecti, Georgius Vascogoncellus, cui duas ex eo genere nauium Prorex ad littus Cambaicum explorandum commiserat, Frâciscus Almeida, Petrus Lupius Sofa, Antonius Cugna, Diodocus Siluius, Diodocus Reinofus, cognomento Soto maior. Quibus appulsi, frustrâ se obijciente hoste, per pseudothyron siue clancularium ostiolum, quod in minori brachio muri adaptum fuit, nullo accepto damno, læti in arcem, cum ingenti omnium gaudio, recipiuntur. Post quorum aduentum, militem iubet Mascaregnas recenseri. Inuenti sunt fermè quadringenti quinquaginta, omnes ferè illustri loco nati, manu strenui, & ad vsus bellicos satis commodè instructi. Pro copia igitur auxiliorum, plures stationarios singulis locis deputat, omnibusq; quid agendum ibi, quauè ratione excubandum esset, exponit. Post Ferdinandi Castrij aduentum, Mamudius & Sopharus naues instruunt, quibus, nè aliud subsidium ad arcem accederet, prohibere nitebantur. Hæ aliquot ex nostris com meatum in arcem deportantes, intercepterunt: nonnullas etiam fugæ se mandare coegerunt. Verùm huic hostili classi, ingruente iam atq; adeò ingrauescente hyeme, necessarium fuit portus obsidionem relinquere, vt subducta in terram, à procellis tuta esset. Superiùs de-

mon-



monstratum est, Mamudium Cambaiæ regem, muro absoluto, turribus vallisque instructo, operis visendi causa in oppidum venisse. De cuius aduentu certior fit Mascaregnas, per captivum quendam, quem sex milites nostri à Ferdinando Caruallo, præfecto illius turris quæ in fluvio est, ad hostilia castra exploratum misit, in ipsis aggeribus interceperunt, quare ob aduentum regium ingentia signa lætitiæ, bombardarum tonitru, tubarumque classico edita fuere. Rex autem vigesima quinta Iunij, manè ante solis ortum, oppidum ingressus est. Qua hora tres iustæ magnitudinis testudines, nostri super hostium vallum erectas, dubijs oculis utcunque animaduertunt, subterque eas ingentis formæ basiliscos tres, munitiones quoque ac castella quoque versus ad confligendum, nova ratione composita. Quibus vix, dilucescente crepusculo matutino, plenè cognitis, confestim hostes ad turres diuorum Thomæ, Iacobiq;, & ad murum iisdem turribus interiectum, effusissima glandium iaculatione contendunt. Mascaregnas autem, quum quorsum ij animum applicuissent, animaduertisset; eas turres vnà & murum, intrinsecus aggeribus validis obuestiri curat, turrique diui Thomæ, quam cuniculatim suspicabatur hostem cedere constituisse, transuersis cuniculis, incredibili labore industriaque succurrit, ac ex

ipsa turri, hostiū testudines, basilisci leonisq;  
ictibus impetere iussit. Quæ res summum  
detrimentū aduersarijs intulit. Veruntamen  
ad quinq; dierum spatium, iaculatione hosti  
um continua, telorumq; assiduitate concussa  
turre Thomæa, tandem finditur, pinnæque  
Iacobææ fermè omnes mutilatæ. Neq; id ta-  
men sine hostium exigua noxa. Nam qui  
turri D. Thomæ præerant, hostium duobus  
basiliscis deturbatis, tertium in partes fran-  
gunt. Nec id rursus absq; nostrorum pericu-  
lo factum, quum nullo intermisso tēpore, in  
ipsam turrem tanta glóborum copia deuol-  
ueretur, vt ex ijs qui stuppam ignitam bom-  
bardis admouent, nemo præ metu id ad mu-  
neris se præstò exhibere auderet. Neque id  
mirum, quum tanta dexteritate hostes ineu-  
tabilibus ictibus iacularentur, vt si quem no-  
strorum ad bombardarum fenestras intue-  
rentur, subito quinque sexue globos rectà  
in illum conijcerent. Præterea tormentum,  
quod in sublime globos euomit, (mortariū,  
vulgò dicitur) tantæ erat magnitudinis, vt  
glandes torqueret octonū in ambitu palmo-  
rum. Hoc è regione turris D. Ioānis, loco de-  
cliui collocauerunt. Huius impulsu & con-  
cussione tantus terror à nostris cóceptus est,  
vt quoties globus desuper in arcem irruere  
inspiceretur, de se quisque actum esse, ani-  
mo præfagiret. Is enim cuius industria nego-  
cium

cium hoc tractabatur, eius artificij erat, ut nullum vnquàm iaculum frustrà emitteret, sed omnia introrsum in arcem reciderent, Quo artifice (ut ex captiui postea scitum est) ictu bombardico à nostris interempto, hostes in demortui locum, alium sufficiunt, de cuius opera idem sperabant, sed frustrà. Nam quum arte careret, globi quos in nostros dirigebat, imperitia mittentis, in ipsorum castra corruerant. Quo errore imperitiaque mittentis, ex suis tribus occisis, à mortarij iaculatione in totum superfederunt. Præter hæc omnia hostes duas testudines nouo rursus labore, è regionè turris D. Ioannis, quæ cæteris angustior infirmiorque erat, excitauerunt, à qua ad Iacobæam vsque, totius belli vires applicare constituerant. Quibus singulis singulos basiliscos, ac alias item machinas bellicas accommodat eo numero, quem necessitas ipsa requirere videbatur. Itaque opere constructo, eodem die acriter vitro citroque prælio dimicatum est. Inter pugnandum, globus ex arce emissus, iuxta pedes regis Mamudij, quendam eius cognatum occidit. Qua re territus rex, vndecimò ab aduentu suo die, castra deseruit, ad Madabam regiâ ciuitatē se cōferens: inde militē & necessaria exercitui expediturus. Ipse autē siue timore, siue alia de causa, postea reuerti noluit.

noluit. Discedēs verò, Iuzarcano viro & potenti, & virtute summa, summaq; prudentia prædito, (cuius consilio & solerti opera tum in re bellica, tum in rebus alijs plurimis utebatur) regiam legionem attribuit, & belli vna cum Sopharo negotium commisit. Post regis discessum, hostibus adhuc in continuo labore perseverantibus globorū assiduitate, D. Thomæ Ioannisq; turres vna cum mesopyrgio euertuntur. Cuius molis ruderibus fossa oppletur. In eo vallo (cuius antè meminimus) turris vnde quaque cratibus vimineis circumsepta, intus oppleta saxis & cespitibus, (nonnulli frondeas, alij corbitas vallares appellant) ab hostib. in sublime educitur. Hanc iuxta arcis fossam ea erigunt magnitudine & altitudine, vt liberè, quid intus ageretur, conspicerent. Quamobrem nullibi nostris tutò consistere aut versari licebat. Cui detrimento Mascaregnas vt succurreret, tum quòd ob fossæ profunditatē cuniculis obrepere, suffodereq; eam non poterat; tum etiam quòd saxa rupesque, in quibus illa arcis pars extructa est, impediabant: introrsum ( vt locus patiebatur) turriculam ad eam altitudinem ædificat, qua hostium turrim nostri manualium bombardarū globis commodè impetebant. Indè vtranq; turrim nostri qua poterant virtute defendebant. Huic turriculæ Antonium Pezannam curatorem esse voluit, qui sua

annona, suoq; sumptu, quadraginta milites  
 sibi ad eam custodiam attributos alebat. Sta-  
 tionem autem, quam antea asseruabat, Ioan-  
 ni Verzeano commisit. Eo tempore nō pau-  
 ci desiderati, & permulti in arce vulnerati  
 fuere. At hostes, quum se interdū non satis  
 vtiliter manus operi admoliri viderent, no-  
 ctu quicquid poterant, exstruebant. Quem  
 eorum successum Mascaregnas, candelabro  
 ad id ingenti accenso, impediēbat, cuius splē-  
 dore omnes qui vel vallum aggrediebātur,  
 vel materiam portabant, cōspicui facti, icti-  
 bus bombardarum patebant. Interea loci tu-  
 mulus ingens, terra, cespite, lapideq; consti-  
 patus, in templi atrio excitatur, cui basiliscū,  
 tutelæ alioqui portus destinatum, superim-  
 ponunt: cuius iaculatione turris cratea in tā-  
 tūm quassabatur, vt nemo hostium ad eam  
 accedere ampliū auderet: veruntamē quum  
 ipsoꝝ numerus indies augetetur, vicit mul-  
 torum ac integrorum semper recens labor,  
 paucorum & ex continuo opere exhaustoꝝ  
 exiguitatē. Itaq; vallo ad ipsam arcis fossam,  
 quo per gyrum ab utroq; cornu cingebatur;  
 absoluto, cuniculis instar muscutorum, quos  
 palmarum truncis frondibusq; argilla per-  
 mixtis desuper contegebant, nē à flamma v-  
 rerentur, ad fossæ crepidinem perueniunt.  
 Cui operi per sexaginta dies summo studio  
 & labore hostes incubuere. Eoque vigesima  
 Iunij

Iunij finito pro voto, cuniculatim ad fossam pertingebant. Indè ex asseribus appèsis canales deriuant, quos ne nostri bombardis saxilue dissiparent, tignis duplicatis corijsque còtextis integunt. Quia contignatione inoffense die noctuque rudera, lapides, & omnis soluta materies in mediam fossam, turrib. Duorum Thomæ, & Ioannis interiectam, defluebat: idq; ea arte, vti nostri præter effluentem materiam, neminem ibi conspiciere possent. Quin neq; ij qui fossam ipsam opplebāt, quenquā infernè superneue videre poterāt. Intermedijs istis tēporibus, noctū assidue ex stationib. hostiū atroces iniuriæ verborum nostros prouocabant, ignauiam illis obijciētes, quur, si strenui fortesq; milites sint, conclusi, tanq̃ pecora inter munitionū septa teneātur, idq; ad imperiū imbellis ignauiq; du eis? Nā Antonium à Silueyra, si eiusmodi miliribus, tamq; rei militaris ex tā lōga assuetudine bellorum peritis, præfuisset, nunquam passurū fuisse, quin aperto & libero Marte, singulis contra singulos dimicantibus, suam quenq; virtutem ostendere permisisset. Cōtrā, sub hoc duce, superiore arcis oppugnatione nullum egregium specimen à quoquam ipsorum præbitum esse: conclusos tantū murorū obicib. quicquid egerint, ex insidijs dolosè, non vera virtute, egisse. Quousq; tandē imbellem hunc ducem pateretur? Quas verborum

borum iniurias Mascaregnas prudēter diffimulanterq; ferebat, suorū militū raritatem, & quorsum hostes tēderēt, facilē cognoscēs. Attamen nē prorsus responso carerent, in eā partem, qua voces audiebantur, missilia omnis generis quocunque enētū dirigi iubebat. Erat in imo arcis vestigio posticum secretū, iussu Diodocij Lupi Sose iam pridem cōstruētum, ex quo ad fossam latentes aditus aperiebātur, id sub ruderibus tanquā inutile, obrutum obtectumq; iacebat. Hoc nō segniter Mascaregnas purgari & refodi imperat, foribus postibusq; robustissimis communiens. Indē materiam collapsam, quo poterat silentio, furtim subripiebat: atque ita hostiū per totas noctes continuum laborem, sola diurna opera frustrabatur. Qui cū in fossam respicere nec possent, nec auderent, bolide per canalem demissa, cumulum explorabant, cuius eminentior pars fermē iam ad canalē ora peruenerat. Hoc cumuli fastigiū, summa diligētia, nē corrueret, Mascaregnas prouidebat, nē furtum suum palām fieret, vti hostes eo labore impediti, nullas alias rationes oppugnandi tētarent, tantū astu conatus ipsorum eludens, rudera ex tumuli base suffurabatur. Quæ quum multorum studio & labore agerentur, assiduitate abspōtādi fodiendiq; fieri nō potuit, quin ipsius cumuli fastigium sensim collaberetur. Ob id factum,

factum, quum ab hostib. bolis postea demissa esset, & funis quo appendebatur, latiùs solito sese distenderet: animaduerterunt se tandem miserè frustrari. Qua re attoniti, cumulum oculis (omni periculo posthabito) contemplari constituunt. Ibi nostros in ipsa fossa occupatos vident, virosq; protinùs telis de super incessunt. Vbi inter alios Antonius Frærius legatus, iaculis confossus, occubuit. Accerrimè igitur vtrinque, donec nox superueniens conflictum dirimeret, ad fossam dimicatum est. Senescente sub tenebras pugna, secundum posticum Mascaregnas lapideum musculum vsque ad rudera per noctem producit, quem trabibus asseribusq; desuper impositis, terraq; accumulatis, ea ratione firmavit, vt tutò reliquam in fossa materiam inde aucherent. Itaq; vnus noctis instanti opera, laboreq; continuo, munitione illa absoluta, quum manè ab hostium excubitoribus cerneretur, rei nouitate turbati, ad Sopharum concurrunt, remq; ei omnem aperiunt. Ille stupefactus, nostrorumque pertinacia solertiaque admirabiliter attonitus, se cum omni celeritate ad stationes proripit. Ibiq; vt rem oculis cõtemplaretur, capite (vt postea compertum est) super manum dexteram reclinato, extra murum gutture tenus emicuit. Stupefactus deindè, & desperatione æger, sui que immemor, dum longiùs quam sibi expediebat,



bat, deliberabundus subsistit, bōbardæ glo-  
 bus fortè fortuna ex arce demissus ipsi-  
 us manum integram vnà cū sincipite raptim  
 abstulit, ipse verò subitò ex vallo mortuus  
 concidit. Cuius mors, vti suis funebris & ca-  
 lamitosa, sic nostris perquam optabilis fu-  
 it. Erat enim Sopharus (vt si quis alius) pru-  
 dens, sagax, cautus, vaser, rerum gerendarum  
 peritissimus, militaribus verò stratagematis  
 nemini suo tempore cedens. His naturæ do-  
 tibus, infestissimum in nos odium coniun-  
 xerat, viresq; suas quotidie augebat, quū eum  
 intelligerent vero animo, deserta religione  
 Christiana, ad Mahumetum defecisse. Nec  
 dubium, quin si diuturnior ei vita contigis-  
 set, nobis victoriam difficiliorem  
 impeditioremque fe-  
 cisset.

Y

DAMIA.

D A M I A N I A  
GOES EQVITIS LVSITA-  
NI, DE BELLO CAMBAICO  
SECVNDQ COMMEN-  
TARIVS SECVNDVS.



Oio Sopharo interfecto, aliquot diebus lāgidiū hostes in opere versabātur. Variæ enim sententiæ militem distinebant. Nā pars castra mouenda sentiebat, nec temerè amplius bello pernicioso incumbendum esse iudicabat. Alij verò de ducis electione hæsitabant, nec Rumecano Sophari filio parendum arbitrabantur: Ceteri regis voluntatem suffragiumque expectandum censebant, vt quem ipse vellet, ducem constituerent. In quam sententiam tandem est itum. Itaque protinùs ad regem hac de re nunciij dimittuntur, eoq; iubente, Rumecanus præpositus exercitui, & belli imperator pronuntiatur. Qui celeriter, summaq; diligentia & continenti labore, quinq; subterraneos musculos fodit, quos in eam partem, ex qua nostri per posticum (vt demonstratum est) de fossa rudera furabantur, nouo fabricandi ordine ac ratione dirigebat. Sed quum pervim tormentorum, opus à nostris impediretur, eximijs palmarum truncis ad

ad ruinas illius turris (quam crateam vocauimus) duas ligneas turres tænijs intertextas cū tabulatis extruxit, quibus testudines binas apposuit, & sub testudinib. singulis singulos basiliscos collocauit, quorū iaculis deturbatis nostris, hostes ex aduerso postici ad labra marginesq; fossæ penetrarunt. Eō quū ventū esset, super musculum, per quem nostrī materiē in fossam deiectam subripere cōsueuerāt, tantā lapidū saxorumq; vim prouoluunt, ut penitus musculi cōpages dissolueretur. Quo labente, territi nostrī, sauci q; nonnulli, pedem referre coacti sunt. Hostes indē liberius, fossa superata, omnem ruderum lapidūq; colluuiem in eam proijciebant. Itaq; negotio multorum, laboreq; assiduo, semper manu maiore ad opus confluente, posticum omninō obrutū sepelitur. Quo obstructo, quum nostris ampliūsvsui non esset, maiore hostes vli libertate, fossam rudere adimplebant. Eo ipso tempore, quum permulti ex nostris, vulneribus egritudinibusq; affligerentur, & non pauci morte confecti essent, Mascaregnæ aliam celocem expedire necessarium visum fuit, cui Ioannem Cælium arcis sacerdotē præfecit, ei q; literas ad Proregē & Præfectos præsidiorū Baziani Chaulijq; dedit, quibus subsidiarias copias omni celeritate mittendas esse indicabat. Alioqui, si festinationē adhibere desisteret, nostro Indico impē-

rio summum periculū imminere. Hostium enim numerum indies augescere. Eodē ipso tempore, quo naus illa cum nuncijs euecta est, quatuor millia selectorum regis Cambaiæ militum in castra venere. Quorum aduentu læta festiuaq; ibi omnia, & hominū tympanorumq; strepitu vndique personare, copiasq; illas (quasi recenserent) sub oculis nostris in acie disponere, ac tandem agmine cōposito circū munitiones immani clamore ac barbaro, quasi si victoriam in manib. certam haberent, ad arcem contendere. Sed ictibus tormentorum pessimè accepti, impetum temerarium represserunt. Interea dum ista fiūt, ab incepto opere nihil remissum est, sed continuo labore illam fossæ partem, quæ ad turrim D. Ioannis pertingit, (quam diximus Aegidio Cotinio commissam esse) lapide, rudere, omniq; materia complere, atque iuxta Thomæam turrim malos eius altitudinis erigere, vt cacumina eorum nostras munitiones excederent, ijsq; malis asseres scandulasq; loco scalarum ex aduerso clauis affigebant, atque ita sursum ascendere conati. Nostri verò ignibus & acri pugna illis occurrere. At hostes cōtrà, harpagonibus materiam valli nostri diripere, magnoque periculi cōtemptu scalas complere. Contra istam hostilem pertinaciam, nostri aliam rationem defensionis instituūt. Fasces ligneos caudicales ferro

ferro cónexos, catenisq; colligatos, commixta interiùs pice, resinaq; , aliaq; omni materia, quæ ignem faciliè corripit, & diutiùs alit, alios super alios supernè iniiciebant, ijsque ignibus permultos ex hostibus combussère. Quod tamen si sæpiùs hostes fieri viderent, eque tamen in labore persistentes, pro nihilo nostrorum conatus facere: reiectoq; timore, suos qui ibi aut icti, aut deusti cadebant, de fossa deducere: alios protinùs in demortuorum locum sufficere. Et quoniam opus multorum subsidium requirebat, oppidanos mulieresq; etiam ad id negotium cogere, materiamque ad fossam comportare. Quo operarum continenti labore, (nam numerus quadraginta millia excedebat) tumulum ex terra palis ligonibusque eo studio inuehunt, ut quanquam ex arce persæpè globis hastisque impeterentur, tamen istiusmodi cladibus ab incepto deterreri nequiverint. Itaq; post id temporis per supremâ musculorum partem ligneas testudines duplicibus elephantorum corijs conglutinatas promouent, super quas (quum iam ex materia, quam hostes accumulauerant, prorectæ essent) per tumulum, què demonstrauimus palis deportatum esse, aliæ meant testudines, quibus defensi, ex fossæ labro in murum concurrere satis commodè valebant. Cui insuper operi à lateribus duos hinc inde fortissimos pluteos instar parietû

obiiciunt, quorū munitione iacula ac cætera  
missilia turrium Diuorū Ioānis Thomæque  
cohibebātur. Quotēpore tā assiduè ex hostiū  
munitionib. iaculatum est, vt nostri tum ob  
incredibiles labores, tum propter immensas  
vigilias, resistere nulla ampliùs ratione pos-  
sent. Sed antea quam hi plutei excitarentur,  
Mascaregnas suspicione permotus, hostes  
cuniculatim velle ambas has turres subuertere,  
transuersis cuniculis periculū rei anteuer-  
tit. Hostes deniq; quum propinqui sub mœ-  
nibus agerent, ad propugnaculum D. Ioānis,  
specum inter durissimas rupes malleis exci-  
dunt, per quem deni pariter viri non incom-  
modè ingredi valebant. Priori Commenta-  
rio diximus, Mascaregnam inter duas prædi-  
ctas turres interiùs aliam subsidiariam con-  
struxisse, ex qua quadraginta milites telis spi-  
culisq; commodè ambabus succurrere pos-  
sent, atq; huius custodiā Antonio Pezāne tra-  
didisse, & ea que illi priùs cōmissa fuerāt, Ioā-  
ni Verzeano cōcredita esse. Nā is suis militi-  
bus, quos adhuc integros fermè omnes habe-  
bat, & turri illi, & minori mesopyrgio sub-  
uenire poterat. His ergo itā in suis stationib.  
manere iussis, Antonium Rodericū quæsto-  
rem Ferdinando Castrio, qui infirmiorē ar-  
cis partē tutandam susceperat, locium adiun-  
xit, vt simul vigilias & hostium impetum a-  
lacriùs sufferrent. Hostes verò nouo astu, &

muro



muro (ut diximus) dirupto, arcem segenius solito infestabant. Senescente igitur in ea parte hostili contentione, noctu Simonem Phæum hætenus in vinculis habitum, ad munitiones nostras producunt, qui alta voce Rumecani nomine rerum statum, & quam proximi cladi essent, declararet. Quapropter si dedere se vellent, & arcem sine sanguine inoffensè tradere, Rumecanum omnibus liberum exitum com meatumq; permissurum: Naues etiam (si nobis eius rei penuria esset) bona fide daturum: Sin secus animati essent, esse in proximo omnium interitum eligerent, vtram partem mallent. Quod si belli potius quam pacis, fortunam approbarent, se sequenti die arcem, omnibus collatis copiis, inuasurum. At Mascaregnas his auditis, eum statim discedere iubet, & in comites deductoresq; si pedem referre nollent, omnes barbaras sese exoneraturum minatur. Diceret igitur Rumecano, ipsius aduentum assultumq; quocunque in tempore optatum expectatumq; fore. Hoc sermone habito, omnia hostes tormentorum globis complere: quorum improvisis ictibus, duo de nostris (qui, ut Simonem Phæum rectius audiret, murum ascenderat) interempti sunt. Itaque hostes nullo tempore remissa contentione, decimam nona Iulij sub occasum solis, arcis muros, quos penitus suffoderat, denuo impetunt, idq; tanta animi præ-

sentia & obstinatione, vt nostros de salute sua propemodum in desperationem adduxerint. Sed ope & opera Ferdinandi Castrij, illi qui murum conscenderant, erant autem numero triginta, omnes viri nobiles, vt ex habitu apparuit, interfecti sunt. Quod videtes hi qui istos sequebantur, morte ruinaque suorum consternati, ab oppugnatione refugiunt. Qui tametsi sepè à mœnibus reiecti essent, magnis acceptis calamitatibus, nihilò tamen minùs tempus, quod oppugnationi idoneum existimarent, remittebant, sed continuo labore opus illud (quo cõfecto, arcem omniũ simul impetu aggredi proposuerant) absoluebant. Eo itaq; pro ipsorum arbitrato finito, fossa que sic ad votum exæquata, ad eò vt nullo negotio ex munitionibus in muros rectà pergere liceret, per omnia oppidi phana noctũ sacra faciunt, seq; suamq; vitã Mahumeto ad omnia pericula deuouent, deierantq; se, nisi capta arce, redituros non esse. In his sacrificijs, vti ex voto litarèt, per summam religionem copiosè luminaria per vicos omnes & compita incenderũt. Quo ignium splendore Ferdinandus Caruallus turris illius Præfectus, quã in fluuij alueo habemus, quum homines cateruatim ad templa concurrere animaduertisset, rei nouitate permotus, ad Mascaregnã eodem momento scapha clanculũm traiecit. Qui, re cognita, omnes admonet,



admonet, præsentique vt sint animo, adhortatur. Vigiliis distribuit, eosq; tota nocte in armis esse iubet. Ea nox D. Iacobi vigilijs sacra erat. Sequenti igitur die, quæ fausta ac bene ominata hominib. Hispanis erat, propter Hispaniarum patronum D. Iacobum Apostolum, duabus horis ante luciferi exortum incenia inuaduntur, impetusque ab hostibus in arcem fit, quapropter protinùs signo dato, ad muros concurritur, D. Iacobum per summam alacritatem multa acclamatione celebrantes. Ibiq; maximo armorum strepitu & acri pugna dimicatio incenditur, in qua Ludouicus Sosa iuuenis strenuus, Thomæ turris Præfectus, aliquot de suis militibus impigrè pugnantes amisit: nam illum locum omnibus rationibus expugnare decreuerant aduersarij. Sed iuuenis tum maiorum suorum exemplis, tum generosa suamet indole erectus, locum inter summa pericula cædesque promiscuas, magna animi præsentia, vitæ sanguinisque contemptu defendit. Interea loci, quum Mascaregnam, vt omnibus locis succurreret, rei necessitas huc illuc versaret, vigiles qui ad maritimum arcis latus excubabant, quum loco ob scopulorum asperitatem minùs timerent, relicta custodia (vt dimicantibus interessent) ad prælij locum sese conferunt. Quo tempore, siue casu, siue quòd solitudinem animaduernerat, quæ

estus defluuium, mareq; decrescens hostibus commode inseruiret, qui vbique locorum excubabant, Iuzarcani milites selectiores numero sexaginta, in scopulis tacite positis scalis, rupem conscendunt, iisdemq; sursum in murum translatis, omni silétio profiliunt. Quos quum duo milites qui per arcem concursabant, splendore ignis conspicerent, protinus ad Mascaregnam procurrun, quæ vnico puero signum anteferente comitatum reperiunt, eiq; alta trepidaq; voce arcem ad littoralem partem ab hostibus occupari vociferantur. Quibus silétio imposito, nè re cognita qui prælio aderant, animo deijcerentur, ad eum locum quem hostes occuparant, sese proripuit: ex iisque qui nuncium attulerant, alterum socium assumpsit, alteri imperat, vt omnes quos in arcis plateis inueniret, ad se remitteret. Itaq; quum ad occupatum locum ventum esset, hostes ad sexaginta intra mœnia depræhendit. Quos vix discernere licuisset, nisi globi & amphoræ ignitæ, quæ vltro citroque ad aliud arcis latus iaciebantur, splendorem aliquem præbuisent. Iam eorum fermè viginti supra domorum tecta cõscenderant, ibique duobus militaribus signis erectis assidebant. Cæteri verò domos ingressi, quicquid obuiû erat, diripiebant, cumque mulierculis animo consternatis (quasi iam rerum potiti) minaciter colloquentes,

tes, pecunias exigebant. Quarum nonnullæ virilem animum ex necessitate induentes, correptis in manus hastis, iam non muliebriter eos extra tecta pellere contendebāt. Mascaregnas autē nonnullis militibus iam stipatus, in hostes impressionem facere, omnesq; qui tecta conscenderant, humi detrudere: illi contrā, coacta manu, acriter pugnare: tandem plurimis interfectis, vno viuo capto, de mœnibus sese præcipites dare, sed scopulis acutis, præruptisq; saxorum inter cadendum excepti, omnes miserè dilaceratis membris interiére. Hac re antediei crepusculum gesta, p̄tinùs se Mascaregnas ad stationes cōtulit, inibiq; quū iā ad nostros victoria inclinaret, sed præ lassitudine lāguidiùs aliquātō agerēt, novos illis spiritus sua oratione iniecit. Quare prælio redintegrato, pugna denuò recrudescere cœpit. Tandē hostes, remissiùs solito resistentes, receptui canunt. Sed quū lucescente die suorum cladem oculis discernèrent, quorum permulta cadauera, truncata & miserè lacerata, in fossa iacebant: dolore & ira perciti, tanquā vefani furentesq;, denuò in nostros inuolāt, eodemq; quo cœperant impetu, ad quartam diei horā dimicatū fuit. Sed tandem nostri ad plenum victores euaserūt, quanquā nō sine multo suorū sanguine. Nec solū viri ea victoria, verū etiam muliebri audacię attributa fuit: Nā inter eas matronas,

nas,

nas, quæ militibus ad stationes (oppugnatione durante) necessaria apportabant, nō pau-  
cæ inuentæ sunt, quæ sagittis alijsq; missilib,  
læfæ, tragulas & spicula propria manu euel-  
lerent, ac vulneribus obligatis, cruentæ etiā-  
num, ad eadem munia quasi integræ inta-  
ctæq; recurrerent. Hoc certamine circiter  
mille hostium, præter vulneratos, cecidisse  
constat. Inter quos etiam occubuit Iuzar-  
canus dux. In cuius locum fratrem eius natu-  
minorem, Mamudius gratitudinis & libera-  
litis ergo, suffecit, eiusdemq; dignitatis no-  
men ac titulum attribuit, vt Iuzarcanus vo-  
caretur, Marchionem ipsorum linguâ signi-  
ficante hoc vocabulo: omnem insuper fra-  
tris ditionem ei concessit. Ex nostris autem  
faucij quæ plurimi fuere, desiderati septem-  
tantum, quos Mascaregnas tubarum clangore,  
sonituq; tympanorum, necnō hominum  
cantu, festa solemnitate potiùs quàm lugubri  
mœstitie in templum deportari sepeliriq;ue  
curauit: partim, quòd de religione Christiana ita  
meruerat, vt mors illorum in conspectu  
Domini preciosa, epinicia, & martyrum  
hymnos potiùs, quàm lugubres exequias &  
tristes nēnias requirere videretur: partim, vt  
militum animos erigeret ista in tam arctis  
rebus alacritate, & in mortuos gratitudine.  
Simul vt intelligeret hostis, rem sibi cū ho-  
minibus esse, qui non modò suorum morti-  
bus

bus animo non conciderent, verum etiam mortem huiusmodi, tharam optatamque haberent. Secunda ab hoc prelio die, pomeridiano tempore, hostes iterum ab illa ipsa parte, quam antea oppugnauerant, arcem inuadunt: sed alacriter obfistentibus Ferdinando Castrio & Ludouico Sosa, non absque nostrorum tamen iactura & sanguine, repulsi fuere: qui etiam supra trecentos de suis, quum de loco recederent, vulneribus confossos, mortuosque reliquerunt. In istis angustiis quum nostri de subsidij mora admodum quererentur, quarto Calendas Augusti, celox quâ Mascaregnas Caelium sacerdotem Bazanum & Chaulium suppetias petitum emiserrat, arcis æstuarium penetrauit, atque per nouem strenuos milites qui in ea venerant, intellectum est, literas quas ad Proregem scripserat Mascaregnas, omni sedulitate per certum nuncium Goam esse transmissas. Huius celocis aduentu, quum hostes id quod erat suspicarentur, nimirum, subsidium breui expectari: celeritate utendum esse, ante aduentum nouarum copiarum, iudicarunt. Quare sequenti die circa meridiem, quum nostri a continuis laboribus interquiescerent, & qui in excubijs erant, minus cautè stationibus inuigilarent, hostes de improviso in arcem incursionem faciunt, moeniaque tanta celeritate ac promptitudine conscendunt, ut nostri,

ferè

ferè perterritis omnibus, finem totius belli  
 adesse existimarent. Sed Franciscus Almeida  
 cui excubias agendi cura ad Thomæā turrim  
 obuenerat, non amplius quàm viginti quin-  
 què militibus succinctus, impetum hostium  
 viriliter admodum sustinuit. Tandè nostris  
 accurrētibus, tam atrociter tribus aut eò plus  
 horis pugnatum fuit, vt nūquam antea atro-  
 cius. Tandem supra octingentos ex hostibus  
 iugulatis, receptui Rumecanus dux summi  
 in eo exercitu imperij, canere iubet, atq; in si-  
 gni hac accepta clade, in castra se recepit. De  
 nostris verò aliquot interfecti sunt, vulne-  
 rati & igne ambusti non pauci. Hoc tempore  
 omni victus genere nostri angustè admodū  
 utebantur, præsertim carniū, quarum tāta  
 erat inopia, vt gallina vna in ægrotantium  
 dietam, decem aureis ducatis venundaretur.  
 Eodem ipso tempore, Mamudius certior fa-  
 ctus, quàm sinistram sui in omnib. oppugna-  
 tionibus fortunā habuerant, Moiatecanum,  
 qui à se primū dignitatis locum in regno Cā-  
 baico obtinebat, cum quatuordecim milli-  
 bus selectorum militum Diū mittit. Post  
 cuius aduentum, hostes consilio inter se ha-  
 bito, cuniculis omni materia incendiaria re-  
 pletis, arcē funditus euertere statuerunt. Sed  
 summa & vis cōsiliij in hoc erat, ne nostri qd  
 ab ipsis ageretur, persentiscerent. Ergò in  
 Thomæā turrim, & in alterā D. Ioannis, quæ  
 vltra



ultra veterē fossam producta, hostium muni-  
 tionib. erat vicinior, cuniculos agere cœpe-  
 runt. Et vt nostros res ea lateret, hoc astu &  
 stratagemate sunt vti: latomorū multitudinē  
 sub telludinib. ad frontē eius, pugnaculi a-  
 gūt, vt fundamēta murorū cōtinuò indefati-  
 gabiliq; labore excauarent, strepituq; maxi-  
 mo agerēt, malleorumq; fragorem, strido-  
 remque ferramentorum summum ederent,  
 nimirum vt nostrū militē ista fallaci specie  
 circūuenirent. Existimabant enim, nostros,  
 quum eam rem tantis studijs agi viderent, cō-  
 omnes cōcursuros, animosq; ab dissimulata  
 oppugnatione verisq; periculis ad inanē o-  
 stētationē discriminis auersuros esse. Nec eos  
 sua fefellit ratio. Nostri. n. hostilis consilij i-  
 gnari, eos qui turrim à frōte malleis acutis, p-  
 scindebant, qua poterāt vi proturbabāt: sed  
 quum ea defensio, summa pertinacia & cla-  
 more vndique ageretur, factum est, vt per  
 summū strepitū obtuso auditu, quæ infernē  
 agebantur, nec audire, nec percipere nostris  
 sicuerit. Itaque quū pro voto ab hostibus cu-  
 niculi acti essent, decima Augusti, qua die D.  
 Laurentij martyriū, Christi Ecclesia celebra-  
 re cōsuevit, hostes tubarum clāgore tympa-  
 norūque vehemēti sonitu sese mutuò adhor-  
 tātes, agmine composito, signis militaribus  
 præcedentibus, in arcis mœnia prorumpūt,  
 ac vehementiūs solito, globos amphorasque  
 igneas

352 DE BELLO CAMBAICO II.  
igneas intrò proijciunt. Nostri verò ad oppugnatum locum protinùs concurrunt. Ibi quumtā diù pugnatum esset, quò ad animaduèrterent hostes, penè potiorè militum partem ad mœnia cōuenisse, simulato timore, receptui canunt, ac de fossa & mœnibus in castra se recipiunt. Quā festinata fuga, vti in sueta, & si malleorū antea facta de industria concussio, fragorq; ferramentorum ostendisset, potius hostes viam latiorè in arcem aperire velle, discussis mœnibus, quàm cuniculis denuò aditus tentare, quū id paulo antè ad Thomæam turrim infelicitè tētauerant, vbi cuniculi eorum transuersis cuniculis excepti subrutiq; à nostris erant: Mascaregnas tamen suspicione adductus, Lusitanis qui super Thomææ turre testudinè consistebāt, (ad cuius radicem ipse dux defatigatus adsidebat) imperat, vt nulla vti mōra, inde vniuersi abscedant, ac expedito nuncio eos qui supra muros turris Diui Ioannis agebāt, monet, vti protinùs se de loco amoueant, suspicari se, nouos cuniculos esse instructos, quibus ignem iniicere confestim hostibus propositum sit. Qui dicto non audiētes, sed prudentissimi ducis spreta monitione, conclamant plus sibi animi, maiore rei militaris experientiam esse, quàm illi, qui per summum timorem eos ad discessum hortaretur. Itaque quum detestabilis temeritas eos  
cuncta-



cunctabūdos exitiabili mora implicaret, hostes ignem in eo loco vbi cratea turris constructa fuerat, pulueri tormentario imponunt. Qui recto tramite, sicut dispositus erat, vjam relegens ad cuniculos, quum fauces intimas penetrāset, vbi omnis incendiaria materia recondebatur, vniuersam fabricæ molem vno momento dirupit, ac per summam vim, ipsam Diui Ioannis turrim integram ab ipsis fundamentis in altum proripuit, ac omnes quosibi infausta fortuna retinuerat, in sublime elatos, tanquàm minutulos filices disiecit. Quo miserrimo euentu circiter septuaginta strenui milites interiēre, quorum pars in fossam, pars in hostium stationes, fermè omnes fracti dilaceratiq̃ue ceciderunt. Insuper ij, quos infelix casus in hostium castra integro corpore traiecerat, quanquàm igne fœdatis omnino, & exanimis vitæ incommodis cessissent, minutissimè ramen ab hostium gladijs hastarumq̃ue mucronibus, tanquàm eam poenam sensuri essent, dissecti fuēre. Hoc horrendo spectaculo, illud memoria dignum visum est, illis quos pulueris & ignis vis in aërem expulerat, hastas clypeosq̃ue non antea de manibus defluxisse, quàm deficiente, ac omninò euanescente anima, cadauera ipsa deorsum præcipitata relaberentur. ex ijs porro qui super turrim in hac calamitate constiterāt, viginti

Z

tantum

tantum ignibus ambusti, viui remanserunt.  
 Notos equites Lusitanos desideratos esse cō-  
 stat, Ferdinādum Castrium Proregis filium,  
 adolescentem summa spe, summaq; indole  
 pręditum. Ioannem Almeidam, Ludouicum  
 Mellum, Diodocum Soto maiorem, Anto-  
 nium Rodericum quæstorem, Aegidiū Co-  
 tinium, Diodocum Reinosum Soto maiorē,  
 Aluarum Ferrariā, Rodericum Sosam, Lau-  
 rentium Fariam, Ioannem Brandanū, Geor-  
 gium Almeidam, Tristanum Sosam, Francis-  
 cum Lupium, Gratianumque Ferracium. At  
 Mascaregnas (q, vt demonstratum est, iuxta  
 Thomæ turris radices assidebat,) quū incē-  
 diū, ruinā, & occasum turris D. Ioannis mo-  
 mento temporis conspexisset, summa celeri-  
 tate, quindecim militibus comitatus, eō se  
 proripuit. Quò quum ventum esset, ne vesti-  
 gium quidem veteris illius formæ deprehē-  
 dere potuit. Nihil ibi in oculis, nihil sub con-  
 spectu, nisi parietū rudera lapidesq; permix-  
 tim puluere mēbrisq; mutilatis, ac sanguine  
 humano tincti. Inter quæ promiscuē nōnul-  
 la corpora adhuc exhalantia, & cum morte  
 conflictantia, non absq; mœrore & horrore  
 in tuentiū conspiciebantur. Quæ dum subi-  
 tō indè eximere nostri satagunt, vt pro ritu  
 Christiano sepelirentur, derepēte hostes per  
 eūdem ipsum labefactatū locum, impressio-  
 nem faciunt. De quo tam vehementer vtrin-  
 que

que cominùs pugnatum est, ut sola nox prælium diremerit. Qua nocte, etsi plures de nostris iam occubuerant, permulti faucij, omnibus verò & defatigatis, & de accepto infortunio mœrentibus: Mascaregnas tamen, virorum mulierumq; opera, murum subitarium sexdecim palmorum crassitudine, in veteris turris ruinis ex soluto lapide construxit, quem absolutum ante solis ortum, hostibus conspiciendum non sine magna admiratione obiecit. Illi cōtra, alio erecto muro, Thomæam turrim deinceps cuniculis, quando ea res benè successerat, deijcere contendunt. Sed quum nostri alijs obiectis cuniculis, illorū conatib. obuiam ijsent, re intellecta, in alterum turris latus se transfusere, quod nostri cuniculi pertingere non poterant, & suffosso turris frōtispicio, quatenus à nostris præpediri nequibant, ignem operi nondum perfectō, apposuerunt. Quo incēdio quartā fermè turris partem euerterunt, ac protinùs in dirutum locum inuolantes, de superioribus rudera ad se ferreis hamis attrahebant, quibus sensim defluētibus, angustior multò fiebat locus, quem nostri supernè adhuc retinebant. Quod quum à Mascaregna animaduersum esset, bombardas quæ ibi reliquæ erant, indè tolli iubet. Sed quum vix centū milites illæsos integrosq; haberet, eosq; in vnū aliquem locū aliundè euocare periculosum

esset, omnium stationibus hoste imminente, eò factum est, vt basiliscum ac leonem quadraginta virorum diurno nocturnoq; labore indè extrahere nunquam valuerit. Hoc tempore tria mancipia ex arce profugerunt, hostibusq; indicium fecere, quanta nostro esset raritas, quantaq; omnium frugum & annonæ penuria premerentur. Quorum perfugarum sermonibus, nouo cõcepto spiritu, iacobæam turrim cuniculatim, igne ad suppositam materiam adiecto, penitus evertunt, quæ in prouum vergens, tota versus hostium stationes ruinam traxit. Hostes igitur protinùs per ruinas se proripiunt, vbi, quam nostri egregiè resisterèt, locum tamen euincunt: ac militaribus signis ibi erectis, arcis aream transcendunt, templique D. Iacobi partem mediam præoccupant, ibique aliquot diebus ea sorte cominùs dimicatum est, vt modò templum penes nostros, modò penes hostes fuerit. Sed quum de singulari proprioq; domicilio, ac de ipsis aris & focis ageretur: viribus omnibus adhibitis, nostri in sacrarij fornice, murum construxerunt. Atque ità templi diuiso, alij ab alijs intersepti, in ipso templo quisque pro suo ritu sacra faciebat, religionemque numinum colebat.

(. . .)

DAMIA-

D A M I A N I A  
GOES EQVITIS LVSITA-  
NI, DE BELLO CAMBAICO  
SECVNDQ COMMEN-  
TARIVS TERTIVS.

**I**teris Mascaregnæ, opera Hieronymi Menelij præfecti præsidio Bazaini, Goam delatis, quibus arcis discrimen nunciabatur: Ioannes Castrius Prærex, omni studio quatuordecim minores longas naues expediri iussit. Cui classis Aluarum Castrium filium suum præfecit. Is diui Iacobi solenni die è portu soluit. Et quanquam hyemis vis illic eo tempore asperius sæuit, nihilominus tamen secundo vento Bazainum enauigauit. Quo in loco Franciscum Mensesium reperit, quibus infeliciter iter auspiciatus, difficilioribusque usus tempestatibus, in portum remeârât. Quod iter, collatis in vni classibus, quum sæpius têtatum esset, nec pro voto successit: iubet Alvarus Castrius, (quum, in quo statu res Dieneses versarentur, probè sciret) vt classe dissociata, nullo seruato ordine, seorsim vnusquisque Diu, qua posset ratione, peteret. Itaque separatim illis nannigantibus, ventis plerunq; obstantib. primi

omnium vnica naue Antonius Monizius & Gratianus Rodericus Tabora, Diēsem portum ingrediūtur. A quibus, de propediem affuturo subsidio magno, cū gaudio factus certior Mascaregnas, protinus eandem ipsam nauim Aluaro Castrio obuiā remisit, in qua paulo pōst ad portū Ludouicus Mellus Médoza applicuit, quem Eduardus Menesius Pereira, Comitis Feriensis filius, iuuenis impiger ac strenuus subsequutus est. Post quorū accessum, ad turrim D. Thomæ (cuius potior pars, vt demonstrauius, corruerat) acriter bello dimicatum est. Sed preualentes hostes, loco potiti sunt. Quamobrem infensus Mascaregnas, per omnia discrimina insequentī die hostium vires ad eundem locum tentare fortioriꝫ manu inuadere proponit. Itaq; selectis militibus, de improuilo impetum fecit. Deturbati igitur hostes, saucijꝫ nonnulli, inter fugiendum classico suis signum dedēre. Quo audito, protinus ex castris & ex oppido totus exercitus concurrat. Ac quamuis pluuia & imbribus subitō ingruentibus, impedirentur: hastis tamen, gladijs, sagittisꝫ dimicatu est, propemodū ad vesperā, quo tempore quum se nimbi remisissent, ad bombardas & igneā materiā itum est. Sic vtrobiꝫ clade copiosē illata & accepta, quū septē ferme horis pugnatum esset, nostri tandē locum recuperant. Per id tēporis, duæ celoces

appu-



appulerunt, ducibus Ioāne Athaidio, & Frā-  
 cisco Guillermo. Hostes porrò post hanc re-  
 pulsam, igne deinceps per sulcos cuniculares  
 inmisso, murum, qui turri Antonij Pezanne  
 cōtiguus erat, funditus euertunt. Cōtrā Ma-  
 caregnas omni ope resistens, in hostes came-  
 liacula effundit, alterumq; statim firmiorē  
 murum intrinsecus excitauit, etiam ipse hu-  
 meris lapides materiamq; comportās. Id ho-  
 stes animaduertentes, è regione & ipsi alium  
 extruunt, quo nostris ad se accessum inhi-  
 bebant. Hoc die Rodericus Ferdinandus Chau-  
 lienſis municipij quæstor, cum viginti mili-  
 tibus naui minore longa portum tenuit, &  
 inde alij atq; alij duces singulis diebus aduen-  
 tabant. Hostes intereā super illam turris par-  
 tem quā occupabant, truncatim parietes con-  
 struunt, ac inde assidue in nostros tela conij-  
 ciebant. Dum in his angustiis adhuc Lusita-  
 norum fortunæ versarētur, vigesima octaua  
 Augusti Aluarus Castrius & Frāciscus Mene-  
 sius, cū potiore classis manu portū ceperunt.  
 Numerus nauium haftenus appulsarum, vi-  
 ginti quinque. Quæ quum minores pleræq;  
 essent, non plures quā 400. milites adue-  
 xerunt. Reliquæ cōtrarijs ventis agitatae, Ba-  
 zainum coactæ sunt repetere. Sed postea se-  
 cūdiore tempestates nactæ, mense Septēbri,  
 ad Diensem portum, & istæ quoq; applicue-  
 re. Post Aluari Castrij aduentum, quum

hostes ex D. Thomæ turri rudera & collapsam materiam eximendi nullum finem facerent, leo ille bombardicus deorsum cecidit, & basiliscus fune suspensus in ruderum mole subsedit. Quarè milites qui postremò venerant, tenui adhuc illarum rerum experientia, aut potiùs temeritate adacti, id non ferentes, imprudenter nouas res moliri incipiunt, iactantes vbi tanta murorum strages extaret, tamquæ patentes viæ ad arcem inuadendam capiendamque hostibus præbitæ essent, certis rationibus duci sese, vt crederent, hostium vim non in milite, sed in bombardarum iaculationibus solummodò constituisse: ducisq; nostri timore potiùs quam prudentia effectum, vt quum liceret hostem in suis castris vincere, ipsi vltro hostium obsidione teneantur. Hisce verbis, debacchantes, non pauca item alia iactitabant, quæ imperitata multitudo, furore agitata, euomere cõsuevit. Qua factione reliquos, qui à primordio belli, mira obedientia eousque imperata fecerant, in suam sententiam cõtaminatos pertraxerunt. Ad id, leonis & basilisci amissio, cumulum irarum adiiciebat. Quamobrem congregati, vnanimiter Mascaregnam adoriuntur: ab eo incredibili tumultu ferocitateque, erumpendi facultatem, castraq; inuadendi copiam sibi postulare: Nulla iam re obsidionem, quam ipsoꝝ ignauia, perdu-  
rare



rare: vile hostium vulgus, occisis iam ducibus & selecta omni iuventute, ad primam eruptionem profugiturum. His inconditis clamoribus quatenus fieri potuit sedatis, quanta maxima valuit ratione prudens imperator ostendit, quanta clade sibi cognita esset hostium pertinacia & potentia, quam se pro militum raritate, nec vincere, nec sustinere posse, satis exploratum haberet. Quare ad castra potestate eundi nunquam se illis sponte sua facturum, nec præterea consilium daturum, quod omnibus postea perniciosum foret: Orare, ut in tanto rerum discrimine, prudentius quam audacius bellum tractarent. Alias per audaciam minus peccaturos: nunc vel minimum errorem, Indiæ imperio perniciosissimum fore. Nam quod rebantur, vile illic vulgus ac gregarium obsidioni incubare, & multo minores quam pro fama, copias esse: in eo ipsos magnopere falli. Quin potius adesse ibi totius imperij Cambaici vires. Quod si spreta militari disciplina, iniussu imperatoris, eruptionem facere molirentur, se minimè gentium eos in tanta vecordia subsequuturum. Sin (quod melius rectiusque, & quod ipsis, ut fortibus & prudentibus viris potissimum conveniat) ducis imperium consiliumque respicerent: se in primis authorem esse, ut eousque expectetur, donec hostium quempiam interciperent, à quo hostilis

stilis exercitûs magnitudinem viresq; cognoscant. Interim verò alijs atq; alijs, quas quotidie expectabant, nauib. in portum appellentibus, fortiore postmodum manu se hostes aggressuros. Quamobrè iterum atq; iterum omnes oratos velle, vt suis monitis obtēperarent, quibus nihil, nisi quod rectū sanctumq; ac omnibus salutare esset, præcipiebatur. Hac concione vtcunque permotis pacatisq; militibus, vt cum Alvaro Castrio & Francisco Menesio, de negotio conferret, se ad suas ædes cōtulit. Ea deliberatio quum inter ipsos versaretur, fortè hostes in basiliscū, quem suspensum in parietinis relictum fuisse demonstrauimus, ancorariū funē iniiciūt, vt in sublime attraherēt. Tūverò milites quū id animaduertissent, per occasionem acceptā in oculis iniuriæ, ad Mascaregnā cōcurrūt: Indignārem, sic se ab hostib. ludibrio haberi, quum coram, in omniumque oculis, talia auderēt tentare. Itaque æstuantes, dissono clamore ædes complent, potestatemque castra aggrediendi, omni ferocitate pertinaciaq; postulant. Inter quos quidam seditiosius, q̃ par erat: Patiemur ne, inquit, ampliùs tali parere duci? Nōne honestiùs luteę cuipiam obtemperabimus statuæ, quàm huic socordi? Cui Mascaregnas tam prudenter, quàm ironicè, Fortassè, inquit, ô miles, statua lutea ob inertiam imbecillitatemque haberi debeo, ac prope-

modum

modum me talem agnosco. Sed illud etiam scio, te in hoc temerario prælio, quod tantoperè inire cupis, omnium primum in arcem refugiturum. Nec vaticinium fefellit. Nam feroculus ille, primus omnium fugam cepit. Hoc tumultu Mascaregnas commotus, & quòd neminem omnium in suam sententiam descendere videret, cessit bacchantium furori, ne seditionem etiam intus concitare videretur. Ire igitur ad arma iubet, centum militibus ad arcis præsidium relictis. Primam aciem Alvaro Castrio, alteram Francisco Menesio ducendam tradit. Ipse (licet inuitus) cum reliquis copijs subsequutus est. Igitur correptis celeriter armis, & habita breui concione, peractisq; sacris, erumpunt, aggresteransiliunt, inde superatis munitionibus, excubitoribusq; de stationibus depullis, in castra prouolant. Hostes verò, cognita eruptione, sublato clamore, signoq; dato, in nostros protinus inuehuntur: quòd quum hostium vim sustinere non valerent, eadè quàm venerat, retrò abeunt, summa & incòdita trepidatione. Itaq; insequētibus hostibus, centum circiter de nostris desiderati sunt, inter quos noti equites Lusitani, Franciscus Menesius, Franciscus Almeida, Lupus Sosa, Rodericus Ferdinādus Chauiliensis municipij quæstor, Franciscus Guillermus, Nonius Pereira, Eduardus Menesius Pereira, Feriensis comitis filius. Qui omnes

omnes fortiter pugnando, oppetiuerunt. Is, quem dixi, Feriensis comitis filius, hostium impetum postremus ferens, saucius grauter, nec loco tamen cedens, indolem suam, clarissimorumq; natalium decus, egregiè ostendit, summumque virtutis suæ testimonium reportauit. Nam cæteris fugam ignominiosam exprobrans, eos omni ratione reuocare nitebatur, voce magna inclamans: Subsistite commilitones, & pectus frontemque in hostem obuertite: neque tam probrosè fugiatis, qui paulò antè erumpendi facultatem per seditionem extorlistis. Testor vestram fugam, & istam Lusitanicæ gloriæ maculam, me aut hîc in vestigio moriturum, aut dilapsis omnibus, non nisi vltimum rediturum. Quod & ipsum factò præstitit, nam dictorū fidem, morte ibidem fortissimè excepta, adimpleuit. Fugientium pars statim in ipso certamine interiit, pars vulnere vi postea extincta est. Histatis malis circumuentus Mascaregnas, quatenus tempus ferebat, disperforum fugā reprimere conabatur, vt vnà collecti, cedentiq; acie, minore iactura sese in arcem reciperent. Sed quos timor agebat, virtus aggregare non poterat. Nam singuli suæ quisque salutis consulentes nullo seruato ordine, fusi disperlique ad stationes recurrebant. Aluarus verò Castrius maceriem in redeundo conscendere adnitens, à funditore

in capite grauitèr ictus, subito retrorsum in præceps abiit. Quod Mascaregnas animaduertens, protinùs cadenti succurrit, & ex hostium manibus ereptum, in arcem comportari curauit. Eo in loco, dum Aluaro Castrio subuenitur, iuxta Mascaregnam, bombardæ manualis iaculo Franciscus Almeida, cuius superius meminimus, traiectus occubuit. Itaque hisce acceptis damnis, in arcem redire Mascaregnas compellitur. Hæc Calendis Septembribus acciderunt. Porro casus hic tantum terrorem nostris iniecit, ut deinde hostibus inuadentibus, quod singulis quibusque dieb. fiebat, ad muros accedere formidarent. Quem istorum timorem vix ducis fortitudo animique præsentia imminuere valuit. Hostes contra, victoria hac elati, maiores spiritus concepere. Quapropter acriori peruicacia arcem euertere conuisi, turrim illam quæ superioribus temporibus sub Antonio à Sylueyra, in Rhomæorum siue Thracum oppugnatione proscissa fuerat, rectis cuniculis deiecerunt, ac turrim etiam notam, quæ supra decumanam veterem portam constructa erat. Potiorem quoque muri partem demolitur. Ad hæc, muro, qui turribus Diuorum Ioannis Thomæque inter situs erat, superato: duas bombardas supraponunt, quarum iaculationibus nostri intus per arcis plateas versare prohibebantur. Præterea basilisco

ac leone ex Thomæ turri deductis, statio-  
nem in ipsius turris fronte constituunt, atq;  
indè bōbarda ac duabus machinis adductis,  
domorum tecta miris modis conuassabant.  
Mascaregnas verò quum his difficultatibus  
premeretur, bombardis tormentisq; belli-  
cis ad necessaria loca dispositis, hostium vio-  
lentiam, quatenus fieri poterat, reprimere  
meditabatur. Quarè è regione expugnata  
turris D. Thomæ, nouā turrim excitauit, ex  
qua & maior arcis pars protegebatur, & ho-  
stes ita cohibiti sunt, vt neque extra murum  
caput efferre, neq; in arcem iacula emittere,  
nisi cum summo periculo, vltius possent.  
Interea tēporis super fluuium ad Rhomæo-  
rum oppidum vsque, pōtem hostes deduxe-  
runt, opus admirabile, contra aquarum rapi-  
dissimos accessus & recessus, per quem ex in-  
sula in continentem plaustra vehiculis im-  
positis, ac totus exercitus ad necessaria de-  
portanda inuehendaq; commeabant.

Dum hæc ad Diu agebantur, mense Se-  
ptembri nuncius Goam ad Proregem defer-  
tur, de Ferdinandi Castrij sui filij morte, &  
clade illa, quæ ad decimum Augusti ignis vi  
obtigerat, quam sub finē secūdi Cōmentarij  
retulimus. Quo nuncio etsi dolore cruciare-  
tur, ne tamen militum animos segniores suo  
luctu redderet, ad Diensem expeditionem,  
sub-

ſidiaque ferenda, ſimulata animalacritate,  
 feſtiuis purpureisque veſtibus indutus, ci-  
 uitatem luſtrauit, omnibusque palam te-  
 ſtatus eſt, ſe non tam grauiter ferre interi-  
 tum filij, quàm magni facere, quòd honeſta  
 morte dignaque ſuis natalibus occubuiffet:  
 Verùm magno ſtaturum hoſtibus fortiffimi  
 adoleſcentis funus, & oppugnatam Diu-  
 m, inter minas iactitabat. Itaque protinùs Al-  
 uarum Cugnâ cum celoce emittit, cui diplo-  
 mate ad id dato, colligendi omnes noſtras  
 naues, quæ per littus Indicum diſperſæ vaga-  
 bantur, poteſtatem fecit, imperatque, quot-  
 quot eo menſe aggregaſſet, ilicò Diu ſe-  
 cum abduceret. Is itaque quinque celoci-  
 bus cum mediocri hominum manu, ſub ipſi-  
 us menſis finem, in portum Dienſem reci-  
 pitur. A cuius aduentu, militum delectu ha-  
 bito, mille ducetorum copiam numerus ex-  
 cedebat. Per hunc ſcripſit Prorex ad Maſca-  
 regnam, nè ante eius aduentum, quenquam  
 extra arcis mœnia ampliùs cum hoſtib. con-  
 fligere pateretur. Poſtea dimiſſo Goa Alua-  
 ro Cugna, per ſummâ feſtinatione quadrin-  
 genti milites, quinque nauibus imponuntur,  
 inter quos aliquot architecti & latori fuere.  
 Ij varijs uſi tempeſtatibus, Dienſia æſtuaria  
 intra paucos dies tenuerunt. Bello itaq; pro-  
 miſcuis cladibus ſæuiente, noſtri aliquot  
 hoſtium naues, quæ ex ſinu Arabico in Cam-  
 baiam



baiam enauigabant, interceperunt, quarum  
 pars potissima mercibus nobilissimis onusta  
 erat. In iisdem erat consanguineus quidam  
 Coijsophari, quem Sopharus ipse dum viue-  
 ret, Cairum (militis colligendi gratia) aman-  
 dârat, & is nunc exercitum benè magnum, &  
 ad rem bellicam egregiè instructum, secum  
 ducebat. Sed acri nauali prælio superatus, fe-  
 rè omnes suos amisit. Solus enim duntaxat  
 Sophari consanguineus cum aliquot nobili-  
 bus, cæteris interfectis, viuus reseruatus est.  
 Verùm & ij quum in arcem deducti essent,  
 iugulati sunt, ac eorum capita secundo aqua-  
 rum refluxu, in hostium castra ad oppidum  
 præterlabi defluereque sinuntur, vt agniti à  
 suis, luctum in castris ac desperationem face-  
 rent. De nostris permulti in hac nauali dimi-  
 catione vulnerati fuere, mortui quoque non  
 pauci. At Prorex, qui Goæ reliquam classem  
 instruebat, tempus idoneum nactus, cum se-  
 ptuaginta circiter nauibus è portu soluit, ac  
 difficillimis tempestatibus vsus, Bazainum  
 tenuit. Quo in loco vniuersam classem, quæ  
 ventorum asperitate dispersa, simul appel-  
 lere non potuit, expectare proposuit. Ibi au-  
 tem commorans, nè tempus tereretur, Ema-  
 nuelem Limicum cū minoribus aliquot lon-  
 gis nauibus ad Surraticum littus inuadendum  
 misit. Qui strage hostium non vulgari, cum  
 ingenti nauium præda, littoribusq; popula-  
 tis,



tus Bazainum reuertitur. Reuerso Limico, Prorex, qui, quamdiù classis in statione litto-  
ris ventis aduersis retenta fuit, nunquam vo-  
luerat in terram descendere, post sexdecim  
dies quam venerat Bazainum, ancoris subla-  
tis, Diu versus nauigauit, interq; nauigan-  
dum, iterum Emanuelem ipsum Limicū ad  
sinum Cambaicum explorandum vexandū-  
que præmisit. Qui aliquot hostium nauibus  
submersis, pagis attegijsq; incensis, insuper  
cæde non minima quaquauersum edita, Brā-  
maluci tamen benè de nostra amicitia meri-  
ti ditionibus intactis, ad Mortuorum insu-  
lam se Proregi coniunxit. Indè rebus omni-  
bus ordine dispositis, velo dato, felicibus au-  
spicijs septima Nouembris, vniuersa classe  
salua, cum mille sexcentis militibus Lusita-  
nis, ad portum Diensem applicuit, quo iam  
appulerat Laurentius Petreius Tabora, dux  
eius classis, quam Lusitania singulis quibusq;  
annis in Indiam mittere consuevit. Is enim  
vbi Cochinum venit, & quæ ad Diu agebā-  
tur, rescivit, classe illic integra relicta, Prore-  
gis aduentum vno die anteuenterat. Cuius  
prouida diligentia, indubitata nostri de  
futura victoria opinionem conceperūt. Pro-  
rex igitur arcis æstuaria ingressus, ancoris ia-  
ctis, nauibusque per ordinem dispositis, Ma-  
scaregnæ per nuncium iniungit, vt quam-  
primū ad se veniat. Qui posteaquam adue-

nit, & de belli gerendi rationibus inter ipsos  
 vtrò citroq; habitus sermo fuerat, in arcem  
 reuertitur. Postero verò die, in ea parte qua  
 mesopyrgion illud maius mare respicit, bi-  
 næ scalæ, iubente Mascaregnâ, apponuntur,  
 per quas nostri sese in arcem, æstu recedēte,  
 comodè recipere poterant. Atque etiam per  
 omnes arcis turres, necnon in ea quæ in alueo  
 fluuij posita est, bombardæ nouo ordine di-  
 sponuntur. Cui negotio naues aliquot adhi-  
 bentur, ex quibus omnibus die noctuq; om-  
 ni contentione in hostium castra tela emitte-  
 batur. Qua iaculatione, ea ruina est facta quæ  
 postea magno vsui nostris fuit. Nā per ea lo-  
 ca, quasi reuullis repagulis, castra tentari pri-  
 mū cepta sunt. Hostes verò his reb. minimè  
 perterriti, alacri, erectoq; animo, futurū præ-  
 liū expectabant. Ergò ad munitiones tuendas,  
 selectiores milites bōbardis manualibus in-  
 structos apponunt, quibus & alij præstò e-  
 rāt, ad id collecti, vt igneos globos & amphi-  
 ras igneas in nostros projicerent. Insuper in  
 turribus, quas super flumen in murorum an-  
 gulis antea crexerant, hic illic patefactis fo-  
 raminiibus bombardas admovent, vt ex ea  
 parte nostros in terrā descēdere prohiberēt.  
 Nam per eū locum suspicabantur Proregem  
 castra inuasurū. Quamobrē quindecim mil-  
 lia militum ad descensum prohibendum eo-  
 dem in loco, vnā cum excubitoribus consti-  
 tuunt,

tuunt, qui sacramento militari addicti, deie-  
rauerant, nostrorum impetum quibuscunq;  
se rationib laturos, repressurosque esse. Atq;  
itā reliqua, quæ ad defensionem pertinere  
videbantur, suo ordine & serie, tanta pru-  
dentia disponūt, vt ea in re magis veterano-  
rum Romanorum experientiam imitari eos  
diceres, quā temeraria barbarorum confi-  
lia. Prorex igitur nona Nouembris clam in  
arcem descendit, ibiq; rebus gerendis ordine  
dispositis, istiusmodi strategemate hostes  
Indificarus est. Nam vt falso numero eos de-  
ciperet, nautas, latomos, calones, lixasque de  
tertia vigilia nauibus litris impetere, singu-  
losq; binas erectas hastas in manibus gestare  
iubet: Remigibus verò imperat, vt dextra re-  
mos agāt, sinistra bōbardicos funes igne in-  
cēsos teneant, ac vt vehemēti tympanorū so-  
nitu, strepituq; tubarum immenso, & quāto  
possent, edito clamore, illam partem, qua  
hostes opinabantur illum descēsurum, simu-  
lato, lentoque cursu (quum signum ex arce  
dāretur) impetere se fingerent. His itā decre-  
tis, arcis custodiam iusto præsidio Antonio  
Corrigiæ Bazainenfi quæstori commisit. Ac  
postero die, ipso iubente, ex omnibus arcis  
portis valuæ ademptæ, ac procul semotæ, nè  
nostri in fuga vllā spē reponerent. Orto iam  
sole, sacrisque peractis, & signo nauiculis da-  
to, Lusitani ad duo circiter millia & quingē-  
tos,

tos, erumpunt, hostium muros inuadunt, ac  
indè agminibus in ordinem digestis, ad sta-  
tiones hostium contendūt. Illi porrò quibus  
nauale negotium commissum fuerat, signo  
accepto, in illam partem, in qua potior ho-  
stium manus nostros opperiebatur, naues eo  
ordine vt imperatum erat, dirigere se simu-  
lant. Hostes verò vbi vexillum regium, insi-  
gniaque militaria conspexere, ac quò classis  
tenderet, animaduerterunt, illic totius exer-  
citus vim adesse existimātes, magna ex parte  
stationibus desertis, confertissimi sese ad lit-  
tus proripiunt. Quamobrem nostris exēdi  
minori periculo potestate facta, Mascare-  
gnas (cui prima acies cōcredita erat) quadrin-  
gentis militibus constipatus, primo loco eru-  
ptionem in castra fecit. In eo conflictu con-  
cursuque ad muros, de nostris circiter quin-  
quaginta desiderati sunt. Sed succurrentibus  
confestim alijs, hostes retrocedere & ani-  
mum remittere cœperunt. Quod vbi ab ijs  
qui ad littus classi nostræ obuiam iuerant, est  
animaduersum: protinùs ipsorum selectior  
manus ad eum locum, vbi dimicationem vi-  
gere cognouerant, se contulit. Ibi que p̄celio  
conferto, ancipiti Marte eousque pugnatum  
est, donec à Prorege periculo cognito, mili-  
tes qui subsidio irent, illic mitterentur. Ipse  
autem Prorex cū Laurentio Petreio Tabora  
inter illud flexuosum & multis sinubus am-  
bagio-

bagiosum vallum procurrens, turrim quandam expugnat, ex qua nostri, antequàm caperetur, multa infesta patiebantur, omnibus ibi hostium præsidijs ad vnum interfectis. Id tamen non absq; discrimine. Nam Eduardus Barbutus vexillifer, bis in cacumen euadens, bis indè deiectus est, sed tertio, nouo impetu facto, pertinaciter irrumpens, vexillum tandem ad pinnacula affixit. Expugnata turri, accustodibus tradita, per tramites istius sinuosi valli iterùm recurrentes, aliquot ex hostibus interficiunt. Cæteri, loco deserto, fuga in castra cõuolabant. Interim hostium manu subsidijs firmata per Rumecanum, maximi inter suos imperij ducem, tam vehementer in Mascaregnam impressio fit, vt nostri impetum sustinere amplius non valerët, & ordine turbato, resilire occiperent. Id ipse Mascaregnas animaduertens, cõclamat, suos què ad restituendum hortatur: Vrgerent victoriam, quam iam propemodum adepti essent, non superesse victis vlla suffugia, exarmatam esse arcem, ablatis valuis, quicquid munitionis fuit, non iam minùs hosti, quàm ipsis patere, adesse omnia auxilia, quæ à suis sperari possent: aut his copijs esse vincèdum, aut pereundum: meminerint se non minùs pro vita, quàm pro imperio pugnare. Si pedè referret, nec victis vitam, nec mortuis sepulturam immanissimum hostem concessurum esse.

His ducis vocibus experrecti, tanta animi præstantia in hostes se referunt, ut quāquā per summam pertinaciam hostes resisterēt, impetum tamen nostrorum amplius sustinere non possent: effusaq; fuga, terga verterūt. Quare dispersim palantes, alij per pontem, alij per vada, natando currendoq;, se, quotquot potuere, extra insulam eiciunt. Itaque oppido capto, castrisq; superatis, in omnem sexum ferro igneq; sævitum est. Quæ à conflagratione fortunæ casus immunia inuiolataq; seruârat, iubete prorege, diruta euerasq; prorsus fuere. Hic exitus amplissimæ ditissimæq; Diēlis ciuitatis fuit. In castris verò & in oppido videre licuit triclinia mensasq; stratas, cibariaq; igni apposita, inuentaq; in foro etiam esculenta, tanquā pacis tempore venum exposita. Nō enim de tam subita fortunæ mutatione, quisquam eorū vel cogitârat. De nostris hoc prælio circiter centum quinquaginta occubuere, inter quos noti equites Lusitani, Georgius Soza, Ioannes Emanuel, Frâciscus Azeuedus, Baptista Persona, Cosmus Paiua, Balthazar Georgius, Eduardus Rodericus Nazinus, Vascus Ferdinandus, Arius Gometius Quadrus, Iulianusq; Ferdinandus militum censor, qui omnes cum summa gloria acriter pro fide pugnando, mortem oppetiēre. Ex hostibus supra quatuor millium millia eo die cecidisse compertum est.

Rumeca.

Rumecanus verò, quem loco Sophari patris à Mamudio rege, exercitus ducē maximum fuisse constitutum, disseruimus: euadere cōnitens, insignibus imperatorijs detractis, quum à nostris ad oppidi fossam cognitus esset, fortissimè resistens, interfectus est. In eodem quoquē loco Audecanus, qui pridē quàm prēlium commissum esset, cum quinque millibus militum in castra venerat, vnā cum Hidalcano externorum militum duce occisus est. Alij præterea quatuor regis Cambaie strenui duces ibi deciderati sunt. Iuzarcanus iunior pro virili dimicans, viuis captus est, & magna cum reuerentia Proregis iussu à custodibus seruator. Solus autem ex ducibus præcipuis Moiatecanus equum nactus, per pontem, citato cursu euasit. Regium Cambaie vexillum, atque plura militaria signa ad Proregem delata sunt. Iam promiscuæ multitudinis, virorum mulierumque, & puerorum intersectorum numerum immēsum & miserandum fuisse constat, quibus rabies militum & suis anteà malis, & nunc sociorum mortibus irritata, nulla ratione parcere sustinuit. Quippe non solum nō ab infantibus, aut grauidis mulierum vteris, sed ne brutis quidem animantibus ferrum abstinuit militaris furor. Relicta sunt ab hostibus omnia tormenta bellica, inter quæ etiam leo ille & basiliscus fuere: qui ad Thomæam turrin

## 376 DE BELLO CAMBAICO II.

ab hostibus erepti, causam tantæ cædis non ita pridem nostris attulerant. Vniuerso hoc bello, compertum est, cecidisse de nostris militibus, tam ad Dium, quàm in naualibus prælijs, circiter mille sexcentos. Prorex autem, victoria pârta, quos vltimo hoc prælio desiderauit, sepeliri quàm honorificentissimè iussit, sauciosque reficiendos curauit. Inde militibus congiario stipendioq; dato, ac virtute singulorum pro cuiusque meritis honorata, arcem protinùs à fundamentis noua ratione ædificare occepit: Laurentiùs verò Petreius Tabora, rebus omnibus ex animi sententia transactis, Cochinum ad classem reuertitur. Inde nauibus à terra solutis, saluus Olyssiponem applicuit.

## TERTII ET VLTIMI COMMEN- TARII DE BELLO CAMBAI- CO IL FINIS.

INVL



INVICTISSIMO  
LVSITANIAE ET ALGAR-  
BIORVM REGI IOANNI. III. AFRI-  
CO, ÆTHIOPICO, ARABICO, PER-  
fico, Indico,

IACOBVS TEVVS PERPE-  
tuam felicitatem optat.



VM TE, REX INVICTIS-  
sime, viderem, non solum domi opti-  
mis legibus & institutis regnum or-  
nantem, & foris iusto, ac pio bello fi-  
nes propagantem, sed & priuatim  
tuos ciues omni munificētia genere ad virtutis studia  
ex excitatē & omnib. vndiq. gētib. in suo quosq. ge-  
nere praestantissimos, amplissimis premijs inuitatē, ca-  
pi mecum cogitare, qua in re potissimum, vel ciuibus  
meis prodesse, vel hoc tuum sanctissimum institutum  
aliqua ex parte iuuare possem. Cum interea commē-  
tarius rerum nuper in India gestarum mihi oblatus  
est: quem vbi perlegissem, existimaui me multis de  
causis opera precium facturum, si res qua in eo con-  
tinerentur, latinis literis mandarem: quae tanta ac ta-  
les sunt: vt nō minus ex magnitudine admirationem,  
quam ex nouitate gratiam sint consecuturæ. Nam vt  
alia bella maiorum temporibus gesta, aut numero co-  
piarum, aut diuturnitate temporis maiora videri  
possunt: ita hoc, vel imperatorum prudentia, vel mi-  
litum virtute & tolerantia, vel periculorum magni-  
tudine,

*sudine, euentus varietate, nouorumq; machinamen-*  
*torum excogitatione, cum maximis cuiusuis aui bel-*  
*lis facile comparari potest iure etiam suo exigere vi-*  
*dentur propinqui mortuorum hoc genus solatiq; iure*  
*militum superstitum virtus hanc gloria mercedem:*  
*ut res ab ipsis prospere, ac fortiter gesta omnium si*  
*fieri posset linguis legerentur: omniue posteritati*  
*ad virtutis emulationem proponerentur. Haec mihi*  
*cum iustissima viderentur causa suscipiendi laboris:*  
*accessit praeterea voluntas tua, cui ego rem tam ho-*  
*nestam imperanti non parere, prope nefas existima-*  
*uerim: atq; ideo faciendum putavi, ut sub tuo po-*  
*tissimum nomine commentarius hic prodiret, ut qua*  
*in rebus gerendis felicitas adfuit, eadem commenta-*  
*rio eiusdem auspicijs emisso contingeret. Quamquam*  
*alioqui quicumq; ex literis fructus prouenit iure opti-*  
*mo ad te pertinere videatur: qui Lusitanos tuas an-*  
*tea in hoc genere incultos, humaniorumq; disciplina-*  
*rum pene expertes, maximis tuis sumptibus, summa*  
*studio ac diligentia excoli erudiriq; iussisti. Nam*  
*ad hac fere tempora, falsa illa persuasio quorundam*  
*animos imbuerat, non solum laude dignum non esse,*  
*scire litteras: sed illas discere quodammodo pro vitio*  
*habebatur. Tu primus ex mentibus nostrorum homi-*  
*nam scdam hanc & perniciosam opinionem, qua*  
*iam altè radices egerat, euulsisti, qui iam inde à fe-*  
*licissimis regni tui principijs Lutetiam omnium bo-*  
*narum artium altricem optima cuiusq; indolis quam-*  
*plurimos selectos inuenes, ad capiendum ingenij cul-*  
*tam mittere curasti. Hoc fuit literarum in Lusitania*  
*indies*

indies magis ac magis pullulantium seminarium. hic  
 veluti iactis fundamentis, nobilissimam academiam,  
 in qua à doctissimis hominibus omnes disciplinae suo  
 pristino nitore restituantur, Conimbrica excitasti.  
 Vidisti in tuis hominibus materiam ad literas capes-  
 sendas peropportunam, qua praeceptis doctrina me-  
 lior reddi posset. vidisti illos & ingenij acrimonia, &  
 maturitate iudicij, & perferendorum laborum  
 constantia, si ars exercitatioq; accederet, nihil non  
 magnum praeclarumque praestaturos. Voluisti igitur,  
 ut non solum rei militaris gloria, qua semper nostri  
 homines floruerunt, sed etiam literarum dignitate  
 tuos excellere, quibus ut nihil in rebus humanis  
 praestantius inuenitur, ita nihil tibi maius debere pos-  
 sumus: cuius benignitate studioq; effectum est, ut Lusitania  
 expulsa finibus barbaries exularet, totumq; hu-  
 manitatis cultus pro illa retineretur. Scimus quantum  
 omnium disciplinarum amor sit tibi: quam propitius,  
 liberali q; semper hominib. literatis fueris: quid ege-  
 ris, ut praeclara literarum studia, iam penè mortua &  
 conssepulta suscitares: ut non modo fortunae & corpo-  
 ribus tuorum, verum etiam quod multo maius ac di-  
 gnus est: animis excolendis prospiciendum putares.  
 Quapropter ut ante dixi: cum omnes qui vel tua mu-  
 nificentia adiuti, vel tuis auspicijs excitati, aliquid  
 in literis promouerunt: suorum studiorum fructum tibi  
 debeant: hunc commentarium meorum veluti labo-  
 rum primitias, tibi dedicandum censui: idem factu-  
 rum in vniuersa rerum Lusitanicarum historia, cum  
 pri-

primum per occupationes licebit: in quibus subeundi  
quemadmodum tuam potius voluntatem quam alio-  
rum de me opinionem sum secutus: ita etiam libenter  
perferam, quoad tibi visum fuerit: nec ullum locum  
humilem unquam existimabo, in quo me tibi gratifi-  
cari posse intelligam: tuaq; potius voluntatis, quam  
meorum commodorum rationem habebo. Vale Rex  
inuitissime. Combrica Calendis Martijs. M. D.  
XLVIII.

AD EVNDEM INVICTIS-  
SIMVM REGEM DE HOC COM-  
MENTARIO GEORGIVS  
BUCHANANVS.

**C**VM tua sceptrâ Asia gens, Europaq; timeret,  
Et tremere fasces terra Libyssa tuos:  
Iamq; ingi patiens Indus: nec turpe putaret  
Adomino Ganges postere iura. Tago:  
Inq; tuis Phœbus regnis oriensq; cadensq;  
Vix longum fesso conderet axe diem:  
Et quacumq; vago se circumvoluit olympo,  
Luceret ratibus flamma ministra tui:  
Gaudebat tibi deuictus, sibi redditus orbis,  
Nosse suos fines, iustitiamq; tuam.  
Vna aberatq; oberatq; tuis Mors saeva triumphis,  
Carpere victricem scilicet ausa manum.  
Et comes huic tenebris nixa est obliuio cecis  
Fortia magnanimam condere facta ducum:

Donn

Donec Apollineis se Tonius induit armis:  
 Et spolia è victa Morte superba tulit:  
 Victurusq; iubet chartis iuuenescere, vita  
 Prodigapro patria pectora laude sua:  
 Proq; aui paucis, quos Mors praeceperat, annis  
 Reddit ab aeterna posteritate decus.  
 Inre ergo inuictus Rex es: quando omnia vincens  
 Accessit titulis Mors quoq; victa tui.

IOANNIS COSTAE AD  
 LVSITANIAM, CARMEN.

Gratia Maonio celebrata est carmine, quondam  
 G Fortuna, ingenio, Marte, opibusq; potens.  
 Aequa quod edomiti sit gloria finibus orbis,  
 Historia debet Martia Roma sua.  
 Nec metuunt chartis commissa fidelibus auctum,  
 Qua gessere Libes, Media, Persis, Arabs.  
 Deniq; gens nulla est, est si modo nomine digna,  
 Qua non sit laudis vindice tuta sua.  
 Tu sola ante omnes, ô Lusitania felix,  
 Et tacita, & tenebris pene sepulta, iaces.  
 An quia materies deest laudibus: an quia fors est  
 Inuida, virtuti nec satis aequa tua?  
 Parua ne materies lustrati est gloria mundi?  
 Videtq; militibus terra fretumq; tuum?  
 Hos capit intrepidus nonus orbis, territus hospes  
 Spectat, & Hesperio dat sua colla iugo.  
 Maior & inuidia est rerum mensura tuarum.  
 Cur ergo has laudes pagina nulla canis?

Nempe

Nempe Deus celebrem te noluit esse, priusquam  
 Summa fores, summo rege, opibus, Sophia.  
 Sunt tria iam summa hac, rex summus, gloria sum-  
 ma.

Gentis & in studijs laus quoque summa tuae.  
 Additus hic scriptor summus: cui tradita cura est,  
 Teuius. aut potius Linus eloquio.  
 Gaude igitur felix ô Lusitania, cum sint  
 Singula vix alijs, omnia summa tibi.

COM.

383

COMMENTARI-  
VS DE REBVS A LVSITA-  
NIS IN INDIA APVD DIVM GE-  
STIS, ANNO SALVTIS

*noſtra* M D, XLVI.

Iacobo Teuio Luſitano Autore.



ANNO SALVTIS NOSTRÆ.  
M. D. XXXVIII. Noni-  
us Cunna prætor Luſitanus,  
indicis prouincijs præerat:  
cum Baducus rex Cambaïæ in  
portu Dij oppidi à nauta Luſitano cæſus,  
meritas ſuæ perfidiæ pœnas luit. ei ſucceſ-  
ſit in regnum ſummo popularium conſen-  
ſu nepos Mamundus annos duodevigin-  
ti natus. Hunc præter vetus, & hæredita-  
rium in nos odium, & recentem ex regia cæ-  
de iram, multa ad bellum incitabant: re-  
gnum inter illas gentes ampliffimum: iu-  
uentute, opibus, alijsque rebus, quæ bellum  
vel inſtruunt,, vel alunt florentiffimum,  
maximi apparatus ab auunculo relictî, fru-  
mentum in horreis in multos annos præ-  
paratum, pecuniæ magna vis in ſtipen-  
dium militum, armorum, ac telorum  
omnis generis infinita prope multitudo.

Acce-

Accedebant ad hæc belli tormenta, quæ domi parata habebat, quinque maximi Basilisci (sic res nouas, & ante incognitas nouis, ac suis cuiusq; gētis vocabulis nuncupare cogimur) Spallafati complures, mortariaque: è quibus vnum præcipuæ magnitudinis à Romæis aureorum ducatorum circiter sexaginta millibus emerat, innumeraq; alia tormenta: Cameli, sphæræ, passamuri, cannes, ex ære omnia: quorum nonnulla, cum Antonius Sylueira arci Diensi præerat, ex nostris ceperant. Iam societates, atq; amicitie cum propinquis regibus, ac populis aut renouatæ, aut institutæ: longinqui legationibus, pollicitationibus, ac pecunia sollicitati. Hæc cum iuuenis animum & ætate ferocem, & contumelia accensum facile à quietis consilijs auertissent, accedebant principum quorundam adhortationes cōuitio interim propiores, quæ ægrum sua sponte animum inflammarent. Quo tandem animo illum ferre oportere optimi auunculi necem indignissimam? tantū regem, in suo regno, ab exteris hominibus immaniter, fraudulenterq; occisum? Cum grauissimæ cladis autoribus pacem, ac prope amicitiam esse: nec tam acerbam ipsam esse contumeliam quàm pudendos eius autores: paucos piratas commercij simulatione irrepssisse, qui nec externis auxilijs fidant, nec à suis, alium pene orbem incolentibus, quicquam



quam opis sperare possint. Eos arcem capitibus veterum incolarum imposuisse, vnde velut captiuis, ac vinctis seruitutem minantur. Quousq; tandem hæc ferenda regi opulentissimo, in regno omnibus rebus ad bellum necessarijs instructissimo, vnde maximas copias cogere posset, quibus non solum paucos istos latrones expellere, sed magnam orientis partem subigere, ac suo imperio posset adiungere? Lusitanos cum omnes vires exercitus in vnum contulerunt, Garcia Noróna Indiæ prorege, militum vix quinque millia expleffe. hac manu perexigua magnam Indiæ partem deuastarunt, nostris videlicet discordijs, non suis viribus freti: cum Magores omnia seditionibus miscerent, ac perturbarent: per quos tum minime licuit istorum impetus propulsare nunc rebus compositis, ac tranquillis, nec à Magoribus, aliove hoste periculo imminente, non magno negotio nuper acceptam vindicari posse iniuriam, & antiquam gloriam à maioribus relictam, iam pene mortuam, & consepultam erigi, excitariq; posse: novos dominos regni finibus expelli, Diu nobilissimam ciuitatem è manibus hostium liberari, arcemque illam seruitutis domicilium aut recuperari, aut eueri. Magnum etiam momentum ad res nouandas attulit militum veteranorum, & imperatorum autoritas, qui ab exteris gentibus spe

præmicrum à Baduco illecti in aula versabantur. Baducus enim cum secreta belli consilia diu in animo versaret, & ex omnibus orientis regnis si quem aut manu frequentum, aut consilio præstantem, aut rei militaris peritia eximium audisset, magnis ad se pollicitationibus accersebat. Conuenerant igitur ad eum plurimi Rumi. Christianique veteris sacramenti, & religionis desertores, Abeslines, Fartagines, Arabesque. Hi omnes belli, quæ sperauerant præmia in pace casura cernentes, quibuscunque poterant rationibus, nunc facilem victoriam spondendo, nunc regis vires extollendo, magnifice de se, contempnim de hostib. loquentes, omnia permiscere, ac perturbare conabantur. Sed hos omnes autoritate, potetiaq; Coius Sofar homo Italus facile anteibat. Is Surratem, Ruinelemque, & alias opulentissimas provincias tenebat: multus ei rei militaris usus, multa peritia, idem imminetia primus videre, præsentibus periculis obuiam ire, hostium explorare consilia, suis in tempore præcauere, amicis atq; inimicis cū res posceret iuxta comis, ac facilis, simulator, ac dissimulator: eoq; amicitia cōciliandę mirus artifex: cū & humanitatē vultu præferret, & oratione: irā, odiū, vindictę cupiditatē, occulta in animo haberet, quæ in tempore, maiore hostiū detrimento ex inopinato expromeret:

ret: suorum consiliorum adeo celator, ut saepius  
eventu rerum in ipsius oratione, aut alio quouis  
indicio proderetur: acta, promissa, fide, in su-  
randum ad suam omnia utilitatem referre.  
is adeo regi se insinuarat, adolescentisque  
animum adhuc simplicem ita sibi deuinxerat, ut  
prope vnus secretiorum consiliorum esset  
conscijs. Itaque bellum paranti maxime  
idoneus is visus est, per quem quae deesse vi-  
debantur ad copias ab auunculo relictas ad-  
ijceret, & Lusitanos consilium suum ce-  
laret. nec ille regis expectationem de se  
fefellit: tantum enim pulueris sulfurei, tam  
in usum maiorum tormentorum, (quae vulgo  
bombardae appellantur) quam minorum,  
quae sclopetae dicuntur fieri iussit, quan-  
tum septem annis summo labore, ac diligen-  
tia multorum artificum opera parari poterat.  
Nulla ad litus Patani lapidicina fuit, nul-  
la officina ferraria vsquam, quae non globis  
lapideis, ac ferreis perstreperet. Bombarda-  
rios, Sagittariosque Caninos, ac Maluares  
magno numero habuit: arma, quibus cor-  
pora proteguntur, galeas, thoracas, loricas,  
aliaque huius generis ad ea, quae in armame-  
tarijs erant, tanta copia adiecit, ut vetus appa-  
ratus praehoc perexiguus videretur. Galea-  
rum forma personae instar caput, collum,  
totamque faciem operit. Aderat etiam o-  
perarum vis ingens, ac singulorum velut col-

legiorum magistri, qui cuniculis extruendis, castris metandis, & aggeribus protrudendis, valloq; iaciendo operam nauarent: qui machinas, omneque tormentorum genus fabricarent, promouerent, statuerent, & in quem opus esset locum obuenterent. Tanti apparatus in vnum locum contracti species oculis obiecta facilem vnius arcis expugnationem omnibus spondebat. Inter ea ne nostri, qui in Cambaia permulti versabantur, hæc in se comparari suspicarentur, metus belli à rege Patani prætendebatur: cum quo non sibi bene conuenire Mamundus simulabat. Itaque nequando ab eo ex improviso inuadi posset, hæc in promptu habere, hos esse opulenti regis thesauros, arma quam aurum magnorum regnorum verius opes esse. Adeoq; hæc simulatio processit, vt hostes quotidie expectari crederentur: nec id commentum à gentis moribus abhorrebat, cuius reges inter se perpetuo intellinis odijs dissident. Hic igitur rumor de rege Patani seminatus, & multorum sermone continuatus, omnem ex animis nostrorum suspicionem exemerat, & quo magis animi à cogitatione belliauerterentur, Coius Sofar, qui bonâ temporis partem Surratæ agebat, prætorem, quem gubernatorem vulgo appellât, cæterosq; quos poterat Lusitanorum duces omni officiorum genere prosequabatur, sibi que conciliabat: nostrisq;

nostrisque omnibus plurima, nec obscura benevolentiae signa ostendebat. Interea callidus, & subdolus animus hominis semper velut in insidijs vigilabat, ut omnia nostrorum consilia explorata haberet, vires, opesque pernosceret: nec illum quicquam eorum latebat, quæ nosse sua interesse existimabat: qui arcibus præessent duces, quantum cuique militum, qui commeatus, quis armorum apparatus multos, seorsum, ac sæpe percontando perdidicit. nec id adeo difficile erat: quippe cum callidissimus hostis amicitie, ac benevolentiae obtentu ita simplicibus, & cæcidis nostrorum ingenijs obrepisset, ut nihil eum celarent. eoque minus sibi ab eo præcauebant, quod pacem non minus ex usu terræ Cambaiæ, quam suo esse existimarent. Nec me hic tenere possum, quin illarum gentium taciturnitatem, ac silentium vehementer admirer, ac laudem: à quibus nihil eorum extorqueri potest, quæ cõtineri, suppressique oportere arbitrantur. ac ne illa quidem produnt, quæ omnibus aperta, & cognita sunt. alijs tu quidem aut signis, aut coniecturis rem cognoscas oportet: ab illis nunquam quicquam poteris extorquere, quod illorum silentium utinam Christiani homines potius æmulentur, quam admirentur. Quis non monstri prope simile putet cum septimum iam annum bellum apparari summo studio,

& ardore audierit, nec in tanta diuersarum nationum colluie consilia belli vnquam euulgata esse. Cæteris igitur ad omnes belli usus satis, vt videbatur, præparatis, optimum visum est, regum exterorum animos denuo têtare: missi passim legati, & ad eos potissimû reges, qui maritimæ oræ præsunt, in qua nostri arces, ac præsidia habent, regesque non paucos vectigales: ad Breamalucum in Bassaino (hic regi Cambaię paret) ad Breamalucum in Chaullo, ad Dialcanem in Goa; cæterosque qui ad oram Maladari adiacent, literæ in hanc ferè sententiam missæ. Sibi Lusitanos hostes infestissimos in animo esse finibus suis expellere: ex vniuersa quoque India minimo negotio extrudi posse, velint modo officio suo non deesse. Itatim vbi rupta fœdera, bellumque inchoatum audierint, singuli præsidia vicina aggrediâtur, alienigenasque paucos, qui aut occultis infidijs, aut bello nefario aliena occuparunt, vndique simul oppugnent: prætorẽ regis Lusitaniæ vbiq; simul circumstrepẽte belli terrore, tot diuersis locis, tantoq; dissitis intervallo opem ferre non posse: eiusq; copias tã exiguas esse, vt diuise facîle debilitari, frãgiq; possint. orat, atq; obtestatur, vt tanta occasione arrepta fœdissimum seruitutis iugum à ceruicibus excutiant. quid enim non modo fœdius, sed etiam miserius esse, quã tot viros fortes,

fortes, & qui perpetuò in summa libertate vixerint, paucis hominibus exteris, quibuscum nec moribus, nec legibus, nec lingua conuenirent vectigales esse: & quod omnium esset indignissimum, nouas religiones, nouas ceremonias neglecto pristino numinis cultu inuehi? Cuius cõtemptum omnium rerum perturbatio necessario sequeretur. Apud hos reges, & si non nihil literis profecturum se sperabat, non tamen in illorum auxilijs tantum spei ponebat, vt non & mediterraneos sollicitaret. Tantum nomen Lusitanum terroris barbaris facit. Hi reges hoc solo nomine nobis infensi, quod Christum colamus partim milite, partim pecunia eum iuuerunt. Præterea Coius Sofar in sinum Arabicum (vulgo angustias Mechæ vocant) ad propinquum quendam suum magnam auri, & argenti vim, literasque misit, vti Turcas, Arabas, Abessines, ex Asabebo, Suaca, & Iuda, quæ prouinciæ intra sinum sunt, extra vero ex Adena, vicinisque regnis fortissimum quemque militem ad se mittendum curaret: quod ille summo studio, diligetiaque non inuitus perfecit. Id robur exercitus fuit. at reges, qui oram maris Indici tenent, tametsi sua sponte à nobis deficere cupiebant, literisque regis Cambaïæ mouebantur, bellitamen alieni euentum expectare decreuerunt: amicos, inimicosque pro fortuna partium



tium habituri. Omnibus igitur rebus ad bellum comparatis, Rex Cambaïæ Sofarem potissimum elegit, quem summæ rerum præficeret. Nam præter opes ingentes, summamq; rei militaris peritiam, in eo vno homine par tanto imperio administrando autoritas inesse videbatur: ac nostrorum mores, & instituta optimè credebatur callere. Rex præterea non cessabat pollicitationibus animum hominis incendere: in præsentia se Dium illi ciuitatem opulentissimam dono dare: maiorem in futurum præmiorum spem facit, si nostros ex arce exturbaret. Sofar accepto Imperio tormēta, commeatus, arma, ceteraq; belli instrumenta in loca maxime idonea, nostroque præsidio propinqua contrahit, tirones ducibus externis, & veteranis militibus exercendos distribuit. Belli gerēdi principium in hyemem differt: cuius initium sub illo cēlo ad Cal. Aprilis est. hac enim ratione satis prouisum videbatur, ne à prætore nostro, qui Goæ (ea velut indiæ regia est) plurimum habitat, ibiq; conuentus agit, auxilia mitterentur. Nam sex integris mensibus hybernis mare tempestatibus clausum non sine maximo periculo nauigatur: facile per id tempus arcē expugnari posse credebat. Arcitum præerat Ioannes Mascarena Vir genere, factisque clarus, magno rei militaris vsu: aderat & in periculis obeundis animi magnitudo,



tudo, & in præcauendis insidijs prouidentia, & in militum animis tractandis prudentia, vt nullam bene gerendæ rei spem ex temeritate, aut segnitie ducis hostes sibi promitterent. Sed vix ducentos tum milites habebat quorum virtuti nõ solum illius arcis, sed totius Indiæ defensio, salusque innitebatur. Sofar ergo, quem nihil eorum quæ apud nostros agerentur latebat, & si instante hyeme maturandum videbat, tamen vt eadem simulatione qua hætenus vsus fuerat, belli consilia, quoad posset, occultaret, literas beneuolentiæ plenas in hanc fere sententiã ad Mascarenam scribit. Dium sibi à rege Cambaiæ donatum, se eo breui venturum, eoque libentius, quod bonã spem haberet, amicitiam iam inceptam mutuis ex propinquo officijs arctius coiturã; sibi in animo esse ciuitatem alioqui nobilem, & opulẽtam augere, amplificareq; rebus omnibus: velle eam munire com meatibus, & viris fortibus: non quod de bello quicquam cogitet: sed nõquam melius pacem conseruari, quam belli instrumentis. orare ne secus de se cogitet si munus regium magni æstimare videatur; ex opulenta, celebrique ciuitate maiora emolumenta posse capi, quam ex inope, & deserta; denique se, & quæcunq; chara haberet deuouere, omniaq; dira sibi imprecari, nisi regis Lusitanorum causa, cuius maiestatis conseruandæ se studio-

sum asseuerabat, mallet ciuitatē nobilitare, quā sua, se feclicē, ac beatum, cui nūc demum contigisset, quod tam diu, ac tantopere optauerat, vt eius consuetudine liberē frui posset. Orare ne animum syncerum, ac beneuolum aspernetur. Bello igitur vt ipsi videbatur, satis commodē dissimulato, magnam hominum turbā commeatus in urbem inferre iubet. hos statim secutus circiter finē mensis Martij, præfectus aliquot cohortiū Turcicarum. Is & si haud dubia iam imminētis belli indicia palam erumperent, quoad potest tamen rem præclarē dissimulat, nuntijs literisq; ad Mascarennam velut amicum missis. Ille, vt erat animi perspicax, & ad omnes hostium conatus semper intentus, statim fraudem præsentit, & quamquam manifestis indicijs bellum apparari palam esset, tres exploratores, qui hostium mores, & linguam callerent, in ea oppida dimisit, in quibus rex fere versari solet, hi rebus diligenter inuestigatis, hostiumque consilijs planē exploratis, cum viderent curribus bellica tormenta, cæterumque apparatus Inangen, Surratemq; inochi, omnia militari tumultu perstrepere, omni ope bellū parari renunciarunt. Quibus rebus excitatus Mascarenna nō oscitanter de summa rerum cogitandum ratus, iubet quam primum architectos omnes, fabrosque, & cæteros variij generis opifices,

pisces, qui vicina domicilia habebant, in ar-  
 cem ingredi: omnia tabulata, tigna, trabes,  
 malosq; nauium introferri. Interea ineunte  
 Aprili, alia militum manus à Sofare missa in  
 urbem ingreditur. is pacis simulandæ finis  
 fuit. horum enim militum petulantia & con-  
 tumelijs omnis prorsus ex animis sublata est  
 dubitatio. Iam Mascarenna rebus neces-  
 sarijs pro temporis angustia prouiderat: rei  
 frumentariæ in primis cura habita. Orizæ  
 magnam copiam, nam ea loco panis Indi  
 vtuntur, aliosq; commeatus, quæcunque  
 deniq; arci tutandæ idonea videbantur, quo-  
 ad fieri potuit, diligenter comparauit. Mer-  
 catoribusque Lusitanis, qui vxores ibi duxe-  
 rant, imperauit, vti quam quisque posset ma-  
 ximam commeatum vim in arcem aduehi  
 curaret. sterilitatem imminentem causa-  
 batur: periculosam vtique præsidij anno-  
 næ caritatem: ærarium regium iam exina-  
 nitum: æquum esse vnumquemq; pro facul-  
 tatibus priuata pecunia regem ad tēpus iuua-  
 re: sē id ipsum perlibenter facturum, mutuo-  
 que accepta pecunia commeatus aucturum:  
 quod ab omnibus sedulò, ac liberaliter pro-  
 uisum est: nec tam liberaliter tamen, quin  
 & frumentum, & carnes, piscesque defice-  
 rent. Nam cum Dienses ciues intellexerunt  
 aliunde coemi, compararique non posse,  
 necessaria suppeditare recusarūt, circiter du-  
 centi milites, vt diximus, in arce inuēti sunt,

cæteri cum exoluendis stipendijs pecunia in ærario minimè suppeteret, in alias regiones passim dilapsi sunt, & hos qui remanserant, Mascarena multis iam antea beneficijs deuinctos illa veterum meritorum gratia potius, quam pecunia retinebat. Iam literas ad Ioannem Castrum Indiæ prætorem, & ad Bassaimi, & Chauli præfectos summa diligetia miserat: vti quamprimum auxilia mittenda curret: rem, nisi breui subuētum sit, fore in maximo periculo. Rebus igitur pro præsentī copia quantum prouideri poterat, paratis, cū iam, Sofar, cum reliquis copijs vrbi appropinquaret, cum paucis illis præsidiarijs se ad bellum parat: quod in Sofaris aduentum modo dilatum videbatur. Decima octaua Aprilis die Sofar ingenti multitudine stipatus, summa ciuium exultatione velut triumphās Diū ingreditur. Aderat vnà Rumicā filius, quem machinis, tormentisq; bellicis rex præfecerat. Sequebatur præter militarem turbam, ingens alia colluuiēs, supra triginta millia hominum sine armis baiuli, & calones, ac rerum bellicarum vilioribus ministerijs tantum vtilēs. sed robur totius exercitus Turcæ erant, quinque millia selectissimorum militum: è quibus quadringenti sclopetarij Cū his copijs vbi Sofar in regiam venit, Mascarenam arcis præfectum de aduentu suo certiores facit. eadem fere denunciari iubet,

quæ

quæ antea literis mandauerat. Mascarenna vicissim, & si minime ignorabat, quo animo hæc dicerentur, tempori tamen seruiens, per Simonem Feum earum cōtrouersiarum iudicem, quæ de portorio oriuntur aduentum gratulatur, quem Sofar perhumaniter accepit, summam erga nostros beneuolentiam vultu, verbisq; præferens, præfecto eum renuntiare iubet, se nihil magis habere in votis, quàm vt pax perpetua inter suos ciues, Lusitanosque coalesceret, & conseruaretur, id vt succedat ex sententia, magnū in eo momētum esse, si firma, rataq; permanerent, quæ inter regem, & Garciam Noronnam proregem Indiæ conuenerant: ibi disertè cautum esse, vt inter arcem, oppidumq; murus conderetur: quæ res neutris damnosa videretur futura. hæc, vt mandata erāt, renūciata, Mascarenna ad concilium retulit, vna omnium sententia fuit, ne rumpendi fœderis occasionem præbuisse viderentur, vt tabulas, quibus pacta, & conuenta continerentur, ad Sofarem mitterent: se omnibus quæ ibi cauta essent perpetuo staturos, ac ne latum quidem vnguem ab his, quæ pepigerant, recessuros. Ita regi suo placere ab eoq; diligenter ipsis imperatum, vt omnia vtī scripta essent ad amussim seruari. si murus ille, vtī cautum est procul ab arce ædificetur, se non modo eos non morari, sed quam possent opem la-

turos.



turos. Verum si ad eum locum ædificare pararet, à quo Emanuel Soufa cognomento Sepulveda, illos iam antea opus aggressos deturbauerat, id se minimè passuros. ad hunc nuncium homo animi impotens bene dissimulatum ad eum diem odium prodit: tabulas minutim cōserpit: Simonem Feum, qui eas attulerat, comprehendit iubet: duosque milites Lusitanos, qui forte fortuna iuxta arcem inambulabāt, arreptos in vincula conijcit. toto enim superiore triduo mittēdis vltro, citroque nūcijs nihil aliud moliebatur, quā vt ex nostris quā plurimos pacis ostentatæ fiducia incautius agentes exciperet. quod nisi Mascarena diu antè prouidisset, ea res in multorum vertisset perniciem. Pace igitur, vt dictū est, à Sofare turbata, violatisque fœderibus, in oppido repente tumultus exoritur, ac trepidatio. ad arma ab omnibus partibus conclamatur. ductor quidam manipularium è gente Braminū, (sunt qui Brachmanas putant), cum expedita militum manu primus aduolat: sclopetisque, & omni millilium genere in arcem iaculando aperte iam bellum exorditur. Fit maximus vndiq; aliorum cōcursus. Sed antequam ad oppugnationem aggrediar, pauca de situ arcis prius dicenda videntur. Ea in præaltæ rupis tenui velut lingua procurrit: duabus partibus flumine, ac mari aluitur. Tertiam, qua urbem

urbem spectat, fossa ingens, ac murus, septēque turres modicis intervallis muniunt: quæ ferè omnes à diuorum nominibus nuncupatæ sunt. In fluminis ostio medio ferè a lueo rupes prominet: ea quoq; à nostris imposita turri ita munita est, vt fauces amnis hostibus infestas, nostris tutas reddat. nam inter arcem, ac turrim nauibus nostris statio est: sed tum demum onerandis aut exonerandis comoda, quam diu æstu non recipiente mare tranquillum est, alterum præsidij latus mare habet vadofum, aut in certis gurgitibus præaltum, equiti, peditique, & nauibus iuxta imperuium. Arcem igitur vel natura loci, vel munimentis vndique tutam aggressi ab ea parte, quæ ad urbem versa est, qua sola adiri poterat, oppugnare incipiunt: ea potissimum regione, qua ad oppidum Mahometanorum, quod illi Rumeum appellât, itur. Ibi enim tumulus loco cæteris magis edito, ad iactum fore sclopetæ assurgit, ex quo pars maior arcis apparet eo in loco, anno. 1546. vicesimo primo Aprilis die, biduo ante eum diem in quem forte inciderat memoria, ac celebratio mortis Christi, vbi primum illuxit, magna nostrorum admiratione turris apparuit, noctis vnus opus: lapidibus, non calce, bitumineve coagmentatis, sed temere in cumulo congestis, nisi quod maceræ instar frontes exæquauerant.

uerant. ingentes gossipij sarcinas propinnis obijciunt: quibus tecti, à tormentis nostrorū propetuti erant, ab hac turri velut arce altera nostram arcem maximè infestabant. præfectus vero Lusitanus quantum in re subita poterat, omnibus circumspectis, turreis suis tuendas distribuit, vt quisque fortitudine, ac prudentia præstabat, locis vnde plus periculi erat, præficit. Iacobæam turrim, quæ olim à Rumeis condita fuit, Ioanni Almeida, alteram ei propinquam Alfonso Bonifacio committit: Thomæam turrim magnitudine, ac pulchritudine ceteris magis conspicuam, Ludouico Sousa tradit: eam verò, quæ in sphæristerium prospicit, Antonius Freirus tueri iussus. Georgianam quæ nouæ portæ imminet, Antonio Passannæ vetus propugnaculum, quod magnitudine cum eo quodam portam rupis ædificatum est non est comparandum, Ioanni Viicino. maius autem illud alterum propugnaculum Antonio Rodrico qui fortiter, strenueque dimicando ibi cecidit, credidit. Fernandum Caruallum turri, quæ in æstuario fluminis sita est, præesse iussit, ei triginta milites dati. Turribus omnibus in hunc modum distributis, ac militibus in eas pro præsentī copia diuisis, reliquam manum sibi seruat velut in subsidijs, cum qua quocunque res posceret, ad repentina pericula occurreret. Verum antequam dimisit, præfectus



fectus paucis pro tempore eos allocutus est, Se non illis ducem datum, sed Christum immortalem, & omnipotentem deum. tanti ducis fiducia bene de victoria sperandum esse, qui nullo milite, nullis armis, sed solo ipso nutu, nō modo exercitum illum: sed omnes mortalium vires posset superare: omnes hac spe, fiduciaq; pugnare oportere, vt diuinitus sibi auxilia non putent defutura: Sese verò iam animo præfagire victoriam, quam pro certa habeat. Quod autem sibi nonnulli forte persuadent commodius, & ad salutem tutius, id ego, inquit, non modo scēdum, & flagitiosum, sed longe omnium perniciosissimum reor. Quanto enim satius est gnauiter, ac strenue dimicando gloriose occumbere, quam se turpiter dedendo tormentis lacerrari: crudelissimo, scēdissimoque mortis genere obtruncari? Id vnum à vobis commilitones peto, vt & religionis, cui nomen dedistis, & Lusitanorum gloriæ, & vestræ, maiorumque vestrorum virtutis vobis in mentem veniat. Cum eo autem hoste rem esse cogitate, cui præter perpetuum Christiani nominis odium, nec fides sit in promissis, nec in victoria modus, nec erga victos vlla clemētia. belli verò id genus esse, quod violatis scēderibus, contra omnis diuini, atq; humani iuris contemptores, inuitii, ac multis, magnisque iniurijs, lacesciti suscipimus: in quo vince-

re gloriosum, mori certa salus est, vinci, non minus perniciosum, quam turpe, ac dedecorosum. nolite per deum immortalem quæ maiores nostri virtute animiq; magnitudine obtinuerunt, ignauia, torporeque de manibus amittere: vestramque vitam, vel falsa spe salutis, vel turpi mortis formidine, in præsentē perniciem præcipitare. Hæc Mascarena, tametsi capiti omnium imminere vltimum discrimen videbat, præsentī animo locutus, primus ipse labores aggreditur: primus pericula obit: militis, & imperatoris uti res, tempusque postulabāt officio fungitur. Reliqui confirmatis animis ad vltima perferenda in sua quisque præsidia abeunt: ac statim omnes operi accincti centones, ac sarcinas in summis turribus disponunt: terram accumulāt. plena etiam dolia inter pinas collocant: vt minore periculo in hostem iacularentur, seque à sclopetarū ictibus facilius protegerent: nondum enim maioribus tormentis certabatur. Postero autem die, quam illa turris, cuius suprà mentionem fecimus, ab hostibus ædificata est, alia ad orientem spectans, atque item tertio die alia, opus incredibili celeritate confectum, nostris apparuit. hæc leni in collem quendā cliuo ascendebant: eadem omnes materia, & muniendi genere, & forma extructæ: stationes, speculatoresque ad eas custodiendas dispositi.

positi: qui & muros ferirent, & arcem vexarent. Hoc opus, vt dixi, cæteraque de nocte summa cura, ac labore expediebant: interdiu autem ab opere cessabatur. nostri enim, si quem de die munientem, aut aliquid operis molientem conspicati erant, idoneis locis dispositi, aut interimebant, aut male multatum dimittebant. Itaque nox operi destinatur: diem verò cætera turba reficiendis corporibus, milites oppugnationi dabāt. & quo facilius nostrorum paucitatem multis simul obeundis fatigarent, pluribus simul locis inuadere statuunt. Erat in statione navis Indica, ingenti magnitudine ancoris, retinaculisque alligata. hanc omni bellico apparatu instruunt: turres in ea complures excitant: amphoras, aliaque vasa pice, ac sulphure plena, hastas, sagittasque ignitas præparant: machinamque eæ altitudinis erigunt, vt turrim, quam in mari sitam diximus, æquaret: vt cum æstus ex oceano relaberetur, potestatemque nauigandi faceret, eam turri ad-mouerent, nostrosque milites æquato iā certamine, igni, tormentisq; submouerēt, ac propugnaculis propellerēt: ita facile, peruiūque sibi aditū fore, superante præsertim multitudine: quippe cū triginta solū turri turadæ milites adhibitos scirēt: quos opprimere difficile nō esset: Atq; hac via mari nostris interclusio facile sibi de reliqua arce victoriā, pmitter-bant:

bant. Nostri cum è summis turribus tantum huius machinæ molem crescere cernerent, ad præfectum perferunt. is id quod erat facile cōijciens, duas Catures, ita enim leuia quædam nauigia appellant, quæ remis velocissime agantur, parari iussit, Remigibus Guzuratib. vinctis, nec enim qui munus illud obirent alijaderant: viginti milites Lusitani impositi, Iacomo Leiteo oræ maritimæ circa Diu præfecto parere iussi. ac iam omni apparatu ad incendium faciendum comportato, nocte intempesta soluūt, & flumē ingressi ita cursum moderantur, vt quam minimo remorum sonoper silentiū applicent. ignem in funiculis latērem, ne fulgor eos proderet, sub vola manus occultant: nec tamen excubias fallere potuerunt. Nam Sofar cum præfecti nostri summam vigilantiam semper suspectam haberet, atq; omnia quæ in nostros machinaretur, in suorum perniciem verti cerneret, neque vllum tam occultum suum esse consilium, cui non Mascarenna multo antea occurreret, ad omnes arcis aditus vigilias idoneis locis collocauerat. Nauis autem siue quia tam longe ab arce aberat, vt clam nostris ædificari posse existimaretur, siue quia nostros non putabat commissuros, vt pauci in tam manifestum periculum se cōijcerent, præsertim cum nulla ab illis ad eū excursio inunientes tentata esset, vt in tuto

incu-

incustodita erat. Sofar igitur cum iam forte circumiret vigilias, primus Catures animaduertit, ac tintinabulo signum dari iubet: sclopetarumque sonitu militē excitari. Ingens hominum multitudo vndique accurrit magno passim tumultu, ac trepidatione: cum semisomnes, ac in tenebris sibi occurrentes nō intelligerent cui rei signum datum esset, verum vbi nauiculas viderunt, toto litore clamor oritur: passim discurretes sclopetas exonerant: atq; omni missilium genere nostros petunt. nostri tanto vehementius festinare, remiges hortari, quanta maxima possunt celeritate per medios sclopetarum globos præfenti animo euadunt: & ad nauem, quæ non longe à regia in ancoris stabat, applicant. Sulphuris amphoras, aliaq; incendiorum fomēta ingerunt. ibi res inopinata omniū animos nouitate miraculi attonitos pene consternauit. nauis enim cum summo omnium stupore contumax aduersus incendium illæsa permansit. id inceptum vbi frustra viderunt, se mutuo cohortati in nauem aliquot insiliunt: ancoralia incidunt: funes in Catures coniiciunt. ac remulco in id spacium quod inter arcem ac turrim est, machinam pertrahunt. Ibi hostium inspicientium summo cum dolore, & indignatione eam comburunt. Tātus eius incensæ fulgor terra, mariq; late reluxit, vt per aliquot noctis horas, vsum diei præberet.

Hæc res hostibus spem omnem ademit maritimæ oppugnationis. in hoc tam audaci, ac prope temerario incepto, si quando alias, manifesta uis apparuit. nam cū pauci per tantam hostium multitudinem, vbi nullum incidere vanum telum posset, irent, ac redirent, vnus tantum è nostris leui, nec admodum periculoso vulnere fauciatus est: tribus igitur, vt dictum est, turribus totidem noctibus ædificatis, magno conatu reliquum opus festinant: murum ab ipsis turribus ad mare vsque magni laboris opus producere conantur: gossipij sarcinas, doliaque terræ plena superimponunt: quibus tecti nostros tutò ferire possent. Eius operis continuandi magnam eis facultatem id præbuit, quod in arce pulueris sulphurei octoginta duntaxat doliola erant: quæ vix mensis vnus spacio suffectura videbantur, si largiùs ad omnia periculorum momenta puluere vterentur. Itaque milites moniti vt parcè, moderateq; consumerent: & ad tempora magis necessaria quantum possent, reseruarent: propterea quod obsidionē sine vlla spe auxiliij sex mensibus hybernis duraturâ putabant: quod per id tempus, vt antè demonstratum est, mare crebris tempestatibus, ac ventorum vi concitatum propemodum sit innaugabile: terrestria autem nulla expectabantur auxilia, propter viarum difficultates, & itinerum longi-

longitudinem. præterea reges, qui interiora Indiarum loca tenent, ob diuersum religionis cultum nomenque Christianum nostros grauiter oderunt. itaque aditus copijs nostris intercludunt, & omnibus incommodis persequuntur. Cum igitur omnium rerum ea difficultas esset, accessit præterea rumor ille passim diffusus, classem Turcarum cum maximis copijs in subsidium venturam, aut proximo mense Maio, aut ad summum, Septembri. hæ enim ex Arabico sinu in Indiam nauigantibus commodæ sunt tempestates. Itaque ad hæc tam periculosa tempora puluis reseruatur: nec in impediendo opere, nisi magnis bene gerendæ rei occasionibus consumitur. Nostri enim in id modo intenti erant, ut opus impedirent, nunc sclopetarum ictibus, tormentisq; molientes submouendo, nunc extructa diruendo. Sed nec hac ratione multum profici poterat: quod hostes superante multitudine, quæ deerant ædificarent, & diruta subito restituerent. Huiusmodi oppugnationis velut præludis iam mensem Aprilem, bonamque Maij partem contriuerant. Decima octaua eius mensis die septem nauigia subito apparent, quæ remis incitatæ recto cursu in arcem tendebant: illis hostes omnia tormenta opponunt: cursum quo ad fieri potest impediunt: obfistētib; tamē nostris in arcem excipiuntur. his præerat



Fernádus Castrus, filius natu minor Ioannis Castri Indiæ prætoris, hunc plures naues sequebantur: cæ teræ ventorum vi, ac tempestatibus disiectæ Bassaimum tenuerunt. Harum septem nauium præfecti, viri excelsa loconati, virtuteq; insignes fuerunt: Iacobus Reinosus, Franciscus Almeida, Petrus Lopes, Iacobus Sylua, Antonius Cunna, & Georgius Vascosellus, quem prætor, antequam de oppugnatione arcis Diensis certior fieret, duabus nauibus oram maritimam circumuehi & explorare iusserat. horum aduentus magnam fiduciam ac prope certam victoriæ spem prædidiarijs fecit. Initur militum numerus, quadringenti, & quinquaginta in arce fuere: omnes fere splendore nobilitatis illustres, multi equites, & qui in aula regia honestum locum obtinerent: omnes militaris disciplinæ periti, & sclopetis tractandis egregie exercitati. hi in supplementum per turres diuisi; ea quæ diui Ioannis vocatur, quæ omnium infirmissima turris est, Fernando Castro cum milite selectissimo custodienda traditur. Cæteri vt præfecto visum est, pro cuiusq; virtute distributi. nec quemquam sui periculi respectus ad imperium detractandum compulsi, excubiæ intentissima cura factæ. singulis vigilijs quinquaginta milites, interim etiam plures excubabant. Hi assidue munitores iaculando infestabant, nec vllum fere telum



In tanta multitudine vanum cadebat. & quāquam, vt ex Iuzarcane captiuo postea cognitū est, incerta illa per tenebras iaculatione, magna, & prope incredibilis multitudo perierat, alijs assidue succedentibus opus crescebat. nec tam animum hostibus minuit aduentus nostrorum, quam pertinaciam auxit. Itaq; ad copias terrestres multarum nauium classem adiungunt, quæ oram maritimam circumuectæ in aliquot naues longas incidunt, quæ à Chaulo, & Bassaimo commeatum in arcem comportabant. hæ vna cum vectoribus interceptæ. Interea opera circa arcē confecta erant. Murus per hortos præfecti ductus, qua Iacobæa turris imminet, ad iactum sclopetæ ab arce distabat. Alter ex transuerso factus. hos muros ita ad arcem prope ad-mouerant, vt nostrorum tormentorū ictus, quibus ex lōginquo maior impetus, & vis est, non adeo multum illis officerent: & iam omnis pugna prope ad manus venerat: neque quisquā aut hinc, aut illinc sine certa perniciē se ostēdebat. terra, marique inter hos magnarum rerum conatus mēlis, Maius finitus est. Incunte Iunio rex Cambaiæ cum nouo exercitu, urbem ingreditur. Nostri, & ex hostium tumultu, & gaudio, & concursu numerosē supra solitū multitudinis, id quod erat, suspicati sunt. Præfectus arcis Fernandus Caruallum, qui turrim quæ in

mari sita est, tuebatur nocte proxima exploratores emitte iubet, qui vnum, aut alterum ex hostibus raptant: è quibus, & noui gaudij causam, & consilia inimicorum scire posset. sex milites ad id electi, notæ fortitudinis, & audaciæ, ij in stationem vigillum proximam (ea quinquaginta hominum erat), impetu facto, vnum ex his vi secum in turrim pertraxerūt: nōnullis ex suo numero amissis. Is & regis aduentum, ac belli gerendi consilia aperuit. Postridie nostri omni genere tormentorum, tubarum insuper sono quantum possunt, strepitum excitant: ac per nocturna colloquia militū inuicē probra iactantium, (multi. n. hostium diuturno cum nostris commercio Lusitanum sermonem callebant) indicant, se regis excipiendi causa ea fecisse. eius aduentu se gaudere: ac nunc denique non cum hominum colluie, ignobiliq; turba rem sibi fore, quam hostem vocare puderet, sed cum rege, ac regio exercitu bellum legitimū, honestiorem victoriā, ac prædæ spem certiorē. Illi contra nostris vincula, supplicia, ac omnia seruitutis dedecora minari. Hæc per noctem vltro citroq; iactata. vbi illuxit: in muro, quē per vallem è regione turris iacobæ duxerant, tres telldines ingentes apparuerunt, vndique diligēter munitæ. in has basiliscos duos, spallafatum vnum, & complura minora tormenta

menta conuehant: quæ per muros disposita ita vineis tegebantur, ut hostes velut è tuto iaculantes, omnia nobis infesta facerent. Thomæam potissimum, & Iacobæam turres, & quod inter eas muri erat, ita crebris atque ingentibus globis feriunt, ut adictus mœnium cum terribili sonitu editos, omnia statim ruitura viderentur. Huic ergo parti Mascarenna in primis succurrendum ducens, accurrit: aliumque interius murum viginti pedes latum, ex ruinis ædificiorum quæ in arce erant, obijcit. has enim necessitates iam animo ante prospiciens, plurima in arce ædificia diruerat, ut lapides, aliamque materiam ad omnes casus opportunam haberet. Præfectus ipse cum cohorte nobilium primi manum admouet: horum exemplum alij secuti continuatis nocte dieque operibus, indefessis animis, ac corporibus sextodie opus perficiunt. Basiliscum vñ, ac Leonē in Thomæa turri aduersus hostiū castella obuertunt: omnesque eorum conatus, quātum consilio prouideri poterat, frustrantur. Illi interea pertinaciter instare, muros concutere, ac pinnas detergere: & iam Thomæam turrim pene mediam diffiderant, magna nostrorum, qui intus erant trepidatione, maiore etiam periculo: cum ad ea potissimum loca concursus fieret, quæ infirmiora viderentur: & utriusque velut signo dato, ad omnem

ruinæ

ruinæ sonum aduolarent: ac pari pertinacia hi ruinas defendere, illi superare cōtenderent, ac alij aliorum opera nouo semper aliquo commento turbarent. Itaque cum nostri neminem hostium sine præsenti perniciæ in muris consistere paterentur, tormenta sua in fenestras arcis, per quas nostri iaculabantur, collimant: eo consilio, ut bombardarios machinas onerantes opportunos ictibus haberent. & erant hostes ea iaculandi peritia, ut quodcunque signum animo destinassent, facile ferirent. Erat ea tormentorum vis, & magnitudo, ut tabulata à nostris ad fenestras obiecta, perfringerent, fragmentisque passim dissectis, multos vulnerarent, nonnullos occiderent, nec quicquam tutum paterentur. Igitur cum nostri multimoda arte eluderent, atque inuicem eluderentur: multiq̃ue circa tormenta, ac fortissimus fere quisq̃, vulnerarentur, commodissimum id visum est, ut puluerē, & globos Guzarates, Bragique nautæ immitterent, ignemq̃ admouerent: milites vero ad magis necessaria tempora se reseruarent. Cū circa Thomæam res in hoc statu essent, ne quid vsquam nostris tutum sinerent, aliam oppugnandi rationem ad Iacobzæm turrim tentant. Ibi enim cum extrema pars muri paulo cæteris editior esset, mortarium ingenti magnitudine admovent, qui globum

octo in orbem palmorum mittebat, ac pau-  
 cis diebus triginta globi in turrim iacti sunt,  
 maiore nostrorum terrore, quam damno:  
 quippe qui assidue ingentem molem omni-  
 um capitibus impendentem prospicerent,  
 quæ solo pondere, non solû corpora, ubi in-  
 cidisset, comminueret, sed ædificiorum tecta  
 perfringeret, ac fragmentis late volitantibus  
 omnia circum infesta redderet: & quan-  
 quam toto eo tempore nemo vulneratus es-  
 set, nihilominus trepidabant: cum se casu ma-  
 gis, quam consilio incolumes viderent. Hu-  
 ius malivnum remedium fuit æque fortuitû,  
 quod Bombardarius, homo singulari in hoc  
 genere peritia, temere emisso telo interem-  
 ptus est. huic successit alius pari fortasse nocē-  
 di animo, ac voluntate: arte tamen, ac for-  
 tuna dispari. nā globi omnes, quos in nostros  
 destinaverat, in sua ipsorum castra cadebāt.  
 mortario itaque illo carere maluerūt, quam  
 in suam abuti perniciem: nihilo tamen re-  
 missior erat oppugnatio. tanta enim omnis  
 generis tormentorum copia muros instruxe-  
 rant, tantus artificum numerus, tanta erat pe-  
 ritia, ut neminem nostrorum in muris con-  
 sistere paterentur. Pulvis autem sulphureus  
 quo utebātur, tam purus erat. tamq; subtilis,  
 ut Canis æreus, quod tormenti mediocris ge-  
 nus est, terræ dolium transmitteret. Cum  
 dies iam complures in hac parte arcis op-  
 pugnan-

pugnanda frustra consumpti essent, de alijs oppugnandis turribus consilium ineunt. 13. Iunij dies agebatur, cum è regione turris, cui Antonius Freirus præerat, duo Castella de nocte excitata, mane conspecta sunt. in his singuli Basilisci erant: extra verò in proximo mortarium ingensq; aliorum vistormentorum. Hæc omnia Diui lo. turrim spectabant: quæ, vt supra meminimus, omnium erat infirmissima, & loco, & structuræ genere: quippe ab alijs semota longius, & grauioribus faxis, nec optime coagmentatis edificata: quod inter illam & Iacobeam muri erat, concutere cæperunt. neque alijs tamen locis cœptam oppugnationem omittunt. & vt nostrorum paucitatem plurib. simul prælijs distinerent, quatuor partib. simul aggrediuntur. accendebat hostiũ animos Rex præsens, fortitudinis, atque ignauix spectator, actestis. Nostri tanto vndique circumfuso terrore, iam præsentis vitæ spem omnẽ proiecerant, & alienato à periculis animo ad immortalitatis cogitationem toti se conuerterant: ac iam vitæ futuræ fructus animo percipientes, in extremum se discrimen parauerant. Vna res eos continebat, ne in præsentem se perniciẽ præcipitarêt, quod arcem sua morte prodi hostibus videbant: ex cuius incolumitate, ac tutela, omnium qui in India erant, Christianorum salus pendebat: Itaque cum

eum hinc spes, hinc desperatio animos accenderet, tanto ardore vtriusque partis concursus est, tanta contentione certatum, ut omnia superiorum dierum praelia, omnis oppugnatio, cum hac comparata, levis, ac segnis videretur. Nullum illa die tormentum ociosum fuit. Mortarium, quod ad summum quater vno die exonerari solebat, septies in arcem globos misit. Parique vtriusque animorum contentione certatum est: nostris nullum momentum in aduentu regis esse, ostendere conantibus; illis in eius oculis iam de habitu cogitantis operam nauare cupientibus. Rex enim cum lentiolem suam spe, ac aliorum promissis, oppugnationem cerneret, nostrorumque obstinatam ad moriendum pertinaciam etiam timeret, ne quod maius facinus ex desperatione auderent, se in tutiorem locum recipere decreuerat. Principes etiam aulici, studij, & amoris erga regem prae-textu, suum occultantes metum, suadebant, uti rerum summam consuleret. Non enim esse prudentis regis officium tam periculosis praelijs interesse. exercitu amisso alium cogi, compararique posse. siquid regi accidisset, in eius salute non exercitum modo, sed vniuersum regnum periclitari His, atque alijs huiusmodi rex permotus, Iuzarcanem in castris reliquit, cum Abessinum copijs, virum, quem ut propter eximiam prudentiam in rebus



rebus gerendis plurimi faciebat, sic ob suauissimos mores. & intimam familiaritatē in primis charū habebat. Itaq; Madabam urbē amplissimam, ac totius regni caput, se recepit: vt hinc militem, pecuniam, com meatū, ac cetera, quæ vsus belli postulat, suppeditaret. Iam hostes omīssa spe arcis per vim capiendæ, operibus expugnare contendunt: aggeres ita nostris muris admouent, vt tormenta nostris inutilia redderent. Ante Thomæam ad sclopetæ iactum, lapidum congestu, arborumque ramis, magno conatu turrim ædificant. quod opus, cum nostri impedire non possent, in immensam altitudinem breui excreuit: adeo, vt arcem prope adæquaret. Ea res velut oppressos coercuit & à libero per arcem discursu maxime continuit. Erat enim hæc omnium turrium longe fortissima, quam nostri à virentibus arborum ramis Ramosam appellarunt. Ab ea vtrinque muri brachia ad mare perducta. & iam aliud immensi laboris opus dies, noctesque intenti inchoauerant, vt Iacobæam turrim, fossasque eius muro, & castellis includerent. Mascarena cum vnum pugnandi genus videret superesse in operibus impediendis, tormenta in alium, atque alium subinde locum trāsferrebat, vnde hostes maximè infestari posse credebat & quia, vt ante dictum est, noctes in opere hostes cōsumebant



mebant, vt nostros in tenebris facilius laterent. ferrea candelabra, magnamque vim lampadum ingentium passim disponit: è quibus lumen late refusum, & castra, & opera, & omnium hostium conatus veluti interdiu nostris ostendebat. hac ratione opus hæcenus impediabatur, vt è baiulis, ac vilibus operis magna multitudo conficeretur. sed hac iactura hostes non magnopere mouebantur. abiecta enim, miseraque illa mancipia nullo vitæ, mortisque respectu fustibus propellebant: ac si remissius opus facere viderentur, ferro plerumque sæuebant. illi tāquam pecora in medio trucidati, nostros, suosque iuxta timebant: ac metu suppliciorum, & vitæ tædio plerumque se telis obijciebant. Inter hæc, mensis Iunius effluerat: nostrosque magis vires, quam animi defecerant. nullus præteribat dies, qui non paulatim exiguum manum carpendo immi-  
nueret. indigenæ vero, aliaque seruitia, quibus in tormentis promouēdis, ruinis murorum obstruendis, aut cuniculis agendis utebātur, pene ad vnum perierant: aut ab hostibus cæsi, dum inter præliantes versantur, aut morbis, quos ex continuato labore, ac peruigilijs contraxerant, consumpti. Turris cui Ant. Freirus præerat, item altera, quæ Ioan. Almeida commissa fuerat, vt semper hostibus infestissimæ fuerunt, ita tum acerri-

me oppugnata. Iam bombardarij lógo belli  
 vfu, ac periculis sæpe obcundis audacio-  
 res fieri, & milites diu inter tormenta ver-  
 sati Bombardariorum munus obire: cum  
 omnium rerú copia abundarét, quarú apud  
 nos summam esse sciebant inopiam, & supe-  
 rante multitudine integri festis assidue suc-  
 cederent, breui sperabant arcem aut con-  
 ditionibus dedi, aut vi expugnari posse.  
 Iam muros ad fossam perduxerant: ac è re-  
 gione Thomæ turris ingentes fauces pa-  
 tefecerant: quas ita supratexerant, vt per  
 eas tutò fossas implerent. Iam è turri diui  
 Io. pinnas absterferant: nec materia suppe-  
 tebat, vnde nouæ fierent. Ipsa vero turris  
 ita vndique labefactata erat, vt iam iam mi-  
 lites oppressura videretur: & ramosa hostiú  
 turris omni bellico apparatu instructa arcé  
 æquabat. Aduersus hanc crescentem indies  
 perniciem Mascarenna iam animo pericu-  
 lum prospiciens, non longè à sacris ædibus  
 loco mari vicino tumultum excitat. huic  
 castellum imponit, ex aduerso turris ramo-  
 sæ. Huc ingentem Basiliscum, qui fauces por-  
 tustuebatur, aliamq; magnam tormetorum  
 copiam tráfert: quibus ita ramosam turrim  
 cócussit, vt & ipsa sua ruina custodes oppres-  
 ferit, magnáq; muri partem secum traxerit.  
 sic multorum dierum opus, in quo maxi-  
 mam victoriæ spé hostes posuerát, breui præ-  
 fectus

aus ludificatus est. Hac spe ergo destitutis, vna ratio superesse videbatur, vt fossas imple-  
rent & per ruinas in arcem vi erumperent. A  
Thomæa turre orsi, quæ maxime tormen-  
tis lacerata erat, castella frequetia muro, qui  
fossam contingebat imposita, alius murus  
viginti pedes ab hoc distans, totidem in alti-  
tudinem surgens eodẽ perducitur: inter hos,  
ex transuerso alios ædificant flexuoso circũ-  
actu, & velut imperuios quosdam angipor-  
tus: in quos si nostri irruptionem tentantes  
ingressi essent, deprehensi, errore viarum cir-  
cumuenirentur. ad oram fossæ vineæ fre-  
quentes maioribus trabibus factæ: super inie-  
cti rami arborum, rubique: ac terræ ingestu  
omnia solidata, vt aduersus ingentia saxa, i-  
gnemque tuta essent. Anterior pars asse-  
ribus tegebatur: qui ferreis clauis compacti,  
in tecti speciem, ictus à superiore loco elu-  
derent. Superiniectum aduersus sclopetarum  
ictus multiplex è durissimis corijs te-  
gumentum. alia item ex tabulis structura  
ad oram fossæ acclinata: vt per tabulas in de-  
cliuè prominentes saxa prouoluta, vltra me-  
diam fossam suo impetu ferrentur: spatium  
vero inter tectum, atque hoc tabulatum in-  
ferius, ita vndique opertum erat, vt qui lapi-  
des in fossam mitterent, à nostris conspi-  
ci nequirent. Ita vndique satis prospectũ vi-  
debatur, vt operæ tutò commearent. Nostri

vero, cum nec erumpere ad opera deturbanda possent, quippe qui turribus vix tuedis sufficerent: & tormentorum iam nullus esset usus: aliud commēti sunt remediū. Erat inter duas turres, ad quas tū maxime pugnabatur, ad imam fossam in ipsa rupe, angusta quædam velut crypta, lapidibus exterius in muri speciem obstructa, hanc nostri aperiunt, militibusq; intromissis nocte, dieq; continuato labore, lapides in fossam missos abstrahunt: per manus traditos in arcem inferunt, hostibus nihil interea sentientibus, vt qui prospicere in fossam nō auderēt, nostris sclopetarijs ad omnia loca idonea dispositis: & aurium vsum abstulerat strepitus materiæ in fossam coniectæ. Quatuor diebus, totidemque noctibus in hoc opere consumptis: cum alijs implentibus, alijs exhaurientibus fossam, mirarentur hostes cumulum non excrecere, plumbi libramento altitudinem fossæ explorant: ac labores suos irritos, inanesque conatus sibi referunt. Ea res vehementer hominis animum perturbauit: non tam, quod præsens consilium parum successisset, quam quod nihil se in posterum machinari posse speraret, quod Mascarena non facile eluderet: neque fortitudine modo, & laborum patientia, sed consilio etiam se à Lusitanis vinci moleste ferebat. Itaque anxius animi, cum multa se-

cum

cum versaret, neque quicquam eorum quæ succurrebant, satis placeret, iam ingruentibus tenebris homines linguæ nostræ peritos ad muros summittit, qui nostros ad prælium prouocarent: Enimvero mulierum more intra tecta conclusos solem, & puluerē pati non posse: velut fractos delicijs, & gloriæ militaris oblitos domi desiderere: non ita maiores eorum, non nuper Antonium Sylueiram ducem fortissimum bellum gessisse, sed cōgrediendo cum hoste: nō in munimentis, sed in manibus spem victoriæ gessisse: neque se tamen id militum, sed ducis proprium dedecus credere: miserrari se fortunam tot virorum fortium, qui ab homine imbelli constricti, & vincti teneātur. suæ etiam fortis pigere, cui cum tali hoste res sit, è quo victo nullam gloriam speret: victus, si modo vir à fœmina vinci possit, in summo dedecore, & ignominia futurus esset. Hæc ab eo iactata, vt militem laudibus, ducem contumelia accenderet, vt se fortunæ committerent. At Mascarenna satis gnarus quo hæc pertinerent, & alioqui aduersus ambitionem satis firmus, cum nulla in eruptionibus spes esset, suos continebat, neque quicquam temerè aggrediendū censebat, eo præsertim tempore, cum minima etiam peccata in summā perniciē possent conijcere vniuersos. Hac spe destitutus Sofar omnesq; conat⁹

suos frustra esse cernens, adeo excauit, ut præ animi impotentia in conspectu exercitus lachrymas nō tenuerit: quod postea cōpertum est ex literis Emmanuelis Rodorici, qui tum Dij in vinculis erat: quas ad Ioan. Dabreum Chaulum misit. Eo tempore fossis implendis hostes intenti erant, quæ res ut dixi, cum parum succederet: Sofar, id quod erat, ratus materiam à nostris subduci, ipse murum conscendit, ut aditus nostrorum, per quos in fossam commearent, dispiceret. & cū intentis in fossam oculis, velut cogitabundus in cubitum dextræ manūs inniteretur, bombardæ globo nequaquam in spem tantæ rei missa, capite cum dextra manu perfractis interficitur. Hic fuit Coij Sofaris exitus, & magni profecto imperatoris, & cui præter diuturnum rei militaris vsum, multæ, magnæque virtutes & animi, & corporis adessent: quas omnes praua quædam ambitio corruerat: ac non solum suæ religionis desertorem, sed omnium Christianorū acerrimum hostem fecerat. nostris præcipuè hominibus, & si sedulo dissimulabat, insensus erat, quod eos maximè spei suæ obstare videret. Itaque sæpe illam ex eo vocem auditā ferunt, fore ut à Lusitanis occideretur. Ex repentina Sofaris cæde tantus stupor omnium animos tenuit, ut toto postea triduo vix sex sclopetæ in hostiū castris auditæ fuerint: cum antea ita assiduè tormenta obstrepe-

rent, vt nec vocis, nec aurium pene vsus esset. Cum interea velut pactis vtrinq; inducijs ab oppugnatione cessaretur, nostriq; pro suo quisque ingenio eius rei causas cõiectarent, ecce fugitiuus quidam Bramin tam læti nuntij præmium sperans, ad nostros venit: Sofarem narrat mortuum: in castris tumultuari: militum maiorem partẽ obsidionis diuturnitate fessã: duces præterea animo concidere, quod omnia sua incepta eludi viderent: eamq; nostrorum hominum esse patientiam, vt in finem hyemis obsidionẽ facile protraherent: hæc cum totis castris passim fremerent, se existimare breui discessuros: vnum esse Rumicanem Sofaris filium, qui eos moraretur. Hæc insperata lætitia animos nostrorum recreauerat, tanquam in præsentia defuncti periculis essent: cum subito bellum longè vehementius exarsit. Rumican enim Sofaris filius viginti quinque annos natus, iam à pueritia Christiani nominis odio imbutus, domestica insuper calamitate accensus omni arte retinere exercitum contendit. ac principio cum palam reluctando se nihil acturum speraret, obsecundando paulatim impetum illum, & consternationem sedat: literas à rege expectandas suadet: neq; integris viribus, ac saluo exercitu committendum vt potius fugisse, quam discessisse videantur. Interea vt quisq;

autoritate apud vulgus pollebat, eorum se-  
orsum animos tentare: Interim apud singu-  
los opportuna temporis dicere, interdum se  
circulis inferere, ac multitudinis animos om-  
ni arte tractare: patrem quidem suum magnū  
ducem, ac fortem virum fuisse, sed vnum  
tamen hominem: ex cuius vita, aut morte nō  
modo eius exercitus, & regni Cambaïæ, sed  
totius prope oriētis spes pendere, vniuersis  
quidem turpe, tot verò ducibus, qui in exer-  
citu superessent, etiam contumeliosum. nec  
ferendum, vt tot annorum apparatus, tot  
mensium opera, hostibus timidissimis, ac sua  
iam confessione victis sint ludibrio. Eo e-  
nim iam redactos, vt neq; progredi ad con-  
ferendam manū audeant: neq; latebris se di-  
utius protegere possint. quicquid erat pericu-  
li iam exhaustum, gloriam verò perfecti bel-  
li superesse. Itaque si quando alias, nunca-  
cerrimè contendendum, ne eam è manib di-  
mittant: cædemq; sui ducis, & commili-  
tonum vlciscantur: demantq; sui contemptū  
in posterum: & libertatem à maioribus reli-  
ctam posteris suis relinquant. His, ac talibus  
sæpe audiendis confirmati militum animi,  
Rumicanem in locum demortui patris du-  
cem creant: ac literas opportunè à rege acci-  
piunt, quib' iubebat multo acrius oppugna-  
tioni insistere: neque pecuniam, neque com-  
meatū defuturū: se propediem nouū militem

in



in supplementum exercitus missurum: prærogatiuam suffragij militaris de Rumicano confirmat. Igitur magno militum studio celebratis exequijs Sofaris, maiore quam vnquã antea cõtentione ad opus reditũ Diruta restituunt, intermissa continuant, & si qua deesse videbantur, adiiciunt. Aduersus eam partem muri, quam maxime labefactauerant, frequentiora fiunt castella: vt inuicem sibi auxilio facilius esse possent, & pluribus tormentis murum citius diruant. Aduersus hæc, in turri Diui Ioannis duo Cameli oppositi, qui ex transuerso opera, quæ ad Thomæam fiebant deturbarêt. Eo enim tota vis hostium incubuit: ac ruinis turris Ramosæ duo castella erigunt. Eo comportati duo Basilisci, duo cameli, tres sphæræ, & iã his tormentis, quæ in turre Diui. Io. erat, omnem ad nocendum viam obseperant, & turrin cui Ant. Freirus præerat, propemodum totã diruerant, fossasque circa Thomæam assidue implebant: nostrorum vero militũ cæsi non pauci: Ceteri aut vulnerati, aut morbis ex assidua fatigatione continuati laboris languidi, vix arma ferre posse. præfectus tot malis vndique circumuentus vnã tuendam arcis spem habebat, si auxilia à prætore accepisset. Itaque ad eum scribit, quanta in difficultate versetur, quantaque celeritate opus esset; & ne forte, quia prætor longius aberat, id se-

rum auxiliū rebus perditis superueniret, litters ad præfectos præsidiorum in Bassaimo, Chaulo, cæterisque maritimis oppidis, quæ nostro imperio parent, mittit, cum his mandatis Ioānes Coellus ad Hieronymum Menesium, & Ant. Soufam speculatoria nauicula vehi iussus: inde à Chaulo terrestri itinere (nam mare hybernis tempestatibus imperuium erat) penetrare, lisdem ferè diebus quatuor millia Rumeorum, Abissinumque à rege Cambaiæ missa, magno reliqui exercitus gaudio tormentorum strepitu, tubarumque sono excepti. Ea res non modo spem victoriæ auxit, sed studia, & contentionem in opere faciundo accendit. præter calones, & baiulos mercenarios, vndique ex oppidis vicinis vulgi promiscui coacta turba, quæ materiam fossis implendis comportaret. Ea, ne sua multitudine munia confunderentur, diuisa: ac alij alijs ad signum tintinabuli succedere iussi: nunquam intermisso labore nostros vigilijs maximè fatigant. Ex hac turba, cum plurimi occiderentur, nunquam fere aberrantibus in tanta multitudine nostrorum telis. cæsi pro rudere, in fossam prouoluuntur: ac rursus alia iniecta materia operiebantur. ita cæsorū multitudo exercitum latebat. Nostri quanquam subtrahendæ materiæ non sufficerent, tanta tamen erat amplitudo, & altitudo fosse,

vt om-

vt omnia ligna in eas iniecta velut profunda voragine hausta minime celeriter pro spe hostium cumulus cresceret. Itaque brachia murorum, & aggerem, quem tanto labore perduxerant, eodem deiiciunt: arboresque vndique cōuectas, ac præcipue palmas (quarum ea regio feracissima est). Etiam trabibus aditum occultum nostrorum in fossam obstruxerant. Itaque nullo impediēte opus paulatim crescebat, breuique fossam implessent, nisi præfectus animaduerso materiam magna ex parte ligneam esse, atque incendio opportunam, tria dolia pice sulphureque plena in fossam coniecisset: atque immisso igne ingens latè incendium excitasset. aduersus hæc hostes velut id quod euenit veriti, amphoras fictiles aqua plenas ingerunt, quibus fractis aqua effusa magis flammā quam incendiū restinxit. nam cū in materia viridi conceptus semel ignis pertinacius hæreret, paululum aquæ iniectu sedatus vehementius exarsit: atque ingentem cumulum, qui iam fossæ altitudinem pene æquauerat, subito in puluerem redegit: quæ ita subsedit. vt restincto igne vix tanti laboris, ac operis tandiu continuati vestigia apparerent. Neque segnius tamē eo damno accepto in proposito persistunt: vnamq; spem victoriæ in fossis implendis positam existimant. Igitur totam mercenariorū manū, quæ multitudine

pene

pene incredibili erat, cogunt: ac distributos in certos ordines, terrâ, lapides, & quicquid occurreret præ se agere iubent. Iamq; ad orâ fossæ ea moles promota erat. sed veriti ne q̃ prius euenit accideret: nouâ excogitât machinam: equos vocant, trabes ingentes inter se compactas multiplici ordine coriorû tegunt. sub his tuti aggerem promouent. deinde vbi eorum altitudinem terra æquasset, alios, atque alios super aggerem nostris obijciunt: & quo minus opus impediretur, ex omnibus oportunis locis ita tormenta intonabât, vt omnem prospectum nostris adimerent, nisi si quem flamma inter fumum emicans dedisset. Sed præfectum non tam consiliû de implendis fossis perterrebat, quâ occulta consilia metuebat: ad quæ dissimulanda hæc velut oculorum ludibria obiecta essent. vna succurrebat nocendi ratio, ne cuniculis sub terram ductis, turres, ac murû subruerent. Itaque in incertos huius periculi euentus, transuersos cuniculos in arce agit: quæ res ei magno postea fuit vsui: nam dum acriter ad fossas pugnatur, ac materia iterû, atque iterum iniecta, superinfuso igne incenditur, hostes ex seruis transfugis certiores facti, quanta paucitas esset nostrorum, simul vt pluribus locis pugnantes distinerêt, simul vt tentarent, an in tanto tumultu fallere possent, cuniculos in arcem agunt: ac iâ  
ad

ad fossam transfuersam ad turrim Diui Thomæ peruenerant: nonnullosque è vigilibus incautos oppresserunt. Sed cum aliorum concursu retro essent reiecti, maiora tormenta in cuniculum comportant: ac fundamenta turris labefactare conantur: id quoque ubi parum processit, denuo ad fossas redeunt, quæ cum iam propemodum plenæ essent, ingentes nauium malos ad murum applicant: quibus scalarum loco vti, in summum nituntur. Nostri vero & si tædas, stuppam, picemq; & quicquid ignem facile concipit, in eos mitterent, tanta tamen subeuntium fuit pertinacia, vt in vltimum discrimen eo die ventum esset, nisi Mascarenna velut huic malo propiciens, intra murum semidirutū aggerem excitasset, è cuius area quadraginta milites propugnare possent. huic propugnaculo Antonius Passanna præesse iussus. quam prius ipse tenebat proximæ turris præfecto reliquit: quod is cum satis magnam militum manum ad vigilias obeundas haberet, vtramque tueri ad tempus posse videretur. Præterea Antonius Rodericus è turri, quæ in portu est, cum suo milite ad Fernandum Castrum transit. qui locum omnium infirmissimū, ac maximè suspectum tuebatur: neque à mari quicquā periculi timebant, cū nullæ hostium copię maritimæ in propinquo essent. Ita omnium curæ atque animi vtrinque in turres, &

res, & fossas versi, à quibus hostes non solum  
 terrore ignis repulsi, sed longioribus hastis  
 pleriq; deiecti, & ià vano incepto fatigati in  
 castra redeunt: ac dies aliquot reficiendis virib.  
 tradunt. Interea Simoné Feú de nocte pertra-  
 hūt, vnde facillime à nostris ex voce agnoscí  
 posset. Agnitus igitur cōtinuo cū colloquiū  
 expeteret, & se cōditiones pacis afferre affir-  
 maret: vbi præfectus aduenit, vt ab hoste e-  
 doctus erat, admonet, vt statum rerū suarum  
 animaduertérét: murū dirutū, turres laceras,  
 ac pene captas esse, quibus amissis reliqua arx  
 defendi nō posset: nihilo tamē minus Rumi-  
 canem, si arcē dedant incolumitatē omnibus  
 polliceri: naues insuper benignè daturum,  
 quibus Chaulū ad suos, aut si quo aliò velint,  
 trāsportarentur: monere igitur vt sibi in tē-  
 pore consulāt. neue eas cōditiones recusent,  
 quibus fortasse posterius cum vti cuperét nō  
 liceret. Mascarēna ad ea mādāta nihil respō-  
 det. Simoni, atq; alijs qui eum adduxerant, ni  
 subito discedāt, minatur. Rumīcani renūcia-  
 ri iubet, nullam sibi cum hominibus perfí-  
 dissimis pacem fore, quos propediē aut mor-  
 tuos, aut captos se visurū speraret. ad hāc vo-  
 cē hostes omnia tormenta, quæ in eum locū  
 iam pridem intēta habebant soluūt. id enim  
 colloquium petiuerant, non tam spe quic-  
 quā transigendi, quam quod nostros agnita  
 Simonis voce ad eam partē muri fréquentes  
 concur-

concurfuros exiftimauerant. Verũ res eorũ  
 ſpem longè fefellit. duo enim à noſtris ſolĩ  
 defiderati ſunt. Simon ſtatim è cõſpectu no-  
 ſtrorũ ſubductus eſt. Poſtridie inclinatio iam  
 in veſperum die, delecti ex toto exercitu,  
 quos Rumican corporum velocitate, & ar-  
 morum leuitate aptiſſimos ad id ratus eſt. Hi  
 duabus fere horis ante ſolis occaſum turrin  
 Diui lo. aggrediũtur: quæ quãquã à Fernãdo  
 Caſtro impigrè defenderetur, tanta tamen  
 pertinacia aſcendere cõtendunt, vt iam pene  
 ancipiti prælio ad manus ventũ eſſet. noſtri  
 non minus periculo, quam pudore moti, ſe  
 mutuò exhortantes impetum faciunt: ac tri-  
 ginta primos, qui iam aſcenderant, ex ſum-  
 mo præcipitant: alios in ſcalis hærentes lon-  
 gioribus haſtis deturbant: ac deturbatos ſax-  
 is, et igni ſuperingefto obruũt. eum habuit  
 exitum eius diei oppugnatio: hoſtiumq; te-  
 meritas caſtigata eſt, qui facilem de noſtris  
 victoriam ſibi promiſerāt, quos & paucos eſ-  
 ſe ſcirent, & morbis, ac laboribus feſſos. ſed  
 cũ eos redintegratis viribus ferocioreſ cõpe-  
 riſſent, omiſſis ſcalis redeũt iterũ ad tormẽta,  
 magis inopia melioris conſilij, & vt noſtros  
 laboribus conficerent, quam quod ad ſum-  
 mam belli proficere putarent. Aliquot ta-  
 men è noſtris fragmentis ſaxorum vulne-  
 rati: vnus tantum amiſſus. Ex eo tempore  
 cum vigilijs obeundis per ſingulas turres, vt  
 antea

vero, cum nec erumpere ad opera deturbanda possent, quippe qui turribus vix tuedis sufficerent: & tormentorum iam nullus esset usus: aliud commēti sunt remediū. Erat inter duas turres, ad quas tū maxime pugnabatur, ad imam fossam in ipsa rupe, angusta quædam velut crypta, lapidibus exterius in muris speciem obstructa, hanc nostri aperiunt, militibusq; intromissis nocte, dieq; continuato labore, lapides in fossam missos abstrahunt: per manus traditos in arcem inferunt, hostibus nihil interea sentientibus, ut qui prospicere in fossam nō auderēt, nostris sclopetarijs ad omnia loca idonea dispositis: & aurium usum abstulerat strepitus materiæ in fossam coniectæ. Quatuor diebus, totidemque noctibus in hoc opere consumptis: cum alijs implentibus, alijs exhaurientibus fossam, mirarentur hostes cumulum non excrecere, plumbi libramento altitudinem fossæ explorant: ac labores suos irritos, inanesque conatus Sofari referunt. Ea res vehementer hominis animum perturbavit: non tam, quod præsens consilium parum successisset, quam quod nihil se in posterum machinari posse speraret, quod Mascarena non facile eluderet: neque fortitudine modo, & laborum patientia, sed consilio etiam se à Lusitanis vinci moleste ferebat. Itaque anxius animi, cum multa se-

cum



cum versaret, neque quicquam eorum quæ succurrebant, satis placeret, iam ingruentibus tenebris homines linguæ nostræ peritos ad muros summittit, qui nostros ad prælium prouocarent: Enimvero mulierum more intra tecta conclusos solem, & puluere pati non posse: velut fractos delicijs, & gloriæ militaris oblitos domi desiderere: non ita maiores eorum, non nuper Antonium Sylueiram ducem fortissimum bellum gessisse, sed cōgrediendo cum hoste: nō in munimentis, sed in manibus spem victoriæ gessisse: neque se tamen id militum, sed ducis proprium dedecus credere: miserrari se fortunam tot virorum fortium, qui ab homine imbelli constricti, & victi teneātur. suæ etiam sortis pigere, cui cum tali hoste res sit, è quo victo nullam gloriam speret: victus, si modo vir à fœmina vinci possit, in summo dedecore, & ignominia futurus esset. Hæc ab eo iactata, ut militem laudibus, ducem contumelia accenderet, ut se fortunæ committerent. At Mascarena satis gnarus quo hæc pertinerent, & alioqui aduersus ambitionem satis firmus, cum nulla in eruptionibus spes esset, suos continebat, neque quicquam temerè aggrediendū censebat, eo præsertim tempore, cum minima etiam peccata in summā perniciē possent coniungere vniuersos. Hac spe destitutus Sofar omnesq; conat⁹

suos frustra esse cernens, adeo excanduit,  
 ut præ animi impotentia in conspectu exer-  
 citus lachrymas nō tenuerit: quod postea cō-  
 pertum est ex literis Emmanuelis Rodorici,  
 qui tum Dij in vinculis erat: quas ad Ioan-  
 Dabreum Chaulum misit. Eo tempore fos-  
 sis implendis hostes intenti erant, quæ res ut  
 dixi, cum parum succederet: Sofar, id quod  
 erat, ratus materiam à nostris subduci, ipse  
 murum conscendit, ut aditus nostrorum, per  
 quos in fossam commearent, dispiceret. & cū  
 intentis in fossam oculis, velut cogitabū-  
 dus in cubitum dextræ manus inniteretur,  
 bombardæ globo nequaquam in spem tantæ  
 rei missa, capite cum dextra manu perfra-  
 ctis interficitur. Hic fuit Coij Sofaris exi-  
 tus, & magni profecto imperatoris, & cui  
 præter diuturnum rei militaris vsum, multæ,  
 magnæque virtutes & animi, & corporis ad-  
 essent: quas omnes praua quædam ambi-  
 tio corruerat: ac non solum suæ religionis  
 desertorem, sed omnium Christianorū acer-  
 rimum hostem fecerat. nostris præcipuè ho-  
 minibus, & si sedulo dissimulabat, infensus  
 erat, quod eos maximè spei suæ obstare vi-  
 deret. Itaque sæpe illam ex eo vocem auditā  
 ferunt, fore ut à Lusitanis occideretur. Ex re-  
 pentina Sofaris cæde tantus stupor omni-  
 um animos tenuit, ut toto postea triduo vix  
 sex sclopetæ in hostiū castris auditæ fuerint:  
 cum antea ita assiduè tormenta obstrepe-

rent, vt nec vocis, nec aurium pene vsus esset. Cum interea velut pactis vtrinque inducijs ab oppugnatione cessaretur, nostriq; pro suo quisque ingenio eius rei causas cōiectarent, ecce fugitiuus quidam Bramin tam læti nuntij præmium sperans, ad nostros venit: Sofarem narrat mortuum: in castris tumultuarii militum maiorem partē obsidionis diuturnitate fessā: duces præterea animo concidere, quod omnia sua incepta eludi viderent: eamq; nostrorum hominum esse patientiam, vt in finem hyemis obsidionē facile protraherent: hæc cum totis castris passim fremerent, se existimare breui discessuros: vnum esse Rumicanem Sofaris filium, qui eos moraretur. Hæc insperata lætitiā animos nostrorum recreauerat, tanquam in præsentia defuncti periculis essent: cum subito bellum longè vehementius exarsit. Rumican enim Sofaris filius viginti quinque annos natus, iam à pueritia Christiani nominis odio imbutus, domestica insuper calamitate accensus omni arte retinere exercitum contendit. ac principio cum palam reluctando se nihil acturum speraret, obsecundando paulatim impetum illum, & consternationem sedat: literas à rege expectandas suadet: neq; integris viribus, ac saluo exercitu committendum vt potius fugisse, quam discessisse videantur. Interea vt quisq;

in supplementum exercitus missurum: prærogatiuam suffragij militaris de Rumicane confirmat. Igitur magno militum studio celebratis exequijs Sofaris, maiore quam vnquã antea cõtentione ad opus reditũ Diruta restituunt, intermissa continuant, & si qua deesse videbantur, adiiciunt. Aduersus eam partem muri, quam maxime labefactauerant, frequentiora fiunt castella: vt inuicem sibi auxilio facilius esse possent, & pluribus tormentis murum citius diruant. Aduersus hæc, in turri Diui Ioannis duo Cameli oppositi, qui ex transuerso opera, quæ ad Thomæam fiebant deturbarêt. Eo enim tota vis hostium incubuit: ac ruinis turris Ramosæ duo castella erigunt. Eo comportati duo Basilisci, duo cameli, tres sphæræ, & iã his tormentis, quæ in turre Diui. Io. erat, omnem ad nocendum viam obsepserant, & turrim cui Ant. Freirus præerat, propemodum totã diruerant, fossasque circa Thomæam assidue implebant: nostrorum vero militũ cæsi non pauci: Ceteri aut vulnerati, aut morbis ex assidua fatigatione continuati laboris languidi, vix arma ferre posse. præfectus tot malis vndique circumuentus vnã tuendam arcis spem habebat, si auxilia à prætore accepisset. Itaque ad eum scribit, quanta in difficultate versetur, quantaque celeritate opus esset; & ne forte, quia prætor longius aberat, id se-

rum auxiliū rebus perditis superueniret, lī-  
 teras ad præfectos præsidiorum in Bassai-  
 mo, Chaulo, cæterisque maritimis oppidis,  
 quæ nostro imperio parent, mittit. cum his  
 mandatis Ioānes Coellus ad Hieronymum  
 Menesium, & Ant. Soufam speculatoria na-  
 uicula vehi iussus: inde à Chaulo terrestri iti-  
 nere (nam mare hybernis tempestatibus  
 imperuium erat) penetrare, lisdem ferè die-  
 bus quatuor millia Rumeorum, Abissinum-  
 que à rege Cambaïæ missa, magno reliqui  
 exercitus gaudio tormentorum strepitu, tu-  
 barumque sono excepti. Ea res non modo  
 spem victoriæ auxit, sed studia, & contentio-  
 nem in opere faciundo accendit. præter ca-  
 lones, & baiulos mercenarios, vndique ex  
 oppidis vicinis vulgi promiscui coacta tur-  
 ba, quæ materiam fossis implendis compor-  
 taret. Ea, ne sua multitudine munia confun-  
 derentur, diuisa: ac alij alijs ad signum tinti-  
 nabuli succedere iussi: nunquam intermis-  
 so labore nostros vigilijs maximè fatigant.  
 Ex hac turba, cum plurimi occiderentur,  
 nunquam fere aberrantibus in tanta mul-  
 titudine nostrorum telis. cæsi pro rudere, in  
 fossam prouoluuntur; ac rursus alia iniecta  
 materia operiebantur. ita cæsorū multi-  
 tudo exercitum latebat. Nostri quanquam  
 subtrahendæ materiæ non sufficerent, tan-  
 ta tamen erat amplitudo, & altitudo fossæ,

vtom.

vt omnia ligna in eas iniecta velut profunda voragine hausta minime celeriter pro spe hostium cumulus cresceret. Itaque brachia murorum, & aggerem, quem tanto labore perduxerant, eodem deiiciunt: arboresque vndique cōuectas, ac præcipue palmas (quarum ea regio feracissima est). Etiam trahibus aditum occultum nostrorum in fossam obstruxerant. Itaque nullo impediēte opus paulatim crescebat, breuique fossam implessent, nisi præfectus animaduerso materiam magna ex parte ligneam esse, atque incendio opportunam, tria dolia pice sulphureque plena in fossam coniecisset: atque immisso igne ingens latè incendium excitasset. aduersus hæc hostes velut id quod euenit veriti, amphoras fictiles aqua plenas ingerunt, quibus fractis aqua effusa magis flammā quam incendiū restinxit. nam cū in materia viridi conceptus semel ignis pertinacius hæreret, paululum aquæ iniectu sedatus vehementius exarsit: atque ingentem cumulum, qui iam fossæ altitudinem pene æquauerat, subito in puluerem redegit: qui ita subsedit. vt restincto igne vix tanti laboris, ac operis tandiu continuati vestigia apparerent. Neque segnius tamē eo damno accepto in proposito persistunt: vnamq; spem victoriæ in fossis implendis positam existimant. Igitur totam mercenariorū manū, quæ multitudine

penē

ad fossam transfuersam ad turrim Diui Thomæ peruenerant: nonnullosque è vigilibus incautos oppresserunt. Sed cum aliorum concursu retro essent reiecti, maiora tormenta in cuniculum comportant: ac fundamenta turris labefactare conantur: id quoque ubi parum processit, denuo ad fossas redeunt, quæ cum iam propemodum plenæ essent, ingentes nauium malos ad murum applicant: quibus scalarum loco vsi, in summum nituntur. Nostri vero & si tædas, stuppam, picemq; & quicquid ignem facile concipit, in eos mitterent, tanta tamen subeuntium fuit pertinacia, vt in vltimum discrimen eo die ventum esset, nisi Mascarenna velut huic malo propiciens, intra murum semidirutū aggerem excitasset, è cuius area quadraginta milites propugnare possent. huic propugnaculo Antonius Passanna præesse iussus. quam prius ipse tenebat proximæ turris præfecto reliquit: quod is cum satis magnam militum manum ad vigilias obeundas haberet, vtramque tueri ad tempus posse videretur. Præterea Antonius Rodericus è turri, quæ in portu est, cum suo milite ad Fernandum Castrum transit. qui locum omnium infirmissimū, ac maximè suspectum tuebatur: neque à mari quicquā periculi timebant, cū nullæ hostium copię maritimæ in propinquo essent. Ita omnium curæ atque animi vtrinque in turres, &

res, & fossas versi, à quibus hostes non solum  
 terrore ignis repulsi, sed longioribus hastis  
 pleriq; deiecti, & iā vano incepto fatigati in  
 castra redeunt: ac dies aliquot reficiendis virib.  
 tradunt. Interea Simonē Feū de nocte pertra-  
 hūt, vnde facillime à nostris ex voce agnoscī  
 posset. Agnitus igitur cōtinuo cū colloquiū  
 expeteret, & se cōditiones pacis afferre affir-  
 maret: vbi præfectus aduenit, vt ab hoste e-  
 doctus erat, admonet, vt statum rerū suarum  
 animaduerneret: murū dirutū, turres laceras,  
 ac pene captas esse, quibus amissis reliqua arx  
 defendi nō posset: nihilo tamē minus Rumi-  
 canem, si arcē dedant incolumitatē omnibus  
 polliceri: naues insuper benignè daturum,  
 quibus Chaulū ad suos, aut si quo aliō velint,  
 trāsportarentur: monere igitur vt sibi in tē-  
 pore consulāt. neue eas cōditiones recusent,  
 quibus fortasse posterius cum vti cuperēt nō  
 liceret. Mascarēna ad ea mādāta nihil respō-  
 det. Simoni, atq; alijs qui eum adduxerant, nī  
 subito discedāt, minatur. Rumiciani renūcia-  
 ri iubet, nullam sibi cum hominibus perfidi-  
 dissimis pacem fore, quos propediē aut mor-  
 tuos, aut captos se visurū speraret. ad hāc vo-  
 cē hostes omnia tormenta, quæ in eum locū  
 iam pridem intēta habebant soluūt. id enim  
 colloquium petiuerant, non tam spe quic-  
 quā transigendi, quam quod nostros agnita  
 Simonis voce ad eam partē muri frequentes  
 concur-



concurfuros exiftimauerant. Verũ res eorũ  
 ſpem longè fefellit. duo enim à noſtris ſoli  
 deſiderati ſunt. Simon ſtatim è cõſpectu no-  
 ſtrorũ ſubductus eſt. Poſtridie inclinato iam  
 in veſperum die, delecti ex toto exercitu,  
 quos Rumican corporum velocitate, & ar-  
 morum leuitate aptiſſimos ad id ratus eſt. Hĩ  
 duabus fere horis ante ſolis occaſum turrim  
 Diui lo. aggrediũtur: quæ quãquã à Fernãdo  
 Caſtro impigrè defenderetur, tanta tamen  
 pertinacia aſcendere cõtendunt, vt iam pene  
 ancipiti prælio ad manus ventũ eſſet. noſtri  
 non minus periculo, quam pudore moti, ſe  
 mutuõ exhortantes impetum faciunt: ac tri-  
 ginta primos, qui iam aſcenderant, ex ſum-  
 mo præcipitant: alios in ſcalis hærentes lon-  
 gioribus haſtis deturbant: ac deturbatos ſa-  
 xis, et igni ſuperingefto obruũt. cum; habuit  
 exitum eius diei oppugnatio: hoſtiumq; te-  
 meritas caſtigata eſt, qui facilem de noſtris  
 victoriam ſibi promiſerãt, quos & paucos eſ-  
 ſe ſcirent, & morbis, ac laboribus feſſos. ſed  
 cũ eos redintegratis viribus ferociores cõpe-  
 riſſent, omiſſis ſcalis redeũt iterũ ad tormẽta,  
 magis inopia melioris conſilij, & vt noſtros  
 laboribus conficerent, quam quod ad ſum-  
 mam belli proficere putarent. Aliquot ta-  
 men è noſtris fragmentis ſaxorũ vulne-  
 rati: vnus tantum amiſſus. Ex eo tempore  
 cum vigilijs obeundis per ſingulas turres, vt  
 antea

minus suum obiret munus. Iam diuorum lo-  
 ac Thomæ turres, & quod inter eas muri est,  
 hostes aut diruerant, aut ita labefactauerant,  
 vt per eas erumpere se posse existimarent. I-  
 taque in eam partem, tota belli moles incli-  
 nauerat: omnium vtriusque partis animis ad  
 has turres oppugnandas, & defendendas cō-  
 uersis: in turri quæ portus fauces seruat, Fer-  
 nandus Caruallus intentissimas habebat ex-  
 cubias: ex ea enim velut specula magna pars  
 vrbis cerni poterat. Igitur pridie Diui Iac-  
 qui dies vicesimus quartus est Iulij, animad-  
 uersum est, omnes vias facibus collucere:  
 magnosque cætus templa ingredientium, &  
 egredientium passim vagari: audiebantur e-  
 tiam canentium voces velut lamentis, preci-  
 busq; mixtæ, obsecrationumq; ritus, quales  
 ad eum vsq; diem nullas audierant. Mascaren-  
 na hac de re certior factus, omnium turrium  
 præfectos admonet, vt suos in armis paratos  
 habeant, hostemq; quam primum expectet:  
 haud dubiè supplicationes illas eo fieri, quod  
 omnibus viribus collectis, in summâ dimica-  
 tionē se parent: nobis tamen eo maiorem ac  
 certiorē spem esse debere, quanto veriore  
 cultu Deum promerere studemus: illis vero  
 suas præces, peruersumq; sacrorū ritum, quo  
 numinis maiestatem offendant, in ipsorum  
 perniciē versurum: hinc etiam de victoria  
 bene ominari, quod Iacobi potissimū festo

nos aggredierentur, quē diuū Lusitanī, ac tota Hispania præcipuo quodā honore prosequitur: cuiusq; nomine aduersus Christiani nominis hostes pugnaturi pro tessera fere vntur. Nostri cū his admonitionibus dimissi ad discriminē se vltimum parauerāt, cū hostes paulo ante lucē acie struūt: ac nostros incautos opprimi posse rati, summo silētio ad urbem ducunt. Eorum aduentum vexilla, incerta etiam dū luce cōspecta, prodiderūt, vnūq; in primis, quod in lōgissima hasta Mahometē pictū habebat, cuius velut ductu victoriam sibi pollicebantur. His igitur animaduersis clamor ex omnibus turribus se mutuo exhortantium tollitur: ab hostibus, qui iā se non posse fallere videbāt, maior redditur. Vix signū in arce tintinnabulo datū erat, vt ab omnibus partibus ad omnia intenti essent, cū iā ad manus ventū est: ac alijs conscēdētibus, alijs subeūtes ē superiore loco, igni, ferro, ac saxis, omniq; telorū genere detruidentib. acerrime pugnatur. circa turrim Io. ac Thomæ maxima belli moles ingruit: quæ circiter sex millibus hostium oppugnabantur. Mascarenna cum expedita manu quocūque clamor vocabat, subsidia submittit: vbi maius aliquod discrimen imminebat ipse obuiam ibat: nec vllum boni militis, aut ducis eo die munus prætermisit. Contrā hostiū duces suos admonere paucitatis nostrorum,

suz

suæ multitudinis, neq; cum hominibus iã rê  
 esse, sed verius cū hominū simulacris, vulnē-  
 ribus, vigilijs, fame, morboq; cōfectis. ad ex-  
 tremū sacramenti memores esse debere: cū  
 nuper in téplis cōiurassēt, se nō nisi victores  
 in castra redituros: præsente hoc ipso Maho-  
 mete, quē suę quisq; fortitudinis, aut ignauię,  
 iurisiurādi seruati, aut violati nūc testē, mox  
 vltorē habituri essent. Omniū igitur ad hūc  
 diē oppugnationū hęc fuit acerrima: cū spes,  
 desperatio, vetus odium recenti ira cumula-  
 tum omnium animos variē versarēt: cum in  
 illius diei euentu Indiæ regnum positum v-  
 traq; pars arbitraretur: milites vbi muri de-  
 erāt frequentes cōglobati se hostibus obijci-  
 ebāt: è locis superioribus ignibus passim con-  
 iectis hostem deterrent. cum in ea re fere  
 nostri vnicum præsidium positum putarēt,  
 paulum abfuit, quin summam perniciem at-  
 tulisset: venti enim sub auroram acrior vis  
 coorta flammās, fumumque in nostrorum  
 ora inferebat: adeoque omnia repentina  
 nube inuoluit, vt nec quid hostes moliren-  
 tur cernerent, nec suos prope agnoscerent.  
 & cū sulphuris odore intercluso spiritu vix  
 honestè moriendi locus superesse videret-  
 ur, statim præter omnium spem secuta  
 cum serenitate tranquillitas. Ea res à nostris  
 in religionem versa animos addidit, itaque  
 renouato impetu se mutuo cohortati, hostes

denuo deturbant. Et iam mutuo conspectu reddito, tantus inter turriū præfectos eorū-  
 que milites ex æmulatione ardor cohortus  
 est, vt nisi ratio cōmunis salutis potius, quam  
 suæ singulos tenuisset, eruptione pugnatū es-  
 set. Thomæ enim turri præerat Ludouicus  
 Soufa cum cohorte nobilium adolescentiū:  
 proximam Diui Ioann. turrim prætoris fi-  
 lius Fernan. Castrus tuebatur, horum vter-  
 que cum contenderet, vt penes se hostis fu-  
 gati gloria esset, cum magna hostium clade,  
 multisque suorum vulneribus vterque præ-  
 clarum virtutis suæ specimen edidit. Egre-  
 giam quoque eo die operam nauauit Anto-  
 nius Passanna, qui ex aggere, quē tuebatur, ita  
 hostes infestauit, vt eum locū, quē ob humi-  
 litatem muri semidiruti facillimū aditu spe-  
 rauerant, magis etiam quā turres ipsas vita-  
 rent. multi circa eum locum vulnerati: supra  
 trecentos sclopetis interfecti. Interea dū hæc  
 circa turres geruntur, inopinata calamitate,  
 vnde minime expectauerant, penè omnes  
 circumuenti sunt. Erat prope Iacobæam  
 turrim rupes quædam latis ardua: is locus,  
 quia natura satis tutus videbatur, minus  
 quam cætera munitus erat; Mascarenna ta-  
 men, quia suspectum habebat, modicum in  
 ea præsidium collocauit: sed cum circa alias  
 turres omnia cōfuso tumultu, vt in noctur-  
 no prælio personarent, milites ad clamorē  
 suorum

suorū velut signo dato exciti relicta rupe occurrūt: hostes verò ad omnia intēti relabēte æstu in mare per vada penè iā sicca manū circū mittunt: hi omnia spe sua opportuniora nacti, rupē custodijs nudatā alij alios subleuātes, conscēdunt: ac sicubi locus opportunior erat, scalis ad motis in arcē penetrant, & iā dubia adhuc lucē in proxima rupe ædificia eque etiā deserta ingrediūtur: ac velut iā omnia suæ potestatis essent, etiā ad prædā vertūtur: ex his vnus mulierem in ædicula nactus, trepidam, ac penè exanimatam metu, bono animo esse iubent: cultellum petit, quo sclopetā vt videbatur impeditam purgaret, ac si quid pecuniæ haberet, rogat: illa animo recollecto benignè omnia pollicetur, ac velut id ipsum, quod pollicita erat, factura, interiorē domus partem ingressa, per posticum elabitur: ac vicinam quandam mulierem nomine compellans, arcem captam, ac omnia plena hostium esse clamat. ad hanc vocem excita alia ē proximo mulier animi plane virilis, hastam arripit, ac pro foribus stās hostes intra domum cohibet, ac totum angustum aliquandiu tuetur. Interea Malcarenna tam trepido nuncio accepto, cū parua manu, quam circa se ad omnes casus paratam habebat accurrit: omnia plena hostium videt: mulieres tantum complures adesse, quæ tenebris, & locis cognitis adiutæ tumultu ve-



tu verius, quam prælio eos remorentur. Aduentu igitur præfecti ingenti clamore, qui speciem maioris turbæ faceret, à mulieribus sublato cōcurritur. qui in rupe erant, statim præcipitantur: cæteri per vicos passim uagi, ac locis ignotis impediti obtruncantur: interim ab alia parte non minus tumultuose affertur, hostes iam irrupisse tanta multitudine, vt necesse sit è turribus accersiri subsidia. Mascarena vero: siue quod ex vano timore eum nuncium ortum existimaret, siue quantum periculi esset, si turres suis præsidijs nudentur perspiciebat, cum sua cohorte illuc aduolat, vnde periculum nunciabatur. sed cum id vanum comperisset, vnde venerat regressus, iterum hostes per rupem ascendentes comperit: nam siue eum digressum senserant, siue rarefcentibus tenebris loca magis explorata sibi rati, resumpta audacia rursus ascenderant, ac rursus aduentu præfecti deterriti, cum magna strage repelluntur. triginta circiter, qui in vnum locum se conglobauerant, ad vnum omnes cæsi: qui per domos ab initio prædæ cupiditate dilapserant, passim à fæminis, ac promiscua turba iugulantur. hæc ferè dubijs tenebris gesta. Iam dies exorta hominum, & armorum stragem ostendebat. Minor itaque trepidatio, sed pugna nihilo remissior in meridiem usque protenditur: quo tempore cum hostes

multa

multa conati, vndique cum magna cæde reiecti, fessi in castra se recepissent: nostri præter suam & hostium spem, ex hac clade incolumes ad vota & supplicia versi, gratias primum deo agunt, cuius numini, ac potentia, non suis viribus, & consilijs victoriam de hoste, arcem seruatam, suamq; incolumitatem acceptam referunt. Deinde in iro numero vtrinque cæsorum, comperiunt è suis septem tantum amissos: circiter quadraginta vulneratos. hostium supra mille in fossis, ac turrium ruinis inuenti. intra arcem verò cum tā angustus esset ascensus, vt vix bini penetrare possent, trecenti qui ingressi erant omnes ad vnum cæsi: quos ex habitu & genere armorū facile apparebat ex selectissima iuuetute fuisse, qui ea nocte, quæ oppugnationem præcessit, in templis coniurauerāt, se nisi victores in castra non redituros. In his etiam vnus ex Iuzarcanis est inuentus: ita enim vocantur, qui potentia ac nobilitate cæteros præcellūt. supra mille & quingenti ex hostib. vulnerati: magna pars flāmis ambugi, miserabili etiam nostris spectaculo, capta signa militaria complura, in his etiam Mahometis, cuius supra meminimus, imago. omnia fumo, ac fuligine fædata, & flammis semiuista. funus deinde occisorum magno militari studio celebratū. Milites pro cuiusq; virtute



à præfecto laudati, & ad cætera perferenda confirmati. scæminarum vero, quæ complures in arce erant, cum toto obsidionis tempore, tum hoc præcipuè die virtutis enituit: nam cum antea non solùm ea, quæ propriè ad earum curam existimant pertinere, sedulo fecissent, sed lapides ac terram quò opus esset ferrent, cuniculis faciendis & aggeribus struendis militarem laborem iuuarèt, tela in muros comportarent, vulnera obligarent, ægros curarent: eo vero die alienato à periculis animo, & velut sexus oblitæ, contineri non poterant, quo minus inter pugnantes versarentur, ac belli partem, sicubi opus esset, cum viris capefferent: & cum plerisque inter ministrandum viri aut propinqui vulnerati occurrerent, nullam earum aut luctus domesticus, aut terroris species oculis obiecta ab opere deterruit. Secundum hanc pugnam nostris spes facta est, hostem tanta repulsum clade, aut soluturum obsidionem, aut per aliquot dies quieturum. Contra Indi nostros, quos paucos esse sciebant, partim cæsos, partim fauciatos cum putarent, instandum rati, nec vllum respirandi tempus dandum: nouum Mahometis simulacrum magis horribili, quam antea, specie hastæ affigunt. Caputerat ingens: capilli ad cubiti longitudinem in humeros demissi simulacrum operiebant.

Ad

Ad hoc rursus coniuratione facta, vigesimo septimo die Iulij arcem denuo oppugnare aggressi. sed cum nostros spe sua paratiores inuenissent, lentius in muros subibant: ac nisi principes, qui agmē cogeabant, ultimos protruderent, ac regredientib. minitarentur, in castra statim reuersuri videbātur. nam cum primi qui ascēderāt deiecti essent: magnusq; ollarum ignitarum numerus esset infusus: ibi miserabilis facies oculis obiecta est. Indi enim ferē omnes aut gossipio, aut lino ad vestem vtuntur. Ignis itaq; desuper immisus: cum in ea velut fomenta incendij incidisset, flamma statim per totos cuneos peruagata, latē relucebat, tanta celeritate, vt momento temporis corpora cute nudata, aut vndique ita pendente, velut in lora concisa esset, oculis exustis, orisque specie amissa, deformes trunci ingentem horrorem cernētib. afferrent; nec quisquam in tanta calamitate, ne contagio corriperetur, opē afferre auderet. Quibus vero ignis inhæserat, velut cæci, & amentes, cum nec arma detrahere possent, nec flammam restinguere, præcipientes quō impetus ferebat, nullo sui, aut hostium respectu procurrebant. Nostris vero ab igne longē minus erat periculi, quod panno fere laneo vestiebantur: manusq; chirothecis, femora, ac tibias ocreis è corio muni-erant: vt & ignem ipsi tractare, & ab hoste

colectum excipere, sine magna perniciē pos-  
 sent. Sed cum iam ad id genus vestis, coria nō  
 suppetērēt, multis iā tegumētis igne corrup-  
 tis. nullus. n. fere dies abibat, quin supra ducē-  
 tas amphoras sulphuris, hostes in arcē immit-  
 terēt: Mascarenā tapeta preciosissima ē pelli-  
 bus inauratis, in eū vsum per manipulos di-  
 stribuit. ab latere præterea duob. tormentis  
 camelo, & sphaera magna strages edita. Ea. n.  
 tormēta ita cōmodē posita erāt, vt nihil ad-  
 uersus eorū vim obijci posset. Itaq; hostes vn-  
 diq; male habiti à nostris, trecētis amissis, plu-  
 ribus etiam saucijs in castra redeunt. nostro-  
 rum perpauci vulnerati, nemo occisus. Hæc  
 fere ad Thomæ ac Ioan. turres gesta: in  
 quas tota belli moles se inclinauerat. Inte-  
 rea tamen ab nulla parte, neque ab hostibus,  
 neq; à nostris cessatum. Nā & fossa turris Ia-  
 cobæ impleri cæpta erat: & castella ad  
 operas tuendum passim erecta: & in medio  
 ardore pugnæ admota muris testudo: &  
 sub ea milites omni genere ferramentorum  
 ad id instructi murum diruunt. hi statim  
 vbi animaduersi sunt, cum magna cæde  
 submoventur: ad opera disturbanda tor-  
 menta locis commodis disposita, alia pro  
 turre Iacobæ, alia pro Thomæ: aduersus-  
 que mortarium ingens cum magno numero  
 minorum tormentorum oppositum: in qui-  
 bus cū parum momenti videretur, rursus ad  
 soli-

solitas artes versi, frequentiora castella, maioresque aggeres excitant: quibus protecti per omne id tempus fossas implebant: neque ulli toto oppugnationis tempore nostris molestiores fuerunt, quam transfugæ Christiani. & primi lacescebant, & vehementissimè instabant, & ad perseverandum hortabantur: neq; quemquam eorum aut patriæ respectus, aut religionis, cultusque pristini, quem ipsi se abieciisse, nisi si quando Turcis gratificari volunt, negant, ut vel ad nostros redirent, vel hostium consilia iudicarent commovebant: quin quotiescunq; colloquendi facultas erat, omnia tētabāt, ut nos ad ditionis cōditiones pertraherent: nostris. n. vires præsentēs fractas, & debilitatas esse, auxiliij spem præcisam, sibi in castris fortissimum adesse exercitum, à tergo regnum opulentissimum, unde milites & com meatū, quoties opus esset, liberè assumant: Iuzarcānem perhumanum, ac facilem esse, ac facile ab eo impetrari posse, ut, si se statim dedāt, omnes incolumes dimittat: nec sua pertinacia animū natura mitem exacerbent. Nostri cōtra hominum sceleratorum perfidiam execrari: qui corpus & animū ita lucro addixissent, ut exiguæ mercedis gratia, utrūq; perditum irent. In præsentia pœnas, quæ ab hostibus exigi possunt, minari: in posterum æterna illis supplicia expectanda æquissimo dei iudicio,

dicio, cuius auspicijs certam sibi victoriam propediem polliceretur. Dum hæc ad Diu geruntur, postridie quam asperrima illa opugnatio cœpta est, Lembus appellit à Bassaimo; nouem erāt in eo milites lectissimi, qui maioris auxilijspem faciebant, sed tardioris multo, quàm res tanta postulabat: litteris nimirum ad prætorem terrestribus itineribus Goam perlatis, quod mare hyberno sydere tum maximè tumidum, imperuium esset. Huius naiculæ aduentus quantum nostrorum animos spe recreauit, tantum labores ac pericula auxit. Nam hostes cum per exploratores, quos in maritima ora collocatos habebant, certiores facti essent, milites plusquam mille à prætore missos in Bassaimo hyemare: ac mare viderent minus tēpestuosum per aliquod dies fuisse, quàm quisquam hybernis mensibus in illis regionibus meminisset: & naiculam illam cum maxima nostrorum gratulatione & gaudio exceptam sensissent: procul dubio sibi persuadēt, auxilia non longè abesse. itaque, quanquam sæpe magna clade reiecti essent, denuo remtentandam cēsant: ac maiore quam vnquam antea conatu, circa meridiem, quod tempus in calidis maximè regionibus quieti dari solet, quam occultissimè possunt ordines explicant: ac partito labore, ab omnibus simul partibus impetum faciūt, tanta celeritate, vt

prius

prius pene in muris cōspecti sint, quam quī-  
 quam venientes sensisset. subito ad arma cō-  
 clamatum. Primum impetum stationes, quæ  
 in excubijs erant, exceperunt. reliqui tam  
 tumultuosè accurrunt, tantoque ardore se  
 in confertissimos inferunt, vt qui ascende-  
 rant, ad vnum omnes interempti sint. Repē-  
 tina enim illa trepidatio, ita vltimi discrimi-  
 nis cogitatione, omnium animos perfudit:  
 vt suæ salutis immemores, velut in certam se  
 perniciem cōijcerent. Ac prima impressio-  
 ne primis coercitis, qui sequebantur minimè  
 retardati, siue quod suos intra artem pugna-  
 re crederent, siue quod ad hanc velut vltimā  
 oppugnationem animos ob stituauerāt, alios  
 alijs impellentibus in summa nituntur. No-  
 stri sedata trepidatione, ad solitas artes ver-  
 tuntur: ignes deuoluunt: sclopetis multos  
 conficiunt: ac maioribus globis ex transuer-  
 so missis scalas vna cum hominibus deiiciūt.  
 In hac pugna omnia fere eadem fuerunt, quæ  
 in superioribus: iam notis inter se artibus, ni-  
 si quod hostes maiore quam vnquam antea  
 pertinacia contendissent, festinantes finem  
 bello imponere antè aduentum auxiliorum:  
 & nostri omnia spe sublata, aut vincēdum,  
 aut moriendum scirent. Et quemadmodum  
 eisdem artib. & animis, quibus antea, pugna-  
 tum est: sic idem pugnae fuit euentus. Hostes  
 inferendis accipiendisq; vulneribus fessi, sub  
 occalum



occasum solis se recipiunt, circiter mille suorum amissis: quorum magna pars in primo congressu ceciderat. Hæc pugna omnem spem hostibus ademit, arcis per vim capiendæ. & tamquam pro certo haberent, nostra auxilia non procul abesse, tormenta omnia colligunt, certi discedere, si subsidia ad nostros in tempore venissent. Obsidio tamē interim continuata: & cum iam rumor de adventu prætoris paulatim euanesceret, ad cuniculos extruendos, ne quid intentatum relinquerent conuersi. Interea in arcem ad ultimum malorum ventum erat, foris bello; intus fame grassante: ad tātāmq; rerū omniū ventū erat inopiā, vt frumentum quadragies multiplicato precio vāniret, gallina decem auris venderetur: nec tanto proposito precio, inueniretur tamē qui vēderet: nisi si quis suo se victu necessario defraudans, saucijs aut morbo laborantibus id daret. & qui acceperant non emptum, sed donatum interpretabantur. Iam murium feliumq; carne passim vescebantur. quidquid herbarum aut radicū vsquam erat, sine discrimine in victus vsum conuersum. His malis patientia militum victa: & qui ad eum diem tam obedienter imperata fecerant, sæpe de erumpendo consilia inierunt: & iam vitæ spe proiecta, dū aliquid virium ad pugnam superesset, in hostium potissimum castris moreretur. Verū Mascarenna

renna variè animos tractando, eos consolabatur, nunc spè auxiliij propinqui, nunc hostium confessione, qui desperata victoria, de fuga quotidie cogitarent: neq; se in mora futurum, quo ininus cum eis erumperet, nisi morte eorum arcem, & vna cū arce quicquid in India præsidiorū Lusitani tenerent, prodi videret. Accessit his malis illa difficultas: quod pulvis bombardicus deficere cœperat, adeoque parcè suppetebat vnde fieret, vt vix in singulos dies parari posset quantum vni tormēto sufficeret: & amphoræ igni sulphureo in hostes mittēdo comminutæ erāt: neq; ollæ supererant aut vsui domestico, aut pulueri excoquendo. In hūc vsum à Mascarenā excogitatum, vt hini imbrices cōponerētur, suppletis bitumine cōmissuris. ita paululum pulueris in vsum quotidianum cōficiebatur. Interea hostes dies noctesq; in cuniculis excavandis cōtinuabāt, quos in turrim. D. Ioa. direxerāt: quod ea infirmissima omniū esset, & ad id maximè opportuna. Erat n. sita partim super rupē: & partim in vetere fossa, quæ arcē ambiebat, cū ei præerat Ant. Sylueira. Emanuel Souza qui illi successit, turres deiectas à fundamentis, firmiores quā antea instaurauit: fossa quæ latiori inclusit. cum ad Ioannisturrim ventum est, cætera vt erant, reliquit. veteris tantum fossæ partem noua inclusit. Id cum hostes animaduertissent,

omnes



omnes suos conatus eò verterunt: ad murum propinquum opera admovent: sub quibus tecti quanto maximo possint sonitu in eam eius partem demoliuntur: alij cum ingēti fragore saxa in fossas coniiciunt: omnia de industria strepitu ac tumultu complentur, ne à nostris cuniculum molientes presentiri possent. Ita continuato per aliquot dies opere, ad transuersum cuniculum peruentum est, quem nostri id ipsum, quod euenit, veriti, multo ante perfoderant. Ligneos etiam equos, aliasque complures machinas ad eam turrem opponunt: & quam proximè possunt ad muros admovent. Nostri interea bōbardis machinas disturbāt: dolium puluere sulphureo plenum ad exitum cuniculi, vbi cum transuerso committebatur, vt igne ac fumo hostes eò ingressos exanimarent, obijciunt. Eisdem diebus, quibus hæc ad turrim gerebantur, Guzarates quidam ex eo genere calonum, qui seruilem in morem verberibus ac supplicijs materiam in fossas ferre cogebantur, propius ad murum accessit, velut vitæ tædio morti se ultro obijciens. is cum à milite inuitatus vt ascenderet, facile annuisset, acceptus in arcem ad Mascarennam ducitur. quis esset, & cur transfugisset, cum respondisset: de consilijs hostium ecquid sciret rogatus, fabulam ad quam agendam missus erat, intrepidè orditur: Regem Patanæ cum

magnis

magnis equitum ac peditum copijs in Cambaiam descendere : hoc biduo Moiatecanem à rege missum in castra venisse, literasque ad Rumicanem attulisse, quibus iubebatur obsidione soluta, cum omni exercitu ad regnum tuendum venire: iam cursus ac iumenta tormentis auehendis comparari: Rumicanē antequā discederet, diem statuisset, quo die. D. Io. turrim toto exercitu admoto aggredi decreuisset : à qua si per vim repulsus esset, sine mora castra moturum. Multa erant quæ indicis orationem confirmarent: veteres regum Cambaiæ, & Patanæ inimiciæ : & tormenta superioribus diebus, incertum qua de causa, amota: & lentior solito oppugnatio, velut ad ultimi conflictus euentum se præparantibus: & loci, qui petebatur, infirmitas. Et quod de Moiatecanis aduentu indicauerat, verum erat : id tamen nostros cælauerat, militum quatuordecim millia cum eo vnâ venisse. Nostri igitur in eius diei discrimen (neque enim longe aberat) alacrius quā ad vllū vnquā certamen se præparabant: quod pro certo putarent, eo die aut honesta morte, aut victoria, malis præsentibus & imminentibus se liberatum iri. In id ergo tempus intenti, se ad dimicationem parāt: cuius potestatem toties à præfecto sibi negatam, hostis iam facturus esset. Eo tempore Fernandus

nandus Castrum cum febris vehementer laboraret, nec admonitionibus, nec precibus, nec auctoritate cuiusquam retineri potuit, quominus partem periculi in se capesceret: neque ferendum existimabat, ut qui periculis aliorum toties subuenerat, locum sibi propriè commissum in extremo discrimine deferret. Itaque animi viribus, corporis infirmitatem dissimulans, suorum animos ad pericula subeunda hortando, præparat: rerum præclarè gestarum à maioribus in India & Africa commemoratione accendit: parua sæpè manu hostium numerosos exercitus fusos ac fugatos: oppida capta: vnūquēque præsentium sui privatim decoris, ac rerum per tot menses, quibus obsessi fuerunt, gestarum admonet: neminem esse omnium, qui non eo tempore decem aut plures hostium occiderit: esse nonnullos, qui totas à se cohortes extinctas meritò gloriari possint: Diuinum verò præsidium cum Lusitanis in omnibus bellis semper adfuerit, in hoc non defuturum, quo nullum vnquam iustioribus de causis sit susceptum: quæcunque humano consilio prouideri possent, ea præfecti sapientia ac diligentia prouisa: itaque in hoc prælio, quod vltimum futurum esset, eum quem superioribus diebus animū præstitissent, præstare debere: semperque illud secum cogitent, fortissimum quemque tutissimum esse. Ijs ille adhortatio

hortationibus, animos suorum sponte paratos, in expectationem conflictus erexerat. Et iam decimus Augusti dies aderat, quem maiores nostri Diuo Laurentio consecrauerant: hostesque prælii destinaverunt. Iam signa ex oppido efferri cepta: maioresque, quæ ad eum diem visæ fuerant, in armis copiæ productæ: & nostri stationibus per murum dispositis, ad impetum eorum excipiendum stabant parati: cum Indi ubi primum intra teli iactum venerunt, velut subito terrore perculsi retrocedunt: ac iterum statim velut turpis fugæ puderet, renouato impetu incurrunt: ac denuo eadem timoris simulatione, qua antea fuerant usi, retro abeunt. Mascarena pro certo habens id fraude agi, ad Ferdi. Castrum mittit, qui admoneât: ut cum suis in tutiorem locum se recipiat: paucos in speciem tantum pro muris relinqueret: non dubium esse, quin hostis ignem cuniculis admoturus esset. Vix perlato nuntio, impetu longe maiore quam antea illati, statim se trepide recipiunt. Hec simulatio eò pertinebat, ut ad turrim tuendam quamplurimos nostrorum contraherent. Id cum iam abundè fecisse viderentur: procul intentis in eam oculis, doli evectum expectant. Interea è turri Ramosa magnam ignis vim quidam coniecit: qui per semitam pulvere sulphureo contratam, repente in

veterem fossam, ac per eam in cuniculos pul-  
 vere sulphureo nitroq; plenos cucurrit: ac  
 statim incendio latè fuso, cum spiritus in an-  
 gusto loco inclusus egredi niteretur, rturrim  
 à fundamentis conuellit: ac partem eam, quæ  
 ad fossam pertinebat, tanta vi sustulit, ac rur-  
 sum libero cœlo evanescens dimisit: vt non  
 modo corpora hominum, sed saxa ingen-  
 tia ruina ipsa collisa & comminuta sint. Alte-  
 ra pars quæ in rupe stabat minore impetu,  
 sed nihilo minore perniciemilitum corruit:  
 fragmenta enim saxorum passim volantia,  
 si quos non penitus obtriuierant, cruribus aut  
 brachijs fractis truncato in miserabilem morè  
 corpore, semianimos inter ruinas prostraue-  
 rant. Quidā maiore vi in altum elati, quantū  
 penè oculi acies sequi poterat, suo pondere  
 cadentes contriti sunt: nonnulli velut tor-  
 mento missi in aciem hostium proiecti sunt:  
 quorum morte non contenti homines cru-  
 delissimi, in deformia ac trunca cadauera  
 sæuebant. Viginti quinque præter suam  
 & aliorum spem incolumes euaserunt, à  
 quibus tres post perierunt. Cæteri ad nona-  
 ginta quinq; maiori ex parte nobiles clarisq;  
 orti maioribus, vario mortis genere perie-  
 runt. in his Fernandus Castrus duodeuigin-  
 ti annos natus: cuius in ea adhuc ætate tanta  
 fuit prudentia, & consilij maturitas: vt ea  
 pars arcis vnde potissimum ab hoste time-  
 batur

batur periculum, ei commissa sit: totoque obsidionis tempore ita se gessit, ut nulum in eo magni imperatoris munus desideraretur: magnumque sui desiderium apud omnes reliquit: quippe in cuius ingenio, si maturuisset, magnum rei Lusitanicæ præsidium esse positum credebant. Horum omnium corpora postea requisita, ac per noctem à mulieribus sepulta. Huius turris ruina (nam à fundamentis usque sublata erat) latè viam hostibus in arcem patefecit: neque illi, occasione tantæ rei defuerunt, iam pridem in eam spem instructi ac parati. Ex ijs qui calamitatem eam euaserunt, quatuor Lusitani venientium hostium imperum exceperunt, cæteri enim aut corporibus vulneratis erant inutiles, aut animis attonitis nondum sui compotes erant. Mascarena cum octo militibus in subsidium venit, Sacerdote Christi Crucifixi imaginem seu vexillum præferente: ac nunc singulos, nunc vniuersos magno clamore ad pugnam hortante, eius auspicijs pugnarent, qui ut omnibus vitam daret, vnus mori voluit: cuius ductu nec de victoria esse desperandum, nec mortem timendam; eo itaque animo certarent, ut qui superessent certamini, ad præclaram se victoriam reservatos putarent: qui caderent, aditum sibi ad immortalitatem per mortem factum crederent. Hæc aliaque pro loco ac

tempore clamitans, accurrentib. vndiq;, qui prope erant, pauci aduersus tantam multitudinem hostium pugnam aliquandiu sustinuerunt. Cæteri ex lapidibus ac materia turris prostratæ, murum in ruinis ducere incipiunt, ac terra iniecta velut aggerem solidare: ac præter omnium expectationem ante noctem opus confectum est, omnibus in id vnum conuersis: quod reliquam spem salutis in eo positam viderent, si hunc aditum obstruxissent. prælium nox diremit: hostes in castra reuersi, magna omnium indignatione, quod iã via in arcem patefacta, tanta exercitus, cui quatuordecim millia recentium militum triduo ante accessissent tam paucos homines omnibus malis, quæ fert bellum confectos, loco depellere nequiverint. In hoc congressu ex Indico exercitu plus minus trecenti occisi: vulnerati octingenti, aliquot è nostris inter muniendū ceciderūt: In quibus Ioannes Chirurgus egregius: cuius mortem conspectiorem fecit Isabelis Maderæ vxoris constantia. Ea erat florente adhuc ætate mater ex eo quatuor liberorum: ac summa cōcordia cum viro ad eum vsq; diē vixerat: cuius mortis cum spectatrix adesset, nō modo non lachrymis & luctui se dedit, sed mulieres se consolantes castigabat, & ad opus secum vt redirent iubebat ferebant enim omnes materiam ad aggerem struendum, ac sibi & suis

& suis liberis, si quando usus posceret, eundem exitum optabat, quo nullus possit esse præclarior. Ea nocte agger muro exæquatus est, gradusque facti. Hostibus quanquam toties depulsi, ex hac nostrorum calamitate animi aucti: & quoniam in primis cuniculis conatus illis tam feliciter successerat: alios in alias turres perducere conantur. auxilio eorum insolentiam per eosdem dies mare tempestatibus agitatum: quæ res omnem auxiliorum spem ante finem hyemis nostris ablatura videbatur. Igitur omnibus iterum locis admota tormenta: ac maiore quam vnquam antea ardore, ad oppugnationem reditum: eumque aggerem in quo Ant. Passanna præsidium agitabat, demoliri conantur: murumque aggeri iunctum tanta vi feriunt, ut eius concussus sonitus nostris suspicionem fecerit fundamenta cuniculis tentari. hunc murum cum nulla vi labefactare possent: magnam lignorum vim congerunt: ac struem pene muro adæquatam, supposito igni incēdunt: ac residēte iam flamma, ut propius adiri posset, Siphonibus aceto in saxa calentia immisso ea putrefaciunt. Inter hos conatus, quartodecimo augusti die, Antonius Monisius, & Garcia Rodericus cognomēto Tavora, in parua naucula cum paucis militibus appellunt: qui spe maioris propedem auxilij omnium animos vehementer cō-



firmarunt. Ex his enim intellectum est, Alvarum Castrum maximum natu filiorum prætoris, Franciscumque Menesium cum quinquaginta nauibus, cum quibus paulominus mille militum esset, à Goa soluisse, nec longius quadraginta millibus à Dio abesse, ad futurosque, vbi primum per tempestates liceret, se verò non sine maximo periculo ad arcem peruenisse, dies noctesque egerendis aquis fatigatos: fluctibus enim assidue in nauculam irrumpentibus vnum inuentum esse remedium, vt omnes in vnam partem versi, eò nauem inclinarét, dum exhauriretur. Interea dū deflagrat ignis: ne ab vlla parte cessaretur, cuniculus in Thomæam turrim, quā murus contingebat, perducitur. sed cum in transuersos cuniculos incidissent aditus obsepiūt: ac iniecto puluere sulfureo, igne inferūt: & ne turri deiecta ruinæ statim, vt antea factum est, munimentis obiectis obstruerentur: suos instructos propius continent, vt statim erumpere possent. Mascarenæ vbi hostem paratum ad ignem inferendum videt: suis signum dat, vt se recipiant. Ibi hostium nimia festinatione, ancipiti periculo penè vtraque pars afflicta est: nam cum transuersum cuniculum opere tumultuario male obturassent, magna vis flammæ fumi que ab ea parte erumpit: omniaq; intra arcem ad instar noctis densis tenebris operuit:

operuit: & spiritus per eam partem libere erumpens, minus validè turrim commovit: cuius pars, quæ labefactata fuerat, exterius prolapsa, hostium trecentos, qui propius steterant ad erumpendum intēti, ruina sua oppressit. reliqui nihil eorum clade deterriti, qua quisque potest, in murum euadit: ac iam Thomæam turrim pene occupauerant: cum nostri, qui per tenebras cæci in pericula ruētes in murum ascenderāt, iam rarefcente fumo, hostes conspicati, sclopetis eos adoriuntur, ac supra ducentos occidunt, reliquos deterrent. Vna potissimū res Lusitanis fuit salutis, quod hostes paucitatem eorum ignorarent, nam cum vix centum & quinquaginta essent, qui arma ferre possent: omnes tamen idoneos locos præsidij tam commodè dispositi tenebant, vt quocunque irruptio tentata esset, alij alijs auxilium ferrent. ea res fecit, vt hostibus multitudinis speciem præberent, et quanquam rationem inire nō poterāt, vnde tam sæua hyeme mari innauigabili subsidiū venisset: venisse tamen sibi persuadebant. Igitur quamquam arx multis locis diruta esset: et quæ adhuc stabant, tormētis labefactata mox ruitura viderentur, opugnatione, quam sēpe frustra tentauerant, omissa, quæ supererant diruere statuunt. et quando aliter non possent, tectorum ruina præsidium opprimere. Paucis ergo diebus

sacram ædem quæ in arce cæteris altior extabat, magna ex parte diruerant: et fastigia ac tecta reliquarum ædium deiecerant. Et quatenus in corpora scuire non poterant: in hæc impotentiam suæ iræ ostendūt. Interea omnibus ad belli munera intentis, serui tres genere Indi, siue desperata salute præsidiorum, siue melioris fortunæ spem secuti: quæ in mare arx spectat, per anfractus rupis mutuo conatu se iuuantes, in aquam delapsi ad suos pernatarunt. qui diligenter interrogati, iureiurando affirmant, nō plures sexaginta militibus in arce superesse, qui arma tractarent: cæteros qui tot prælijs superessent, ita vulneribus ac morbis esse confectos, ut potius oneri sint, quam vllum momētum præliantibus adferant. Illi, ut fert natura mortalium, proni ad ea credenda, quæ vehementer exoptabant: & qui scirent magnum Lusitanorum numerum varijs belli casibus perijisse, se mutuo exhortati, in vltimum laborem parati essent, arcemq; dirutam ac propugnatoribus vactam inuaderent, in Thomæam turrim impetū faciunt, cum ibi globū circiter sexaginta militū offēdissent, cætera propugnatorib. vacua rati, ab alia parte irrūpere conantur. cū illinc quoq; non minoris cohortis occursum, cum magna strage repellerētur: in castra reuersi, irā ab re male gesta collectā, in fugitiuos tanquam mendaces effundunt.

fundunt. Ad opera quæ cæperant perficienda reuersi, murum igne & aceto putrefactum multis in locis ferro perforant: per ea foramina complures Indos, qui in arce seruiebant, sclopetis vulnerant. hi enim ad radices muri in loco cauo, cui fossæ nomē erat, habitabant vicosq; omnes ad eum infestos fecerunt, ut nemo fere prodire in publicum, aut per arcem ministeria obire auderet. Aduersus id malum optimū Mascarenæ visum est, parietibus perforatis, omnes ædes peruias facere: ut tecti in omnes partes commeari milites tuto possent. Profuit ea res præcipue aduersus globos ex stupa & Gossipio puluere oblatos: qui in tecta ac vicos proiecti, cum magno terrore prouoluebantur, conceptum incendium late fundentes. Eodem tempore diuerso loco, ad Jacobææ turrim magna contentione vtriusque partis certatum: dum nostri transuersis cuniculis Indorum cuniculos impediunt. Eo animo aduerso, intersepto quod in medio erat spacio, Indi ignem subiiciunt: ac turrim antea labefactam ac iam pene nutantem magna ex parte diruunt. ea ruina sine damno nostrorum, ac stantibus muris tota in fossam, procubuit: sequiturq; Camelum traxit: quo potiti hostes ab ea parte nostros vehementer infestabant: & admoto à nostris camelo ipsi inuicem infestati. Erat vicina turri domus, quam cætera intacta ruina nudauerat: de ea occupanda acerrime pugnatum. Dum hostes, ei-

aditu,

aditu, qui ad ipsos versus erat. Lusitanos prohibent: tandem opere tumultuario, obiecto muro nostri eos excluderunt. multis vtrinque vulneratis, nonnullis ex Indico exercitu interemptis, certamen diremptum. Vicesima secunda Augusti die Ludouicus Mello cognomento Mendosa, & paucis interiectis diebus Eduardus Menesius Comitissæ filius, & Georgius Menesius cum octodecim militibus paruis scaphis appulerunt: classemque Lusitanam nuntiāt nō lōge abesse. Hi quia recētius aduenerāt, ad Thomæam turrīm, vbi plurimū laboris erat, missi. eius maiore partē hostes à regione, quā cuniculis diruerant, ingressi tenebāt, quos Mascarenā recēti milite fretus, continuo deiecit. Ad hunc tumultum signo dato, omnes Indorum copię ex vrbe suis subsidio aduolant: ac per tres turres continua ruina prostratas, aut semidirutas vno tempore irrumpunt. Et quia vehemens imber repente effusus vsū tormentorum ademerat, certamen ad manus venerat: hastisq; vtrinque pugnatum. multi ex nostris, sagittis fauciati: cuius teli vsus Indis vulgo est plurimus: quibus longo certamine fatigatis, ac iam se recipientibus, imbre cessante statim serenitas secuta est. Hāc occasionem nacti Christiani, è maioribus tormentis globos in confertos ordines iaculātur. Ea res latè stragem edidit. Hęc sub occasum solis gesta, cum per  
 sex

sex horas continuas pugnatum esset. post tri-  
 die huius diei Ioannes Taidæus, & Franci-  
 scus Gillus, qui duobus lembis cum triginta  
 militibus aduenerant, in arcem excipiuntur:  
 nec iam fere dies ullus erat, quin noua auxi-  
 lia venirent, quæ eo maius quam pro nume-  
 ro gaudium nostris afferebant, quanto pro-  
 pius ad interitum ventum erat. Magnum e-  
 tiam momentū delati cum his vna nauæ at-  
 tulerunt: quibus ad opera admotis, vetus  
 miles à continuo labore non nihil recreaba-  
 tur. Indis nostrorum pertinacia vnā spem vi-  
 ctoriæ reliquam fecerat: si totam arcem fun-  
 ditus diruissent. Igitur vno tempore, diuersis  
 locis cuniculos facere aggressi, iam ad murū  
 peruenerant, qui Passannæ prælidium susti-  
 nebat. is immisso igne, sua ruina turrim secū  
 traxit, sine vlla nostrorum perniciæ, qui su-  
 periorum dierum calamitatibus admoniti,  
 se in tempore receperunt intra alterum mu-  
 rum: quem id, quod euenerat, metuentes, in-  
 terius construxerāt. & hostes velut id ipsum  
 fore rati, tormentis iam antea dispositis, vt  
 nostros pro ruinis muri pugnatu-  
 ros de improviso adorirentur, ad primum ruinæ fra-  
 gorem aduersus locum iam antea animo de-  
 stinatum, magnum numerum ingentis glo-  
 borum fundunt. Ab nostris verò adeo nus-  
 quam cessatum est, vt eo die præfectus ipse  
 lapides & materiā muro struendo compor-  
 tauerit.

tauerit. Illud miraculo propius visum: quod inter tam varios hostis conatus nemo Lusitanorū eo die sauciatus fuerit. Hinc repulsi, ad Thomæam turrin occupādam animum adiiciunt. Primū pauci inter ruinas obrepentes, latus quod in fossam vergit, muri casu patefactum, ingrediuntur: complures cum id successisse viderēt, secuti, lapides comportantes muros pluribus locis transuersos ædificant: post quos tuti cū nostris, qui reliquam partem turris tenebant, æquo Marte pugnant: donec Basiliscus in æde sacra qua deiectis turribus nostri loco propugnaculi utebantur, in eos versus, eorum munitiones deiecit. Vigesimo octauo Augusti die, Aluarus Castrus, & Franciscus Menesius, cum parte classis portum ingrediuntur: ac trecentos & quinquaginta milites in arcem exponūt. Cætera classis viginti quinque nauium, vi tempestatis retro Basaimum, vnde venerat, reiecta. per totum deinde Septembrem modo singulæ, modo plures, obseruata mitiore tempestate Diuim applicant. Hac manu recepta, ac per ea loca vbi plurimum erat periculi diuisa: & laxiore iam annona, nostri spe pleni, non iā quomodo se tueantur, sed qualiter hostem offendant, consultant. Tres ergo Cameli locis idoneis per muros positi, omnia circa adeo infesta hostibus fecerunt: vt nemo citra fossas prodire auderet. Inter

eos vtrinq; spe, viribusq; satis sibi cōfiden-  
 tes, Basiliscus ingens inter ruinas iacens cer-  
 tamen conciuuit. Hunc cū rotis in terram de-  
 merfis, & fragmentis murorū impeditis no-  
 stri ad se retrahere nequirent: funes alliga-  
 runt, ne hostes cum ad se pertraherent. Hoc  
 ergo tormento strenuè defenso, & hostibus  
 cū satis magnā cæde pulsīs, qui nuper aduene-  
 rāt, sermones primum serunt, iā nō amplius  
 in ruinis velitandū, neq; cæco Marte in sub-  
 terraneis cuniculis inuicem eludere oportere:  
 enimvero aciem s̄ruendam, clara luce in  
 campum prodeundū, manūq; aperto iā  
 Marte cū hoste conserēdā: has vere Lusitanas  
 esse artes: sic hostem repellēdum potius, quā  
 expectandum, dum magis felīus, quam fuga-  
 tus sua sponte decedat. Hæc, vt cuique mini-  
 mum erat consilij, ita maxime laudare. Accō  
 debat animos præterea æmulatio: vt si penes  
 Mascarennam laus defensi præsidij esset, se  
 perfecti belli gloriā laturos. Ethostes co-  
 gnito per exploratores prætoris aduentu  
 castramuro circumducto communierant ad-  
 uersus repentinās nostrorum incursiones:  
 quorum numerum quotidie nauibus appel-  
 lentibus augeri videbant. Id nostri timoris  
 indicium interpretati iam palam in Masc-  
 rennam probra iacere; ac per eū vnum sta-  
 re dicere, quo minus obsidio cum hostium  
 clade solueretur; minari, si pugnæ signū no-  
 lic



lit dare, non defuturum in tam nobili iuuetute, quæ sequerentur: aut si reliqui pari cunctatione eam laudem negligant, se vel luteum præposituros ducem, cuius auspicijs rem gerant. Quid enim aliud Mascarennam esse quam vnum hominem, cui multi adsint virtute vel pares, vel etiam fortasse superiores? Hanc eorum amentiam auxit pugna illa de basilisco, cuius supra meminimus: hoc verò flagitium esse, si timidissimus hostis non modo ad pugnam, sed ad prædam etiam se pareret. Ita concitatis animis, ad ædes præfecti concurritur: quem vbi non compererunt, domi occultari rati, etiam ædibus minatur. Mascarenna hoc motu audito, cum Alvaro Castro & Fran. Menesio deliberat: & cum omnibus tentatis remedijs, frustra tumultum sedare conaretur, consensu multitudinis velut tempestate abreptus in posterum diem, qui primus erat Septembris prælium edicit: in arce præsidia relinquit, simul ne inter pugnam custodijs nudatam hostis invaderet, simul vt si quid aduersi, quod vehementer timebat, accidisset: facilius nostris receptus esset. Omnibus igitur ita ad pugnam animatis, paucis milites exhortatus, ne nimio pugnandi ardore, ac festinatione victoriam corrumpent: neue ordines relinquerent: in eo solo spem esse perirumpendi aduersus tantam hostium multitudinem, si conferti pugnant incant.

ineant. Hæc cum præmonuisset, Aluarus  
 Castrus, Franciscusq; Menesius primi sub si-  
 gnis progressi, in murum euadunt: ac iam in-  
 tra castra pugnabant, Indis contra acriter se  
 defendentibus. Qui secuti sunt cum murum o-  
 pinione sua altiorē cōperissent: re inopinata  
 perculsi ibi hæserunt. id enim eos fefellerat,  
 quod herba, quæ ad radicem muri lætius ex-  
 creuerat, ac humiliorem videri ex arce pro-  
 spicientibus fecerat, pedibus ascendentium  
 proculcata: murum nudauit. hac eorum cun-  
 ctatione hostes audaciores facti, cum multos  
 sclopetis vulnerarent, nonnullos occiderēt,  
 pleriq; perterriti se inter herbas occultabāt.  
 Hos Mascarenna veris probris increpans, ac  
 domi seditiosos, in acie timidos, commili-  
 tonum proditores appellans, se sequi ac mu-  
 rum conscendere iubet. Igitur rursus con-  
 globati impetu renouato murum superant:  
 ac per trāsuerfos aggerum anfractus, frustra  
 Indis repugnantibus, ad pontem perueniūt,  
 Hæc dum pro castris geruntur, hostis arcem  
 vacuam ratus superante multitudine manū  
 ad eam capiendam circummittit. Id quidam  
 è nostris conspicatus, cum parū præliij ad-  
 uersus tantam multitudinem relictum cre-  
 deret, magna voce exclamāt ab hoste arcem  
 teneri. Ad hanc vocem trepidatione per to-  
 tam aciem orta, ad arcem recurritur. Mas-  
 carenna nunc singulos reprehensans, nunc

Gg

ad vni-

ad vniuersos proclamans nihil illic esse periculi, paucos retinuit: cum quibus iterum superato muro, cum Castro Menesioque, qui primi conscenderāt, se coniungere contendit. Hæc paranti, miles occurrit, qui Franciscum Menesium, se præsentem, cæsum narrat: cadauer ab hostibus asportatum. Aluarus verò Castrus saxo, cedente ad ictum galeæ, grauitè vulneratus est. Hoc igitur recepto, ac reliquijs à fuga collectis Mascarena reuertitur, pluribus vulneratis triginta amissis. Magnum sui desiderium in primis fecerunt Franciscus Menesius genere & factis clarus, ac omnibus, animi magnitudine alijsque virtutibus charus: Franciscus Almeida, Lupus Sousa, Rodericus Fernandus, Franciscus Gulielmus. Georgius Menesius multis acceptis vulneribus modica spe vitæ, animam trahebat. Nonius Periera homo nobilis, Mascarenæque in primis acceptus, acceptis ab eo ad gubernatorem litteris, Goam, vt commodius vulnera curaret, ire instituit. verum inter nauigandum iactationem non ferens, mortuus est. Hostes hoc successu compressam nostrorum temeritatem rati, iterum Thomæ turrim aggrediuntur: nec Basiliscum modo, quem antea tentauerant ruptis funibus ad se pertrahunt: sed Leonem ac Saluagium (id quoque genus tormenti est) in ijdem ruinis compertum,

de no-

de nostris ceperunt. Turris ægrè defensa, ex-  
 teriore muro prolapso, interiore iam pro-  
 cumbente, nisi Mascarena interius agge-  
 rem obiecisset: qui ruentem sustineret. In te-  
 rea hostes opus immensum, ac prope incre-  
 dibile aggressi: latum fluminis alueum agge-  
 re constructo angustant: & quâquam flumi-  
 nis altitudine, quæ facile quinquaginta pedes  
 explebat, & maris æstu reciproco opus impe-  
 diretur: eo vsque tamen coercent: vt pontē  
 consterni posset: vt ex oppido Rumeorum  
 compendio curribus portare possent com-  
 meatus, qui antea longo circuitu circumi-  
 bant. Eodem tempore alia manus cuniculos  
 in arcem agebat: vt quæ reliqua erant ædifi-  
 cia diruerēt. Id opus eo magis properatum,  
 quod rumor erat prætorem breui adfuturū,  
 ac vnà cū eo supra tria millia Lusitanorum.  
 Rumican verò cum supra viginti quinque  
 millia militum selectissimorum in armis ha-  
 beret, tantosq; in vrbe commeatus, tātumq;  
 belli apparatus, vt vel obsidionem quâuis  
 diuturnam pati posset, non tam congrēdi  
 metuebat, quàm ne subsidiorum aduētū ob-  
 sidio arcis in longum protraheretur. Inter  
 hæc sub finem Septembris, mixtus luctu gau-  
 dioque nuncius ad Prætorem perfertur: ar-  
 cem quidē strenuè defensam. sed multos no-  
 strorum cæsos: in quibus filium ipsius Fernā-  
 dum Castrum. Ille priuato dolore suppresso

multa de Mascarenna, & militibus eius honorificè locutus, ob rem bene gestam lætus veste preciosissima indutus, equum conscendit: ac extra oppidum magno comitatu progressus, de totius belli ratione cum suis aliquandiu disseruit. equo deinde ad exercitationis militaris morem sæpius circūactō, ac libero decursu campi spacio confecto, magnam vultu lætitiā præferens, in oppidum redit. Ibi animo eius in priuato luctu tam constantem duplex casus turbauit: & funus Nonij Pereiræ, quod tum ducebatur: et nuntius de morte Frãcis̃i Menesij: Iam mitescente hyeme, prætor gnarus quam celeri opus esset subsidio, Vascum Cunnan litora legere iubet: ac reliquas ex Aluari Castri classe naues violentia ventorum dissipatas, cogere: ac Diu ducere: Mascarennam vero monere, ne omnino ante suum aduentum eruptionem tentet. ipse alias quinque naues celerimas armat (Lusitani qui soli hoc nauigij genere vtuntur, Carauellas, vocant) in hoc commeatus, puluis sulphureus, globi, ollæ, scalarum, omnisque generis ferramentorum magna vis imposita. in his item milites missi: quorum quadringenti sclopetarij erant. Eodem ferè tempore hostium aliquot naues, quæ militem ac varij generis mercem è sinu Arabico ad exercitum vehebāt, in nostros inciderunt: è quibus aliq̃ Chaulū perductæ. in

etc. in omnes nullo sexus, aut ætatis discrimine, animaduersum est. aliæ Diu pertractæ. quæ Turcicum militem ex Arabia uehebant, duce Coij Sofaris propinquo, cuius antea meminimus. Is cū pro suo capite triginta millia ducatorum offerret, plus valuit ira, quam pecunia: eius reliquorumque capita in fluuium proiecta, vt æstu per aduersum amnem relabente, in castra hostium perferrentur. Id spectaculum hosti magis atrocitate rei auxit iram, quā dāno militum, animos imminuit. Igitur proni in vltionē, in eas, quæ stabant turres, cuniculos agunt. & quāquam nostri transuersos semper obijcerēt, nō potuerūt prohibere, quo minus igne subiecto, pars aliqua murorum dirueretur. Antonij Freiri turris, quā hostes spectabat, prostrata fossam impleuerat. Ad murum igne & aceto antea solutum duo cameli admoti, per foramina eius, vicos arcis infestos fecerant, globi etiam in cisternam nonnulli missi, è qua sola nostris aqua suppetebat. Aduersus hoc malum murus alius interius celeriter obiectus: & agger excitatus, in eo Camelus, aliaque aliquot tormenta posita, hostium impetum adeo compresserunt: vt eam muri partem postea nunquā tétauerint. & cum iā arce militum plena, ollas ignitas, vt antea sæpe fecerant, è propinquo iniicere non auderēt, trabe funibus intenta ad antiquum mi-

litæ morē tormentum fabricantur: huic impositas ollas ignitas intra munimenta nostra iaculantur: multoq; plures quam antea muri partes cuniculis prostrauerant: & nostri in transuersis cuniculis non magnum esse momentum iam sæpe experti, superante multitudine nouum interius murum per totum arcis spacium construxerant, quo munimēto omnibus turribus deiectis, spem habebant ad finem hyemis duci bellum posse. Hæc agentibus, October mensis peractus est. Principio Nouembris subiectus ignis cuniculis non satis obturatis, ideoque inualidus, non adeo multum damni nostris attulit. Interea Prætor coacto exercitu, idoneam ad nauigandum tempestatem nactus, Bassaimum cum classe proficiscitur. ibi paucos dies commoratus, dum copias è vicinis locis expectat. Interea Emanuelem Limam hominem notæ virtutis, & prudentiæ, & singulari in rebus gerendis felicitate, cum paucis nauibus Surratem vsque, maritimam orâ exploratum mittit. multæ ab eo onerariæ captæ, quæ commeatus Dium ferebant. in omne genus animantium, militum ira sæuij. Sextodecimo die cum præda ad prætorem Lima reuertitur. Iam prætor omni rebus ad nauigandum comparatis, magno in primis indigenarum numero coacto ad opera faciendâ, Lima cum viginti longis nauibus

præce-

præcedere iusso, ipse cum reliqua classe vêtō secūdo Diū tendit. Ille vt iussus erat, crebris excursiōib. in terrā factis, orā maritimā latè populatur. à Bramaluci prouincia tantum vim belli abstinuit. Is principio belli, vt supra demōstratū est, à rege Cābaia, cui vectigalis erat, sollicitatus, vt Balsaimi præfidiū aggrederetur, in fide tamen nostris pacta permāsit. reliqua ora maritima flāma, ferroq; vastata: in primisq; Guzaratū prouincia, quæ tota mari vicina est. quicquid nauium inuentum est, quicquid portuum aut villarum maritimarum toto eo tractu erat, veluti continenti incēdio conflagrauit. terror etiā latius serpsit: & in interioribus continentis locis, trepidatum. Lima his, vt imperatum erat, confectis, ad Mortuorum insulam (quatuordecim millia à Dio is locus abest) ad prætorem venit. Is cum octoginta nauium classe septimo die Nouembris eò appulerat. classem in ancoris habet in statione, vnde à Dio prospici posset. Eò Mascarennam acceffit, ac habito cum eo de summa belli consilio remittit. Scalæ frequentes in arce factæ, quibus è rupe demissis milites sine trepidatione in arcem occultè acciperentur. per has triduo expositi omnes, per auersam ab hostibus partem arcis, sine tumultu ingrediūtur. quicquid erat tormentorū per muros cōmodè dispositū, in hostium muni-



menta conuertitur: quibus pars muri quæ è regione arciserat ædificata, per hos dies labefactatur. Hostes interea nostrorum consiliorum ignari, omnibus locis idoneis præsidia disponunt. ad Thomæam turrin, quæ nostros erupturos putant, intentissimas habent vigilias: ollas, picem, puluerem sulfureum, magnâ sagittarû vim, ac saxa ingétia in muros comportât. Partem murorum, quæ ad fluuium pertinebat, nouis munimentis augent: tormenta maiora eò conuehunt, vt descensum nostrorum impedirent: totum id latus quod arcem respicit, quindecim millia militû tueri iussa. septem millia Turcarum, Arabumque, & aliarum nationum, quæ bellicosiores putantur, in fronte posita ad primum impetum excipiendum, pontem fluminis per quem ad Rumæorum oppidum itur, septingentorum præsidio obtinent. Alijs circa locis ad quæ naues appellipotuerant, fossæ præaltæ factæ, ramisque arborum ac terra leuiter contactæ. Omnibus, vt videbatur, satis prouisis, tanta in suorum viribus erat Rumicani fiducia, vt paucitati nostrorum illuderet, & conatus, velut vanos, irrideret, neque quicquam minus expectaret, quam vt conserere manum secum auderent: nostris contra cum nono die Nouébris prætor in arcem venisset, tantum gaudium fuit, vt nemo esset, qui de victoria velut ambigua dubita-

dubitaret. Prætor hoc ferè pacto suos instruxerat. in nauibus nautas tantum, & calones, quos Goa & Bassaimo aduexerat, reliquerat. Hi iussi erant omnes nauculas, quæ remigio impellerentur, complere. Indi hastas erectas tenere, remiges altera manu remum agere, altera funiculos ignitos habere: amplum illis vexillum, quod prætoris esse videretur, datum. ita instructi, vbi signû quod conuenerat, accepissent, iussi tympanorum, ac tubarum quantum possent maximo edito sono, ad Iacobi Lopis turrim tendere. Ea in angulo vrbis sita fuerat super rupem in mare obuersam: quam hostes initio obsidionis, quia nullum vsum eius putabant, diruerant: vt materia ad aggeres struendos vterentur: aduētū vero prætoris triduo instaurarunt, vt propinquo portu nostros, si eò appulissent, descensu prohiberent. Arcis tuendæ cura Antonio Correx commissa. datum ad id militum quantum satis esse videbatur. Reliquus exercitus ( ad tria fere Lusitanorum millia erant ) iussi in posterum diem se ad prælium parare, ac tertia vigilia armati adesse. Cum, vt imperatum erat, conuenissent: loco magis quam cætera edito, in area arcis, vnde prospectus in omnes partes erat, Ant. Custodius Franciscanus, homo integræ vitæ, ac summæ sanctitatis opinione, sacrum orditur. eo cum magno silen-

tio peracta, cæteris tacitè subsequētibus orationis verba præit. Christū omnipotentem precatus Deū, vt suū nomē à contumelia vindicer: suam potentiam hosti superbissimè ostendat: & hanc manum, quamlibet paruum, ipsius tamē auxiliij fiducia innumerabiles hostiū copias non reformidantē, spei, votiq; sui compotem faciat: ac in hostium castra, qui ad religionē eius euertendam coniurati venerant, tumultum, terrorem, & fugam conuertat. Hæc vbi dixisset, quāquā omnium animi spe, & fiducia erecti viderentur, Prætor tamen paucis admonendos sibi ratus, silentio factō, ita exorsus est. Si magnitudo ista animi, & alacritas quam in vobis intueor, aut ex vestrarum virium nimia fiducia, aut hostium ignorantia oriretur, comprimendam potius putarem, nec in præcipitia ruentes oratione etiam impellerem. sed cum & vos memineritis Lusitanos esse, quorū maiores ingentes sæpe, non Afrorum modo, sed & Romanorum copias parua manu fuderint: & hos eosdem esse hostes, de quibus hoc ipso in loco tam præclara victoria superioribus annis parta est: nemini dubium est, quin vtrāq; pars suos animos, suos mores in discrimen adferant: alteri scilicet vincēt: alteri fugient. neque enim æqua illis, & vobis proposita sunt vel pericula, vel præmia. nobis enim victis à tergo Oceanus tempestatibus inuius,

Lusita-

Lusitania quam petamus toto terrarum orbe interiecto dislita: arx in quam fugiamus diruta: neque si incolumis sit, aliæ supersunt copiæ vnde subsidia expectemus. Illis contra pugnantibus omnia infesta: fugientibus à tergo latebræ, & spes plerisque redeundi ad suos: ad quos ut reuertantur, homines barbari, ne ignominie quidem notam reformidant. Illis ne si vicerint quidē, spes vlla emolumentī est ex vnius arcis nō adeo opulente præda: nec è liberalitate regis quicquā est quod expectent, ærario diuturna obsidione exhausto, & fide barbarorum cum fortuna mutabili. nobis vincentibus Indiæ regnū victoriæ præmium proponitur. nā & parta seruabimus, & eorum animos, qui euentum huius belli expectant, confirmabimus: & hostes ita profligabimus, ut in multos annos vires resumere nequeant. Quicquid enim apud eos virium est, in Turcarum auxilijs positum est: cum his solis, quinon multo plures sunt quam vos estis, de gloria certandum est: his profligatis, non molto facilius illi è Thracia, & Macedonia auxilia accersent, quam nos è Lusitania. nam Asiæ gentes quæ in medio sunt positæ, aut non multo Indis bellicosiores sunt, aut non minus quam nos Turcis infestæ. Vulgus vero Indorum seruituti assuetum, in præmium victori cedit. Horum itaque me-

mores

mores cum prælium inieritis, ita pugnate, tanquam sub oculis Regis Lusitanæ res geratur: qui & vestræ virtutis idem iudex optimus, & remunerator est futurus: & suum honorem, maiorum gloriam bello partam, & orientis imperium, quod in huius prælij euentu positum est, vobis absens commendat. Ita pugnate, tanquam non meo, sed dei præsentis, atque omnia intuentis ductu, aduersus eius hostes, omni iuris diuini & humani expertes dimicaturi: neque existimate eum qui mortuus est, ut nos viueremus, permissurum, ut homines impij, qui eius mortum illudunt, & potentiam contemnunt, impunè in nos insultent. nescio quid alijs visum venerit: equidem ita animo affectus sum, ut cum hoc signum intueor (Christi cruci affixi imaginem manu ostendebat) mearum virium oblitus, vel si solus irem, de victoria minimè dubitem. Extremam eius orationem cum summa alacritate militum clamor subsecutus est poscentium, ut quam primum in hostem duceret. Prætor acie intra arcem instructa, signum quod conuenerat, dat his, quos in nauibus reliquerat. Illi maiore quam pro multitudine strepitu, ut iussi erant, in portum vrbs, qui est ad turrim Loppis, ac vicina litora naues dirigunt. Hostes incerta luce, cum in prætoria naue lumen, quod pro signo solebat esse, cernerent, prætorè ipsum adesse rati: & hastæ frequētes in

in mauiculis erectæ, & ignis in funiculis passim interlucēs, speciem totius exercitus præbuit. Itaque cum magno tumultu ad mare-concursum est. Prætor ubi in castris hostilibus trepidationem sensit, apertis per silentium portis, incerta adhuc luce exercitum educit. In prima acie præerat Mascarenna cum suo milite, cuius fidem, & virtutem per tot menses expertuserat: adiecta ex reliquo exercitu Cohors quadringentorum militum. prætor cum alijs copijs paruo interiecto spacio consequitur. Præerant sclopetarij, & ea manus quæ scalas ferebat: quibus ad muros hostium admotis, Mascarennæ miles notitia loci fretus, statim in castra irrumpit: accæsis, aut fugatis his qui pro muris erant, ingentem tumultum edit. consecuti statim hastati, iam aciem intra castra direxerant. Hostium qui occurrerant non adeo multi, cum magna strage in fugam versi. nam quod virium erat in exercitu, ad mare versum erat. hi cum ex suorum fuga castra iam capta audirent, ad subsidium suis ferendum versi. alijs fugientibus, alijs, quod clamor vocabat, properantibus, totis castris tumultuatur. Indi quos res inopinata à principio perculerat, in pontis angustijs rursus conglobati resistunt: ac tormentis nostros aditu submovere conantur. Ibi, siue terror, & nocturnæ tenebræ  
hosti

hosti impedimento fuerunt, siue ut potius credi par est, præsens numinis fauor nostris adfuit, vnus tantû globus missus est: eoque vnus è Lusitanis interfectus. reliqua tormëta quater hostibus frustra tentantibus igne cõcipere non potuerunt. nihilo tamen segnius pro ponte pugnatur: nostris successu, Indis locò superiore fretis. Ibi cum aliquandiu certamen hæsisset, prætor suos nunc increpare, nunc hortari, ut antequam tota hostium vis eò se conferret, præsidia occuparent: pôte semel capto, nihil fiduciæ hosti superesse, nisi in acie, vbi haud dubiè Lusitanus superior esset. His vocib. miles admonitus, renouato impetu, è turribus hostem deiicit: nõ incruenta tamen pugna. Quadraginta enim ex Lusitanis ceciderunt. Insignis in paucis vulnorum fœditas declarat, quantis viribus pertinaciaque certatû sit. Cosmo Paiuæ gladij vno ictu femur abscissum. Vasco Fernando cum hostem pertinacius persequeretur, à tergo lorica decisa: & patefacta per vulnus vitalia. alteri quid supra oculos auresque erat è capite, à reliquo corpore ita diuisum fuit, ut non temerario ictu factum, sed arte ad ostentationem quæsitum videretur. Ponte occupato, iam omnia penes hostem in fugam spectare, vbi enim quod roboris in exercitu fuit, fustum est, Lusitani à tergo ita urgebant, ut nusquam redire in ordines, &

con-

conferre aciem sinerent. Mascarenæ miles præcipue iræ, atque odio indulsit: commilitonum tot prælijs cæforum, & longæ obsidionis mala vicisci cupidus. Itaq; quacunque irruerat, procellæ instar ingentem stragem dabat. Eius cohortis impetum Bragmines sagittarij, & hastati remorari conati, aciem ex aduerso dirigunt: ac nonnullos cæminis vulnerant: sed vbi ad manus ventum est, impetum non sustinuerunt. Per idem tempus in diuersa castrorum parte prætor summa vi turrim oppugnabat: alijsq; segnius subeuntib. ipse primus in muros euasit, sequenti Laurentio Pyro Tauora, viro fortissimo, qui nunquam à prætore discesserat. Eduardus Barbudus signifer ter vi detrusus, atque è muro deiectus, tandem pertinaciter instando irrupit: & iam pluribus ingressis summa vi, & intra, & extra certabatur. Ant. Custodius linea veste, ac reliquo sacrificij apparatu indutus, imaginem Christi manu tenens, vbi plurimum erat laboris, & periculi, eò se inferebat: & nostros quantum poterat, hortabatur. Lusitanis præcipue missilia tela, sagittæ & sclopetæ infesta erant: quibus prope obruti paulum abfuit, quin è turri recesserint. Sed vbi per cohortes conclamatum est, prætorem cum fortissima iuuentute ingressum esse: eum si paululum certamen remisissent, prodi: id verò flagi-



flagitiosum rati, sese mutuo cohortati, tanta vi irruūt, vt nulla ratione impetus eorum sustineri potuerit, Antonio Custodio vexillum Crucis præferente. Ibi cum in turba lapidis ictu brachium imaginì perfractum esset, tum palam proclamare, vt deo duce, de dei hostibus præsentis sacrilegij pœnas expecterent: ac palam truncam imaginem ostentare, vindictam spretæ religionis militibus commendare. tanto furore miles ad hanc vocem incurrit, vt momento temporis omnes propugnatores è muris deiecerit: deiectos insecutus, tota castra strage profligauerit. ne hac calamitate accepta vlla vsquam hostium manus se pugnæ obtulit: sed ab altera parte cædes, ab altera fuga fiebat. Rebus in hac castrorum parte succedentibus, iam prætor suis ad signa reuocatis ad reliquas copias delendas pergit. erant ad sex hominum millia, quæ ad Lopisturrim opposita erant, aduersus nauales copias: hi cum nostros victoria feroces, sanguinis, ac pulueris plenos, magno gradu aduentare vident, statim in fugam vertuntur: in qua cum sua ipsi multitudine impedirentur, ac tumultus nauticus speciem alterius exercitus aduenientis præberet, incerti quid peterent, aut fugerent, alij se in flumen præcipitabant, alij cæci in ipsa pericula ruebant: pauci è tanta multitudine euasere, qui pro-

primo tumultu elapsi erant diuersa castrorū regione. cæteri passim fœda strage vias compleuerant. A castris in urbem statim itur. ibi præconis voce proclamatum, ne cuiquam parceretur, pœna grauissima adiecta, si quis contra fecisset. sed militi sponte sua satis accenso nihil ea denunciatione opus erat. nam ab initio huius belli non de imperio, aut gloria, sed de interitu alterius partis, certatum erat. Itaque victi nihil sibi reliquum ad misericordiam impetrandam fecerant. passim igitur sæuitum sine vllius sexus, aut ætatis discrimine. in domibus latitantes protracti, ac iugulati in publicum proijciuntur. Præda oppidi, & castrorum in solatium tot laborum militi permissa. erat autem ea ingens, qualem in opulentissimæ gentis exercitu credere par est, qui sine vllō metu hostili, omnibus rebus suis collatis, sedes sibi perpetuas, ibi destinabant. His rebus confectis prætor equo conscenso, exercitum per oppidum, & castra in multas manus sparsum, colligit. Milites, vt quisque in notum inciderat, gaudio pleni, sese amplecti, & ad imperatorē suum concursu factō, eius virtutem, & animi magnitudinem admirari: & qua quisque poterat contingere, amplecti, alloqui, eius virtutem, & prudentiam ad cœlum laudibus ferre. Hanc tantam lætitiā auxit à Mascarenna nuntius, qui ab ea parte hostem fūsum &

Hh

fuga-

fugatum diceret. itaque omnibus locis re bene gesta, manipuli aliquot circa fossas, & ruinas murorum dimissi, qui latitantes protraherent, ac perspicerent, si quicquam vlla ex parte hostilium copiarum restitisset.

**H**ic fuit finis nobilis illius ad Diem prælij, in quo eo die cæsa octo millia hostium: ex Lāsitanis quinquaginta quinque milites partim in conflictu, partim ex dolore vulnerum, paucis post prælium diebus, expirarunt. Duces hostium cæsi: Rumican Sofaris filius, inter cæsorum cadauera vilissima veste coniectus, ac vix tandem à nostris agnitus: item Acedecan, qui pridie quam pugnatum est cum quinque millibus in castra venerat: & Fidalcan, qui Turcis, externisque auxilijs præerat, præclari in primis nominis apud suos imperator: ex regno præterea Cambaia nobilissimus fere quisque, & primæ apud regem auctoritatis. confluxerant enim in castra, ut regi gratificarentur, pleraque omnis nobilitas, tanta sui fiducia, ut non ad bellum, sed ad conuentum aliquem celebrem proficisci viderentur. Pauci capti vel nobilitatis, vel virtutis admiratione seruati. in his fuit Iuzarcan Abissin eius Iuzarcanis frater, qui in illa asperrima oppugnatione, quæ fuit vigessimis quinto Iulij, ceciderat. Tormento-  
rum

rum omnis generis ingēs vis in castris reper-  
ta, in quibus triginta fuēre inusitatae magni-  
tudinis. Qui ē tanta clade euaserunt, in sua  
quisq; oppida dilapsi. Moiatecan verēcundia  
impeditus, ad regem accedere non ausus, cū  
paucis, ijsq; magna ex parte vulneratis domū  
rediit, nonnulli in oppidum quod septē mil-  
lia à Dio abest, conuenerunt: ibi regis impe-  
rium expectaturi. E captiuis nonnulli aie-  
bant in extremo praelio humana specie au-  
gustiorē super arcis sacrarium mulierem si-  
bi visam, quē ita oculos perstringeret, ut pro-  
pe cæci in praelium ruerent: tantam quē no-  
strorum apparuisse multitudinem, ut prope  
deni in singulos Indos pugnare videretur. ita  
q; metu consternatos nūquā coire, aut aciem  
struere potuisse. Prætor hac parta victoriā,  
duos pontes diruit: quibus insula continenti  
iungebatur: ac magno numero operarum ad-  
hibito ad rudera purganda, totam denuò ar-  
cem multo quam antea firmiorem ædifica-  
re aggressus, primus ipse operi manum ad-  
mouit: cuius exemplum reliquis secutus ex-  
ercitus. Saucijs curandis curam diligenter  
adhibet. qui vulneribus ita debilitati erant,  
ut militare in posterum non possent, Bassai-  
mum missi: agri ibi assignati. reliquis militi-  
bus pro cuiusque virtute præmia data: com-  
plures in equestrem ordinem relati qui inter  
honores militares amplissimus habetur. Hęc

Hg z

sunt.

443 COMMENT. DE REB.  
sunt, quæ ad hunc diem de secunda obsidio-  
ne Dij comperta habemus: quæ Olisiponem  
ad IOANNEM tertium inuictissimum Lu-  
sitaniæ Regem, anno salutis nostræ. 1547.  
mense Augusto perlata, quanta  
potuimus fide retu-  
limus.

F I N I S.



